

Digitized by the Internet Archive in 2016 with funding from Wellcome Library





DAVIDIS MACBRIDE;

MEDICINE DOCTORIS,

INTRODUCTIO METHODICA

IN

THEORIAM

ET

PRAXIN MEDICINÆ



DAVIDIS MACBRIDE,

MEDICINE DOCTORIS,

INTRODUCTIO METHODICA

IN

THEORIAM

ET

PRAXIN MEDICINÆ.

EX LINGUA ANGLICA IN LATINAM.


CONVERTIT

JOH. FREDERICUS CLOSSIUS,

A. L. M. PHIL. & MED. D.


Societati Scientiarum Harlemensi adscriptus.

TOMUS I. PARS THEORETICA.



B A S I L E Æ,
Apud JOHAN. JAC. FLICK.

M. DCC. LXXXIII.





ξ

PRÆFATIO AUCTORIS.

IBRORUM, in quibus medicinæ præcepta traduntur, tanta jam proftat multitudo, ut qui novum illis addat, fuperfluum laborem fufcipere videatur, præfertim, fi nihil propemodum amplius, quam aliorum ferinia compilet: quod quidem eos, qui theoriæ & praxeos medicæ confpectum generalem pollicentur, facere non tantum oportet, fed plane necesse est.

Sed quum tironum rationibus quam maxime conducat, præcipuas materias, ex probatis auctoribus felectas, commodaque methodo digeftas, proponi; plura autem fyftemata obfoleta, quædam justo spatiosiora, vel male disposita, alia contra nimium compendiaria, vel obscura sint: haud falso suspicari nobis videmur, novum quoddam systema nonnullo cum applausu excipi ita dignum esse, si naturæ consentaneum, nec nimis longum, aut breve, & eo dicendi genere conscriptum sit, ut ab omnibus, necesfaria rerum anatomicarum, physiologicarum ac pharmaceuticarum, notitia prius instructis, facile intelligatur.

Præsens opus summam præsectionum, Du-

blini a nobis habitarum, continet, atque ex duabus partibus constat.

Prior, five theoretica, fundamenta, quibus ars fuperstructa est, exponit, hujusque notionem generalem sic tradit, ut, qui medicinam solum tamquam partem philosophiæ naturalis legunt, ea contenti esse possint. Dividitur in septem libros.

In primo corpus humanum generatim defcribitur, & fumma œconomiæ animalis exhibetur.

In fecundo analysis morborum, conspectusque generalis status morbosi continetur. Analysis illa sit, symptomatum, sive partium, morbos componentium, naturam, causas, atque essectus, seorsim examinando.

In tertio oftenditur, quomodo fymptomata morbi essentialia ab adventiciis atque extraordinariis distinguantur, sicut etiam, quomodo morbi fecundum methodum systematicam in classes, ordines, genera, & species, digerendi sint.

In quarto ordinum natura speciatim investigatur, singulique in genera sua dividuntur.

In quinto præcepta traduntur de pulsu ac respiratione, de sanguine, urina, aliisque excrementis, quatenus pro signis adhibentur, ex quibus morbi statum præsentem cognoscere, vel eventum præsagire liceat.

In fexto ea pars medicinæ, quam scriptores systematici Hygienen nominant, sive generalis sanitatem tuendi methodus, breviter delineatur.

In feptimo denique therapia generalis proponitur.


Pars posterior, sive practica, singulas morborum species describit, earumque curationes tradit. Dividitur in duodecim libros, ex quibus
novem tantum nunc prodeunt, reliqui autem
sequentur, si hos, qui jam sunt editi, eruditis
non plane displicuisse intellexerimus: quorum
quidem judicio lubentissime nos permittimus,
& tum errorum, qui irrepserunt, tum præcipue repetitionum, quæ in tali tam longo opere
parum caveri possunt, veniam enixe ab iis petimus.

Constitutum ab initio nobis erat, auctorum, quos per totum opus adhibuimus, testimonia adducere. Sed perpetuæ istæ citationes Lectorum attentionem interpellant. Qua de causa, ubi tironum, in quorum potissimum usus hic liber conscriptus est, non multum intererat scire, qui singularis alicujus distinctionis, aut facti, aut opinionis, auctores essent, istius generis notas sere omisimus.

Si quis, in librorum medicinalium lectione versatus, has paginas percurrere dignabitur, is, quæ ex prioribus auctoribus huc transcripta sunt, facile recognoscet, nosque per Sauvagesh maxime Nosologiam methodicam, librum eximium, fed nimis multorum voluminum, minutisque, & maximæ tironum parti inutilibus, distinctionibus luxuriantem, profecisse intelliget.

Dublini,

die xxvIII Jan. M. DCC. LXXI.



$I \quad N \quad D \quad E \quad X$

LIBRORUM ET CAPITUM, PRIMA HAC PARTE CONTENTORUM.

LIBERI.

Descriptio generalis corporis humani, & summa œconomiæ animalis capita..

CAP. I. Corpus humanum in tria systemata di- visum, & conspectus generalis partium soli-	
darum pag.	. 1
CAP. II. Conspectus generalis partium fluidarum.	8
CAP. III. Vires, corpus humanum animantes.	17
CAP. IV. Motus systematis vascularis, nervosi,	•
ed cellularis	21
CAP. V. Actiones, a facultatibus animalibus ap-	
petendi, cognoscendi, El loco movendi, pro-	
ficiscentes	30

L I B E R II.

Analysis morborum.


CAP. I. Conspectus generalis symptomatum, sive partium, morbos componentium. . . . 34


CAP. II. Quomodo cause morborum distinguan-	
tur pag.	39
CAP. III. Descriptio specialis status motuum ani-	
malium, unde sanitatis absolutæ conditiones	
dependent	42
CAP. IV. Calor animalis immodicus, tamquam	
symptoma generale, sive affectus morbojus sim-	4.4
plex, confideratus.	44
CAP. V. Frigoris nimii sensus, tamquam affectuum morbosorum simplicium species conside-	
ratus	50
CAP. VI. De nausea, ejusque causis & effectibus.	55
CAP. VII. De siti, ut symptomate generali, sive) /
affectuum morbosorum simplicium specie.	57
CAP. VIII. De dolore, ejusque causa proxima,) [
E necessariis effectibus.	59
CAP. IX. Pruritus, tanquam affectuum morbo-	, ,
sorum simplicium species consideratus	62
CAP. X. Agrypnia, tamquam affectuum morbo-	
sorum simplicium species considerata	63
CAP. XI. De somnolentia, sive morbosa ad som-	
num proclivitate	65
CAP. XII. De auxietate, sive sensu oppressionis	
pracordiorum	66
CAP. XIII. De spirandi dissicultate, ejusque cau-	-
sis S effectibus	68
CAP. XIV. Debilitas, tamquam affectuum mor-	
bosorum simplicium species considerata	
CAP. XV. De spasmo	
CAP. XVI. De insensibilitate, sive anasthesia.	76
CAP. XVII. De sensibilitate nimia, sive by-	
perajihesia.	78

CAP. III. Febrium in genera divisio pag.	153
CAP. IV. De crisi febrium, & diebus criticis.	155
CAP. V. Generalis descriptio & theoria inflam-	
mationis.	159
CAP. VI. De variis modis, quibus inflammatio	
terminari potest, resolutione, exsudatione, sup- puratione, gangrana, scirrho	166
CAP. VII. Profluviorum theoria, & divisio in	
genera	172
CAP. VIII. Dolorum spasmorumque theoria ge-	
neralis, & divisio in genera	175
CAP. IX. Debilitates & privationes, earumque	
genera	182
CAP. X. Anhelationes, in genera divise	183
CAP. XI. Mentis morbi, eorumque genera.	184
CAP. XII. Cachexia, five morbi humorales, ea-	
rumque genera	186
Tabula, genera morborum universalium ex-	
hibens	189
CAP. XIII. Ordines morborum topicorum, in	
genera divisi, horumque descriptiones	191;
CAP. XIV. Genera morborum sexualium & in-	
fantilium	200
Tabula, genera morborum topicorum, sexua-	
lium, E infantilium, exhibens	204
LIBER V.	
Camiologia Gan doctaina Ganagana	
Semiologia, sive doctrina signorum.	
CAP. I. De signis morborum in universum.	210
CAP. II. De fignis ex pulsu.	213

•	ĭ	N	D	E	X.					IIIX
CAP. III. De sig	gnis	ex	respi	ratio	110.	 p	e1	pa	ıg.	220
CAP. IV. De fa	gnis	,]	ysten	1a 116	2700	ใแบ	P	rti	17-	
batum indica										224
CAP. V. Signa										226
poris externi										
CAP. VII. Signa										
CAP. VIII. Sign										
CAP. VIII. Sig										
CAP. IX. Signa que, & ana	i es cath	c a. arli	ivi e	XCYCi	neni	725 ,	v	mi	711-	220
CAP. X. Summ										
CAP. 22. Sumin	ııs P	1031	iojiic	07 11111	, 111	11	JCK	AI.	10.	441
			•							
I	. 1	I	3 E	R		V I				
Generali	is si	mit	atein	tue	ındi	me	etho	du:	s.	
CAP. I. Quomo	do a	valei	tudin	arii	le ge	rere	e de	bea:	nt.	262
CAP. II. Quom					-					
agendum sit.										
								•		•
T.	7	'n	70	D	7	. r T	т			
L	1	В	E	R	,	V I	1.			
¢	T	vera	epia ,	gene	ralı	s.				
CAP. I. Therap	oia	gene	eralis	1110	t111	111	Suff	P1111	vt.ic	,
vascularis in	ord	inat	orun	1, /1	pecil	atin		iten	to-	
					•					
CAP. II. There	pia	gen	ierali	s 171	0 <i>t111</i>	em	Syst	enic	itis	
vascularis re	miss	oru	n, v	el in	tern	ıi∬o	run	1.		289
CAP. III. Ther	apic	ge.	neral	lis m	otu	um	ino	rdi	11a-	
torum system	atis	1167	rvoli							292

CAP. IV. Therapia generalis, ad materias noxias	
in primis viis corrigendas, & integritatent	
universa humorum massa restituendam adhi-	
benda pag.	297
CAP. V. Methodus singulas secretiones & excre-	
tiones augendi, nimiasque cohibendi	301





INTRODUCTIONIS METHODICÆ

THEORIAM MEDICINÆ

LIBER I.

Descriptio generalis corporis humani, & summa œconomiæ animalis capita.

CAPUT I.

Corpus humanum in tria systemata divisum, & conspectus generalis partium solidarum.

De Edicina in eo versatur, ut varios illos morbos, qui mortalium genus affligunt, vel præcaveat, vel levet, vel tollat. Nemo autem, qui salutari huic prosessioni nomen dedit, officii sui partes rite implere potest, nisi corporis humani fabricam, & economiæ animalis in sanitate absoluta rationes, prius exploratas atque perspectas habeat. Ex quo sequitur, ut cos, qui animum ad medicinam discendam appellunt, prima studiorum initia semper ab anatomica & physiologia auspicari oporteat. Sed quum Lectores nostros disciplinis illis, aditum ad ipsam artem præmunientibus, jam instructos esse ponamus, nihil aliud in præsentia faciemus, nisi brevem aliquem conspectum, ac necessarias quasdam divisiones, exhibebimus.

Corpus humanum, quum fabricam ejus per se, sine figura, positura, & connexione, singulis organis propria, consideramus, non, quod antehac facere consuerunt, in duas tantum partes, solidas & fluidas,

Tom, I,

sive continentes & contentas, sed tripertito potius dividendum esse existimamus, sic, ut totum in systema vasculare, nervosum, & cellulare diducatur.

Per fystema vasculare omnis illa corporis humani portio intelligitur, quam tubi, sive canales continui, sanguine aliisque humoribus crassioribus repleti,

componunt.

Systema nervosum partem cerebri medullosam, & medullam spinalem, cum omnibus chordis ac filis, quæ ab utraque oriuntur, & tenuissimo quodam li-

quore irrigari creduntur, complectitur.

Ad fystema denique cellulare omnes illos poros, omniaque illa cava dissepta, limpha & oleo plena, referimus, quæ varie inter se intextis vasis filisque nerveis, & fibris lamellisque solidis, ea colligantibus, fiunt, atque ita reliquam corporis humani fabricam absolvunt.

Hac divisione simul & solidas & sluidas partes comprehendimus, eoque ipso difficultatem veros utrarumque limites constituendi evitamus. Ante vero quam ulterius progrediamur, aliquam partium soli-

darum distinctionem facere oportet.

Fila nervea, utpote propria motuum fensuumque instrumenta, solidorum vivorum appellationem consecuta sunt: quam ipsam vasculari quoque systemati tribuere non dubitamus, siquidem omnes & singulæ ejus partes in perpetuo motu constitutæ sunt, ac sluida, virium quarumdam, substantiæ, latera vasorum constituenti, insitarum ope, per canales propelluntur.

Viva appellantur hæc folida, ut distinguantur a concreto illo non organico, quod ossium, ligamentorum, & cartilaginum substantiam maxima ex parte essicit, itemque ab inertibus illis sibris ac laminis, quæ ungues & cuticulam formant, vasculaque minuta ac sila nervea connectunt, atque hac ratione innumeros poros & cava exigua intermedia relin-

quant, que omnia cadem generali systematis cellula-

ris appellatione concluduntur.

Solida igitur dividuntur in solida viva, & solida inertia. Solida viva sunt ea, ex quibus systema vasculare & nervosum constat: solida autem inertia, que partes duriores formant, ac systema cellulare majore ex parte constituunt.

Singulatim nunc in uniuscujusque systematis na-

turam & limites inquiramus.

SYSTEMA VASCULARE.

Systematis vascularis centrum cor est, hoc est, omnes tubi, sive canales, systemate vasculari comprehensi, sluida vel ex corde in reliquum corpus

diducunt, vel ex hoc in illud revehunt.

Quamquam omnis motus animalis a fystemate nervoso proficisci videtur, & cor, æque ac quivis alius musculus, tantisper dumtaxat agere potest, quoad nexus cum nervis, ipsum adeuntibus, integer manet: necessarium tamen est, ut systema vasculare a nervoso distinguatur. Apparebit enim, quum naturam morborum investigatum ibimus, fieri posse, ut, etiamsi insignis quædam ataxia in altero incidat, alterum tamen exiguam, vel omnino nullam, experiatur.

Systema vasculare omne arteriarum, venarum, sinunm, ductuum, & vasorum absorbentium genus comprehendit, atque in vasa circulatoria, secernen-

tia, excernentia, & absorbentia, dividi potest.

Ad vasa circulatoria referimus omnes arterias, quæ ab aorta & arteria pulmonali ortæ, universum sanguinem per corpus distribuunt, omnesque venas, quæ retrorsum slexæ, & cum duobus illis magnis sinubus venosis coalescentes, eumdem revehunt, atque ita perpetuum ejus circuitum conservant.

Per vafa fecernentia omnes illos minutos variorum organorum tubulos intelligimus, qui fecretioni ac-

A 2

commodati sunt, variique generis humores ab uni-

versa massa separare atque percolare statuuntur.

Per vasa excernentia eos tubos, sive ductus (hoc enim vocabulo frequentius insigniuntur) significamus, qui pariter ad secretionis organa pertinent, atque hoc munere sunguntur, ut humores separatos avehant, & vel ad receptacula propria, in quibus nonnullis ex iis deponuntur, deserant, vel ex corpore excernant.

Vasa absorbentia tubi, valvulis instructi, sunt, vehentes sluida, quæ ex superficie corporis externa, ex omnibus cavis amplioribus, viscera continentibus, ex horum ipsorum viscerum superficiebus, ex universo systemate cellulari, atque ex canali cibali, absorbende reconstructions.

sorbendo receperunt.

Fluida, quæ a vasis absorbentibus recipiuntur, omnia, vel certe pleraque, ad canalem illum, quem ductum thoracicum nominant, deferri putantur, unde in venam subclaviam sinistram, atque hinc admodum celeriter in dextram cordis auriculam essunduntur.

Vasa absorbentia duplicis generis sunt: alia lactea, quæ a canali cibali orta, & per mesenterium pergentia, chylum ad commune ipsius receptaculum deserunt; alia valvulosa limphatica, quæ ab omnibus reliquis locis, unde vasa absorbentia oriri diximus, nata, limpham, aliosque liquores tenuiores, variis illis superficiebus & cavis contiguos, qua pori bibuli ad eos recipiendos hiant, resorbent.

SYSTEMA NERVOSUM.

Quemadmodum systematis vascularis centrum cor est, ita pro nervosi systematis basi cerebrum habere possumus.

Quum in morbis quibusdam musculorum quidem vires funditus exhaustas, sentiendi autem ac perci-

piendi facultates integras, & contra in aliis musculos thipendo robore pollentes, omnes autem fenfus Impressos observare liceat: duos nervorum ordines, unum perceptioni maxime ac fensationi accommodatum, sensuumque internorum & externorum organis infervientem, alterum cum musculorum fibris commixtum, jure meritoque constituere nobis videmur.

Antiquissimis jam temporibus Physiologi nervos hunc in modum distinxerunt, magnam sententiæ fux probabilitatem inde accedere opinati, quod chordarum nervearum aliæ contextum firmiorem ac duriorem, alize molliorem pulpzque similem exhibeant. Illas ad musculos potissimum, has ad sensuum organa excurrere censuerunt. Sed accuratioribus observationibus cognitum est, hunc distributionis modum neutiquam esse perpetunm, neque inter nervos, qui ad fensuum organa pertineant, & eos, qui per musculorum fibras distribuantur, quidquam differentiæ materialis vel a perspicacissimo corporis humani scrutatore detegi posse. Una enim quæque chorda nervea, si satis ampla sit, positumque ad experimenta, in animalibus vivis capienda, opportunum habeat, tenuem quemdam liquorem, qui proximum motus, æque ac fensus, instrumentum est, continere, vel transmittere invenitur.

SYSTEMA CELLULARE.

Breviter hactenus percurrimus folida viva. Sed omnia illa vaforum genera, quæ vel a corde oriuntur, vel in co definunt, itemque omnes illæ chordæ, vel fila nervea, quæ a cerebro, vel a medulla spinali, descendunt, quantumvis varie inter se conjuncta, disposita, vel implexa, in universum tamen præterea fibris quibusdam ac lamellis connectuntur atque colligantur, quæ a folidis vivis in eo diffe6

runt, quod omnis & sensus & motus expertes sunt? Hoc mechanismo vita sanitasque animalium confervari potest : id quod fieri non posset, si omnes fibræ corporis solida viva, & cellularis systematis folida eadem movendi atque fentiendi facultate prædita essent, qua ea, quæ systema vasculare ac nervosum constituunt. Varia enim sunt, que si nervis, & vasis, tactui atque irritationi opportunis, admoveas, motus horum perturbent, vel forte interrumpant, in systematis autem cellularis cavis, inter folida inertia, hanc fabricæ animalis partem componentia, si collocentur, omni omnino noxa careant. Sed rei hujus uberius illustrandæ occasionem passim infra habebimus, ubi de origine ac progressu morborum quorumdam disseremus. Apparebit enim, fluida in systemate cellulari vel stagnare, vel depravari posse, neque tamen solidorum vivorum motus inordinatos inde fieri.

Accipe igitur, quam animo comprehendendam esse existimamus, solidorum inertium sormam!

Solida inertia non folum cas partes corporis conftituunt, quæ neque nervos, neque vafa habent, ut cuticulam ejusque continuationes, ungues, pilos, magnam partem substantiæ offium, cartilaginum, ligamentorum, tendinum, ac membranarum tenuium, sed etiam hoc officio funguntur, ut solida viva ubique inter se connectant, quælibet vascula minuta & fila nervea colligando. Quumque in omnibus partibus corporis, iis, quas diximus, exceptis, innumerabilis nervorum vasorumque, omnem oculorum aciem fugientium, multitudo sit: tamen, si rationibus, ab analogia petitis, disputemus, minimosque ramos ac fila, truncis & chordis, sub oculos cadentibus, similia statuamus, dubitari non potest, quin transversas illorum sectiones circulos esse oporteat. Atque hinc necessario conficitur, ut, si inter se intexta, vel contigua sint, in universum

17

poros cavaque exigua habeant interjecta. Ex quo intelligere licet, quamvis nonnullæ corporis partes fint, quæ & nervis & vasis careant, hoc est, solida non viva, nullum tamen in tota sabrica locum esse, quo systema cellulare non porrigatur, & ubi solida

aliqua inertia non fint admixta.

Systema cellulare in universum per totum corpus extendi, neque ullam ejus regionem esse, ex qua non via in quamvis aliam pateat, satis abundeque demonstrare nobis videntur morbi, qui emphysema & hydrops ava oagra appellantur. In priori aer elasticus, late dissus, & a poro ad porum, a cellula ad cellulam, progressus, usque ad intimos corporis recessus penetrat: in posteriori latex aquosus tenuis codem modo sepius universam corporis superficiem inundat.

Cava systematis cellularis in sanitate vel limpha, vel oleo, repleta sunt, adeoque in duas partes, unam limphaticam, alteram oleosam, sive adiposam,

diduci debent.

Prioris partis poros & cava exigua semper sic concipi oportet, quasi unicuique vel minimo vasculo,
exilissimæque fibræ nerveæ, interjaceant. Posterioris
contra cellulæ minus late patent, siquidem oleum
animale, sive adeps, semper in distinctis loculis, vel
vesiculis, collocatur.

In quacumque corporis parte fluida oleosa necessaria sunt, peculiaris quidam apparatus est, qui ea contineat, & ne ultra, quam œconomia animalis requirit, diffundantur, impediat. Quod nisi esset, oleum istud, libere per systema cellulare vagans, & quaquaversuns se diffundens, casdem noxas, quas aqua in hydrope ava σάρκα, vel aër elasticus in emphysemate, crearet.

CAPUT II.

Conspectus generalis partium fluidarum.

RETER canalem cibalem, & arteriam asperam cum ipfius continuationibus, quas aër, corpora nostra ambiens, occupat, omnes in universo corpore canales, omniaque cava, vel fanguine, vel humoribus, a fanguine separatis, vel chylo, repleta funt.

Nullus itaque latex animalis est, quin aliquo ex tribus his generibus contineatur. Singulatim de uno-

quoque breviter exponemus.

SANGUIS.

Sanguis, dum calet, & ex valis fluit, unam coloris rubri ac firmitatis speciem exhibet, tactu glutinofus & tenax : refrigeratus autem, amissa natura fluida, in coagulum abit, cujus, pro corum, quibus de-

tractus est, varietate, varia est firmitas.

Coagulum hoc paucas post horas, serius citiusve, (pro aeris enim statu, aliisque conditionibus, quarum indicandarum opportunitatem deinceps habebimus, spatium hoc longius, vel brevius est) ab omni superficiei suæ parte non nihil humidi exsudat, quod, paulatim auctum, in laticem aquofum colligitur, tam copiosum, ut ccagulo a pateræ, qua exceptum fuit, lateribus sejungendo sufficiat, idque, tamquam infulam, circumfluat. Latex ille feri, coagulum autem rubrum cruoris, five crassamenti, nomine infignitur.

Serum in homine sano plerumque coloris expers, alias flavum, interdum subviride est. Cruoris pars fumma, prout hominum, e quorum venis sanguis mitsus est, ætas, sexus & sanitas variant, variant

firmitatem, variosque colores exhibet.

Serum, sicut albumen ovi, alcohole, vel spiritu aliquo minerali acido, mixtum, aut calori, gradum centesium sexagesimum scalæ Fahrenheitianæ superanti, expositum, in coagulum abit: alioqui liquidum manet.

Cruorem peculiaris quiedam substantia, sanguinem colore rubro tingens, & limpha, quæ, quod sponte coagulatur, coagulabilis a Physiologis nominata est, component. Limpham hanc coagulabilem a parte rubra duobus modis separare licet, vel sic, ut sanguis, recens detractus, scopula agitetur, ubi limpha, brevi tempore in coagulum abiens, virgis adhærescit, membranæque sirmæ subalbidæ, ex sibris inter se intextis compositæ, speciem exhibet, vel sic, ut frustum aliquod cruoris colo immittatur, eique subinde aqua assundatur, donec, omnibus particulis rubris ablutis, nihil, nisi substantia sibrosa subalbida, relinguatur.

Naturam materiæ hujus colorantis, quæ a sero limphaque coagulabili ita separari potest, neque Chemici, neque Physiologi, adhuc perspexerunt. In hoc uno omnes consentire videntur, rubrum sanguinis colorem non dependere a coalitu sex globulorum serosorum, sive slavorum. Fovit hanc opinionem summus BOERHAAVIUS, LEEUWENHOECKII, ni sallor, auctoritate abreptus, qui quidem microscopiorum sucroritate abreptus, qui quidem microscopiorum sucroritate abreptus, qui quidem microscopiorum sucroritate abreptus, qui quidem compactis, glossis, qui disjuncti slaveant, in unum compactis, glossis, qui disjuncti slaveant, in unum compactis, glossis

bulum rubrum effici.

Sanguis igitur pro liquore, ex globulis diverse magnitudinis, serie constanti decrescentis, composito, habitus est. Globulum enim serosum ex sex globulis limphaticis, limphaticum ex sex aliis, etiamnum minoribus, constari, seriemque istam hac ratione progredi, dum ad liquorem omnium ultimum ac tenuissimum, hoc est, liquorem nerveum, deveniatur.

Ex Boerhaavii sententia etiam vasorum diametri serie constanti ita decrescunt, ut globulorum magnitudini exacte respondeant. Sed hæ opiniones nunc quidem sere explosæ sunt. Quamvis enim, quæ nos adhibemus microscopia, Leeuwenhoeckianis multo perfectiora sint, nemini tamen neque coalitum illum sex globulorum, neque vasa, serie illa constanti, quam Boerhaavius sinxit, decrescentia, adhuc observare licuit.

Nonnulli Physiologorum partem rubram sanguinis ex oleo potissimum, sive materia inslammabili, constare putant: alii autem eam sero residuo, aut substantia fibrofa, quam limpha coagulabilis efficit, magis inflammabilem esse, plusve olei sub destillatione largiri, negant. Illustrissimus HALLERUS ferrum, in terra fanguinis contentum, præcipue cum particulis rubris connexum esse suspicatur. Neque a vero admodum aliena videtur hæc conjectura, si fidem habere liceat experimentis, quæ Cl. Buchwaldus, Medicinæ Professor Hafniensis, in singulari de rubro fanguinis colore disputatiuncula, anno 1762, edita, cum eruditis communicavit. Crassamenti albi, a particulis rubris lotione penitus liberati, frustum cum aliqua salis alkalini fixi portione in calcem redegit, massam hanc in aqua dissolvit, dissolutæque aquam, in qua alumen folutum fuerat, affudit. Sed nihil inde mutatus est color. Rubri autem crassamenti frustum quum cum fale alkalino fixo in calcem redegidet, massæque dissolutæ alumen solutum addidisset, protinus color in cæruleum mutatus, & pigmenti illius, quod cæruleum Prufficum, sive Berolinense, appellatur, ferrique præsentiam certissime demonstrat, portio quædam deposita est. Unde Cl. Buchwaldus, rubrum sanguinis colorem a particulis ferreis, cum ipso remixtis, repetendum esse, concludit.

Si consideremus, ferri mineras ubique sere per abdita telluris diffusas esse, metallumque illud parti-

cularum falinarum, æque frèquentium, ope in aqua facillime diffolvi, & cum hac commixtum, non tantum ab animalibus bibi, sed etiam in plantarum, quibus aluntur, succos penetrare: hæc igitur si consideremus, non amplius mirum nobis videbitur, serri

vestigia in sanguine reperiri.

Facit ad confirmandam hanc sententiam, quod eorum, qui remediis, e servo parratis, utuntur, sanguis semper sloridus evadit. Sed utrum hoc servo, quod sanguini ita admiscetur, an motui, quem medicamenta illa nunquam non augent, potius tribuendum sit, adhuc dubitari potest. Pro majore enim minoreve vasorum actione & robore, sanguinem magis minustre subere, constanti observatione compertum est.

Materia, sanguinem rubro colore tingens, cum reliquis, quæ sanguinem constituunt, partibus comparata, valde quam exigua est, siquidem ab uno illius grano mille aquæ puræ grana perspicue tingi

consueverunt.

Diximus hactenus de iis partibus, in quas fanguis fua sponte discedit. Sed Physiologi, quo accuratius ejus naturam explorarent, atque elementa, quæ hunc liquorem, æque ac totam reliquam substantiam animalem, constituunt, cognoscerent, chemiam in subsidium vocarunt. Fatendum autem est, sanguinis elementa per analysin chemicam nec vera, nec prorsus sincera, obtineri posse. Neque tamen nulla est analyseos utilitas, quum de mutationibus, quæ in componendis & coagmentandis sluidorum animalium particulis insensilibus contingunt, perspicue loqui nos doceat.

Quum enim fluida animalia ex diversis particulis infensilibus, attractionis electivæ vi præditis, conftent, has tamquam mixta chemica considerare licet, unde varia & multiformia composita constari possint.

Quandoquidem analyseos chemicæ momentum tam parvum est, ut Medico vix quidquam inde in suos ægrorumque usus convertere liceat, nihil sere aliud saciemus, nisi elementa illa, in quæ sanguis, accedente ignis violentia, resolvitur, enumerabinus.

Prima, fanguinem constituens, pars aqua est, eademque omnium facile copiosissima, non in sanguine tantum, sed in his ctiam corporis partibus, in quibus magna siccias, duritia, atque soliditas apparet. Ossa exsiccata, & tam diu asservata, donec a ferri duritia proxime abessent, sub destillatione cam laticis aquosi copiam dimiserunt, quæ dimidium illorum pondus æquaret.

Altera pars terra est, quæ, postquam omnia ascenderunt ac dissipata sunt, remanet, ignisque & aquæ actioni resistit. Quosdam Physiologos si audias, ab hoc elemento substantiæ animalis firmitas, soliditas & cohærentia dependet. In ea terra, quam sanguis, destillationi subjectus, relinquit, exigua calx metallica invenitur, quæ, commoda enchiresi

adhibita, in ferrum reduci potest.

Tertia pars sal est, isque partim fixus, cum terra in cucurbitæ sundo remanens, partim volatilis, una cum aqua & oleo inter destillandum ascendens.

Quarta pars oleum est, quod in homine sano octa-

vam circiter fanguinis partem efficit.

Quinta denique pars aër est, qui, nisi in administrando destillationis apparatu summa cautio adhibeatur, in totum avolat. Quod elementum quum in durissimis solidissimisque substantiæ animalis partibus maxime abundet, sactum est, ut complures illud pro coagmentante illo principio haberent, a quo firmitas & cohærentia in primis dependeret. Aer hic fixus, qui non, nisi igne violentissimo, a corporibus separari potest, vel ab iis, dum sponte resolvantur, avolat, nunquam cum illo aëre consundi debet, qui cum sanguine remixtus, vel in corporum solidorum poris constitutus est, atque in vase recipiente antiæ pneumaticæ exhausto sese expedit.

Ex analysi itaque chemica manisestum est, sanguinem, pariter ac solidam corporis humani substantiam, ex partibus aquosis, terrenis, salinis, oleosis, sive inflammabilibus, & aeriis, componi.

HUMORES SECRETI.

Omnes humores secreti a sanguine in variis corporis partibus, colorum, sive organorum quorumdam,

hunc in finem constructorum, ope separantur.

Quædam horum fluidorum tam tenuia funt, ut fub fenfus externos non cadant, adeoque, nifi argumentis, ab analogia petitis, probari nequeant: alia craffiora funt, & analysi chemicæ aliisoue investigandi modis subjici possunt.

HUMORES CRASSI.

Humores crassi a nonnullis Physiologis in classes distributi sunt, divisique

1) in aquosos, in quibus pars sanguinis aquosa

abundat;

2) in mucosos, in quibus pars fixior, sive terrena, præter cæteras evidens est;

3) in gelatinofos, in quibus limpha coagulabilis

præcipue manifesta est;

4) in oleosos, in quibus principium inflammabile

maxime conspicuum est.

Fortassis hæc divisio non admodum exacta est: sed, quum meliore adhuc careamus, eam sequemur, universam humorum secretorum crassiorum massam, tamquam illa comprehensam, contemplaturi.

Humores aquosi in universum lentore & tenacitate destituti sunt, evaporatique non coagulantur, nec

notabile residui momentum relinquunt.

Referentur huc perspirationis materia, urina, lacrimæ, humores oculorum, latex, in glandulis salivalibus separatus, & succus pancreaticus.

14 SUMMA ŒCONOMIÆ

Humores mucosos lentor distinguit. Saporis, maximaque ex parte odoris, ac coloris expertes sunt, cum aqua facile miscentur, sed neque calore, neque assussis acidis mineralibus, aut spiritibus ardentibus, in coagulum abeunt, igne adhibito evaporati, magnam residui copiam relinquunt.

Ad hanc classem pertinet mucus ille, qui oris, narium, faucium, arteriæ asperæ, omniumque ejus ramorum, per pulmones dispersorum, partem internam oblinit, itemque universum, qua patet, canalem cibalem, organaque uropoetica, & partes uteri

ac vaginæ internas, lubricat.

Semen in mucosis humoribus numeratur: sed articulorum unguen, mucusque ille, quem tendinum vaginæ continent, simul & gelatinosæ & mucosæ indolis sunt.

Humores gelatinosi in sanis lentore ac tenacitate carent, nec, quod ad suidam naturam attinet, quidquam ab aquosis discrepare videntur: calesacti autem, velut albumen ovi, coguntur, & spiritibus ardentibus, acidisve acrioribus, mixti, in sloccos grumosque coëunt.

Limpha, quæ in vasis limphaticis valvulosis invenitur, humor gelatinosus est, manisesto argumento, hunc laticem eum esse, qui partem systematis cellularis occupet, atque omnia cava ampliora irroret.

Liquor gastricus & intestinalis, qui ex poris, in tunica ventriculi atque intestinorum interna hiantibus, stillant, gelatinosi humores sunt. Eodemque a nonnullis Physiologis etiam amnii liquor, cui setus

innatat, relatus est.

Humores oleosos natura inflammabilis potissimum distinguit, ad eosque omne olei animalis genus, sive adeps, sive medulla appelletur, pertinet. Humores isti, quemadmodum supra jam indicavimus, secundum naturam semper distinctis cellulis, vesiculisve, buic usui accommodatis, coërcentur,

Humoribus oleosis cerumen aurium annumeratur, itemque bilis & lac. Sed posteriores, dubito, an satis proprie illuc referantur, siquidem elementum oleosum in neutro præ ceteris abundare invenias.

Horum humorum aliqui, tamquam supersui, vel esseti atque inutiles, ex corpore eliminantur, quæ excrementa appellant: cæteri, in varios œconomiæ animalis usus, in canalibus, vel receptaculis, reservantur. Eorum, qui reservantur, alii in perpetuo motu sunt: alii, vel in cellulis & vesiculis, vel in cystibus, huic usui proprie inservientibus, depositi, quiescunt ac stagnant.

FLUIDA TENUIA.

Fluida tenuia, quæ, licet ob oculos poni non possint, animo tamen a Physiologis concipiuntur, duo sunt, unum limpha nutricia, alterum liquor nerveus.

LIMPHA NUTRICIA.

Veteres Physiologi laticem quemdam tenuissimum, nutritioni inservientem, statuerunt, cui cambii nomen indidere, quemque per carnium, quas vocarunt, porositates distribui finxerunt.

Recentiores pariter limpham quamdam tenuissimam, nulli humorum secretorum, quos supra recensuimus, assinem, statuunt, quæ, nutritionis officio sungens, particulas, jacturam reparantes, contineat,

folidisque corporis partibus adjiciat.

Liquor hic, five, ex Physiologorum quorumdam sententia, idem est, qui nerveus, sive sui generis, quandoque corpori nutriendo adjicitur, non soli parti internæ vasculorum minutorum, in quibus perpetua sui est, sed poris potius atque interstitiis cellulosis, in quacumque corporis parte obviis, adjici haud falso videtur.

Nonnullas enim partes, nominatim cuticulam, ejulque continuationes, ungues ac pilos, valis deltitutas elle novimus: at easdem tamen nutriri, & destructas, vel abrasas, celeriter renovari, videmus: id quod fieri non posset, si materia nutriens vasorum dumtaxat, ipsam diducentium, jacturæ reparandæ adhiberetur.

Qui per universum, qua patet, systema cellulare obtinet consensus, dubitare nos non sinit, quin particulæ nutrientes, si liquori tenuissimo innatent, per omnes corporis partes facillime diffundi possint.

LIQUOR NERVEUS.

Quamquam nihil est, quod, nerveum aliquem liquorem este, demonstret, nec modus, quo nervi ab ipso imbuantur, definiri potest: tamen, si insignem illam sanguinis, per cerebri vasa circumeuntis, copiam consideremus, dubitari profecto non potest,

quin secretio aliqua ibi contingat.

Soli nervi ductus illi excernentes funt, qui sub oculos cadunt, sed, utrum liquor in tubulis minutis vehatur, an secundum fila, ignis electrici modo, deseratur, perobscura questio est, quam ad liquidum unquam perductum iri, sperare vix licet. Satis est, in universum nos scire, sensum motumque dependere a libera transmissione rei cujusdam, que, a cerebro profecta, per nervos ad sensum organa, singulasque musculorum fibras, progrediatur.

CHYLUS.

Unus ille, adhuc commemorandus, liquor animalis chylus est, quem vasa lactea a canali cibali recipiunt, ubi ex variis rebus, quas in cibum ac potionem adhibemus, conficitur. Hæ enim, cum saliva, bile, cæterisque succis, quos pancreas, ventriculique & intestinorum tunicæ largimutur, commixtæ, peculiarem quamdam sermentationem subeunt, quæ

digeltio, five concoctio, appellatur.

Fermentatio hac liquorem illum, de quo agimus, generat, qui, a vasis lacteis absorptus, per ea ad ductum thoracicum defertur, atque hinc in venam subclaviam sinistram effunditur. Neque tamen universus, quo vasa lactea scatent, liquor chylus est, fed ex parte aqua, cum solutis iis substantiis, qua sinb digestione mutari non potuerunt.

Atque ita conspectum generalem trium illorum fyllematum exhibuimus, quæ conjuncta machinam

animalem componunt.

CAPUT III.

Vires, corpus humanum animantes.

Xusu loquendi, inter scriptores medicos recepto, corpus machina nominatur. Sed Lectores nostri motuum, quos illud perficere potest, explicationem ex principiis mechanicis frustra exspectabunt. Quod si enim ad ea, quæ hac in parte tentata adhuc atque agitata sunt, vel leviter attendamus, sieri sane non potest, quin, omnes istius generis explicationes vanas atque fallaces esse, pro verissimo nobis constet.

Systema nervosum, quod proximum sensus, æque ac motus, instrumentum esse videtur, ab anatomica investigatione tam longe remotum est; ut magnas agere nugas merito suo censeatur, si quis ratiocinia mechanica ad hanc sabricæ humanæ partem applicet. Quod autem ad systema vasculare attinet, quamquam plures ingeniosissimi viri in dimetiendis vasorum diametris, cordisque & arteriarum viribus ad calculum exigendis, assiduam collocarunt industriam: tamen, si reputemus, quantopere ea, quæ inde con-

Tom. I. B

cluserunt, inter se discrepent, dubitare vix possumus, quin omnes isti labores perparvæ rei suerint.

Sed quemadmodum nonnulli Physiologi principiis mechanicis eo usque abutuntur, ut parum absit, quin hominem in meram machinam convertant: sic e contrario alii, omnia ad animam referentes, incuriosi esse videntur mutationum, quæ in motibus animalibus ita contingunt, ut a voluntatis imperio non de-

pendeant.

Accidit antem hîc, quod in plerisque controversiis accidere solet, ut, rem justo longius persequendo, a veri via deslectant. Quamvis enim sieri non
possit, ut principii illius immaterialis, intelligentis,
atque immortalis, quod in nobis est, quodque animam vocamus, essentiam & naturam intimam comprehendamus, aut, quomodo id agat, vel patiatur,
cognoscamus: dubitare tamen non licet, reciprocum
animæ & corporis commercium esse, motusque animales ab iis rebus, quæ solam mentem assiciant,
æque mutari posse, atque ab his, quæ proxime in
corpus incurrant.

Plerique morbi, quibus corpus humanum obnoxium est, a mutationibus, quas res, proxime in corpus agentes, efficiunt, nascuntur. Atque hinc medicinæ potestas, siquidem artis hujus auxilio sæpe corporis statum mutare, atque ita motus inordina-

tos, in illo incidentes, componere possumus.

Medicina effectus suos edit partim per vires, quas Physiologi inanimatas nominant, partim per peculiarem quamdam proprietatem, quæ irritabilitas *) appellatur, fibrisque animalium motricibus insita est.

*) Quum irritabilitas mobilitatem fibrarum necessario involvat, pro peculiari quadam proprietate eam haberi, necesse non est.

Virium inanimatarum appellatione omnes ex vires

comprehenduntur, quæ in partibus solidis coliærentiam efficient, vel in sluidorum particulis insensilibus varios illos motus intestinos excitant.

Ut animæ, ita harum quoque virium, essentia & natura intima Philosophis ignota est, qui nihil aliud certo sciunt, nisi vires illas existere, pluribus materiæ generibus inesse, humanaque arte vel cohiberi, vel incitari posse.

Vires hæ in universum attractio & repulsio electiva nominantur, quod particulæ quasi eligendi facultate, qualia attrahant, vel repellant, præditæ esse

videntur.

De irritabilitate nihil dicere possumus, nisi proprietatem elle, fibris animalium motricibus insitam, nec tale quid in vita vegetabili observari, nisi proprietatem, plantis sentientibus insitam, ad irritabili-

tatis indolem accedere, concedamus.

Per hanc proprietatem fibræ musculares, & eæ, ex quibus vasorum, canalium, ac receptaculorum, tunicæ contextæ sunt, sua velut sponte moveri conspiciuntur, alternis vicibus sese contrahentes & relaxantes, etiam tum, quum exsectæ atque a corpore sejunctæ sunt, admotisque variis rebus, motus earum cohiberi, vel incitari potest.

Demonstrarunt hoc experimenta numerosissima, a pluribus auctoribus vulgata, ex quibus, generalem humorum in systemate vasculari circuitum, nec non etiam varias illas excretiones, motumque peristalticum totius canalis cibalis, ab irritabilitate potissimum

dependere apparet.

Hæc proprietas pariter pro necessario motus voluntarii sundamento habetur. Etenim, si comparatione uti liceat, anima singulos, aut plures musculos, nisi sibræ eorum in universum irritabiles essent, movere non magis posset, quam musicus sonos ex sidibus elicere, nisi harum nervi essent elastici.

Atque, si in ista similitudine pergendi venia detur?

motus & actiones vivorum animalium cum sonis musicis comparari possunt, qui omnes ab instrumentorum, certa ratione constructorum, atque ex materia, certis proprietatibus internis prædita, consectorum, & virium externarum, instrumenta illa moventium, conjunctione nascuntur. Animam enim a corpore ac proprietatibus, materiæ id componenti insitis, æque distinctam nobis repræsentare debemus, ac musici manum ab instrumento, quod movet.

Quemadmodum modulationis musicæ perfectio a peculiari instrumenti mechanismo, a materiæ, id componentis, statu præsenti, quod ad elasticitatem, cæterasque proprietates, attinet, & a musici solertia, conjunctis, dependet: sic actionum animalium perfectio a corporis sabrica, ab irritabilitatis viriumque inanimatarum statu præsenti, & a peculiaribus ani-

mæ viribus, consociatis, repetenda est.

Si instrumenti musici fabrica manca, vel læsa est, aut si materiæ, id componentis, proprietates internæ impersectæ, vel turbatæ sunt, incondita erit musica, & nemini non displicebit, etiamsi musicus omnem adhibeat solertiam. Simili ratione, si corporis animalis sabrica manca est, aut si materiæ, unde componitur, proprietates internæ turbatæ sunt, actiones inordinatæ atque impersectæ erunt, tametsi anima omnes suas vires peculiares impendat.

Conjuncta igitur principii intelligentis, virium inanimatarum, & irritabilitatis opera, omnis illa motuum atque actionum varietas in corpore vivo per-

ficitur.

Naturæ vocabulo, quod scriptores medici toties usurpant, virium illarum summam significamus, atque hoc sensu a natura œconomiam animalem administrari, fanitatem corporis conservari, & morbos sepe sanari dicimus.

CAPUT IV.

Motus systematis vascularis, nervosi, & cellularis.

MDICATIS viribus, quæ consociatæ corpus animant, sequitur, ut earumdem, simul agentium, motus atque actiones exponamus.

MOTUS SYSTEMATIS VASCULARIS.

In systemate vasculari motus satis evidentes sunt, & demonstrationem admittunt: in nervoso autem ex analogia dumtaxat, atque essectuum observatione, argumentari licet.

Cor, uti systematis vascularis centrum est, ita pro primo ejustem motore non sine veri specie habetur.

Cor majore irritabilitate, quam quivis alius in toto corpore musculus, præditum est. Motus ejus in
alternis contractionibus & dilatationibus (fystolen &
diastolen nominant) consistit. Sub fystole sanguis
ex ventriculis expellitur: sub diastole autem ab auriculis sinubusque venosis recipitur. Sed, præter hos
motus, tertins observandus est, subsultans, quo apex
cordis subrigitur, & costas ferit: id quod manus,
sinistro pectoris lateri admota, perspicue sentit.

Motus hic fubfultans codem temporis articulo, quo fystole, contingit, nec, nisi robore propemodum exhausto, cessat. Sed, ubi vires vitæ insigniter fractæ atque debilitatæ sunt, sentiri vix potest, & fola systole manet, quæ ventriculis evacuandis, vitæque ad aliquod tempus prorogandæ, sufficit.

Motus subsultans, ex recentioris cujusdam scriptoris *) sententia, toti systemati arterioso inest, ab

^{*)} In Actis Academiæ regiæ scientiarum Parisi-

eoque arteriarum pulsatio præcipue derivanda est, quæ cordis pulsationi tam exacte respondet. Corde enim valide agente, valida est arteriarum pulsatio, & contra debilem cordis pulsationem debilis quoque arteriarum actio comitatur. Unde, quam utilis sit pulsuum exploratio, apparet.

Quum theoriæ mechanicæ inter Physiologos præcipue dominarentur, multi Viri ingeniosi eas adhibuerunt ad æstimandum cordis robur, ac pondus, cui exæquando illud in contractionis momento par

statui posset.

Sed, si reputamus, quantopere summæ, ab iis subductæ, inter se disserant, dubium nobis esse plane non potest, quin omnes istæ supputationes vanæ atque inanes sint.

BORELLUS liquidis rationibus demonstrasse sibi visus est, vires cordis ponderi 180000, librarum

næ anni 1765, exstat commentatio de causa pulsationis arteriarum, auctore de Lamure, in qua Vir clarissimus, commemoratis antiquiorum ac recentiorum Physiologorum de causa pulsationis arteriarum sententiis, contra opinionem vulgo receptam probare conatur, causam pulsationis arteriarum non in hoc uno sitam esse, quod arteriæ a repentino pressus lateralis in tunicas ipsarum cedentes incremento, sanguinis, in eas impulsi, columnis continenter succedentibus, dilatentur, sed totum canalem loco suo moveri, ad similitudinem motus subsultantis cordis.

Concedit, arterias eodem tempore dilatari, quo cor contrahatur: sed probat, ab hac dilatatione vehementem illum ictum, qui pulsum constituat, non proficisci, incrementumque diametri tam exiguum esse, ut neque sub aspectum, neque sub tactum, nisi in vasis majori-

æquales esse: Kerrit autem calculus vim cordis sinis-

tri ad pondus quinque unciarum depressit.

JURINUS robur universum quindecim libris & quatuor unciis, TABOR centum & quinquaginta libris, Halesius quinquaginta circiter libris & uni æquale statuit.

Similis differentia occurrit, si calculos examinemus, ad quos sanguinis velocitatem, vel copiam, exegerunt, sic, ut istre res, ad pondus vel mensuram relatæ, semper exiguam tantum probabilitatem

habituræ esse videantur.

Summa illa irritabilitas, qua cor omnes reliquos musculos superat, facultatem ipsi præbet motus suos redintegrandi, etiam tum, quum actio ejus cessasse visa est. Atque hinc vera intelligitur methodus homines, aqua vel reste susfocatos, in vitam revocandi, quæ huc redit, ut sanguis, in auriculis sinubusque venosis stagnans, in motum

bus, veniat, quum tamen arteriarum valde exiguarum, velut harum quæ intestinorum tunicas perreptant, pulsatio & conspici, & tangi possit, adeoque motui vibranti totius canalis, non soli dilatationi, sive diametri incremento, tribuenda sit.

Argumenta atque experimenta, quibus receptam opinionem oppugnavit, satis probabilia sunt: modum autem, quo arteriæ locum suum mutent, explicare frustra tentavit. Nihilominus fententia ipsius vera esse potest, siquidem eadem dissicultas motum cordis subsilientem premit. Nemini dubium esse potest, quin cor subsiliat, & costas feriat: sed quis Physiologus hujus rei rationem unquam reddet?

Summa commentationis LAMURIANÆ exhibetur in Monthly Review, Volum. XLI. pag.

518.

cieatur, atque ita in ventriculos propulfus, cor sti-

mulet, ejusque contractionem resuscitet.

Ab eadem hac summe irritabili cordis natura major illa febrium, quam quorumvis aliorum morborum, frequentia repetenda est. Quivis enim stimulus, vel in sanguine generatus, vel in ipsum illatus, vix potest, quin cordis atque arteriarum actionem frequentiorem excitet.

Spatia, inter singulas contractiones media, sicut etiam virium, a corde impensarum, magnitudo, prostatu habituque vel animi, vel corporis, variant.

Quum animus lætitia, vel ira, agitatur, cordis motus celeres ac fortes funt: quum ille autem mœrore, vel metu, deprimitur, hi tardi & debiles obfervantur. Eodemque modo res se habet in reliquis animi affectibus, quorum unusquisque peculiarem in systematis vascularis motus potestatem habet.

Quo ab infantia propius absumus, co cordis motus frequentiores sunt: quo longius ætate provehi-

mur, eo rariores evadunt.

Infantis semestris arteria intra sexagesimam horæ partem centies & decies, viri autem quinquagenarii non amplius, quam sexagies & quinquies, vel sep-

tuagies, pulsat.

Feminæ, si cætera sint paria, pulsum frequentiorem atque perturbationi opportuniorem, quam mares, habent. Quamobrem in artis exercitio semper sollicite cavere debemus, ne quid ex cordis motibus ante decernamus, quam ætatem, sexum, corporisque habitum, probe distinxerimus. Magna enim hominum pars pulsum insigniter frequentem, vel rarum habet, & bona tamen valetudine fruitur.

Vis arteriarum contractilis a duabus causis dependet, primum a fibris muscularibus, unde tunicæ illarum contextæ sunt, quas æque irritabiles, ac cordis carnem, este, experimenta docuerunt, deinde a natura elastica peculiaris cujusdam substantiæ, quæ

arteriarum tunicas ex parte constituit. Conjunctæ hæ vires esticiunt, ut arteriarum tunicæ codem temporis articulo, quo cordis vires deminuuntur, sibi restituendis, atque ita sanguini ad corporis periphe-

riam propellendo, sufficiant.

Etti fanguinis per arterias motus magnam partem a cordis, tamquam centri, viribus depender, his tamen non in totum adscribendus est. Sæpius enim observare nobis licet, sanguinis velocitatem interdum ab assectibus, animum commoventibus, interdum a stimulis, corpus lacessentibus, in singulis vasis, a corde remotioribus, augeri. Et posteriori quidem momento, sicut infra videbimus, inslammationis theoria potissimum nititur.

Superest aliud momentum, eidem theoriæ illustrandæ inserviens, quæ vis derivationis ab Illustristimo HALLERO appellatur, esticitque, ut, vi resistendi in tunicis vasis cujusdam sanguiseri, sive arteriæ, sive venæ, per apertionem, rupturam, aliove modo imminuta, vel sublata, torrens sanguinis semper ad

partem illam non resistentem ruat.

Vis motus, quo vafa minora prædita funt, quique vim cordis adjuvare videtur, ut circuitus in iis fystematis vascularis partibus, quæ a centro longius absunt, promoveatur, motus oscillans vocatur.

Hic ipse motus etiam in secretionis organis locum habere, circuitumque in vasis secementibus atque excernentibus promovere statuitur. Sed vasa hæc tam exigua, & in partibus glandulosis tam varie disposita atque constructa sunt, ut magnitudo motus in singulis organis vere æstimari non possit. Plurimum eam differre, ex hoc manifestum est, quod nonnullas secretiones magna cum velocitate, alias cum insigni tarditate sieri observamus. Pariterque evidens est, motus in vasis secernentibus atque excernentibus eadem ratione, qua in sanguiseris, non minus ab iis rebus, que animam assiciant, quam

ab his, quæ proxime in corpus agant, mutari posse. Affectibus animum perturbantibus, vel certis rebus corpori admotis, secretiones accelerari, vel retardari, quotidie observamus.

Quamquam nullus humor, qui a fanguine secernitur, apparatum sibi proprium non habet: tamen, si qua secretio impediatur, alia quædam maniseste au-

getur, ut æquilibrium fervetur.

Apparet itaque, in tribus illis systematis vascularis partibus, hoc est, vasis circulatoriis, secernentibus, & excernentibus, motus a vi cordis vel primum oriri, vel magno certe opere adjuvari. In vasis autem absorbentibus motus sluidorum contentorum unice a vasorum vi dependere oportet, excepto illo subsidio, quod musculorum atque arteriarum adjacentium pressus lateralis affert.

Et lactea vasa, & valvulosa limphatica, summe irritabilia esse, experimenta, in animalibus vivis sacta, demonstrarunt. Unde colligere licet, vim sluida, in ipsis contenta, propellendi ab illorum irritabilitate esse repetendam. Sed vasa absorbentia ab animæ vi sola minus sacile affici posse videntur,

vasculare constituunt.

MOTUS SYSTEMATIS NERVOSI.

quam tria reliqua vaforum genera, quæ fystema

Persecuti sumus illam solidorum vivorum partem, cujus motus evidentes sunt. Alterius partis, quam systema nervosum constituit, motus non, nisi con-

jectura probabili, nituntur.

Experimenta, in comprimendis vel dissectordis nerveis animalium vivorum facta, satis abundeque demonstrarunt, per hæc fila tenuem quemdam liquorem transmitti & distribui, qui a cerebro descendat, ac saltem non modo indubium & necessarium sensus motusque voluntarii instru-

mentum sit, verum etiam corpori vivo robar sup-

peditet.

Sed utrum hic liquor in minutis tubulis contineatur, an secundum filorum solidorum tractum deseratur, Physiologi prorsus ignorant. Iidemque nec modum, quo liquor nerveus moveatur, nec proportio-

nem, qua distribuatur, se nosse profitentur.

Statuunt omnino, fystema nervosum, dum vita maneat, in perpetuo motu vibrante constitutum esse, non tali quidem, qualis in chordis elasticis obtineat, quas inter & nerveas ne minima quidem intercedat similitudo, sed tali, qualis in sinist elasticis. Sed hæc certe, sicut quævis alia de nervis theoria, mera conjectura est. At quum talis conjectura nihil absurdi habeat, ex eaque minimum de nervorum morbis, quos infra explicituri sumus, perspicue disseri possit, motum illum vibrantem in chordis nerveis ponere non dubitamus, per quem sensus organa & motus instrumenta idonea evadant, in quibus anima vires suas exerceat.

Quod si motum hunc vibrantem, perpetuamque liquoris nervei distributionem, admittamus, æquum & verum est, ut motus systematis nervosi secundum naturam æquabiles, moderatos, atque liberos esse dicamus, perinde ac systematis vascularis motus in sanitate absoluta tales esse, pulsus nos docet.

BAGLIVUS & HOFMANNUS, cum discipulis suis, primum systematis nervosi motum ad duram matrem, sicut vascularis ad cor, referunt, ac membranæ isti vim alternæ contractionis & dilatationis tribuunt, quæ liquorem nerveum eodem, quo cor sanguinem,

modo propellat.

Sed, si membranam istam, cujus sabrica nihil musculosi habet, quæque tot locis cavæ calvariæ adhærescit, vel obiter adspicias, dubitare prosecto non potes, quin exercendæ huic vi plane impar sit. Duplex omnino universi cerebri elevatio atque subsidentia est, quam observare licet, si, parte aliqua calvarize remota, dura mater digito deprimitur. Ita enim cerebrum, quoties cor in systole est, assurgere, sub diastole autem subsidere videbimus: idemque, dum animal spiritum emittit, attolli, dum attrahit, sub-

mitti apparebit.

Per totum systema nervosum generalis quidam, quem vocant, consensus obtinet. Quocirca sepenumero animadvertimus, motum sensumque excitari in partibus, quæ a nervis affectis remotæ sunt, neque ullum cum iis nexum habere videntur. Hic consensus ovuaddeuav constituit. Sic capitis ictus ventriculum turbat, ejus motum invertit, ac vomitum provocat: & contra saburra noxia, ventriculo incumbens, vehementem capitis dolorem movet.

Quomodo variæ illæ συμπάθειαι fiant, Physiologi non magis explicare possunt, quam quæ sit nervorum fabrica intima, quæ siquoris nervei natura, quaque

ratione is moveatur.

Quum singulorum morborum naturam investigabimus, præcipuas συμπαθείας, prout a Medicis expertis observatæ suerunt, indicabimus, siquidem nexuum horum notitia saeem nonnunquam præsert in dirigendo remediorum usu, non item in explicandis morborum causis. Quod si enim, exempli gratia, caput ob συμπάθειαν cum ventriculo dolere dicas, & alter ex te quærat, quid sit συμπάθεια, respondere te oportet, συμπάθειαν esse partis alicujus in corpore vivo assectionem, quæ alins cujusdam partis assectionem consequatur, atque ita conficitur, caput ideo male assectum esse, quia ventriculus male assectus sit. Quorsum omnis, quam hujus modi disputatio asserre potest, utilitas redit.

MOTUS SYSTEMATIS CELLULARIS.

Restat, ut motus, in systemate eellulari contin-

gentes, consideremus.

Quum folida, quæ fystema cellulare eompouunt, penitus inertia, omnique illa motus spontanei vi, quæ folidis vivis inest, earere videantur, necessarium est, ut motus, quo fluida in hoe systemate propelluntur, quantus quantus est, a vasorum simphatieorum valvulosorum vi absorbente, oleoque & limpha, per poros, in variarum corporis partium superficie, hiantes, exsudante, proficiseatur.

Vis gravitatis attrahens, si non prorsus nihil, certe perparum, in sinda systematis vascularis potest, quæ contra pondus æque libere, atque, eo consentiente, moveri videas. Neque effectus illius in cellularis systematis sluida, dum corpus sanum est, & bene valet,

admodum eonspieui sunt.

Sed, ubi robur deficit, eireuitusque humorum debilis ac languidus evadit, tum vasa absorbentia officio suo negligentius fungi, & fluida systematis cellularis accumulari, deorsum labi, atque in artubus inferioribus, ac partibus eorporis declivibus, deponi incipiunt. Hinc pedum œdemata in senibus, & his, quos morbi, victus pravus, vel evacuationes

profusæ, debilitarunt.

Omnes hi motus, de quibus hactenus diximus, ad eum fluidorum animalium motum pertinent, quo ab una vaforum, vel cavorum, ferie ad alteram transferuntur. Sed præter hunc motus intestinus est, ad eum, quem fermentationis, efferveseentiæ, atque ebullitionis nominibus designant, aliquantum accedens, qui in particulis insensibus obtinet, ac fluida ad ingentem novorum compositorum varietatem formandam idonea reddit.

Motus hic intestinus in succis vegetabilium vivo-

rum demonstrari potest, in quibus quum partes continentes motus spontanei vi, ad modum irritabilitatis, in sibra animali conspicuæ, destituæ sint, circuitum sustentare videtur. Nec dubium est, quin similis motus intestinus ad circuitum in vasis animalium minoribus, tam longe a corde remotis, sustentandum faciat, &, stimuli vice sungens, solida viva irritet. Itaque in corpore animali motus in orbem redit, solidis vivis sluida propellentibus, hisque vicissim vasa, quibus continentur, stimulantibus.

CAPUT V.

Actiones, a facultatibus animalibus appetendi, cognoscendi, El loco movendi, proficiscentes.

MNIA animalia viva tres facultates habent, quarum gradus proportionesque pro ordinibus, quos CREATOR illis assignavit, differunt.

Facultates hæ sunt facultas appetendi, sive desiderandi, facultas cognoscendi, sive res objectas dis-

tinguendi, & facultas loco movendi.

Homo quum inter res, in hac terra creatas, principem locum obtineat, iis facultatibus præditus est, quæ cæterorum animalium, rationis expertium, facultates longissime superent. Corpus ejus, quod ad totum attinet, ita constructum atque concinnatum est, ut vel persectissimis horum corporibus antecellat: anima autem actionibus tam excelsis edendis sufficit, ut in reliquis animantibus, hominis dominationi subjectis, nihil par, aut secundum, reperire liceat.

Factum hinc est, ut Philosophi facultates in inferiores, que homini cum mutis animalibus commu-

nes sunt, & superiores, que ipsi proprie sunt, confessione illum primatum tribuunt, dividerent.

Utramque facultatum speciem variis distinxerunt appellationibus: sed instituti nostri ratio non requirit, ut ad singularum enumerationem descendamus, neque physiologia aliud postulat, nisi ut varias illas corporis actiones consideremus, quæ vel voluntariæ sunt, vel sponteneæ, vel mixtæ.

Voluntariæ actiones ex sunt, quæ, a ratione & voluntate proficiscentes, cum majore minoreve deli-

beratione atque conscientia exercentur.

Spontaneæ actiones eæ sunt, quæ ex instinctu & appetitu profluunt, nec rationis ac voluntatis imperio subsunt. Hoc genus sine conscientia atque deliberatione sit.

Mixtæ actiones eæ sunt, in quibus difficile dictuest, utrum rationis, an instinctus, appetitus, au

voluntatis, partes potiores sint.

In omnibus his actionibus, sive voluntariis, sive spontaneis, sive mixtis, semper considerare debemus, ad eas perficiendas in statu habituque corporis, tantumdem momenti situm esse, quantum in statu habituque animæ; cujus cum corporis organis commercium tamarctum mysteriique plenum est. Tres enim illæ facultates, appetendi, cognoscendi, loco movendi, quæ omnium actionum animalium scaturigines sunt, a rebus corpori admotis, æque facile, atque a vi mentis, afficiuntur.

Ita, ut exemplo admodum vulgari de appetendi facultate utamur, hominis, inedia pæne confecti, fed herbæ nicotianæ ufui non affueti, ori folium hujus plantæ ingere, &, elapfa duodecima horæ parte, famem non amplius fentiet, ac, quum modo cibis avidiffime inhiaffet, naufea nunc, vel ipfo vo-

mitu, afficietur.

Ista appetitus mutatio a mutationibus, in corpore factis, necessario proficiscitur, tamets, quales hæ

fint, definire non liceat. Pone jam rursus, samelicum istum herbam nicotianam non attigisle, sed eo ipso temporis momento, quo prandium capturus est, de morte carissimi atque intimi cujusdam amici nuntium afferri: statim sames cessabit, neque is de cibo cogitabit, donec motus animi turbulentus, quem inexspectatus iste nuntius conciverat, tranquillatus suerit.

Hic appetitus mutationem a mutationibus, in mente factis, atque ab ea ad corpus translatis, oriri, riccesse est.

Sed tanta est vis consuetudinis, quam quotidiana experientia demonstrat, ut, si quis in usu herbæ nicotianæ persistat, quantameumque inde nauseam initio senserit, brevi tamen post urbil amplius mutationis, aut turbarum, experiatur. Tuto igitur affirmare nobis licet, si sieri possit, ut singulis diebus tristis quidam, aut lætus, nuntius nobis afferatur, haud ita longo temporis spatio suturum esse, ut a neutro posthac magnopere commoveamur.

Consue udo, ne actionum, quas exsequimur, conscii simus, & tandem, ut ipsæ illæ actiones, quæ pro voluntariis habentur, sub voluntariis imperio esse de-

sinant, efficit.

Atque hæc præcipua ratio esse videtur, cur cordis & organorum, respirationi inservientium, actiones, quamdin saciles atque æquabiles sunt, sine nostra

illarum conscientia perficiantur.

Quum cor ab ipsis vitæ primordiis in motu constitutum suerit, actio hujus musculi ex toto spontanea evadit, neque sistendæ, aut regendæ ejus, potestas voluntati relinquitur. Sed musculorum, respirationi inservientium, nonnulli in actionibus mere voluntariis versantur, ac voluntati obtemperare consueverunt. Quare hæc actio animæ imperio quadamtenus obnoxia est, tametsi penitus eam hoc modo sistere, in potestate nostra non sit, propter summam anxieta-

tem, quam interruptio ista pareret. Hæc enim sentientis illius atque intelligentis principii, corpori juncti, proprietas est, ut, turbatis, vel intermissis, aliquibus majoris momenti motibus, protinus molestiam sentiat.

Hîc igitur generales morborum fontes observare possumus. Atque hæc, summatim proposita, sufficiant de statu œconomiæ animalis in sanitate absoluta, quæ omnes animæ corporisque vires, ætati, sexui, & constitutioni, convenientes, plene, ac sine ullo doloris, aut molestiæ, sensu exercendi facultas est. Status contrarius morbus dicitur.



INTRODUCTIONIS METHODICÆ

IN

THEORIAM MEDICINÆ

LIBER II.

Analysis morborum.

CAPUTI.

Conspectus generalis symptomatum, sive partium, morbos componentium.

IXIMUS de his, quæ sanitatem constituunt. Progredimur ad pathologiam, hoc est, eam medicinæ partem, quæ, semota singulorum morborum ratione, de statu morboso generatim atque universe exponit.

Ad naturam morborum si attendas, eos semper in uno atque altero molestiarum, vel debilitatum, genere consistere intelliges. Si quem enim, quocumque morbo laborantem, examines, nunquam de una tantum re, sed de pluribus, quæ male ipsum habeant, conqueretur.

Unaquæque harum rerum, singulatim spectata, a

Medicorum filiis symptoma appellatur.

Atque hinc intelligi potest, quid ii scriptores sibi velint, qui morbum symptomatum, inter se connexo-rum, concursum esse dicunt.

Symptomata vel generalia funt, vel topica: eadem

vel alterutri sexui, vel infantiæ, propria sunt.

Symptomata generalia funt debilitates, dolores &

molestiæ, quæ, totam machinam afficiendo, uni-

versam oconomiam animalem perturbant.

Symptomata topica funt vitia, quæ singulis tantum corporis organis, vel partibus, insident, nec univerfam œconomiam animalem interrumpunt, aut perturbant.

Symptomata sexualia sunt molestiæ, debilitates, & vitia topica, quæ ab organorum, sexus distinguentium, sabrica diversa, rebusque utrique sexui proprie adjunctis, dependent.

Symptomata infantilia funt affectus morbosi, qui in folis infantibus, recens natis, vel dentientibus,

incidunt.

Quum methodus analytica, res in partes constituentes, quousque sieri potest, resolvens, resolvens, resolvens, que seorsim examinans, ad summi momenti res, in philosophia naturali inventas, viam monstraverit: eamdem nos quoque adhibebimus, ut, si sieri possit, veram atque genuinam morborum naturam eruamus. Itaque, quoniam symptomata partes, morbum componentes, sunt, ea primum investigare conabimur.

Numerus symptomatum generalium facile definiri poterit, si primum conditiones, ad totam œconomiæ animalis universitatem rite administrandam pertinentes, observemus, deinde, quæ a conditionibus illis dessectunt, vel iis contraria sunt, consideremus.

Tota œconomiæ animalis universitas rite adminis-

tratur:

1) Si calor animalis neque minor, neque major est eo, qui sensationem gratam atque jucundam efficiat;

2) Si appetitus ad res sibi naturales feruntur, certisque temporibus & intervallis justo modo redeunt;

3) Si nullus dolor est;4) Si corpus non prurit;

5) Si somnus naturalis est, & corpus reficit;

6) Si nullus præcordiorum constrictorum, vel oppressorum, sensus est;

C 2

7) Si respiratio in totum libera est;

8) Si motus voluntarii, a musculorum actione pendentes, ad voluntatis nutum cum facilitate, alacri-

tate, & justo vigore, perficiuntur;

9) Si facultas fentiendi naturalis est, sensuumque externorum organa impressiones, quibus proprie adaptata sunt, justo modo recipiunt atque transmittunt;

10) Denique, si sensum internorum organa ita comparata sunt, ut anima impressiones, in externorum sensuum organa sactas, vel notiones, ex memoria atque imaginatione natas, clare percipere, vereque de iis judicare possit.

Examinemus jam, quæ decem his conditionibus

fint contraria.

Primum calori animali moderato & grato contrarius est sensus molesti caloris, aut immodici frigoris: unde duæ affectus morbosi simplicis species emergunt, quæ totidem symptomata generalia exhibent.

Ab appetitu naturali deflectit, vel ei opponitur, fastidium atque aversatio rerum, propriam illius materiam constituentium, in eoque tertium symptoma generale consistit, quod, ad cibos relatum, nausea vocatur. Eidem contrarius quoque est appetitus, præter naturam ita auctus, ut a desiderii vehementia affectus morbosi procreentur. Oriuntur hinc sitis nimia, fames, quam vulgo caninam vocant, satyriasis, suror uterinus. Tres autem posteriores assectus quum longe rarissimi sint, nullam eorum rationem in præfentia habebimus. Sed sitis nimia tam srequens in morbis est, ut eam pro quarto symptomate generali merito ponamus.

Tertiæ & quartæ conditioni dolor & pruritus con-

trarii sunt.

Quintæ agrypnia, dolorem ac pruritum necessario comitans, vel consequens, & ex diverso insolita atque morbosa in somnum propensio.

Sextæ præcordiorum constrictorum, vel oppressorum, sensus, quam anxietatem nominant.

Septimæ spirandi difficultas.

Octavæ musculorum debilitas atque relaxatio, eo ingravescens, ut vires residuæ corpori commode sustinendo, ac voluntatis imperiis exsequendis, non susticiant, & diversa ex parte spasinus, sive convulsio, quum musculi præter voluntatem agunt, nec nunquam inusitatum stupendumque robur exserunt. Quæ duo, præcedentibus addita, undecimum & duodecimum symptoma generale constituunt.

Insensibilitas ad rerum externarum contactus atque impressiones, &, quæ huic contraria est, nimia sensibilitas, sive major naturali ad irritabilitatem proclivitas, decimum tertium & decimum quartum symptoma generale exhibent, utpote a nona sanitatis ab-

solutæ conditione dessectentes, eique oppositæ.

Decimum quintum denique symptoma generale est illa omnium sensuum internorum perturbatio, quod delirium appellatur, quum mentis facultates rite exerceri non possunt, sed memoriæ, imaginationis, judiciique vires debilitatæ, consusæ, atque perversæ sunt.

Quindecim horum affectuum morbosorum simplicium unumquemque ita considerare licet, quasi per se sine cæteris possit existere. Sed, quandoque existunt, totam machinam afficiunt, atque universam œconomiam animalem perturbant. Atque hinc symptomatum generalium nomen iis dedimus, ut ab his distinguerentur, quæ topica tantum sunt, atque a singularum partium vitiis oriuntur. Si quis enim nullum ex generalibus his symptomatibus sentiat, eum, quod ad œconomiam animalem in universum attinet, sanum esse, largiri debemus, tametsi nihil obstet, quominus singularis cujusdam organi vitio laboret. Placet rem exemplo illustrare. Pulmonum actionem tussis turbare potest, quam materia quædam irritans, in larynge, vel profundius in arteria aspera, hærens, movet: aut-

C = 3

parvi illi ductus & oscula, quæ secundum naturam limpham ac mucum intestinis lubricandis excernunt, sic irritari possunt, ut solito majorem humorum istorum copiam estimdant, atque ita alvi prosluvium excitent. Sed tussis illa, nisi alia aecedant symptomata, velut dolor, spiritus dissicultas, somnus inquietus, ciborum appetentia dejecta, morbi nomen non merebitur, homoque, eam patiens, raro Medici auxilium implorabit. Neque etiam levior illa diarrhœa in morbis numerabitur, nisi unum alterumque ex quindecim illis symptomatibus generalibus ipsam comitetur, siquidem pro explorato atque comperto habemus, donec unumquodque istorum symptomatum arcere liceat, corpus nulla insigniore molestia assectum iri.

Quum certa fymptomata, generalia, æque ac topica, plerumque connexa inter se & consociata observentur, utpote ab iisdem motuum animalium mutationibus oriunda: hi symptomatum concursus variis nominibus, ut sebris, plenritidis, dysenteriæ, &c. distincti sunt, atque ita integram morborum cohor-

tem conficiunt.

Scientia hos fymptomatum concurfus, fontesque, unde proveniunt, distinguendi, verum ac genuinum praxeos rationalis fundamentum est, quoniam, ægrum curantes, raro singulorum symptomatum rationem habemus, sed potius, sonte totius concursus detecto, ipsam radicem aggredimnr, quodque in motibus ani-

malibus depravatum est, corrigere conamur.

Fieri autem non potest, ut hanc scientiam consequamur, nisi natura atque effectibus singulorum symptomatum generalium prius seorsim consideratis, & soute, ex quo manant, reperto. His enim singulatim consideratis, corumque causis pervestigatis, res postea comparando, facile videbimus, multis horum symptomatum eamdem esse originem, atque inde intelligemus, quomodo siat, ut plura ex illis quasi inseparabilia sint, nec unquam in codem concursu non coeant.

CAPUT II.

Quomodo caufa morborum distinguantur.

LA pathologiæ pars, quæ in explorandis morbo-

rum causis versatur, ætiologia dicitur.

In explananda ætiologia femper operam dare oportet, ut illæ corporis mutationes, quæ omni tempore, atque in omnibus hominibus, morbosum aliquem affectum procreant, accurate ab his rebus distinguantur, quæ sic demum nocendi vim habent, si ea sit

corporis conditio, quæ cum ipsis conspiret.

Illustranda huic rei esse potest variolarum insitio. Exiguum pus, quod contactu inficere experientia docuit, per parvum vulnus, cuti inflictum, in corpus ita introducitur, ut cum fluidis animalibus commisceatur. Si, qualis requiritur, corporis conditio est, novem decemve a pure introducto diebus, plura in eo comparent symptomata, quæ conjuncta morbum illum constituunt, cui variolarum nomen est. Primum oppressio præcordiorum sentitur, cujus, comites sunt nausea, vel forte vomitus, dolor dorsi, & molestus frigoris sensus. Paucis horis post frigori calor infolitus succedit, cum siti & agrypnia. Omnia autem hæc symptomata ita tantum in corpore incidunt, si ea est illius conditio, que miasmatis actionem adjuvet. Alia enim si est, sive quod homo variolis olim laboravit, sive ob aliam quamdam rationem, quam investigando eruere non posfumus, nulla a pure introducto accidit mutatio, sed eadem, que antea suit, fanitas manet.

Ex quo patet, pus illud introductum, quod prima specie facillime proxima variolarum causa videri possit, nihil esse, nisi causam remotam, contingentem, possibilem, unde mutationes, quæ varia illa sympto-

C 4

mata constituunt, pro hac illave corporis conditione, proficisci possint, vel non possint, proximasque pracordiorum oppressorum, nausea, immodici frigoris, ac reliquorum symptomatum causas, in mutationibus corporis, motus fluidorum animalium necessario turbantibus, consistere.

Nostrum igitur est invenire, quæ sint hæ mutationes, a quibus simplices illi affectus morbosi tam cons-

tanter nascuntur.

Facile intelligitur, & corporis mutationes, in quibus proximæ morborum caufæ ponuntur, & corporis ad morbos proclivitatem, fine cujus cum caufis remotis ac possibilibus conspiratione nullum omnino symptoma generale oriri potest, res ita comparatas esse, ut nulli prorsus sensui externo pateant. Ecquis enim rationem reddat, cur hoc tempore ea sit corporis humani conditio, lut a pure variolarum infici possit, alio non item? Aut quis tam Lynceus est, ut eas corporis mutationes discernat, quas varia illa, quæ diximus, fymptomata confequentur? Disputari hæc quidem, sed nunquam sensuum testimonio demonstrari, extraque omnem controversiæ aleam poni possunt. Atque hinc diverse ille, que adhuc fuerunt, & in posterum ctiam erunt, Medicorum de causis morborum opiniones. At summum tamen medicinæ rationalis momentum in eo positum est, ut, quam fieri potest, clarissime res istas perspiciamus, Alioquin in artis exercitio nihil aliud quidquam, nisi empirici, erimus.

Ante omnia igitur hoc agere debemus, ut quindecim illorum symptomatum, suam cujusque naturam explicemus, effectus ostendamus, causamque proximam investigemus. His enim, tamquam sidelissimo fundamento, naturæ morborum cognitio innititur, quippe qui nihil aliud sunt, nisi totidem symptomatum generalium, variis rationibus inter semet-

ipsa & cum vitiis topicis mixtorum, concursus.

Proponemus igitur quindeoim illa symptomata generalia eodem, quo ennmerata fuerunt, ordine, &, quum tota nostra pathologia ipsis superstruatur, primum tabulam corum synopticam subjungemus, decem illis sanitatis absolutæ conditionibus exadverfum collocatam.

In statu sano

I. Calor animalis mode- \ I. Senfus caloris nimii. ratus est.

II. Appetitus ad res, sibi naturales, feruntur, certisque temporibus & intervallis julto modo redeunt.

III. Nullus dolor est. IV. Nec pruritus.

V. Somnus naturalis est, & corpus reficit.

VI. Nullus præcordiorum constrictorum, vel oppressorum, senfus eft.

VII. Respiratio in totum libera est.

VIII. Motus voluntarii ad voluntatis nutum cum facilitate, alacritate & justo vigore perficiuntur.

IX. Organa fenfuum externorum impressiones, quibus proprie adaptata funt, justo modo recipiunt, & transmittunt.

In statu morboso est

JII. Sensus frigoris nimii.

III. Naufea.

IV. Sitis nimia, five polydipfia.

V. Dolor.

VI. Pruritus.

VII. Agrypnia. VIII. Somnolentia.

IX. Præcordiorum conftrictorum, vel oppressorum, sensus, anxietatem nominant.

X. Difficultas spirandi.

XI. Debilitas.

XII. Spasmus.

XIII. Insensibilitas, sive anæsthesia.

XIV. Nimia sensibilitas, sive hyperæsthesia.

X.Organa fensuum internorum ita comparata
funt, ut anima impressiones, in senfuum externorum organa factas, vel notiones, ex memoria
atque imaginatione
natas, clare percipere, vereque de iis
judicare possit.

XV. Delirium.

C A P U T III.

Descriptio specialis status motuum animalium, unde sanitatis absolutæ conditiones dependent.

ANTEQUAM in symptomata morborum inquirere incipiamus, necessarium est, ut de statu motuum animalium, unde sanitatis absolutæ conditiones dependent, paulo specialius exponamus.

Sanitas absoluta est, quamdiu sluida animalia per omnes systematis vascularis & nervosi partes æquabiliter, moderate ac libere moventur atque distri-

buuntur.

Nam si universa sanguinis massa, ex corde emanans, omnes arteriarum ramos continenti & expedito cursu persuit; si vasa secernentia officio suo sunguntur, variosque illos humores separant: reliquus autem sanguis per venas a peripheria ad centrum eodem moderato tenore, quo a centro ad peripheriam cucurrit, refluit; si vasa excernentia humores suos avehunt, eosque, qui in receptaculis deponi debent, illic deponunt, excrementa autem ex corpore eliminant; si denique duplex illud vasorum absorbentium

genus fluida sua sine obstaculo, ant ataxia, suscipit ac vehit: tunc tota systematis vascularis universitas bene se habet.

Si nervi liquore suo rite impleti sunt, isque per omnia fila minuta libere, moderate & æquabiliter distribuitur, universum systema nervosum bene se habet.

Canalibus itaque rite impletis, ac nerveo liquore, ut par est, suppeditato, omnia corporis organa ita comparata sunt, ut idonea instrumenta esse possint principii illius sentientis atque intelligentis, quod omnia animat, corpusque omnibus actionibus & functionibus, cum sacilitate, jucunditate, ac justo

vigore exercendis, par efficit.

Si moderatus, æquabilis & liber humorum per omnes utrinsque systematis partes circuitus sanitatem absolutam constituit, sequitur, ut, quandoque vel vascularis, vel nervosi, systematis motus intenduntur, remittuntur, turbantur, vel plane intermittuntur, necessario variæ molestiæ ac debilitates nascantur, quæ, quamdiu motus animales de naturali sua moderatione, libertate, atque æquabilitate deslectere pergunt, maneant. Sed, quando hi motus libertatem suam recuperant, & in ordinem reducuntur, omnis dolor ac molestia cessat, omnesque animi & corporis vires in pristinum suum statum redeunt.

Observabunt Lectores nostri, in describendo statu corporis, ad fanitatis absolutæ conditiones implendas necessario, nullam adhuc systematis cellularis

mentionem factam esse.

Enimvero omnia illa fymptomata generalia proxime debentur mutationibus morbofis motuum, in fystemate nervoso & vasculari contingentium: at morbos cerțe non raro a cellulari systemate repeti oportet. Solida enim inertia solidorum vivorum motus sæpe impediunt, vel turbant, sive particularum solidarum copiosior, quam pro rata portione,

accessus nimium iis rigorem inducat, sive cava corum fluidis adeo referta & oppleta sint, ut vicina vasa, vel fila nervea, comprimant atque oblitterent; sive eædem hæc cellulæ ita exhaustæ sint, ut collabantur, carumque laminæ concrescant; sive denique in cellularum interstitiis humores acres generentur, vel congerantur, qui fibras ac lamellas solidas destruant & colliquent, tandemque solida viva ita irritent, ut omnes illæ noxæ, quæ a proxima stimulorum actione in his creari possunt, nascantur.

His præmissis, ad analysin nostram progrediamur, sic, ut singulorum symptomatum generalium causas investigemus, naturamque & effectus explicemus,

initium facientes a calore immodico.

CAPUT IV.

Calor animalis immodicus tamquam symptoma generale, sive affectus morbosus simplex, consideratus.

NDE a thermometro invento scimus, naturalem corporis humani calorem nonagesimo sexto circiter, vel nonagesimo septimo scalæ Fahrenheitianæ gradui æqualem esse. Ravo tamen in praxi vulgari de magnitudine caloris ad hoc instrumentum exigenda solliciti sumus, sed plerumque nostro ipsorum tactui, vel ægrorum relationi, credimus. Nam si ægri fideliter describere norunt, quemadmodum se habeant, judicium nostrum illorum relationi semper accommodandum est. Et quamvis etiam calorem naturali majorem percipiamus: tamen, nisi alia quædam accedat molestia, eum in affectibus morbosis numerare non debemus. Est, exempli gratia, qui vehementiore corporis exercitatione, cibis largius conditis, vel potionibus vinosis, se excalesaciat: sed auctus

hic calor, nisi aliud quoddam symptoma generale, velut dolor, nausea, vel debilitas, ipsum comitetur, brevi ad modum naturalem redit. Idem vero, si hæc, vel alia symptomata generalia accedant, pro affectu morboso habetur, metusque est, ne non statim subsidat, sed potius pedetentim ac gradatim increscat, tantoque temporis spatio teneat, quantum, quæ adjuncta sunt, momenta singularia definient. Hæc igitur est natura caloris animalis nimii, quem tamquam affectuum morbosorum simplicium speciem

considerari oportet.

Plures morbosi hujus caloris differentiæ sunt. Primum is, quem pulsus evidenter fortes, pleni & celeres, magna cutis siccitas, sitis immodica, pluriumque corporis partium dolores, comitantur, ab illo distinguendus est, cui gravis nausea, ac præcordiorum oppressio, cum summa virium debilitate atque dejectione, accedit, quum arteriarum pulsationes interea neque fortes, neque plenæ sint, manusque, cutem cubantis tangentes, dolorem quemdam, a materiæ exhalantis acrimonia excitatum, non obscure sentiant. Prior calor morbosus febribus, inslammationes comitantibus, proprius est: posterior non, nisi in pejoris notæ febribus putridis, occurrit.

Tertiam differentiam constituit calor morbosus, certo cuidam febrium generi proprius, qui non, ut duæ illæ, quas modo diximus, species, per dies continuos sine remissione, aut intermissione, permanet, nec tam citam perniciem affert. Vocatur is calor hecticus, qui per intervalla revertitur, præcipueque in volis manuum, pedumque plantis, sentitur, ubi, quamdiu tenet, major etiam ac torrentior est, quam

in febribus putridis, vel inflammatoriis.

Quartam denique differentiam essicit calor quidam, repente ictuque temporis emicans, qui minime omnium terrere nos debet. Proprius est morbis, in quibus ne minima quidem febris apparet, & ubi hujus

generis symptomata vulgo nervosa, sive hysterica, nominantur.

Progrediamur nunc ad causas caloris hujus morbosi

probabiles reddendas.

In universum pro certo ponere licet, proximam ac veram hujus symptomatis causam esse motum systematis vascularis auctum. Etenim, undecumque primam caloris animalis causam repetas, aucta circuitus humorum velocitate, calorem quoque internim au-

geri, exploratum est.

Itaque in prima caloris morbosi specie, hoc est, in calore, sebribus inflammatoriis proprio, pulsuum conditio, partium corporis, quæ vasorum sanguiserorum minorum dilatationem conspicere nobis permittunt, rubor, sitis immodica, cutisque universæ siccitas, satis superque demonstrant, proximam illius causam esse motum nimis auctum in vasis sanguiseris, sanguinem inustata quadam vehementia & celeritate propellentibus.

Altera caloris morbosi species, sebribus, in quibus sanguis putrescere deprehenditur, propria, non tam circuitui, quam motui intestino, nimis aucto, tribuenda est, ob pulsuum debilitatem, quæ vires, sanguinis per vasa cursum promoventes, sanis minores potius, quam majores, esse ostendit. Causam autem caloris hujus putridi in particularum sanguinis insensilium motu intestino ponere ideo nobis licebit, quod calorem istum nonnunquam plusculas a

morte horas permanere observamus.

Tertia caloris morbosi species, febribus hecticis propria, simul & in circuitu, & in motu intestino, nimis aucto, consistere videtur: id quod ex natura horum morborum colligimus. Infra enim videbimus, febres hecticas dependere a rebus acribus, identidem absorptis, quæ, in sanguinem receptæ, unaque cum eo progredientes, non tantum cor & systema arteriosum irritent, sed etiam motum sanguinis

intestinum augere videantur, eadem ratione, qua mixtorum, fermentationem subeuntium, motum intestinum, certis rebus adjectis, incitari posse, cons-

picimus.

In tribus his caloris morbosi speciebus, id est, in calore inflammatorio, putrido, & hectico, motus nimius per totum, qua patet, canalium sanguiserorum systema apparet: sed in caloribus illis sugacibus, qui pro symptomatibus nervosis, sive hystericis, habentur, motus nimius ad singulas partes restringendus, nec universum sanguinis circuitum afficere censendus est: id quod ex pulsu colligimus, qui hic solito neque celerior, neque sortior est.

Causæ caloris morbosi remotæ, sive possibiles, hoc est, variæ illæ res, quæ vel particularum sanguinis insensilium motum intestinum augere, vel tamquam stimuli, proxime agentes, cor & vasa, ab eo descendentia, irritare possunt, tam numerosæ, tamque diversæ indolis sunt, ut illas in distincta capita digeri, pauloque copiosius infra pertractari

oporteat.

Expositis caloris morbosi disferentiis, stabilitisque causis ejusdem proximis, nunc, qui effectus, queque mutationes inde oriantur, dispiciamus. Initium

faciemus a calore inflammatorio.

Primus caloris inflammatorii effectus est vasorum dilatatio. Evidenter hæc apparet in iis superficiei corporis partibus, quas numerosiora vasa sanguisera percurrunt, & cuticula tenuior obtegit, velut genis oculique: unde facies rubicunda, oculique splendentes & intenti, qui ex orbita protrudi, solitoque ampliores esse videantur. At si irritatio systematis vascularis continuatur, calorque increscere pergit, sanguinis sirmitas quotidie imminuitur, donec tandem propter vehementem agitationem particulæ, ex quibus concretus est, a peculiari illa connexione, quæ sani hominis sanguinem liquorem blandum ac

tenacem reddit, desciscunt, olenmque & sales pro-

portione non æqua inter se coeunt.

Cl. LANGRISH in theoria & praxi medicina hodierna experimenta quædam retulit, quæ hanc sanguinis resolutionem, a continuato motu & calore nimio oriundam, explicant. Ex his enim patet, particulas fanguinis oleofas ac falinas, quæ in fanitate tam arcte cum reliquis connexæ funt, ut fine magna difficultate separari non possint, adeo solutas nunc esse, ut a cæteris elementis sua quasi sponte discedant, copioseque inter se coeant. Sanguinis, ex hominum, febribus inflammatoriis laborantium, venis missi, dux portiones, dell'illationi feorsim subjectx, ferme alterum tantum falis volatilis oleique largitæ funt, quantum pares portiones sanguinis, ex hominum, plena fanitate fruentium, venis detracti. Similiterque analysis chemica in urina, sub decessu febris facta, quacum fales oleumque largius exierant, eam falis volatilis & olei copiam, quam urina, ab ægroto in ipfa febre, materiis istis irritantibus cum universa fluidorum, per vafa circumeuntium, massa adhuc permixtis, reddita, continebat, propemodum duplam reperit, falibus oleoque urinæ eadem ratione augefcentibus, qua calor, aliaque symptomata morbosa, imminuebantur.

Particulæ salinæ & oleosæ, a cæteris, quæ sanguinem constituunt, dissociatæ, atque ita inter se coeuntes, irritationem sovent, caloremque magis etiam augent, qui, assidue increscens, non potest, quin sanam ac naturalem sanguinis crasin dissolvat

atque destruat.

Sanguinis crasi destructa, vasorumque diametris præter naturam dilatatis, particulæ crassiores in cava & canales, qui in sanis solas tenuiores admittere possunt, urgentur: unde secretiones impediri ac turbari, necesse est. Vasisque organorum debilioribus, quam secundum naturam esse debent, atque ideirco

idcirco fluidorum impulsui minus resistentibus, tumor inflammatorius in illis partibus nascitur, qui, pro vario organorum usu ac necessitate, varii generis symptomata, variæque magnitudinis dolores, mo-

lestias, & pericula, parit.

Verum, ut jam translationes istæ inslammatoriæ irritationi nimioque motui systematis vascularis non succedant: tamen, nisi particulæ noxiæ, quæ turbas illas fovent, a sanguine separentur, & naturali aliqua excretione e corpore expellantur, aut in systema cellulare ad solida inertia, nullius stimuli capacia, se recipiant, continuata agitatio crasin sanguinis destruet, ac, ne vitæ sustentandæ idoneus maneat, efficiet.

Nihilominus illud ignorare non oportet, etiamsi ex pulsu sæpe judicemus, vim & velocitatem, qua fluida moventur, duplo majorem esse, quam naturaliter esse debeat : ex thermometro tamen, caloris incrementum virium, fluida moventium, incremento æquale esse, non apparere. Quæ quum ita sint, perpetuum non est, a caloris incremento crasin fanguinis ita vitiari, ut ad vitam sustentandam aptus esse definat. Quin e contrario hoc symptoma, quamvis nunc molestissimum, aliisque, justum metum incutientibus, stipatum, haud raro tamen ad finem falutarem tendit, quum ab eo, tamquam inftrumento proximo, acres illas noxiasque materias, vasorum contextum alioqui dissoluturas, subigi, vel attenuari, observemus. Materiæ autem istæ nocentes, a calore aucto subacta, attenuata, & correcta, idoneæ fiunt, quæ a massæ universitate separentur, sic, ut corpus a molestia liberetur. Atque ideo, quemadmodum fuo loco videbimus, in pluribus morbis, maximeque in febribus exanthematicis, curantium est, calorem hunc morbosum ita modorari, ut nimium neque increscat, neque decrescat.

Caloris immodici effectus in febribus putridis, ubi

motum intestinum magnopere incitatum ponimus; multo etiamnum perniciosiores esse oportet, quam in his, quas instammatio sincera comitatur, ubi solius circuitus velocitatem augeri constat. Nam in febribus istis putridis sanguis naturalem suum lentorem amittit, eaque propter per poros, in arteriarum tunicis hiantes, facile exsudat: unde sanguinis profusiones, & rubræ lividæve cutis maculæ, nascuntur.

At in hecticis febribus, quæ semper per aliquot horas remittuntur, calor, licet immodicus, ac, dum tenet, molestissimus, minus tamen cito sanguinis crasin dissolvit, sibrasque solidas colliquat, quam in febribus continuis instammatoriis, vel putridis, ubi calor perpetuus est, nec crescere desinit, donec ad summum, quem sanguis in corpore humano nancisci potest, gradum ascenderit.

dorum crassin, & solidorum contextum, destruunt.

Caloris, affectibus hystericis proprii, effectus rarotam valde molesti, aut tam cito perniciosi sunt. Quum enim calor hic brevi desinat, nec per universum systema vasculare diffundatur, nulla neque in fanguinis crasi, neque in vasorum contextu, mutatio inde fieri deprehenditur.

CAPUT V.

Frigoris niniii sensus tamquam affectuum morbosorum simplicium species consideratus.

RIGORIS nimii sensus nunquam in affectibus morbotis poni potest, nisi cæterorum, quæ diximis, symptomatum aliqua eum comitentur. Frequentiora horum sunt præcordiorum oppressio &

virium debilitas, sed non parum sæpe nausea quædam gravior, vel forte vomitus, accedit, cui capitis dorsive, qua gracilius est, dolores, sitis vehe-

mens, & horror, se adjungunt.

Omnes febres, quæ subito invadunt, multæque ex his, quæ per gradus quosdam accedunt, ab hoc symptomate incipiunt. Sed quemadmodum calor aliquis nimius est, in morbis, febris expertibus, non-nunquam obvius: item frigus aliquod nimium est, nervorum affectibus proprium, omnique insolita præcordiorum oppressione & nausea carens, quæ frigus illud, unde prima febris accessio incipit, perpetuo comitantur, quarum loco stupor, sive universi corporis anæsthesia, frigori immodico in morbis mere

nervosis plerumque accedita

Quum in nimio hoc frigore, nervorum affectibus proprio, motus universi systematis vascularis perspicue neque interrumpantur, neque remittantur; id quod semper ex pulsu cognosci potest: causa illius unice in nervis, per cutem distributis, quæri oportet, qui quidem sensum illum peculiarem propter inutationes quasdam, in statu ipsorum sactas, sed quas explicare frustra coneris, inducere videntur. Minus autem dubitanter de causis illius frigoris, quod sebribus proprium est, disserere nobis licet, quum mutationes evidenter systematis vascularis motus afficiant, ac quodam modo sub sensus exterios cadant.

Symptomatum enim concomitantium nullum fere est, quin demonstret, frigoris illius immodici sensum, a quo tot sebrium species incipiunt, causam veram & proximam esse stagnationem sanguinis in exilissimis systematis arteriosi sinibus, neque in his modo vass, sed etiam in minoribus illis ac tenuioribus tubulis, qui urinæ & materiæ perspirabili percolandæ atque excernendæ inserviunt. Testantur hoc universe cutis pallor & corrugatio, corporis totius

D 2

contractio, ex annulorum, qui paulo ante digitis arcte insederant, laxitate manisesta, sitis, sonticulorum, aliorumque ulcerum manantium, exsiccatio, unguium, sub quibus sanguis perspicue stagnat, livor, urina, quæ tum temporis redditur, exigua, limpida, denique ponderis opprimentis in centro sensus, propter obicem, humoribus, per vasa ad peripheriam meantibus, oppositum. Sed hic quæritur, quæ sit causa proxima hujus stagnationis, quam symptomata, modo recensita, tam liquido demonstrant.

Duas hac de re opiniones scholarum medicarum principes amplexi funt. Alii fluida accusant, qua, quod nimium lenta atque tenacia fint, libere transire non possint per fines exilissimarum arteriarum, quas tubos, sive canales, conicos esse statuunt, quorum diametri, prout a centro recedant, gradatim diminuantur. Alii vitium in vasis, sluida transmittentibus, ponunt, vasisque istis vim tribuunt canales suos ita contrahendi & coarctandi, ut fluidis transitum præcludant. Prior opinio aliquamdiu unice valuit: fed nunc quidem satis explosa atque ejecta esse videtur. Arterias enim falso pro tubis conicis haberi, evidenter demonstratum est, siquidem arteriarum minimarum, quas capillares nominant, figura, in animalibus vivis per microscopium explorata, vere cylindrica reperta est. Quam ob rem, ut jam particulæ tenaces in fluidis infint, fieri tamen non potest, ut ideo in angustissima arteriarum minimarum parte detineantur. Sed præterea, si ad nonnullorum animi affectuum effectus attendas, quæ molestum nimii frigoris fensum, cum præcordiorum oppressione, & respiratione citata, conjunctum, extemplo inducunt, eodemque tempore observes, quemadmodum sanguis a labiis genisque refugiat, ac tota corporis universitas contrahatur, in confesso sit, necesse est, mutationes istas non ab aucto lentore sangumis, sed a repentina strictura vasorum in peripheria, liberum sanguini tansitum denegantium, eumque intro ad centrum repellentium, oriri. Similes effectus etiam confequentur, si noxia quædam in ventriculo atque intestinis subsistant, si res sodæ, nauseamque provocantes, in oculos incurrant, si vel sola eorumdem, olim devoratorum, recordatio subeat. Ex quibus, proximam symptomatis, cujus naturam explicare in præsenti conamur, causam non sanguinis lentorem, sed subitam vasorum stricturam esse, colligimus.

Quum omnem motum animalem a nervis proficifci constet: necessarium est, ut etiam hæc vasorum minimorum strictura ad aliquam systematis nervoli mutationem referatur. Sed, in quo consistat illa mutatio, investigare, supervacaneum atque inutile fuerit. Itaque hic subsistamus, neque investigationem nostram ultra systema vasculare profequamur, in quo stagnationem, cum ramorum extremorum, in quos arteriæ minores, tubulique excernentes, diducuntur, strutura conjunctam, perspicue videmus.

Vocatur hæc strictura spasmodica, sæpiusque simpliciter spasmus appellata est. Sed quum hæc spasmi significatio neque cum usu veterum scriptorum, neque cum potestate, quam ipsi in opere nostro subjicere decrevimus, magnopere congruat, vocem istam non adhibebimus, nisi ad denotandam violentam illam & non voluntariam contractionem, vel distentionem, sibrarum muscularium, quæ symptoma, debilitati, sive relaxationi, contrarium, constituit.

Inquiramus nunc in effectus, ex strictura hac spafmodica oriundos.

Si universam systematis vascularis peripheriam constrictam esse pouamus, dubitari non potest, quin, citam mortem sequi, necesse sit: idque omnino accidit, interdum a terrore gravi & repentino, humorum circuitum extemplo impediente, ac sluida versus centrum repellente, quorum pondere cor oppressum consuetis motibus vacare non potest; interdum

iis in locis, ubi aër exspirationibus pestiferis repletus est; nonnunquam etiam a venenis summe efficacibus, nominatim a fagittis illis venenatis, quibus gentes quædam in America meridonali utuntur. Academiæ regiæ scientiarum Parisinæ Socii, anno hujus faculi tricesimo nono ad telluris superficieni metiendam in regnum Peruvianum miffi, cum aliis rarioribus aliquot hujus generis fagittas in Europam retulerant, quibus, ad vim veneni explorandam, varia animalia, in ipfo Academicorum confessu, vulnerata sunt. Mors plerumque eodem puncto temporis levissimam punctionem sequebatur, apertisque postea cadaveribus, auriculæ & ventriculi cordis, una cum vicinis truncis majoribus, fanguine valde distenti, atque in nonnullis plane disrupti inveniebantur, manifesto argumento, aliam mortis causam non fuisse, nisi vasorum in corporis peripheria stricturam repentinam, qua fieri non potuit, quin fanguinis circuitus his vasis impediretur, eoque ipso massa illius universa ad centrum repelleretur *).

*) Vid. etiam Bancrofti Historia naturalis

Hi certe casus rariores sunt. Nam in sebrium vulgarium initiis strictura spasmodica non statuenda est tam late patere, ut totam systematis arteriosi peripheriam afficiat. Neque vero per vasa, ad cutem pertinentia, non hactenus porrigitur, ut stagnationi in illis efficiendæ, atque ita nimii frigoris sensui, pallorique & horrori inducendo sufficiat. Eadem enim interruptio, quæ frigus ac pallorem affert, quia, ne musculis tantum sanguinis, quantum ad tonum ipsorum conservandum satis est, suppeditetur, impedit: ca igitur non potest non pariter sæpe numero essicere, ut sibræ musculorum præter naturam contrahantur atque relaxentur: id quod perspicuum sit

ex horrore illo, five tremore, quem rigorem & horripilationem vulgo appellant.

Anxietas, sive præcordiorum oppressio, etiam necessarius stricturæ spasmodicæ essectus est, propter

obicem, cordis viribus resistentem.

Quum pondus hoc opprimens, falva vita, diu manere non possit, vires, vitam sustentantes, quarum fumma naturæ vocabulo concluditur, statim se exferere occipiunt. Cor, musculus omnium maxime irritabilis, ab immodica fanguinis copia nunc stimulatum, universam humorum, per vasa circumeuntium, massam in motus vehementes, rapidos, atque anomalos agit, quoniam fystema arteriosum in locis quibusdam apertius ac liberius est, quam in aliis, quum vasa ibi minus constricta sint. Nimios hos motus necessario excipit nimius calor, supra a nobis explicatus, cum siti molesta & agrypnia conjunctus, cui, nisi optabilem res exitum habeat, dolor, delirium, aliaque symptomata graviora, succedere confuerunt. Quod si enim nimius ille motus sub vasorum strictura, humorum circuitum turbare pergente, permaneat, calor increscet, sanguinisque crasi, & vaforum contextui, omnes illæ mutationes perniciofæ, quas in superiori capite exposuimus, accident.

C A P U T VI.

De nausea, ejusque causis & effectibus.

Auseæ vocabulo semper gravius aliquid significamus, quam simplicem anorexiam, sive ciborum appetentiam sublatam. Intelligimus quippe per istam rerum, naturæ in sanitate obsoluta summe jucundarum & gratarum, fastidium atque aversationem.

Ægrorum, de nausea conquerentium, pulsum ex-

plorantes, sæpe systematis vascularis motus maniseste turbatos invenimus, velut in omnibus morbis sebrilibus, quorum constans & perpetuum symptoma est. Eadem vero semper ad systematis nervosi ataxiam atque anomaliam referenda est, siquidem solus motus nimius in humorum crassiorum circuitu molestum hunc sensum nunquam per se excitare consuevit.

Si ventriculus flatibus distentus, mucove, vel sero, copiosius secreto, repletus est, aut si fluida hac
tam maligne suppeditantur, ut nervis ad functiones
suas exercendas satis humectandis non sufficiant, tantum abest, ut samem naturalem sentiamus, ut contra
molestiam & gravitatem in ventriculo percipiamus.

Nausea certissime quoque sequitur saburram putridam, vel rancidam, in ventriculo retentam, aut bilem acrem atque corruptam, in vesicula sellea, vel intestini duodeni slexura, accumulatam. Atque

hoc symptoma frequens febrium comes est.

In hoc morborum genere ex oris interni siccitate non sine ratione conjicimus, stricturam spasmodicam ad ventriculum porrigi, & impedimento esse, ne nervi ipsius satis humectentur, unde sunctioni suæ exercendæ impares evadunt, eadem ratione, qua linguæ nervos rerum, ori ingestarum, impressionibus recipiendis ac transmittendis inhabiles sieri videmus, quamdiu naturali suo humore non irrigantur. Quam ob rem bonum signum est, si febricitantes diserte solidum aliquod alimentum, quantumvis a consueto diversum, poscant, quoniam id indicio est, stricturam spasmodicam resolvi, limphæque secretione naturali postliminio restituta, ventriculi nervos humectari, ita, ut vires suas naturales recuperent

Nausea, paulo longinquior, non potest, quin maciem faciat. Deficit enim materia nutriens, quæ jacturam, quam perpetua fluidorum actio vasorum tunicis, de substantia ipsorum continue aliquid deradendo atque abstergendo, insert, resarciat. Quo

igitur systematis vascularis motus, nanseam comitantes, vehementiores sunt: eo celerius atque eviden-

tius corpus emacescit.

Necessario quoque a ciborum fastidio debilitas, sive virium defectus, nascitur, quoniam, quo major partium solidarum jactura est, hoc magis sibrarum muscularium robur diminuatur, necesse est.

C A P U T VII.

De siti, ut symptomate generali, sive affectuium morbosorum simplicium specie.

UARTAM affectuum morbosorum simplicium speciem sitis nimia, sive polydipsia, constituit. Etiam hocsymptoma, sicut cætera omnia, semper cum alio quodam symptomate conjunctum esse debet, ut tamquam morbi pars spectari possit. Quæ frequentissime ipsi accedunt, sunt nimii, aut caloris, aut frigoris, sensus, præcordiorum oppressio, debilitas, anorexia, agrypnia.

Causa proxima hujus symptomatis est obstructio pororum, limpham ac mucum suppeditantium, quibus lingua, totum os internum, fauces & œsopha-

gus, lubricentur atque humectentur.

Obstructio hæc vel ab exilium illorum meatuum excernentium, e folliculis mucosis hiantium, strictura spasmodica, vel a materia viscida, eosdem oppilante

& obturante, proficisci potest.

Sitim vehementem in febrium frigore, sive accessione, a strictura spasmodica fieri, evidenter hinc patet, quod a metu, mærore, ac sollicitudine, quæ semper stricturas spasmodicas efficiunt, semper sitis oritur. At ubi sitis nimium calorem comitatur, manifestum est, præter pororum stricturam spasmodi-

cam, muci, ad partium modo dictarum humectationem fecreti, portionem tenuiorem per nimium calorem difflari, tenaciorem autem relinqui, quæ in fordibus, linguam obtegentibus, indurescat, vaporisque limphatici exhalationem naturalem impediat.

Sitim itaque a linguæ, oris interni, faucium, atque œsophagi, siccitate nasci videmus. Sed interdum pororum in his partibus stricturæ illa universi corporis strictura, quæ sebribus originem præbet, ac præcordiorum oppressionem, nauseam, viriumque dejectionem, indivulsas comites habet, non accedit. Hæc sitis, sæpius longe molestissima, pro symptomate

mere nervoso habenda est.

Sunt alii quoque morbi, febris expertes, quos dira sitis comitatur, ubi, causam ejus in sanguinis aqua, ad alios corporis exitus derivata, sitam esse, apparet. Fit hoc maxime in morbo illo, qui diabetes nominatur, in quo urinæ excretio naturali longe copiosior est, sicut etiam in alvi profluviis, in sudoribus immodicis, & in hydrope, in quo sanguinis aqua, a reliquis partibus, ipsum constituentibus, secedens, vel per totum, qua patet, systema cellulare disfunditur, vel in cavis quibusdam majoribus deponitur.

Quum sitis sensus ex molestissimis sit, sieri vix potest, ut somnum capi concedat. Hinc agrypnia illa, quæ sebres præcipue comitatur. Oris siccitas vim organi, per quod gustamus, necessario imminuit, sordesque, in lingua & circa gingivas hærentes, indurando, nulli non escæ potionive ingratum, vel pravum, sapotem impertitur. Quæ ratio est, cur iis, qui sebribus laborant, plerumque nihil sapiat, nisi acidula, quæ ad noxium istum squallorem abstergendum, vaporisque limphatici secretionem ex partium affectarum poris stimulo suo blandiori eliciendam, in primis idonea sunt.

Quandoquidem proxima sitis febrilis causa in strictura spasmodica, reliqua etiam symptomata sovente,

posita est, necessaria consecutione efficitur, ut bonum augurium inde capere liceat, si linguam, osve internum, magis madescere, situmque minus importunam elle, appareat. Quippe ha mutationes, stricturam spasmodicam resolvi, humorumque circuitus æquabilitatem ac libertatem restitui, liquido ostendunt.

CAPUT VIII.

De dolore, ejusque causa proxima, & necessariis effectibus.

I IBRAS vivas, inusitatam tensionem, vel a vasis nimium distentis, vel a causa quadam externa, patientes, fummo dolori obnoxias reddi, observatione disci potest. Hinc fit, ut plures corporis partes, secundum naturam & in sanitate perexiguo sensu præditæ, vasis inflammatione affectis, nimiaque humorum impactorum copia ultra modum distentis, exquisitissimos dolores sentiant. Indidemque usu venit, ut in iis corporis partibus, ubi vasa sanguifera, & fila nervea, secundum offium, cartilaginum, ligamentorum, tendinum, vel membranarum crassiorum, tractum decurrunt, aut his intexta funt, nunquam acerrimi dolores non percipiantur, propterea quod fibræ vivæ hîc magis tendi possunt, quam in partibus carnosis atque glandulosis, ubi per telæ cellulosæ lamellas ac fibras, flexili mollitia præditas, laxius connexæ funt.

Species doloris distinguere, nihil ad rem pertinet: proximas autem symptomatis hujus, tam vulgaris juxta molestique, causas investigari, non parvi refert. Nam, ut febres taceamus, quarum frequentissimum symptoma dolor est, quot alii sunt morbi, qui illo nunquam yacant, & caracterem fuum inde mutuantur?

Nonnulli scriptores, dolorem semper a nimia filorum nerveorum distractione oriri, existimarunt: alii contra, hæc fila eodem modo intorqueri atque crispari sibi persuaserunt, quo sibras animalium carneas, admotis rebus acribus, crispari observamus. Sed experimenta, in animalibus vivis facta, posteriori opinioni non savent. Ex his enim constat, nervos, instrumento acuto, vel rebus acribus, contactos, vi contractili carere.

Sedem doloris in nervis esse, dubitari non potest: at in ipsis tamen chordis, stimulo quodam lacessiis, ne minimus quidem motus inordinatus conspicitur. Probabilior videtur altera opinio, quæ proximam doloris causam in filorum nerveorum distractione ponit. Eadem vero talis videri desinet, ut primum, vinculo chordæ alicui nerveæ injecto, animal omni doloris sensu, quem alias, si partes, quibus chorda illa prospicit, secentur, rodantur, vel lacerentur, acerrimum habet, extemplo privari, nobis in memoriam revocaverimus. Ex quibus concludere debemus, proximam doloris causam non in filorum solidorum distractione, tensione, aut crispatione, sed in statu liquoris cujusdam mutato, quærendam esse.

Ut verus modus, quo vulgares rerum externarum, nihil doloris aut molestiæ inferentium, impressiones, nervorum ope, recipiantur & transmittantur, describi, aut definiri non potest: similiter eas mutationes, ex quibus doloris sensus emergit, in statu systematis nervosi reperire, perdifficile est. At, quum onnem sensum a liquoris illius elastici ac tenuissimi, qui medullosam nervorum substantiam imbuit, motu vibrante moderato oriri posuerimus: certe neque absurde, neque sine ratione, dolorem, qui nihil aliud, nisi sensus nimius est, motui illi vibranti immoderato adscribenius. Atque hæc conjectura quodam modo inde comprobatur, quod animalia, nisi medulla nervi contacta & lacessita, vix quidquam doloris sentire obser-

vantur. Nam donec vagina membranacea, quæ partem illam molliorem tuetur, integra manet, quamvis chordam nerveam spiritibus acribus, vel instrumentis acutis, tangas, dolor non oritur: simul atque vero res istæ per vaginam penetrant, medullamque in ea inclusam, contingunt, protinus dolor percipitur, ac tam cito, quam sulgur micat, ad eam sedem, in qua menti repræsentatur, transfertur, ita tamen, si iter inter cerebrum partemque læsam, chorda illa nervea, quæ experimento subjicitur, ligata, vel compressa, interruptum non est.

Dolor, a liquoris nervei motu vibrante immoderato sic nascens, interdum sentitur, si lædentia locum, ab eo, qui doloris sedes esse dicitur, distantem, afficiunt. Exemplo est capitis dolor, quem sæpe acria,

in ventriculo hærentia, excitant.

Necessarius doloris effectus agrypnia est, majori minorive ejus vehementiæ respondens. Anima enim, a fensu molesto se liberare omni studio conans, corporis jactatione, crebraque situs mutatione, levamentum impetrare adlaborat. Hinc vero fomnus exfulat, cogitationes turbantur, &, doloris vehementia increscere pergente, varia ac multiplex motuum actionumque immoderatio atque ataxia confequitur; motus universi systematis vascularis mensuram naturalem excedunt, immodicum calorem & sitim immodicam procreantes, nec parum fæpe, fi dolor ab acri quodam admoto, vel ab externa aliqua injuria, primum ortus est, sanguinis, aliorumque humorum, vis inusitata ad loci dolentis vasa confluit, quæ vel se exonerat, vel canales ac telam cellulosam distendit, atque ita tumorem inflammatorium excitat.

C A P U T IX.

Pruritus tamquam affectuum morbosorum simplicium species consideratus.

RURITUS magnus æque intolerabilis est, ac dolor, quocum propinqua affinitate conjunctus esse & a peculiari quadam motus vibrantis nervorum, cuti

intextorum, mutatione proficisci videtur.

Ingratus hic fensus, æque ac dolor, per consensum, quam græci συμπάθειαν appellant, cum partibus remotis communicari observatur. Vermibus tunicas intestinorum, ex sibris sensilibus contextas, lacessentibus, irritatio sæpissime ad membranam, nares investientem, transfertur, ibique pruritum excitat. Urinæque calculus, in vesica delitescens, non raro

pruritum extremi penis movet.

Præter vulgarem illum pruritum externum, quem ab inordinato quodam nervorum, cutem perrepentium, motu dependere apparet, internus quoque reperitur, per totum corpus ita diffusus, ut ægroti, quorsum referendus sit, indicare nesciant. Vulgo hoc symptoma formicationis sensus appellatur, longeque molestissimum est. Occurrit nonnunquam in morbis hystericis, continuamque corporis jactationem & agrypniam parit.

Pruritus externus, præterquam quod illi cutis fœditati, quæ scabies nominatur, proprius est, interdum icteri, atque febrium quarumdam exanthemati-

carum, symptoma perquam molestum est.

Pruritus, similiter ac dolor sitisque, necessario somnum turbat, longusque & vehemens, delirium vel spasmum, creat.

CAPUT X.

Agrypnia tamquam affectuum morboforum simplicium species considerata.

ONTINENTES illi mentis corporisque per vigiliam labores manisestam important jacturam tenuissimæ cujustam materiæ, a qua omnium facultatum robur ac vigorem dependere constat. Tenuissima ista

materia liquor nerveus esse statuitur.

Somnus itaque ad animi juxta corporisque vires reparandas necessarius est. Atque hino non sine ratione existimant, somni tempore tenuissimi illius liquoris distributionem per omnes systematis nervosi partes quodam modo intermitti, exceptis illis organis, quorum motus ad vitam conservandam per se necessarii sunt, hoc est, corde & pulmonibus, cum musculis, actioni ipsorum inservientibus.

Quomodo liquoris nervei motus sic restringatur, ut, quamvis a sensuum organis motusque voluntarii instrumentis aversus, ad ea tamen, quæ diximus, organa vitalia perveniat, nemo Physiologorum explicare unquam poterit. Aliquam autem hujus generis vicissitudinem esse, modumque distributionis per somnum ab co, qui per vigiliam obtinet, differre, si dicanus, nihil, quod a ratione alienum sit, dixisse nobis videmur.

Quod si igitur secundum naturam & in sanitate somni causa mechanica hæc est, quod liquoris nervei per sensuum internorum atque externorum organa, ac musculos, corde, iisque, qui respirationi inserviunt, exceptis, distributio intermittitur, consequens est, ut status contrarii, qui tamquam affectuum morbosorum simplicium species consideratur,

causam proximam motus nimius in eodem liquore tenuissimo & vitali, per universum corpus diducen-

do, constituat.

Causæremotæ nimii hujús motus variæ sunt. Quædam ab animi affectionibus, ut mærore, ira, ac spei conceptæ frustratione, dependent: aliæ in systemate vasculari turbato consistunt, qunm motus ipsius adeo intenditur, ut calorem sitimque faciat. Aucta enim hæc vis, quamdiu vasa cerebri aperta & libera servantur, nimium illum liquoris nervei motum, qui pro causa agrypniæ proxima habetur, nunquam non excitat.

Effectus hujus symptomatis, si pertinacius sit, non possunt non valde noxii atque perniciales esse. Alimenta enim sola detrimento, quod corpus patitur, refarciendo, viribusque ejus reparandis, non sussi ferant, nisi naturales somni reversiones suppetias ipsis ferant, siquidem per hæc temporis intervalla, quibus musculorum motus omniumque sensuum exercitia quiescunt, particulæ nutrientes potissimum apponia ac figi videntur. Sed in morbis febrilibus, in quibus consueta quoque & naturalis alimentorum solidorum suppeditatio deficit, facile intelligere possumus, quantam partem symptoma, de quo agimus, ad maciem toti corpori inducendam, omnesque illius vires dejiciendas, conserat.

Febrium initiis agrypnia constanter sere & perpetuo accedit: sub sinem autem morbi plerumque in statum contrarium, hoc est, stuporem atque somno-

lentiam continuam, mutatur.

At morborum genus, febris expers, est, in quo agrypnia præcipuam molestiam exhibet. Sed, quum codem tempore systematis vascularis motus solito major non sit, somni defectus, qui in morbis illis per integras interdum hebdomadas continuatur, corporis vires minus cito, quam in febribus, prosternit, quoniam tantum abest, ut ægroti alimenta sastidiant, ut

contra

contra appetitu, modum naturalem excedente, in ea ferantur.

CAPUT XI.

De somnolentia, sive morbosa ad somnum proclivitate.

ONTRARIUM agrypniæ fymptoma, cui octavum inter fymptomata generalia locum affignavimus, fomnolentia, five morbofa ad fomnum proclivitas, est.

Symptoma hoc, si gravius sit, merito periculosum censetur, siquidem ex eo non sine ratione colligitur, liquorem vitalem nervis malignius suppeditari, vel ob materiæ hujus tenuissimæ in humorum universitate inopiam, vel ob aliquam nervorum compressiomem, quæ liberam illius distributionem impediat.

Somnolentiæ causæ remotæ multiplices sunt, velut sanguinis profusiones immodicæ, frigus nimium, aqua in ventriculis atque interstitiis cellularibus cerebri accumulata, vel vasorum in cadem parte nimia distentio, sanguis intra cranium per vulnus esfusus, calvariæ depressio & fractura, qua cerebro impingitur, sic, ut medullam comprimat, &, ne liquor vitalis a sonte suo ad sensuum organa motusque voluntarii instrumenta transmittatur, essiciat.

Ex fymptomate, ipsi contrario, generari possit. Nam quemadmodum aucta circuitus humorum per cerebri vasa celeritas systematis nervosi motum auget, atque ita somnum arcet: sic vasa ista, ab aucto impulsu sanguinis nimium onerata atque distenta, non tantum secretionem, in cerebro continuandam, perficere, non amplius valent, sed præterea quoque nervorum origines comprimunt. Unde somnolentia semper in

Tom. I.

his febribus exfectanda est, in quibus magna agryp-

nia & delirium præcessit.

Sub febrium finem sæpe mixturam quamdam somni ac pavoris subiti, illum excutientis, observamus, quod coma vigil appellatur, rapidoque & inordinato sanguinis per cerebri vasa motui tribuendum esse creditur, partibus quibusdam liberis, aliis autem co usque distentis, ut nervorum origines comprimant.

C A P U T XII.

De anxietate, sive sensu oppressionis pracordiorum.

EXTAM fanitatis absolutæ conditionem hanc pofuimus, ut nulla præcordiorum strictura, aut oppressio, sentiatur. Contrarius huic est, & nonum symptoma generale constituit, molestus ille stricturæ, vel oppressionis, sensus, quem scriptores medici anxietatis nomine insigniunt.

Symptomatis hujus perpetua comes infignis quædam timiditas animique abjectio est. Nam, sicut dolor injuriæ præsentis, ita anxietas mali cujusdam iniminentis notionem in mente excitat, adeoque sæpius

dolore acuto intolerabilior evadit.

Distingui oportet anxietatem illam, in qua nulla systematis vascularis interruptio, aut perturbatio, conspicua est, ab hac, in qua libero fluidorum per arteriarum minorum sines transitui manifestum impedimentum objicitur. Ex pulsu, quemadmodum deinceps explicabimus, duas has species, alteram ab altera, distinguere licet.

Prior morbis maniacis & hystericis, posterior sebribus propria est, per quarum totum decursum ægrotantibus plus minusve molestiæ sacessit. Quoad enim strictura spasmodica, liberum atque æquabilem humorum circuitum impediens, non folvitur, oppressionis in centro sensus maneat, necesse est.

Illa species, quam nulla symptomata sebrilia comitantur, non, nisi ab ataxia quadam; ad solum systema nervosum referenda, derivari potest. Sed propria ataxiæ hujus natura definite explicari tum demum poterit, quum majores in nervorum cognitione prosectus secerimus.

Alterius speciei causæ proximæ, ut modo diximus, obstacula sunt, liberum sanguinis transitum im-

pedientia, quæ variis ex causis nascuntur.

Primum animi affectiones, velut metus, mæror, vindictæ cupiditas, ac spei conceptæ frustratio, majorem minoremve stricturam spasmodicam pariunt, quam constanter & perpetuo major quoque minorve

præcordiorum oppressio seguitur.

Miasmata, quæ varias sebrium species; nominatim exanthematicas, generant, præcipue insolitam quamdam stricturam spasmodicam efficient, adeoque molestus ille anxietatis sensus his tantum non semper accedit. Quamdiu enim particulæ irritantes ao nocentes, sanguini immixtæ, ex corpore non expelluntur, aut ex viis, per quas sanguis transit, ejectæ, in parte cutis cellulosa inter solida inertia deponuntur, laborantes crebra suspiria clidere, & continue de præcordiis oppressis conqueri audias.

Humores nimium abundantes, atque excrementa naturalia retenta, semper oppressionem quamdam inducunt, quoniam inter massam sanguinis movendam & vim cordis motricem justa proportio non est. Similiter, ubi vis cordis quacumque de causa aliquantum imminuta est, nunquam pondus quoddam in centro non sentitur. Idemque accidit, ubi sanguinis per pulmones, vel abdominis viscera, transitus in-

signi quadam ratione interrumpitur.

Si, quæ sanguinis transitum impediunt; obstacula majora sunt, quam ut facili negotio removeri possint; id quod hinc colligere licet, quod ægroti de oppressione, vel strictura, vehementius conqueruntur, pulsuumque summa celeritas ac debilitas est: certum vitæ imminet periculum, siquidem symptomata ista manifesto significant, in centro locisque vicinis majorem sanguinis copiam congestam esse, quam ut vires cordis ei per arterias expellendæ sussiciant, adeoque mortem proxime abesse. Quo magis enim vis & plenitudo pulsuum imminuitur, co magis periculum ingravescit.

Sed illa anxietatis species, quæ a sola systematis nervosi ataxia proficiscitur, quamvis non raro vehementissima atque dirissima esse videatur: præsens tamen vitæ periculum non minatur, quia systematis vascularis motus non turbantur, sanguinisque circui-

tus solita cum libertate fit.

C A P U T XIII.

De spirandi difficultate, ejusque causis & effectibus.

ESPIRATIO difficilis redditur; vel ab aëris, corpora nostra ambientis, statu mutato, vel a viis, per quas aerem in pulmones ingredi oportet, constrictis, aut obstructis, vel a variis vitiis, ipsos pulmones afficientibus, quæ, ne animam reciprocare possint, efficient, liberumque sanguinis per illos transitum impedient.

Aër, justo rarior, vesiculis pulmonalibus distendendis impar est: neque nimis calidus cas satis instat. E diverso aër, justo densior, nimiam distentionem, & nimis frigidus aliquam stricturam bronchiorum efficere potest. Fumi, vel vapores acres, quales sussar, spiritus nitri, sal succini, calx viva, Esc. dispergunt, cum aere hausti, stimulorum vice fungi, vasorumque aëriserorum stricturam spasmodicam sacere observantur. Mephitidum exspirationes, vel aër sixus, in elasticitatis statum reductus, si pulmonibus recipiantur, subito enecant: sed, qua potissimum ratione id accidat, nondum explicatum est. Fortasse sibris motricibus paralysin inducunt. Aer, nimis siccus, vel pulvere subtiliori repletus, respirationem magis minusve molestam reddit: neque is, qui humidis vaporibus justo plenior est, spirandi difficultatem non parit, quoniam perspirationis materiæ tam cito, quam exhalari debet, e pulmonibus recipiendæ aptus non est.

Partes, quæ circa fauces sunt, ita intumescere, & membranæ, quæ illas obtegunt, sic densari, vel muco, aut pure exsudante, operiri possunt, ut glottidis osculum, viæque, eo ducentes, coarctentur, vel plane occludantur. Idem osculum præcludi etiam potest a strictura spasmodica musculorum, ad laryn-

gem pertinentium.

Ipforum pulmonum actio a variis causis impediri potest. In nonnullis thorax ita conformatus est, ut continuam spirandi difficultatem faciat: in aliis pulmones a partium vicinarum tumoribus, vel ab adipis, in pectore, nominatim circa vasa sanguisera majora, accumulatæ, mole comprimuntur: in aliis membrana, qua bronchia investiuntur, densatur, eadem ratione, qua membranam, nares saucesque obtegentem, a perspiratione prohibita densari, sæpiuscule observamus: in aliis mucus, lubricandis bronchis a natura destinatus, nimis large, aut nimis parce, secernitur: in aliis sanguis ex poris, sive sinibus, arteriarum bronchialium, vel pulmonalium, in vasa aerifera transit.

Mucus, serum, pus, in tela cellulosa pulmonum ita accumulari possunt, ut vasa aërisera & sanguisera comprimant, ac, quominus illa instentur, per hæc autem sanguis libere trajiciatur, impediant. Con-

E 3

creta terrena, vel tubercula scirrhodea, sepe in glandulis limphaticis, per pulmones dispersis, generantur, & aerifera pariter, ac sanguisera, vasa com-

primunt.

Vasa sanguisera supra modum distendi possunt, vel, quod nimius sanguis in ipsa derivatur, vel, quod universa ejusdem massa a peripheria corporis ad centrum celerius redit, quam pulmones eam recipere & transmittere possunt: id quod ab exercitatione corporis vehementiore, vel in vigore febris, ubi sanguinis, per vasa circumeuntis, velocitas increscit, perpetuum est.

Dolores acriores, qui musculos, spiritus reciprocationi inservientes, afficiunt, respirationem necessario magis minusve difficilem reddunt. Idemque accidit, ubi iidem hi musculi, maximeque diaphragma, quod flatus interdum, vel acria, in ventriculo atque intestinis hærentia, stimulant, affectus spasmodicos experiuntur. Ipsa etiam bronchia stricturæ spasmodicæ obnoxia sunt a causis internis, quæ sæpe, quamvis magna cura studioque exquisitæ, inveniri tamen non possunt. Pulmones comprimi, corumque motus impediri possunt, a sero, pure, vel sanguine, in cavea thoracis collecto, a tumore abdominis in hydrope, ab aucta magnitudine viscerum, vel a mole setus.

Estque genus morborum, quorum præcipuum & characteristicum symptoma spiritus difficultas constituit. Frequentissimum etiam ac terribile maxime sebrium symptoma est, in quibus partim stricturæ spasmodicæ, partim motui per totum systema vasculare velociori tribuenda est, qui sanguinem ad pulmones celerius appellit, quam ut liberum per eos

transitum invenire possit.

Si inflammatio pulmones occupat, spirandi dissicultas, cum dolore tussique conjuncta, maximam morbi partem constituit. Eadem sæpe numero affectibus hystericis accedit, ubi a statibus sere, aliisve rebus noxiis, in canali cibali inclusis, proficiscitur.

Symptoma hoc si ad summum perveniat, nec statim finiatur, suffocatio & mors necessario consequentur. Neque enim vita, nisi humorum per pulmones transitus aliquam libertatem habeat, consistere potest. Illud tamen ignorare non oportet, alterum pulmonum lobum vitæ aliquamdiu trahendæ ita sufficere, si aeris sanguinisque per illum itinera satis adhuc pateant. Levior spirandi dissicultas majorem minoremve molestiam exhibet, atque, ut aliud jam symptoma non excitet, somnum quidem certe necessario turbat.

CAPUT XIV.

Debilitas tamquam affectuum morbosorum simplicium species considerata.

EBILITAS, sive virium desectus, is universorum musculorum status est, in quo ponderi corporis facile sustinendo, actionibusque ad voluntatis nutum

rite exsequendis, impares evadunt.

De nulla re ægroti frequentius, quam de hoc fymptomate, conqueruntur, siquidem in omni pæne morbo corporis vires deficiunt. Sed febrium symptoma constans & perpetuum est. In his enim, si quando contingat, ut corporis vires robur naturale ætatis, sexus atque constitutionis rationi respondens, vel æquent, vel superent: semper tamen non, nistad breve exiguumque tempus, cas durare videas.

Quidam Pathologi debilitatis hujus, febribus propriæ, rationem ita explicant, ut dicant, ab anima, corporis confervationi femper follicite invigilante, viriumque, ad materiam noxiam, febrium genitri-

E 4

cem, superandam expellendamque necessariarum, jacturam prævidente, liquoris nervei ad omnia motus voluntarii instrumenta distributionem majore ex parte intermitti, eumdem autem cordi largissime liberalissimeque suppeditari, ut inustrato robori exserendo par evadat, quo liberi & æquabilis humorum circuitus obstacula, a strictura spasmodica proficiscentia, removeri possint. Quod opinionis commentum quamquam iis, qui philosophiæ mechanicæ addicti sunt, nulla ratione satisfacit: fatendum tamen est, hos ipsos valde ignorare, quomodo res illa explicanda sit, nec dicere posse, unde animalia vires suas derivent.

Virium fontes in systemate nervoso quærendi sunt. Ac nos quidem a plena ordinataque & continua liquoris illius vitalis in musculorum sibras distributione eas derivandas esse statuimus. Quæ sententia experimentis nititur. Dissecta enim, ligata, compressave chorda aliqua nervea, perpetuum est, musculos, quibus ea prospicit, omni robore motuque privari.

Proximæ igitur debilitatis causæ in hoc ponuntur, quod liquoris nervei, in fila, musculis præcipue dicata, influentis, distributio, vel fortasse motus vibrans, deficit, intermittitur, vel remittitur.

Causæ remotæ hujus desectus, intermissionis, vel remissionis, variæ esse possunt. Rebus quibusdam vim inesse apparet liquorem nerveum subito, ut ita dicam, vitiandi, cum vi elastica, si ponendæ hujus venia detur, eum spolient, atque, ut motui vibranti minus par sit, essiciant. Qui quidem essectus consequi videntur, quotiescumque putresaciens aliqua acrimonia corpori inhæret, sive illa sponte in hoc generata, sive hoc illa insectum sit.

Acrior, vel diutius continuata, sive animi, sive corporis, exercitatio, vires musculorum imminuit, eam ob causam, uti fert opinio, quod tenuis ille

liquor vitalis diffipatur. Sanguinis, humorumve, inde separatorum, profusiones immodicae etiam debilitatem inducunt, siquidem fontem, unde nova syltemati nervoso adveliuntur supplementa, exhauriunt. Nec vero hac fola ratione nimiæ evacuationes robur dejiciunt, fed æquilibrium in systemate vasculari inter partes continentes & contentas tollendo. Qua enim proportione fluida a vaforum lateribus comprimuntur atque propelluntur, eadem particulæ repellentes, in fluidis istis contentæ, resistunt, canalesque distendunt. Itaque æquilibrio inter vim, qua vafa fe contrahunt, & cam, qua fluida fe expandunt, sublato, sive insolitæ subitæque evacuationes incidant, quæ vafa concidere finant, five nova & repentina fluidorum fiat expansio, qua canales nimium distendantur, semper major minorve debilitas confequitur.

Debilitas constanter locum habet in omnibus fibris muscularibus, quæ spasmum passæ sunt, nec unquam non in his, quibus dolores vehementiores infederunt: id quod probabili argumento est, dolorem ab immoderata liquoris nervei agitatione motuque vibrante oriri, cui immoderatam ejusdem dissi-

pationem & jacturam succedere, necesse est.

Necessario quoque debilitas oritur, si systema cellulare aqua, vel oleo, vel, quod raro quidem, at interdum tamen, accidit, aëre elastico præter naturam oneratur atque obruitur, ita, ut fila nervea comprimantur. Hinc desectus virium in leucophlegmatia, obesitate, & morbo illo, quem emphyse-

matis nomine appellant.

Debilitas præcipuum atque characteristicum morborum quorumdam symptoma est, qui paralytici vocantur. Atque in his eam plerumque anæsthesia comitatur. Sed anæsthesia non semper neque necessario debilitatem excipit. Sæpe enim sit, ut, quamvis summa sit debilitas, sentiendi tamen vires parum,

aut nihil, minuantur: id quod vel maxime conspicuum est in sebribus hecticis, in quibus sæpe paucis ante mortem horis omnes sentiendi facultates sirmas vegetasque observanus. At ubi in sebribus simul & sentiendi & movendi vires deficiunt, præsertim, si a prima accessione summa debilitas suit, cubantem in maximo viræ periculo versari, merito judicamus.

Morbi paralytici quum circuitum fanguinis universum non afficiant, nec systematis vascularis motus turbent, complures sæpe annos sic permanent, ut vitæ spatio nihil demant. Sed in debilitate sebrili, quæ ab utroque systemate turbato proficiscitur, nisi & sanguinis circuitus, & liquoris nervei distributio, per totum corpus mature libertati atque æquabilitati restituantur, salva esse vita non potest.

CAPUT X V.

De spasmo.

CONTRARIUM debilitati symptoma spasmus est, quum partes corporis musculosæ insolitum ac portentosum robur exserunt, & semet ipsæ præter voluntatis nutum contrahunt. Violentas istas, atque, invitis nobis, incidentes musculorum actiones interdum vehemens dolor, alias absoluta anæsthesia, comitatur. Nonnunquam spasmis symptomata sebrilia accedunt: interdum systema vasculare nihil omnino ab iis mutatur. Quod si est, morbi spasmodici, similiter, ut paralytici, plures per annos ita manere possum, ut ægro vitam non adimant.

Proximas spasmi causas, in systemate nervoso quærendas, iis, quæ debilitatem & laxitatem inducunt, contrarias esse, haud falso affirmare posse nobis videmur. Spasmum itaque a liquoris nervei motu nimio, vel inordinata per fibrarum muscularium fas-

ciculos distributione oriri dicimus. Nimia liquoris hujus copia ad musculum aliquem delata, dubitari non potest, quin is nimia vi contrahatur, roburque naturali majus exferat. Quumque omnes in corpore humano muscult, paucissimis exceptis, gemini sint, qui contrarii inter se obnituntur, palam est, æquilibrio isto, inter musculos antagonistas per inordinatam atque inæqualem siquoris vitalis distributionem sublato, statim consequi, ut musculi in una quidem parte violenter & præter voluntatem contrahantur, in altera autem debistentur ac relaxentur.

Quemadmodum fine certa quadam systematis vascularis plenitudine ac tensione musculi viribus suis exercendis pares esse plane non possunt: ita, vasis subito exhaustis & collapsis, non tantum universorum musculorum debilitas, sed haud parum sæpe spasmus consequitur, quem ab inordinata fibrarum motricium relaxatione, æquilibrio inter musculos antagonistas sublato, pendere, dubium non est.

Quum modum, quo causæ proximæ nimii hujus motus, vel inordinatæ distributionis, agunt, prorsus ignoremus, stimuli vocabulo contenti esse debebimus, quo quidem omne id significamus, quod, solidis vivis admotum, motus infolitos in ipfis excitat. Stimuli hi spasmos efficient vel in iis musculis, quibus proxime admoventur; velut a tibiæ fractæ testis cruris musculi interdum convelluntur: vel in his, qui longius distant, & cum nervis, quibus stimulus admotus est, nullo modo connexi esse videntur; velut vermes, vel acria, nervos intestinorum afficientia, in artuum truncique musculis convulsiones excitant: vel denique stimuli spasmos efficient, si origini nervorum intra calvariam admoventur; velut, fi, cranio fracto, fragmenta acuta in cerebrum urgentur.

Præter ea, quæ acuminibus suis angulatis mechanice agunt, ut hæc, quorum exempla dedimus,

alia varii generis stimulantia funt, quæ deinceps feorsim considerabimus.

Effectus spasmorum, pro majore minoreve corum violentia, ambitu, ac longinquitate, magis minusve molesti & periculosi sunt. Omnem spasmum perpetuo debilitas aliqua excipit, quam ex siquoris nervei

dissipatione atque jactura oriri credimus.

Spasmus præcipuum & characteristicum morborum quorumdam symptoma constituit. Atque in nonnullis quidem musculi violenter ac præter voluntatem contracti manent: in aliis autem per alternas contractiones & relaxationes, contra omnem voluntatis conatum, agitantur. Quosdam ex his morbis dolor comitatur; alii dolore vacant; in aliis plena anæsthesia apparet.

CAPUT XVI.

De insensibilitate, sive anasthesia.

NÆSTHESIA similiter, ut quodvis aliud symptoma, magis minusve molesta ac periculosa est, prout longius breviusve temporis spatium ei accedit, prout gravior leviorve est, & prout major minorve systematis vascularis ataxia privationem facultatis in systemate nervoso, præsertim in hac illius parte, quæ sensuum actioni dicata est, comitatur. Hic enim Lectores nostri in memoriam sibi revocent distinctionem illam nervorum, quam supra posuimus, ubi haud obscure significavimus, veterum Physiologorum sententiam nobis probari, qui nervorum fasciculos ita distributos esse existimarunt, ut alii sibris muscularibus, alii sensuum organis proprie inserviant.

Quamvis nihil omnino discriminis inter duo hæç

nervorum genera observare liceat: distinctio tamen illa, quum ad explicandam symptomatum nervosorum theoriam in primis faciat, merito retinenda este nobis videtur. Itaque debilitas & spasinus pro nervorum moventium affectibus morbosis haberi, ac debilitatis quidem caufæ proximæ in liquoris vitalis per hos filorum nerveorum fasciculos distributione imminuta, vel intermissa, spasmi autem in eadem nimium aucta, vel inordinata, poni poffunt. E diverso dolor & anæsthesia ad nervorum sentientium affectus referri debent, ita quidem, ut dolor a motu vibrante horum nervorum nimio, anæsthesia vero ab eodem inminuto, vel interrupto, derivetur. Singulorum artuum, vel organorum, anæsthesia unde existat, sæpe detegere nobis licet, eamque a nervorum, ad partes has affectas currentium, compressione, liquoris vitalis per ipsas distributionem impediente, repetendam esse invenimus. Sed universi corporis anæsthesiam a partium, cranio inclufarum, vitiis derivari oportet. Ac fane cadaverum dissectiones docuerunt, ab aqua, in ventriculis vel. inter plicas cerebri collecta, a fanguine, ibidem locorum e valis effulo, a calvaria depressa, a valis fanguiferis ac finubus distentis, vel obstructis, in compluribus cerebri medullam compressam, liberamque liquoris nervei distributionem, vel fortasse secretionem, impeditam fuisse.

At sæpius tamen anæsthesiæ sontes hand paulo obscuriores sunt, ubi eam ab ataxia quadam nervorum ventriculi atque intestinorum, quæ variis rebus noxiis onerata sunt, dependere apparet, ita, ut

συμπαθείας vocabulo contenti esse debeamus.

Anæsthesia nonnunquam totum corpus occupat, nec tamen vis musculorum admodum imminuta deprehenditur, nominatim in morbo illo rariori, qui catalepsis nominatur. Quamquam enim, qui eo correpti sunt, omni prorsus sensu carent, ut nihil a

mortuis differre videantur: musculorum tamen vites ad pondus corporis sustentandum, & quoscumque artuum situs, quos adstantes sinxerint, retinendos sussiciunt. Fere vero nervi motores eodem tempore, quo sentientes viribus suis naturalibus exercendis impares evadunt, turbantur, musculique aut paralysin, aut convulsionem, patiuntur. Ita res se habet in apoplexia, paraplegia, hemiplegia, atque epilepsia, ubi anæsthesiam semper aut atonia, aut spasmus, comitatur. Et in sebribus vehementioribus, quum ad sinem tendunt, ac vasa cerebri nimium repleta atque distenta sunt, virinm resolutioni, quæ ex præcipuis illarum symptomatibus est, plerumque major minorve anæsthesia accedit.

CAPUT XVII.

De sensibilitate nimia, sive hyperasthesia.

Uum rerum externarum impressiones, etsi moderatæ & consuetæ, molestum tamen sensum inferunt, symptoma hoc a scriptoribus quibusdam erethismus appellatur, sed magis proprie hyperæsthesia, sive sensibilitas nimia, nominari potest.

Non confundendus est hic affectus morbosus cum dolore, quem anima semper ita sentit, ut eum ad singulas corporis partes, quæ injuriam, vel vim, pati statuuntur, referat, quum hyperæsthesia sensum molestum, per totam corporis universitatem dis-

fusum, involvat.

Singula interdum sensuum organa sic affecta sunt, ut consuetas impressiones sine molestia perferre non possint. (Sic, exempli gratia, quorumdam oculos modica lux, auresque modicus sonus offendit. Præterea in nonnullis certum quemdam erethismum ob-

fervamus, qui naturalis effe videtur, ut, quidquid vel minima stimulandi atque irritandi vi præditum est, corpus insigni quadam ratione afficiat: quemadmodum e contrario aliorum corpora ita constituta sunt, ut sentiendi sacultates, tam internæ, quam externæ, admodum hebetes ac languidæ appareant.

Sed si erethismus tantus est, ut ad symptoma evalescat, vix ulli eorum, quæ hactenus consideravimus, gravitate concedit, morbique, quorum partem constituit, in vehementissimis maximeque sunestis merito numerantur. Hydrophobiæ, quæ ægrotos plerumque intra quatriduum jugulat, symptoma præcipuum & characteristicum erethismus est: levior in affectibus maniacis, hystericis, hypochondriacis, febribusque nervosis, occurrit.

Causam hyperæsthesiæ proximam in universi systematis nervosi, qua sentiendi sacultati dicatum est, motu vibrante nimio haud absurde ponere nobis videmur. Ac, liquorem nerveum nimis abundare posse si largiaris, ab hac ipsa ejus supersuitate interdum hyperæsthesiam repetere licebit, similiter, ut atonia & anæsthesia sæpe ejusdem liquoris desectui adscribi

possunt.

Symptomati huic, si paulo diutius maneat, necessario delirium succedit, quod decimum quintum symptoma generale, eorumque, quæ enumeravi-

mus, ultimum constituit.

CAPUT XVIII.

De delirio.

ELIRII vocabulo eam omnium mentis facultatum perturbationem significamus, quæ, decimæ fanitatis absolutæ conditioni repugnans, hominem

impedit, quominus res recte percipiat, vereque de iisdem judicet, reminiscendi & imaginandi facultati-

bus codem tempore confusis ac perversis.

Variæ delirii species, variique gradus sunt, quos distingui, in præsentia quidem necesse non est. Considerare autem nunc oportet illas corporis mutationes, a quibus hæc mentis facultatum perturbatio derivari potest. Etsi enim in delirio sincero nullum corporis vitium apparet: tamen, si sanum memorice, imaginationis, & judicii exercitium ab æquabili, libera, ac moderata distributione motuque vibrante liquoris vitalis in ca systematis nervosi parte, quæ fensuum internorum organa constituit, dependere merito statuitur, necessario sequitur, ut, si quando distributio ista motusque vibrans a norma deflectat, vel justum modum excedat, facultates illæ mentis perturbentur, eadem ratione, qua solertissimus Musicus e cithara, cujus nervi incompositi, aut minus apte contenti, ant parum concordes funt, neque melos, neque harmoniam, elicere poterit. Has delirii causas proximas esse arbitramur. Remotarum nonnullæ ad ipsam mentem per se pertinent, nec raro a meditationibus profundioribus, atque acriore ad studia abstrusiora attentione, nascuntur. Vehementiora pathemata, alicque animi affectiones, fape numero non delirium modo excitant, sed evidentes etiam ac permanentes ipfius habitus externi mutationes efficiunt.

Delirium frequentissime febribus, perpetuoque & constanter cerebri, vel membranarum ejus, inslammationi accedit, nec raro præcipuum atque characteristicum morborum quorumdam, febris prorsus expertium, symptoma est.

CAPUT XIX.

Confectaria, ex præmissa de symptomatibus morborum generalibus disputatione profluentia.

Quorum unum atque alterum, variis gradibus atque proportionibus, in quovis morborum genere occurrit, explicatio, hactenus propofita, clare ostendit, ea proxime ad systematis nervosi ac vascularis motus turbatos esse referenda. Nam quemadmodum fanitas absoluta a moderato, æquabili, & libero sluidorum animalium circuitu atque distributione dependet: sic morbos, qui fanitatis absolutæ conditionibus repugnant, vel ab iis deslectunt, totidem mutationes esse invenimus, quæ contingunt in motu, vel liquoris nervei, cujus origo cerebrum est, vel sanguinis, humorumque inde separatorum, qui per totam illam vasorum universitatem, cujus centrum cor est, perstuunt.

Quum quindecim illorum fymptomatum generalium causas proximas ratione animoque lustraveris,
nullum est, nisi forte sensus caloris nimii interdum
excipi debeat, quin aut ab unius systematis nervosi
mutationibus dependeat, aut nervorum affectus sit,
cum turbato systemate vasculari conjunctus. Unde
liquido intelligi potest, quum systematis nervosi motus nullis omnino, quas quidem cognitas habemus,
legibus hydraulicis adstringantur, quam fallaces, &,
si verum dicere licet, periculosas esse oporteat omnes
istas theorias, quæ metiendis vasorum diametris,
ac supputanda sluidorum, per illa circumeuntium,
vi atque velocitate nituntur, siquidem nihilad praxin
a vera ratione devertendam plus valet, quam conTom, 1.

sectaria, ex falsis, vel, ut levissime dicam, incertis istius modi theoriis elicita.

Frustra medicina demonstrationes geometricas sibi vindicat, & professores illius intra limites, quibus

ars circumscripta est, se continere debuerant.

Explicita affectuum morboforum generalium natura, demonstratis eorum effectibus, constitutisque, quantum physiologiæ auxilio fieri potuit, causis proximis, causas remotas explicare nunc aggrediamur, quæ, nata occasione, cum morbifica corporis conditione ad morbos procreandos concurrunt.

CAPUT XX.

De causis morborum remotis, sive possibilibus.

Ut de morbis simplicioribus & simplicissimis, sive solidarum, sive sluidarum partium, egerunt Pathologi, minus proprie locuti sunt. Morbi enim vocabulum, sensu strictiori acceptum, molestiarum, vel infirmitatum, concursum innuit. Quos igitur illi morbos simpliciores vocant, eos nos ad veri nominis morbos non referimus, sed tantummodo pro causis possibilibus, sive conditionibus morbificis, habemus, quæ in dolore, nausea, debilitate, aliisque affectibus morbosis generandis, concurrere possunt.

Ordiemur a conditionibus morbificis fibrarum foli,

darum, per se consideratarum.

Varium robur fibrarum animalium, si has extra nexum cum principio illo vitali, quod ipsas facultatum, rebus viventibus propriarum, exercitio pares reddit, consideremus, in varia particularum, eas constituentium, cohærentia consistat, necesse est.

Cujuscumque naturæ principium hoc cohærentiæ fuerit, mutationi obnoxium est, ut quod modo deficiat, modo redundet. Inde ex una parte debilitas, mollities, laxitas: ex altera robur, duritia, rigor.

At si solida viva, sive fibras vita præditas, consideremus, facultates animales sic exerceri posse inveniemus, ut sanam mensuram aut excedant, aut

infra eam subsistant.

Si perspexeris, quid ex redundantia, aut desectu, principii illius coagmentantis in solidis, ut inertibus consideratis, itemque, quid ex nimio, aut desiciente, exercitio facultatum, fibras istas animantium, necessario consequatur: hæc igitur si perspexeris, quid sint morbi vasorum minimorum, seu solidorum continentium, quo nomine a BOERHAAVIO & GAUBIO

appellantur, intelliges.

Ex debilitate enim, laxitate atque anæsthesia, conjunctis, motuum animalium remissio necessario oritur: unde frigus, languor, & desectus facultatis absorbendi in venis limphaticis, cum pororum osculorumque, in arteriis minimis hiantium, dilatatione, quæ sluida contenta exsudare, vel in telæ cellulosæ interstitiis deponi patitur, atque ita tumores, humorumque colluviones, in variis locis excitat. A nimio contra robore ac rigore, cum hyperæsthesia conjuncto, motus animales non possunt non intendi: unde calor immodicus, dolor, agrypnia, omniaque illa symptomata, quæ morbos, in quibus commotio sebrilis, vel inslammatio est, efficiunt.

Habes hic quasdam ex illis corporum proprietatibus, quæ temperamentorum, uti vocari consueverunt, disferentias constituunt. Temperamenta enim, quæ antiquiores Physiologi tantum ad sluida retulerunt, atque ex uno alterove quatuor illorum humorum principum, quem præter cæteros eminere opinati sunt, sanguinei, phlegmatici, cholerici, vel

F 2

melancholici, appellationibus distinxerunt, ea nunc a majori minorive robore & sensibilitate, diversimode inter se conjunctis, repetuntur.

I. Magnum vaforum robur cum magna sensibilitate temperamentum constituit, ei simile, quod veteres

fanguinei nomine infigniverunt.

II. Exiguum vasorum robur cum magna sensibilitate temperamentum hystericum efficit, quod cholerico aliquatenus respondet.

III. Magnum vaforum robur cum exigua fensibi-

litate temperamento melancholico congruit.

IV. Exigua sensibilitas cum exiguo vasorum robore id temperamentum sistit, quod veteres scriptores phlegmaticum appellarunt.

Demonstratis conditionibus morbificis partium continentium, sequitur, ut partium contentarum

conditiones morbificas consideremus.

Fluida animalia ex particulis, ipfa natura diversis, constant, quæ viribus attrahentibus & repellentibus in se mutuo agunt: unde varii ac multiformes illarum

coalitus oriri possunt.

Vehementer inter se discrepant opiniones de mutationibus morbificis sluidorum animalium, in quibus plerique communem morborum sontem quærere consueverunt. Neque exiguus est theoriarum numerus, quæ hac de re propositæ sunt inde a tempore Galenicorum, quo numerus humorum quaternarius viguit, usque ad illud, quo Chemici quidvis ex principiis suis, sale, sulfure, & mercurio, acido & alkali, explicuerunt, ac donec tandem Physiologi mechanici cubos sphærasque, spicula cuneosque, in sluidis animalibus videre sibi visi sunt.

Sed omnes istins generis theoriæ multum damni in artis exercitium inferunt. Si quis enim illas amplectitur, is tantum de peculiaris cujusdam humoris no-xii, cujus speciem animo figurat, correctione, vel expulsione, cogitans, naturæ conatus observare ne-

gligit, vel cam cognitionem, quæ ab experientia pro-

ficiscitur, nullius momenti putat.

Acrimoniæ vocabulo omnes illæ materiæ morbificæ concluduntur, quæ, fanguini immixtæ, vel fanam ejus crafin destruunt, vel folida viva stimulant, aut inertia corrodunt.

Quum theoria materiarum harum morbificarum femper pro necessaria pathologiæ parte habita fuerit, brevibus cam lineis hie deformabimus, qualis proposita est a GAUBIO, qui ex recentissimis scriptoribus est, optimeque hoe argumentum explicuisse creditur, tametsi valde dubitemus, an distinctiones ipsius nobis, in arte exercenda versantibus, multum utilitatis allaturæ sint, siquidem perraro evenit, ut ab iis, in quas acrimoniam diduxit, speciebus morbos commode deducere liceat.

GAUBIUS igitur quinque acrimoniæ species ponit, acidam, alkalinam puram, putridam, muriaticam, ammoniacalem, seorsimque eas malorum species enumerat, quæ ab acrimoniis istis, si sanguini vere inesse

statuantur, oriri possunt.

I. Ab acrimonia acida, particulas aquosas trahente, retinente, inflammabiles supprimente, terrenas solvente, corpus pallet, friget, solida laxantur, vigor motuum vitalium minuitur ac languescit: unde humorum stagnatio & corruptio, pustulas, ulcera, pruritum, dolorem, pariens.

II. Acrimonia alkalina, fanguinis crasin pariter, atque acida, destruens, terram oleumque fundit, solida viva irritat, & latera vasorum corrodit, atque ita spasmos, sanguinis e vasis effusiones, variorumque humorum profluvia, pro canalium, quorum contex-

tus destructus, vel læsus est, natura, efficit.

III. Acrimonia putrida, quæ cum acrimonia alkalina pura neutiquam confundi debet, in corpore humano nata, vitæ omnium maxime infesta est, sanguinem dissolvens, & ad nutriendum ineptum reddens, solida viva debilitans atque irritans, eademque pariter & inertia corrodens: unde universæ motuum vitalium œconomiæ perturbatio, neque arti, neque

naturæ, superabilis.

IV. Ab acrimonia muriatica, quam falis cibarii abusus per humores disfundit, præcipue pruritus, cutis rubor, pustulæ, ulcera, macies, interdum articulorum rigor, carniumque duritia inflexibilis, oriri dicuntur.

V. Par fere ratio est acrimoniæ ammoniacalis, quam sales, propter excretionum naturalium suppressionem in suidis retenti, procreare creduntur.

Omnia hæc examussim systematica, nec lectu injucunda sunt: sed, si varias illas acrimoniæ species in ægrotantibus quæras, raro tam selici esse tibi lice-

bit, ut eas invenias, aut distinguas.

Novimus sane, variolas, morbillos, suemque veneream, a peculiaribus quibusdam materiis subtilissimis nasci, ex quibus constanter hos, non alios morbos gigni, experientia docet. Sed natura atque indoles materiarum istarum definiri non potest. Quis enim describat, cujus figura, coloris, magnitudinis, odoris, faporis, particulæ illæ fint, quæ aliquem ex morbis, modo commemoratis, generare posfunt? Quapropter, si quis ca, quæ reapse utilia sunt, consectatur, is nunquam propriam acrimoniarum istarum naturam investigare conabitur, (quid enim est aliud tempus perdere, si hoc non est?) sed, ubi semel notas & signa repererit, quæ peculiaris cujusdam materiæ morbificæ præsentiam manifestant, his inhærebit, atque, experientia magistra, discere adlaborabit, quid materia ista efficere fere soleat, quaque ratione eam corrigere, vel expellere, liceat. Ita vero ægrotis, quorum curam agit, vere proderit, quum contra ii, qui methodum scholasticam sequuntur, cawere vix possint, ne in periculosos errores incidant. Exempli gratia, adit te ægrotus, qui omnes acrimoniæ acidæ notas, a pathologiæ scriptoribus recensitas, exhibet. Pallet, languet, cutem pustulæ obsident.

Quod si jam, sine ulteriori examine, curationem hujus ægri suscipere, eique sales alkalinos, vel terras absorbentes, aliave, quibus acidam istam acrimoniam debellatum iri tibi persuades, imperare velles, inania sortassis atque irrita imperares. Fieri enim potest, ut, ægrum propius, remotis arbitris, examinans, humores ipsius non ab acrimonia acida, sed a viro venereo, corruptos esse invenias. Itaque non amplius de remediis, acori contrariis, cogitabis, sed hoc tibi negotium datum esse credes, ut peculiarem illam materiam morbiscam, quæ luem veneream progignit, iis medendi rationibus, quas experientia præ cæteris esseces esse demonstravit, corrigas atque expellas.

Materiam igitur morbificam a morbo, quem proprie ex ipsa generari constat, appellasse contenti, nihil ad nos pertinere existimemus, utrum reliquas ejus proprietates cognitas habeamus, nec ne, dum dicere possimus, quid illa, si adsit, efficiat, & quæ res eam corrigant, vel expellant. Commoda hujus

methodi exemplo illustriora evadent.

Ægrotus quidam queritur de articulorum dolore, cum anorexia, languore, ac ventriculi molestia: alius de dolore, media ossa potissimum afficiente, acerrimeque noctu, quod a lecti calore exasperatur, sæviente, una cum cæteris, quæ diximus, incommodis. Jam, si observationes, quæ per manus traditæ nobis sunt, examines, priorem dolorem a materia arthritica, alterum a syphilitica, moveri invenies. An vero est quisquam, qui dicere possit, cui rei materiæ illæ morbissæ similes sint, utrum ad naturam alkalinam, an ad acidam, tendant? Sed experientia docuit, priore ad articulos ejecta, ita, ut acrem doloris accessum provocet, altera per argentum vivum

correcta, utrumque ægrum cito plenæ fanitati restitui. Itaque, si sapies, causas horum morborum non reseres ad acrimoniam acidam, alkalinam, aut muriaticam, nec sollicitus eris de medicamentis, quæ causis istis sictis opponas, sed statim priori ægroto ea exhibebis, a quibus naturæ conatus in materia arthritica ad articulos ejicienda adjuvari constat, alteri ca, quæ viro venereo corrigendo atque subigendo paria esse cognovisti.

Materiarum harum morbificarum, quæ, nata occafione, peculiaribus morborum speciebus generandis
pares inveniuntur, duo sunt genera, unæ nativæ,
quæ sponte in corpore oriri videntur, adventiciæ
alteræ, quæ extrinsecus corpus subeunt, vel per infectionem, quæ materiæ cujusdam subtilissimæ transmissionem ab uno corpore in alterum sine contactu
denotat, vel per contagionem, quæ ad materiæ illius
transmissionem ipsum contactum mutuum requirit.

Ad materias morbificas nativas omnes ex pertinent, que arthritidem, rheumatifinum, fcorbutum, fcro-

fulas, cancrum, procreare possunt.

Ad adventicias referimus omnes illas stupendæ subtilitatis materias (miasmata vulgo nominant) quæ per aerem sese dissundere, & pestilentiam aliasque sebres epidemicas, variis nominibus distinctas, dysenteriam, tussim ferinam, &c. vulgare possunt, sicut etiam salivam animalium rabiosorum, venenum viperarum, aliarumque bestiarum nocentium, materiam luis venereæ, scabiei, aliorumque quorumdam vitiorum, cutem occupantium.

Enumeratæ hæ materiæ morbificæ, in corpore generatæ, vel extrinfecus in id delatæ, fuam quæque morbi formam fibi propriam procreant, iis dumtaxat cum varietatibus, quas ætas, fexus, corporifque constitutio afferunt: quod tamen sic demum contingit, si corpus éodem illo tempore ita comparatum est, ut materiæ morbificæ actioni velificetur. Constans

enim naturælex hæc est, ut morbi, qui a variis illis acrimonia speciebus, nata occasione, oriri possunt, non tantum materiæ morbificæ præsentiam, verum etiam certam quamdam diathefin, corpori inhærentem, quæ materiæ morbificæ actionem adjuvet, requirant, antequam vere existere possint. Non præfumimus, diatheseos hujus naturam explicare nos posse, sed satis habemus, rem ipsam certam, atque experientia ad liquidum perductam esse. Sic inter omnes constat, rarissime accidere, ut variolæ, morbilli, tussis ferina, eumdem hominem bis corripiant. Ecquis autem vel probabili conjectura naturam mutationum illarum, in corpore factarum, assequetur, quæ eam hujus diathefin relinquant, ut eadem materia morbifica easdem oconomiæ animalis turbas iterum concitare nequeat? Atque ita fæpius evenit, ut, si pluribus ejusdem samiliæ hominibus, eadem hora, & conditionibus, quantum apparet, per omnia fimilibus, variolas inferas, non omnes tamen morbum nanciscantur, sed'aliqui immunes maneant. Idemque in aliis quoque morbis, per infectionem, vel ipfam contagionem, nascentibus, observare licet, ubi subinde quibusdam tam felicibus esse contingit, ut peculiari illa diathesi, sine qua materia morbifica morbum procreare non potest, careant.

Quum materiæ hæ morbificæ ipsa natura disserre, propriisque viribus mutationes in corpore vivo esticiendi præditæ esse videantur, quæ quidem mutationes, quantum ætas, sexus, corporisque constitutio patiuntur, non variant, sed uniformes sunt, consequens est, ut, si res, virtutibus materias illas morbificas subigendi præditas, invenire nobis liceret, pravis uniuscujusque essectibus præcavendis pares foremus. Sed ea est generis humani infelicitas, ut adhuc non, nisi perpauca ejus modi auxilia, detecta sint. Exceptis enim sebrium quarumdam, scorbuti, luisque venereæ materiis morbificis, nulla est, cujus reme-

dium certum ars medica possideat. Ad illos sane morbos experientia nobis suppeditavit auxilia, quæ, si mature, & cum cura atque attentione aliqua, adhibeantur, rarissime sallant.

At si adversus hos morbos, quos modo commemoravimus, certa inveniri potuerunt remedia, non video, quidquid in contrariam partem dicatur, cur similia adversus plures reperiri nequeant. Sine audacia igitur non sperare, sed considere, audemus, ipsius arthritidis ipfiusque cancri auxilia aliquando detectum iri. Cancri virus, quantumvis terribile, terribilius tamen non est, quam syphiliticum tum suit, quum ligni guaiaci & argenti vivi virtutes a medentibus adhuc ignorabantur. Guicciardinus, celebris ille Italorum historicus, testis oculatus refert, luem veneream, per plures a primo suo in Europam ingressu annos, innumeris utriusque sexus & cujuscumque ætatis hominibus perniciem attulisse, plurimos tam horrendum in modum deformatos fuisse, ut per omnem vitam inutiles, ac perpetuis fere doloribus obnoxii manserint, eosque, qui sanati visi suerint, maxima ex parte cito in eamdem miseriam recidisse. Quod si jam certum morbi hujus remedium, non, nisi nostra demum ætate, detectum fuisset, quot hominum millia ex illo non minus misere, quam ex cancro vel maxime inveterato, periissent! Sed redeamus illuc, unde defleximus.

Si materiam morbificam, qualifcumque naturæ fuerit, tantum in fystematis cellularis cavis, quorum latera ex fibris lamellisque inertibus contexta sunt, depositam, atque omnino nec cum liquore nerveo, nec cum sanguine, aliisque humoribus, in systemate vasculari contentis, remixtam esse statuamus, facile intellectu est, materiam noxiam adesse posse, nec conspicuam tamen sanitatis mutationem inde accidere. Sic variolarum insitio docuit, materiam illarum octo vel decem dies in corpore ita remanere, ut nul-

lum sui indicium præbeat. Et canis rabiosi saliva per cutem, morsu vexatam, corpori insinuata, plures tamen hebdomades, imo nonnunquam menses, prius elabuntur, quam hydrophobiæ symptomata appareant.

Cur una materiæ morbificæ species tanto citius sese manisestet, quam altera, ratio probabilis reddi non magis potest, quam cur animalis rabiosi saliva aquæ timorem saciat, aut variolarum materia hominem in sebrem conjiciat, & pustulis ubique cooperiat.

Eadem cujusvis alius materiæ morbificæ ratio est. Quamdiu in systemate cellulari detinetur, nullum ex quindecim illis symptomatibus generalibus unquam excitat. Ac, propter rationes jam adductas, si peculiaris quædam materia acris, vel morbifica, ab humorum universitate separari, atque ex viis, per quas hi transeunt, ejici, hoc est, ex vasculari systemate in cellulare transferri potest, irritatio, quam stimulus illius effecit, eoque ipso omnia symptomata, ab hac irritatione dependentia, conquiescunt.

Ita plures morbi, exanthematibus in cute eruptis, levantur. Particulæ enim noxiæ per naturæ conatus, atque inexplicabilem quemdam, ut ita dicam, processum, in motu sluidorum intestino contingentem, a massa humorum, per vasa circumeunte, separantur, & vel per vasa rupta exiguntur, aut elabuntur, vel per poros, in tunicis arteriarum hiantes, exsudant, atque ita in telæ cellulosæ cavis deponuntur, ubi, inter solida inertia sitæ, nihil amplius turbarum faciunt.

Omnes, de quibus hactenus locuti sumus, materiæ morbificæ in humorum universitate inesse statuuntur: sed morbi sæpe nascuntur ab humoribus, aliisque rebus vitioss, quæ in primis viis retentæ, vel accumulatæ sunt.

FREDERICUS HOFMANNUS primus fuisse videtur, qui hanc rerum noxiarum in canali cibali accumula-tionem majore cum attentione consideraverit, in eaque

Plurium morborum fontem quærendum esse docuerit. Felicissime Vir celeberrimus pervestigavit συμπαθείας, quæ ventriculum inter & varias corporis partes obtinent, ejusque vestigia in hac inquisitione nuper secutus est Cl. Whyttius.

Patet ex his observationibus, nullam sere turbatorum motuum animalium varietatem esse, quin æque a materiis morbificis, in canali cibali retentis, vel accumulatis, atque a variis illis acrimoniæ speciebus, quæ per suida dissus funt, oriri possit. Magna autem inter morbos, ab hac συμπαθεία dependentes, & cos, qui a suidorum vitiis nascuntur, differentia intercedit. Morbi quippe sympathici artis potestati magis subjecti sunt, ac frequentius sanantur, quam cæteri, quos idiopathicos nominant.

Cacochyliæ & faburræ vocabula adhibentur ad denotandam universam illam rerum noxiarum in primis viis accumulationem, cujus quinque species sunt, una acida, altera amara, tertia insipida, quarta pu-

trida, quinta denique empyreumatica.

Symptomata, omnibus faburræ speciebus communia, fere sunt anorexia, nausea, ventriculi dolor, ponderisque ac plenitudinis in ipso sensus, dolor capitis, languor, debilitas. Singulis speciebus propria sunt, quæ sequuntur:

A faburra acida oriuntur ructus acidi, ventriculi tumor, tenfio, ardor & dolor, capitis gravitas & dolor, tuffis, fingultus, alvi duritia, interdum diar-

rhœa ac tenesmus.

Sabuira amara parit oris amarorem, sitim immodicam, ventriculi ardorem & dolorem, materiæ slavæ, vel viridis, vomitum, dejectiones nimias, cum intestinorum tormentis conjunctas, humorumque acrium evacuationes, quibus omnibus fere accedit, vel succedit, color slavus, per alba oculorum cutemque universam disfusus.

Phlegma insipidum ac glutinosum, quod tertiam

faburræ speciem constituit, lentorem in ore facit, ciborum appetentiam dejicit, vermium generationi favet, slatusque copiosos generat, qui, si sursum expellantur, saporem & odorem ejus rei, quæ ultima devorata est, vehementem, ac parum dumtaxat mutatum, reserunt, ponderis interim sensu in ventriculi regione plerumque percepto.

Quartam speciem, hoc est, saburram putridam, putridus in ore sapor cum ejussem odoris ructibus, ponderis in ventriculo sensus, præcordiorum oppressio, debilitas, nausea, sætidæque materiæ vomitus

& dejectio, consequuntur.

A faburra rancida, sive empyreumatica, nascuntur eructationes materiæ acris oleosæ, oleum vel butyrum frixum referentis, vehemens ventriculi ardor & dolor, cum torminibus, præcordiorum oppressone, ac nausea. Atque hæc saburræ species arthritidem inse

tantem certissime præsagire creditur.

In causis cacochyliæ generalibus justam corporis exercitationem neglectam, sanguinis, humorumve, ex eo separatorum, profusiones immoderatas, mentis attentionem acriorem, in una re assidue defixam, animique assectus vehementiores ac diuturniores, numerare possumus: sed, quum singularum saburræ specierum causas investigatum ibimus, res inveniemus, quæ unius potius, quam alterius, generationi saveant.

Ac primum quidem saburra acida locum habere consuevit, ubi alimenta justo diutius in ventriculo retinentur, vel propter debilitatem sibrarum muscularium, ex quibus tunicæ illius contextæ sunt, vel propter justam corporis exercitationem, peculiaris cujusdam negotii, aut professionis, causa, vel solo attentionis desectu, neglectam. Ita enim sieri potest, ut massa illa, ex alimentis succisque, digestioni intervientibus, inter se commixtis, enata, cui secundum naturæ regulam justa sermentatio subeunda est,

in ventriculo, vel intestinis tenuioribus, moras trahat, dum, fermentatione prima, sive vinosa, peracta, in secundam, sive acidam, transeat. Idque facilius etiam accidere potest, si ea assumantur alimenta, quæ vel jam acorem habent, vel in fermentationem acidam proclivia sunt, velut lac, fructus horæi, farinæ. Ex quo facile prædici potest, quod hominum genus potissimum a saburra acida infestari folcat.

Saburra, acidæ contraria, sive putrida, existere potest a nimia victus animalis copia, sine justa vegetabilis admixtione, & a rerum putrescentium nimis longa in primis viis commoratione. Inde enim fieri potest, ut, acidam quoque fermentationem transeuntes, ad tertiam, hoc est, putridam progrediantur: quo facto necessarium est, ut ciborum fastidium ac nausea excitetur.

Saburra amara generatur, quum bilis justo uberius secernitur, vel justo diutius in intestino duodeno moratur, atque in ventriculum ascendit.

Saburra insipida glutinosa tribuenda est nimiæ fecretioni muci, quem natura superficiei internæ totius canalis cibalis lubricandæ atque defendendæ destinavit. Laborant illa plerumque homines laxioris habitus, & potores strenui, in quibus dubium non est, quin a glandularum mucosarum ductibus excernentibus, per crebras liquorum stimulantium ingurgitationes continue irritatis, proficifcatur.

Nimia hæc muci abundantia fuccorum, digestioni inservientium, vim dissolventem infirmat, atque ita digestionem impedit. Et pinguia, vel oleosa, ventriculo, sic affecto, ingesta, cum parte alimentorum aquosa non commiscentur, atque ex solo loci calore acrimoniam contrahentia, saburram rancidam, sive

empyreumaticam, procreant.

Quamquam major morborum, corpus humanum affligentium, numerus ex fontibus, hactenus commemoratis, oritur: aliæ tamen adhuc causæ illorum possibiles sunt, a scriptoribus medicis ad res non na-

turales, quas scholæ nominant, relatæ.

Rerum non naturalium appellatione comprehenduntur 1) aër, 2) cibus & potus, 3) corporis motus & quies, 4) fomnus & vigilia, 5) animi affectus, 6) res in corpore retentæ, vel ex eodem excretæ. Atque hæc fex momenta suo nunc ordine erunt perlustranda.

Primum igitur de tempestatibus locorumque mutationibus observamus, ab aëre nimis calido sluida expandi, excretionem per cutem augeri, per vesicam autem imminui. Inde subtilissimæ succorum partis dissipatio, sitim immodicam, agrypniam, maciem,

viriumque imbecillitatem pariens.

Olim existimarunt, in aëre, ultra calorem sanguinis nostri calesacto, vitam protrahi non posse: sed recentiorum observationes non consentiunt, ut quæ, thermometro Farenheitiano ad gradum centesimum secundum, imo altius, ascendente, homines sanos esse posse docuerint. Quod tamén ita pro vero ponimus, si rationes, ab illis subductæ, non fallunt.

Aër nimis frigidus fanguinem spissum efficere, perspirationem, occlusis cutis poris, cohibere, doloribusque & inflammationibus originem præbere

statuitur.

Sicca tempestas, nisi nimio aut calori, aut frigori, conjuncta, fere minus, quam superiores, morborum ferax esse existimatur: aer autem humidus semper pro insalubri habetur, tonumque partium solidarum relaxando, sluidarum mutationes morbificas essicere creditur.

At fatendum tamen est, cognitionem nostram de aëris calidi & frigidi, humidi & sicci, esfectibus nimis vagam esse, quam ut in artis exercitio ntultum utilitatis inde sperare liceat. Quamvis enim plures viri diligentes hunc laborem susceptint, ut, per

longam annorum seriem, tempestatum varietates fumma cum cura in tabulas referrent: nondum tamen id consecuti sumus, ut sine dubitatione dicere possimus, quæ morborum genera ab illis nascantur. Generatim tantum atque universe de iis loqui posfumus. Quamquam enim dubium non est, quin morbos illos, qui sæpe certis anni temporibus magnam hominum turbam una pariterque corripere observantur, quorumque ab una regione in alteram progreffus vestigari potest, aliquid, quod per aerem fertur, disseminet : haud quisquam tamen detegere adhuc potuit, in quo morbificum illud aliquid consistat. Quare, ficut in cæteris materiis morbificis specificis, ita etiam in hac, effectus observasse contenti, caveamus, ne in causis investigandis tempus inutiliter confumamus.

Morbos, qui ab altera retum non naturalium classe proficisci possunt, supra jam tetigimus eo loco, quo, quemadmodum variæ saburræ species gignerentur, ostendimus. Minutius hoc argumentum pertractari, instituti nostri limites non sinunt. Nihilo tamen minus paucis essectus commemorabimus, qui alimenta, vel quantitate, vel qualitate, peccantia,

consequuntur.

Si ventriculus nimia alimentorum copia repletus est, sibræ tunicarum motrices, supra modum distentæ, vim contenta propellendi amittere possunt, quæ, sic retenta, ventriculum in tumorem attollunt, ciborumque sastidium, spirandi dissicultatem, ac forte animi desectionem, pariunt. Quod onus nisi mature vomitionibus rejiciatur, ex insolita illa retum fermentescentium copia, ad acidam, vel ipsam putridam, fermentationem transcunte, slatuum eructationes, ventriculi dolor, & atrocia intestinorum tormenta, interdum cum dejectionibus, interdum sine his, nascuntur.

E contrario justi alimenti inopia, vel inedia, diu-

tius

tius protracta, præter incommoda, ex appetitu naturali non expleto proxime oriunda, succos universos nimis sassos & acres reddit: id quod protinus in saliva ac bile se manifestat. Ex hac autem fluidorum animalium acrimonia complures assectus morbosi, præcipue sitis, debilitas, macies, agrypnia, spasmus, delirium, & tandem mors, existunt.

Qualitate si peccant alimenta, nimium aut acria, aut glutinosa, aut oleosa sunt. Hinc autem, uti supra demonstravimus, variæ saburræ species oriuntur, quæ pariter plurimas noxas, ibidem recensitas,

pariunt.

Alimenta, quibus utimur, hujus naturæ funt, vel esse debent, ut digestionis organa facultatem habeant crasin illorum ita immutandi, ut substantiæ corporum nostrorum similia reddi, cum eaque conjungi possint.

Sed plura vel fortuito, vel consulto, in ventriculum ingerimus, quæ sic immutari nequeunt. Quædam ex his vi pollent tantas tamque repentinas motuum animalium mutationes efficiendi, ut gravissimi morbi inde erumpant, nec raro ipsa vita destruatur. Venena nominantur, aguntque alia, motus animales incitando, alia, eosdem supprimendo atque inter-

rumpendo.

Quædam venena maxime in fystema vasculare sagunt, totiusque sluidorum crassiorum universitatis motus evidenter vel accelerant, vel interrumpunt: alia nervosum præcipue systema afficiunt, nauseamque, vomitum, dolorem, vertiginem, cæcitatem, delirium, convulsiones, soporem, anæsthesiam, creant: alia denique non, nist in singula organa, agunt, singulasque secretiones aut promovent, aut supprimunt.

Venena animalia, ut viperæ, aliorumque serpentium pestiferorum, virus, in ventriculum ingesta, innoxia sunt: vegetabilia autem, æque ac minera-

lia, & gustu, & in vulnere, nocent.

Tom. I, G

Vegetabilia hæc, vel mineralia, quamquam tantas tamque repentinas motuum animalium mutationes efficiunt, ut imprudentem illorum usum necessario mors sequatur: nonnulla tamen a Medicis, tamquam efficacissima remedia, adhibentur, nec parum sæpe, si perita manu tractentur, mutationes summe salutares inducunt.

Ita opium, multa ex vegetabilibus catharticis atque emeticis, ac varia illa pharmaca, ex argento vivo & antimonio parata, prout improvide, aut provide, in usum vocantur, venenorum, aut medicamento-

rum, vices agunt.

De tertia quartaque rerum non naturalium classe inter omnes constat, ab actione musculorum vehementiore & diuturniore humorum circuitum nimis accelerari, calorem animalem augeri, tenuiores sanguinis partes dissari, sitimque, maciem, ac debilitatem procreari. Eademque, ubi ad summum venit, prosecto non potest, quin sanam sanguinis crasin destruat, cumque vitæ sustentandæ ineptum reddat, aut, si corpus jam mali habitus est, & viscera quædam corrupta sunt, subitam mortem afferat.

Somnus nimis brevis, sive vigilia immodica, robur exhaurit, mentis facultates imminuit, corpus emaciat, ciborum digestionem prohibet, atque universam humorum massam ita vitiat, ut acrimoniam ipsi impertiatur: unde agrypnia continens ac delirium

existere possunt.

Quies nimia & fomnus nimis longus vires fibrarum muscularium imminuunt, stuidorumque circuitum retardant: unde languor, mentis facultatum hebetudo, corpulentia, atque aquarum colluvies, propter desectum virium absorbentium in vasis valvulosis limphaticis, quorum actio a musculorum, in motu constitutorum, pressu laterali insigniter adjuvatur.

Stupendæ sunt mutationes, quas violentior animi agitatio in corpore efficit. Morgagnus in libri de

fedibus morborum Epift. XXXVIII, Art. 2,*) duo admodum memorabilia exempla hanc in rem attulit, unum hominis, post vehementem iræ impetum mortui, alterum hominis, repentino atque ingenti terrore enecti. Apertis cadaveribus, in utroque plurium partium internarum non species modo, sed ipse etiam situs, supra, quam cuiquam credibile videatur, mutatus repertus est.

Ira & lætitia motus systematis vascularis inten-

dunt atque accelerant: unde calor & agrypnia.

Terror ac trillitia contrarios habent effectus, ut qui stricturas spasmodicas creent, humores a peripheria ad centrum repellant, motusque systematis vascularis retardent: unde frigus, præcordiorum oppressio, spirandi difficultas, sitis, virium resolutio.

Affectus magis compositi motus animales augere, deprimere, vel interrumpere solent, prout iræ &

^{*)} Hic Nostrum memoria fefellit, siquidem per totam Epistolani XXXVIII, ea, quæ a Morgagno commemorari dicit, frustra quæras. At fortassis Epist. XXXVII, fcribere voluit, vel XXXVIII, pro XXXVII, per typothetæ errorem irrepsit. In Epistolæ enim XXXVII, Art. 2, exemplum Sacerdotis juvenis refertur, qui paulo post quamdam animi perturbationem, regio morbo correptus, decubuit, cum dolore ad regionem stomachi, & vomitu, cui, tertio exeunte die, febris magna accessit, cum delirio & convulsionibus vehementissimis, quibus cessantibus, æger, in foporem delapfus, quarto transacto die, obiit. Atque ibid. Art. 4, exemplum juvenis narratur, qui magno terrore perculfus, postridie ictericus factus, mox delirus, tum convulfivis agitationibus tantis correptus, vix ut retineri posset multorum manibus, intra horas a delirii initio viginti quatuor exstinctus est. Sed in neutro cadavere stupendæ istæ mutationes, quas Noster memoriæ prodidit, repertæ funt. In posteriori sane, ut ipsius Morgagni verbis utar, sectio nihil ostendit, quod videretur magnopere adnotatione dignum, si vasa excipias sanguifera, per tenuem meningem repentia, qua nigro sanguine plurimunt distenta reperta Sunt.

lætitiæ, vel terroris & tristitiæ, magis participes, longiores, vel breviores, vehementiores, vel mode-

ratiores, funt.

Ultima rerum non naturalium classis, ad excretiones spectans, uberrimus malorum fons est, pro natura excretionis differentium, qua aut supprimitur, aut supra modum augetur. Plures noxæ, a saburra oriundæ, supraque a nobis commemoratæ, huc pertinent. Præter quas considerandi nobis sunt effectus, qui ex nimiis per intestina, vesicam, & cutis meatus excretionibus, sicut etiam ex harum suppressione, rerumque, per tria illa corporis ostia expellendarum, retentione consequi possunt. Quum symptomata morborum enumeratum ibimus, occasio nobis dabitur omnia illa mala, quæ ex fontibus hic indicatis emanant, commemorandi, adeoque nulla nos urget necessitas, ut ea hoc loco in medium producamus. Generatim monuisse sufficiat, excrementa in corpore fublistere non posse, quin varii generis noxas inferant, non tantum canales, vel receptacula, in quibus continentur, distendendo, debilitando, vel forte rumpendo, fed totam quoque humorum universitatem vitiando, quæ hoc modo rebus noxiis, quas ex corpore eliminari oportebat, oneratur.

Sanguinis, aliorumve inde secretorum humorum, ad excrementa non pertinentium, profusiones, si largæ repentinæque obtigerint, subitam debilitatem inducunt, partium solidarum tonum labesactant, ac reliquam massam idoneam reddunt, quæ in mixta

morbifica coeat.

Quod fi nunc variis his rebus, quæ hactenus enumeratæ funt, eas addamus, quæ, corpori extrinfecus admotæ, nocendi vim habent, folida viva irritando, diftendendo, constringendo, vel crispando, aut quæ partium durarum, vel mollium, contextum per fracturas, contusiones, adustiones & vulnera dividere, vel destruere, possunt, initis subductisque fationibus, intelligemus, quantus numerus, quantaque varietas rerum illarum sit, quæ morborum, vel per totum corpus orientium, vel non, nisi in singulis partibus incidentium, causas remotas, sive possibiles, constituunt. Sollicite autem cavere nos oportet, ne hujus generis causas unquam cum proximis confundamus.

CAPUT XXI.

Enumeratio symptomatum particularium, sive topicorum.

UAMQUAM aliqua, vel plura, ex quindecim illis symptomatibus generalibus quoscumque morbos certis quibusdam gradibus atque proportionibus comitantur: multi tamen sunt, quorum characterem vitia singularum partium constituunt, quæ non, nist symptomatum particularium, sive topicorum, numero haberi possunt. Atque hinc necessarium est, ut intelligamus naturam, causas atque effectus affectuum illorum morbosorum, qui oriuntur a vitiis

1) fingularum animi facultatum;

2) singulorum sensuum externorum;

3) singulorum appetituum;

4) fingularum secretionum;

5) fingularum excretionum;

6) singularum actionum.

Quibus accedunt,

7) qui in vitiis superficiariis, figuram atque had bitum externum corporis depravantibus, consistunt;

8) qui fitum nexumque partium organicarum turbant;

9) qui earumdem contextum & firmitatem def-

truunt.

Quum infra, ubi de morbis particularibus, sive topicis, agemus, occasionem habituri simus omnia illa symptomata, quæ a vitiis, supra recensitis, oriuntur, seorsim describendi atque explicandi, ad præsens satis erit ea hoc ordine enumeratie, quo pro-

posita fuerunt.

I. Affectus morboli singularum animi facultatum ad memoriam, imaginationem, & judicium, ut separatim considerata, referendi sunt. Una enim quæque harum facultatum per se, sine duabus reliquis, imminui, aboleri, vel depravari potest, evidenti argumento, distincta in systemate nervoso loca esse, quæ pro sensuum internorum organis habenda sint, a quorum conditione sana integrum memoriæ, imaginationis atque judicii exercitium non minus, quam visus, odoratus, vel auditus, ab organorum, externis his sensibus propriorum, integritate dependeat.

II. Quinque illos, quos numerant, sensus externos, tactum, gustum, odoratum, auditum, & visum, propriis vitiis obnoxios esse, quotidie observamus. Interdum enim tam acuti sunt, ut consuctas rerum, ipsis proprie objectarum, impressiones sine dolore noxaque perferre nequeant; alias obtusi sunt, vel ita impediti, ut impressiones minus valide transmittant; nonnunquam adeo depravati sunt, ut impressiones, rebus objectis dissimiles, transmittant; sepe denique organa recipiendis, vel transmittendis, impressionibus plane non idonea sunt.

Ad quatuor hæc capita omnia fymptomata, fingulis sensibus externis propria, referri possunt. Maxima appellationum varietate distinguuntur, quarum nonquilæ infra a nobis erunt commemorandæ, quum do

his morbis agemus, in quibus symptomata illa sic exstant, ut morbo nomen ex iis inditum fuerit.

III. Tertiam symptomatum particularium classem vitia appetituum constituunt, qui animalibus ad duos fummi momenti fines, sui conservationem, & speciei

propagationem, ingeniti funt.

Appetitus hi pariter, ac quinque illi sensus externi, præter naturam augeri, morbofe imminui, depravari, vel penitus exstingui possunt, atque ita quam plurima symptomata particularia, peculiaribus appellationibus distincta, exhibent, quorum nonnulla jam explicata funt, & reliqua fuo loco explicabuntur.

IV. Quarta classis singularum secretionum vitia complectitur, quorum numerus ipfarum fecretionum numero quadruplo minimum major est. Una enim quæque glandula ita vitiari potest, ut liquorem sibi proprium nimis aut large, aut parce, separet, ut liquorem alienum secernat, ut ad explendum officium fuum plane inepta evadat. Pari ratione universæ' cujusdam classis humores præter naturam augeri, vel morbose diminui, vel supprimi, vel ita depravari possunt, ut aqua in muci, limpha gelatinosa in olei, muci, vel aquæ, oleumque in muci, aquæ, vel limphæ gelatinofæ, cola transeat.

Humores sccreti, quemadmodum supra demonstravinius, partim, tamquam excrementa, e corpore ejiciuntur, partim per varias tuborum, sive vasorum, féries circumeunt ac distribuuntur, partim in peculiaribus receptaculis, variifque fystematis cellularis partibus, ad longius breviusve temporis spatium re-

ponuntur.

Humores, qui, tamquam excrementa, e corpore ejiciuntur, plerique omnes ad aquoforum classem pertinent, siquidem urina & perspirationis materia illuc referuntur.

Organorum, aquam hanc superstuam percolantium, ea est natura, ut alterum alterius vicem expleat. Aquam enim, in parte aliqua parcius secretam, perpetuum est, alibi largius separari. Hinc magna illa urinæ copia, quæ in paroxysmis hystericis redditur, in quibus cutis pori, arctissime constricti, perspirationis materiæ exitum præcludunt. Hinc balnea frigida semper urinæ, sæpe alvinæ excretionis, modum augent. Hinc hiberno tempore, vel cælo frigido, plus mingimus, quam perspiramus: & contraæstate, vel cælo incalescente, plus perspiramus, quam mingimus.

Atque hinc etiam apparet, cur terror, tristitia, vel sollicitudo, perspirationem cohibeant, excretionesque per alvum ac vesicam augeant, quum e contrario diarrhœa, vel insolita urinæ prosusso, perspiratione, quæ sluxum humorum aquosorum ad peripheriam corporis divertit, aucta, imminuatur. Exissem quoque principiis nimium salivæ sluxum cohibere possumus, si eum a glandulis parotidibus ad cutem, vel ad renes, vel ad intestina, derivamus.

Sic immodici falivæ fluxus rationem reddere, atque infignes illas utilitates intelligere possumus, quas præstat, ubi cæteræ secretiones aquosæ imminutæ, vel interruptæ sunt, præsertim in variolis, quæ nonnunquam omnem propemodum corporis superficiem ita obtegunt, ut perspirationis materia hac transire nequeat. Ægroto hic saluti esse potest copiosus ptyelismus. Qui si non accedat, facies manusque ab humoris aquosi, in interstitia illarum cellulosa impulsi, mole ingenti mirum in modum intumescunt. Ptyelismo suppressio, & tumoribus issi subsidentibus, citam sequi mortem, Medici, in artis exercitio versati, haud ignorant.

Interdum, universam humorum aquosorum secretionem nimiam esse, apparet, hoc est, aqua sanguinis a reliquis ipsius elementis nimis facile secedit, vel per varia ostia essuit, vel in cava majora, aut in systema cellulare, exsudat, ubi necessario accu-

mulatur, variasque hydropis species excitat, si vaso-

Humores mucofi, qui pracipue destinati sunt lubricandis ac defendendis membranis sensilibus, quæ a contentis rebus acribus, vel ab aëris, quem haurimus, contactu, lædi possent, ut vesiculæ pulmonales, universa superficies interna canalis cibalis, vesicula fellea, urinæ itinera, &c. iste igitur mucus interdum nimis ubertim ad fingulas partes affluit, interdum universa illius secretio tam larga est, ut pulmones oppleat, tussimque & spiritus difficultatem pariat, ventriculum oneret, ciborumque appetentiam aboleat, bilem glutinosam atque inertem reddat, ac fatis abundanter etiam cum urina descendat, vel nonnunquam, cum perspirationis materia mixtus, excrementa, per cutis meatus exeuntia, lentore imbuat. Ediverso muci hujus excretio interdum imminuitur, unde partium, quas humectare debebat, siccitas & rigor, tustim siccam, pertinacem alvi duritiam, dolorem in mingendo, &c. efficiens. Alias cadem illa fecretio depravatur, organis, quæ naturaliter mucum separare debebant, alium quemdam humorem percolantibus. Sic, exempli gratia, in coryza, five perfrictione vulgari, pori membranarum, nares internas investientium, pro blando, quem suppeditare debebant, muco, nihil, nisi aquam tenuem, emittunt: unde narium exasperationes atque exulcerationes, frequentia sternutamenta, &, si membranæ circa laryngem eodem modo affectæ fint, tuffis molesta; si vesiculæ pulmonales, quas a muco blando defendi oportebat, continuo aquæ tenuis cursu stimulentur, tussis multo etiam importunior ac gravior, cum dolore & difficultate spirandi; si muci fecretio in canali cibali depravetur, ejusque loco aqua effundatur, dirissima intestinorum tormenta crebræque dejectiones nascuntur, ac, nisi stimulus removeatur, plurima limpha gelatinofa, vel pars

fanguinis rubra, per muci cola transit, cruentasque

dejectiones exhibet.

Ubicumque vapores limphatici secernuntur, hoc est, in omnibus cavis majoribus, & in tota systematis cellularis universitate, sæpe numero limphæ gelatinosæ colluviones siunt, quæ, vel secretionem istam ultra naturæ modum auctam, vel vasa absorbentia vi sua exuta esse, demonstrant. Aucta enim secretione, vim absorbentem pariter augeri, necesse est alias hydrops evitari non potest.

Sed hæc secretio etiam præter naturam imminui potest: unde partium, interposito hoc sluido ante disjunctarum, cohærentia. Eadem quoque interdum depravatur, sic, ut vel ea in loca, in quibus nihil, nisi limpha gelatinosa, esse debebat, oleum, aqua, aut mucus essundatur, vel pori eo usque dilatentur, ut partem sanguinis rubicundam exsudare

patiantur.

Olcum quoque nonnunquam in aliorum fluidorum cola transit. Exempli gratia, in viis urinæ cum aqua, in renibus secreta, sæpe miscetur adeps, ab exercitationis, vel febris, vehementioris calore colliquefactus: idem interdum, cum perspirationis materia mixtus, per sudores unguinosos emanat: alias, in cava intestinorum effusus, per diarrhœam ejicitur. In quibuldam corporibus inusitata quædam olei secretio, ingensque ad illud separandum proclivitas apparet, tanta sæpe adipis mole congesta, ut verus inde nascatur morbus, hoc tristior, quod nulla fortassis in co medicina prodest. Nonnunquam e contrario parum, vel nihil, olei secerni videtur, omniaque loca, in quibus fecundum naturam oleum affervari debebat, alio quodam humore plena inveniuntur. Observamus hoc in morbo, quæ rhachitis appellatur, ubi offium cellulæ non medullam, fed dumtaxat gelatinam aliquam, continent.

Conspectui hactenus subjecimus symptomata, a

fecretionum, generatim spectatarum, vitiis oriunda. Sed infinita funt symptomata particularia, a singularum glandularum vitiis nascentia, que, prout organa affecta magis minusve necessaria funt, graviores levioresve noxas universo corpori inferunt. Nemini autem, qui partium, in quibus humores separantur, vel colantur, fabricam usumque cognovit, illa obscura esse possunt. Lacrima, verbi gratia, sub aquoforum humorum classe sunt, ususque earum in hoc consistit, ut exteriorem oculorum superficiem humidam efficiant, eos pellucidos conservent, eorumque motus, qui in vigilantibus fere perpetui funt, liberos atque expeditos reddant, &, ne palpebræ per fomnum cum oculi albo conglutinentur, prohibeant. Jam lacrimarum fecretio præter naturam vel augeri, vel imminui, aut depravari, vel in totum supprimi, potest. Si præter naturam augetur, lacrimæ per genas decurrunt, atque hæe delacrimatio, si continua est, morbum constituit, quam epiphoram nominant. Qui morbus etiam a punctorum lacrimalium, vel ductus illius, qui a facco lacrimali in nares hiat, obstructione nascitur.

Si parcior est lacrimarum secretio, quam ut finibus modo dictis respondeat, oculi calent, siccescunt, ac dolent, eorumque exulcerationes, inflammationes & cicatrices, macularum, leviorem gravioremve cæcitatem inducentium, auctores, oriuntur. Si lacrimarum secretio desicit, vel ita depravatur, ut, aquæ tennis loco, mucus crassus lentusque ex oculis esfluat, palpebræ cum oculi albo cohærescunt, partesque inslammantur, intumescunt, exulcerantur.

Placet aliam adhuc fingularem muci secretionem exempli loco proponere. Novimus, urethram naturaliter muco esse oblitam, qui impediat, quominus urina membranam illam sensilem, qua hic canalis vestitur, irritet. Jam si nimia muci istius copia propter pororum, ipsum suppeditantium, laxitatem

fecernatur, continua mucosi cujusdam humoris excretio, doloris expers, consequitur. At si mucus urethræ depravatur, ut ex humore blando atque glutinoso in laticem acrem & tenuem degeneret, excretio illius non potest, quin dolorem moveat, quum membrana tenera, tegumento suo nunc orbata, ab urina præterlabente irritetur atque inslammetur.

Ita vero, quisquis usum fabricamque singulorum organorum, male affectorum, cognoverit, semper perspicere poterit, quas noxas a secretionum, illis

propriarum, vitiis proficisci oporteat.

V. Quinta symptomatum particularium classis ea comprehendit vitia, quæ excretionem alvinam, mictum, ac perspirationem afficiunt: quæ quidem excretiones vel imminui, vel supprimi, vel præter

naturam augeri possunt.

Tempora, quibus fæces alvinæ expelluntur, in diversis hominibus tam diversa sunt, ut intervalla naturalia & sana per se definiri nequeaut. Semper itaque symptomata concomitantia prius spectari oportet, quam duritiam, aut laxitatem alvi, morbosam esse, pronuntiemus. Nisi enim dolor, nausea, asthenia, anorexia, &c. accedant, nec is, qui triduo, vel quatriduo, semel tantum alvum dejicit, nec is, qui bis terve in die ventrem exonerat, pro ægrotante habendus est, quum sieri possit, ut alvus illa segnior, vel citatior, a naturali corporis habitu dependeat. Fæces igitur alvinæ crebrius excerni, vel per plusculos dies subsistere possunt, ut nullus affectus morbosus inde generetur.

Pertinaces alvi obstructiones nonnunquam a defectu irritabilitatis in fibris motricibus pleniorum intestinorum oriuntur: sed frequentius desectui, vel inertiæ, bilis adscribendæ sunt. Fieri potest, ut hic humor nimium lentorem contrahat, aut justo parcius in intestinum duodenum descendat, sive secretione ipsius suppressa, sive via a jecinore per ductus proprios, coagulis mucosis calculisve obsessos, præclusa, sive ductu communi per spasmum fibrarum muscularium vel ductus ipsius, vel intestini duodeni, ita constricto, ut bilis e vesicula sellea in

canalem intestinorum cursus impediatur.

Frequentiores copiosioresque alvi dejectiones plerumque bili redundanti, vel acri, debentur, cujus stimulus non solum intestinorum tunicas ad crebriores contractiones sollicitat, sed una pariterque mucum aquamve uberius affluere cogit. Omnia alia acria, vel lædentia, similes noxas pariunt, similesque excretiones profusas excitant: unde tandem debilitas,

dolor, atque macies, consequentur.

Si utinæ fecretio in renibus a vitio quodam, his organis proprio, impeditur, particulæque falinæ & oleofæ, quas hac via ejici oportebat, in fanguine remanent, ingens noxarum varietas existit, calor immodicus, sitis, nausea, agrypnia, convulsio, vomitus, ac, nisi ægrotus cito relevetur, mors inevitabilis sequitur. Urina, hoc modo retenta, interdum vi sibi viam per cutis poros parat, sudores secitando, interdum per intestina essentidos excitando, interdum per intestina essentidas estadoun ex ventriculo vomitu rejicitur, interdum in glandulas parotidas & maxillares, vel in mammarum glandulas, delata, cum saliva, vel lacte, se commiscet.

Si urina, in renibus secreta, atque ad vesicam delata, in hac subsistit, eædem noxæ oriuntur, quibus atrocissimi dolores, per violentam partium summe sensilium distentionem moti, accedunt. Sed nonnunquam urinæ excretio præter naturam augetur, ac tanta ejus copia profluit, ut magna succi nutricii pars cum ipsa auseratur, totique corpori debilitas & macies inducatur. Alias sphincter, vesicæ cervicem constringens, resolvitur, ut lotium continenter sere

destillet.

Cutis pori præter naturam laxari possunt, unde fudores, quos colliquantes appellant, erumpunt. In-

terdum nimium constringuntur, ut perspiratio impediatur, unde, præter alia incommoda, caput grave, pectus oppletum, tussis, vox rauca. Nonnunquam excretio per cutem depravatur, ut sædi odoris, vel slavi, aut rubri, coloris sudores profluant.

VI. Sextam symptomatum particularium, sive topicorum, classem ea constituunt vitia, quæ singulorum motus organorum atque instrumentorum actio-

nem turbant, vel impediunt.

Vocis organorum actionem turbat, quidquid glottidis apetturam libere contrahi, aut dilatari prohibet, adeoque, ne aeris, e pulmonibus exspirati, torrens in cartilagines illas elasticas, quarum motus vibrantes vocem modulantur, rite incurrat, efficit.

Vox similiter magis minusve imminuitur, si glottidis cartilagines, vi sua elastica magis minusve amissa, ita mollescunt, ut vibrare nequeant, vel, si tam rigidæ evadunt, ut a vi sibrarum muscularium vix ægreque vincantur, vel, si tanta muci copia obteguntur, ut ipsarum motus inde præpediantur, aut vibrandi facultas tollatur, eadem ratione, qua sidium chor-

dæ, unguine illito, rite vibrare desinunt.

Ex quibus facile apparet, vocem variis modis imminui, vel exstingui posse, modo a musculorum glottidis contractione spasmodica, aut relaxatione paralytica, modo ab humoribus, ad has partes uberius assultationes, & cartilagines vel laxantibus, vel pituita mucoque obtegentibus, modo a nimio rigore, qui in decrepitæ ætatis hominibus incidit, modo a partium, laryngi junctarum, nimia per inslammationem distentione, modo ab earumdem substantia per ulcerationes exesa.

Vocem quoque necessario omnia ea afficiunt vitia, quæcumque pulmonum actionem impediunt, ac, quominus aer facile atque libere hauriatur, vel red-

datur, obstant.

Pulmonum actionem sæpe turbant tussis, sternuta-

tio, rifus non voluntarius, fingultus.

Tussis & sternutationis in oconomia animali usus tam obvii funt, ut explicatione non indigeant. At si alterutra actio ob peculiarem aliquam causam tam violenta frequensque evadit, ut dolorem, spiritus difficultatem, agrypniam, vel aliud quoddam ex quindecim illis, quæ fupra exposita sunt, symptomatibus generalibus creet, pro morbosa habenda est, variorumque morborum symptoma constituit.

Caufæ, in vesiculis pulmonalibus, vel in superiore asperæ arteriæ parte, & circa laryngem, irritationem efficientes, quæ musculos, respirationi inservientes, in motum agat, sic, ut aërem e pulmonibus per vegetas spissasque contractiones expellant, atque ita tussim excitent, tam numerosæ sunt, ut recensionem illarum eum in locum differri oporteat, quo de morbis, quorum fymptoma characteristicum

tullis eft, acturi fumus.

Sed sternutatio, quæ rarissime tam violenta, tamque diuturna est, ut pro morbo reputari possit, moveri consuevit, si qua res acris privatim narium membranis incidit, velut in coryza, five perfrictione vulgari, in qua membranæ illæ, blando suo atque emolliente muco orbatæ, humoris aquofi acris profluvio stimulantur. Similem in modum, imminente variolarum, vel morbillorum, eruptione, narium membranze fæpius ab acri quadam materia irritantur, violentaque illam antecedunt sternutamenta.

Sternutationem pariter concitant nervorum in partibus remotis affectus, per consensum, qui inter illos & musculos, respirationi dicatos, obtinet. Quod quidem symptoma morbos hystericos comitatur, in quibus pariter haud raro rifum non voluntarium ac violentum, ab eadem fympathica musculorum illo-

rum affectione oriundum, observamus.

Singultus in celeri fubitoque diaphragmatis descen-

fu confistit, quo œsophagus deorsum trahitur, qui laryngem, quocum connexus est, pariter repente deorsum rapit, eodemque temporis momento glottidis apertura constringitur, unde aër, per rimam angustam in spatium inane propulsus, singularem quemdam sonum elidit.

Hæ proximæ singultus causæ sunt. Remotarum frequentiores sunt nimia ventriculi repletio, vel ma-

teria quædam irritans, in co contenta.

Quamquam hoc fymptoma raro ita ingravescit, ut peculiarem quamdam attentionem requirat: aliquando tamen per integra nychthemera contumacissime perseverat, ac tunc sere copiosis slatibus, in ventriculo atque intestinorum canali inclusis, vel viscerum abdominis majorum obstructionibus, tribuendum est.

Deglutitionis actio a tot minutorum musculorum fanitate dependet, ut variis modis vitiari possit. Musculi isti convelli, resolvi, inflammari, exulcerari, partesque, faucibus vicinæ, a causis tam numerosis inferciri, atque in tumorem attolli possunt, ut carum consideratio ab hoc loco aliena esse videatur.

Ventriculi actio sepe turbatur per vomitum, quem plerumque res acres, vel noxiæ, in ipsum receptæ, movent. Graves tamen diuturnique vomitus nonnunquam occurrunt, qui nervorum, a ventriculo distantium, affectibus, vel stimulis, ipsum cerebrum lacessentibus, debentur. Maximum ad artem feliciter exercendam momentum in eo positum est, ut vomitus hosce sympathicos ab idiopathicis, qui a rebus noxiis, in ipso ventriculo subsistentibus, excitantur, distinguere noverimus.

Cordis actio fæpius turbatur per palpitationem, qui affectus interdum mere nervosus est, corde, utpote musculo, vel propter connexionem sympathicam, vel propter irritationem, a redus, in pericardio contentis, illique proxime admotis, oriundam,

convulso.

convulfo. Alias cordis palpitatio ab impedimento, fanguini, per ipfius cava transeunti, objecto, a polypis, vafa fanguifera majora oppilantibus, ab aneurysmate arteriæ aortæ, nascitur.

Pari ratione singularum systematis arteriosi partium actio impeditur ab aneury finate, quod in universum ab arteriarum tunicis, nimium dilatatis, efficitur.

Singulorum musculorum, ad artus pertinentium, actiones turbatæ vel ad spasmum referuntur, quo fibræ præter voluntatis nutum contrahuntur, vel ad paralysin, qua eædem naturali virium gradu carent.

VII. Septima symptomatum particularium classis ea continet, quæ habitum corporis externum vitiant.

Nonnunquam universum habitum corporis exter-

num aut tumor, aut macies, occupat.

Tumores, universum habitum corporis externum occupantes, vel a nimio adipe, quam polyfarciam vocant, vel a seri, sive aquæ, in systemate cellulari colluvie, quam leucophlegmatiam & hydropem वेश्वे न्वेड्रव्य appellant, vel ab aëre elastico, eadem cava replente, quod emphysema nominant, excitantur.

Vocabula, quibus macies significatur, funt marcor, marasmus, atrophia: quæ vitia ingenti morborum numero accedunt, tametsi corporis emaciatio interdum ad fontem suum vix referri possit, & tam-

quam symptoma primarium spectanda sit.

Coloris ratio certa dari nequit, semperque ex aliis rebus concomitantibus de illo judicari oportet. Infolitas enim formæ externæ mutationes, nisi affectus aliquis morbofus iis accedat, tantummodo pro toti-

dem deformitatis speciebus habere licet.

Summus pallor, verbi gratia, nisi impotentia, vel molestiæ sensus, eum comitetur, immerito pro morbofo habetur, quoniam peculiari huic corporis constitutioni naturalis esse potest. Sin autem quis simul & perpallidus, & languidus debilisque est, neque ciborum desiderio tangitur, tum demum pal-

Tom, I.

lorem istum merito fymptomatibus annumeramus, vasaque, cuti subjecta, vel exiguo, vel vappido &

aquoso, sanguine impleta esse, concludimus.

Cutis color similiter flavescere, vel etiam obscure viridescere, tandemque maximam partem nigrescere potest: id quod accidit, ubi bilis ex vesicula fellea in intestinum duodenum exitus aliquamdiu obstructus est.

In corporibus, in quibus fanguinis crasis vitiata est, isque lentorem naturalem amisit, particulæ rubræ, per poros elapsæ, eas arterias subeunt, quæ soli limphæ pellucidæ transitum concedere debebant, atque hinc cutis nonnunquam livore decoloratur, sed frequentius ejusdem coloris variæque magnitudinis maculis tantum aspergitur. Proprium hoc est iis morbis, in quibus humores putrent, sive cum sebre sint, sive nulla peculiaris in circuitu sluidorum generali perturbatio appareat.

Magna præterea exanthematum, cutem obsidentium, varietas est, quorum nonnulla omni omnino sebre vacant: alia autem sebrilis commotio semper antecedit, ac persæpe comitatur. Prioris generis sunt variæ lepræ species, quas scriptores peculiaribus appellationibus distinguunt, scabies, plura luis venereæ symptomata, herpes, variæque aliæ pustulæ & papulæ, quibus distincta auctores imposuerunt

nomina.

Exanthemata, quæ febris aliqua femper antecedit, ac plerumque comitatur, funt variolæ, morbilli, miliaria, & petechiæ, five purpura. Quibus accedunt eryfipelas, ac febris. fcarlatina, quorum in priori fingulæ corporis partes, frequentissime facies, inflammantur, mireque intumescunt: in posteriore maculæ rubræ latiores per totum corpus disperguntur. Aphthæ, quæ sunt ulcuscula parva albida, labiis orique interno insidentia, & essera, quod exanthema, in calidis regionibus valde frequens, papulas,

ex urtica nascentes, refert, pariter ad symptomata,

cuti propria, referendæ funt.

Singulæ corporis partes a fanguine, fero, oleo, vel pure accumulato, intumescunt: quæ sluida vel in cystidibus continentur, aut arctiori spatio circumscribuntur, tumore rotundo & prominente, vel latius per telæ cellulosæ interstitia se disfundunt, tumore plano atque extento. Quosdam horum tumorum immodicus calor, dolor, ac rubor comitantur: alii contra parum, aut nihil, dolent, & neque colorem cutis excedunt, neque calorem movent.

VIII. Sæpe numero tumores in octava fymptomatum topicorum classe includuntur, si a situ nexuve partium mutato excitantur, verbi gratia, si quædam ex intestinis, omentum, aliaque viscera, in abdominis cavo contenta, e sedibus suis prolabuntur. Hi tumores generatim herniæ vocantur, variisque no-

minibus distinguuntur.

Pari modo uterus in vaginam procidere potest, nec nunquam ita procidit, ut extrinsecus etiam conspiciatur. Vaginæque membrana interna adeo interdum relaxatur ac dilatatur, ut erumpat. Rectum quoque intestinum aliquando prolabitur, vel ob laxatam eam mesenterii partem, quæ colon sustinet, vel ob suam ipsius membranam internam dilatatam atque relaxatam. Vesica etiam inverti, & ad os urethræ protrudi potest.

Neque vero molles tantum partes a situ naturali recedere possunt, sed ossa quoque sæpius loco moventur; unde, pro partis affectæ natura, majores minoresve dolores, tumores, ac molestiæ, exis-

tunt.

IX. Partium mollium contextus destrui potest, vel a subita quadam vi externa, vulnerante, lacerante, contundente, urente; unde variæ illæ vulnerum, contusionum, adustionum, species, pro partium læsarum natura & necessitate, plus minusve

H 2

molestiæ ac periculi afferentes: vel ab acrimonia quadam interna, quæ paulatim & per quosdam quasi gradus substantiam solidam corrodens atque disolvens, varia exulcerationum genera, nunc leviora, nunc graviora, efficit.

Similiter offa non raro variis modis per injurias externas colliduntur, franguntur, ac finduntur, vel ipforum fubstantia a vi acris cujusdam humoris, pedetentim serpentis, corroditur atque dissolvitur, unde caries multiplex, nunc magis, nunc minus peri-

culosa, nascitur.

Firmitas denique offium sic mutari potest, ut mollia & cartilaginum instar slexibilia evadant, imo in substantiam, carni cruorive concreto similem, degenerent. Eadem contra nonnunquam tam sicca atque fragilia sieri observantur, ut quavis vel levis-

sima occasione frangantur.

Carnez quoque partes, quod ad firmitatem attinet, mutationibus obnoxize sunt, siquidem interdum magis minusve indurescunt, calloszque evadunt, alias, quamvis perraro, ipsorum ossium duritiam, substantiamque his similem, nanciscuntur. Frequentius autem partes molles dissolvuntur, atque in sungum degenerant, vel in pus deliquescunt, variique generis abscessus efficient.

Atque ita fymptomatum particularium, sive topicorum, enumerationem absolvimus. Sed quum affectus quidam morbosi vel alteri tantum sexui, vel solis infantibus proprii sint, horum etiam mentionem sieri oportet, ut plenum, omnibusque numeris absolutum, symptomatum, tum generalium, tum parti-

cularium, conspectum habeamus.

CAPUT XXII.

Symptomata sexualia, & infantilia.

YMPTOMATA, quæ tamquam sexualia consideranda funt, ab organorum, mares ac feminas distinguentium, fabrica diversa, atque a certis quibusdam rebus, utrique sexui propriis, dependent.

SYMPTOMATA, MARIBUS PROPRIA.

Hæc in vitiis,

Ad seminis secretionem, & emissionem,
 Ad testes & scrotum,
 Ad penem,

pertinentibus, consistunt.

Si semen a sanguine non secernitur, veneris appetentia raro fentitur. Si liquor hic justo diutius retinetur, atque accumulatur, testium, chordarumve spermaticarum, tumor, vel vitium, quam satyriasin nominant, consequi potest. Sin autem illius excretio nimis vel frequens, vel profusa est, vasorum spermaticorum debilitas, & gonorrhœa simplex, five continens muci cujusdam albi ex urethra destillatio fuccedit, acceduntque complura symptomata generaliora, velut lumborum dolor, asthenia, anorexia, macies, nec raro amentia.

Teltes inflantmationi atque suppurationi obnoxii funt, unde hernia, quam humoralem vocant, nascitur. Interdum in tumorem durum, omnisque doloris expertem, quæ sarcocele nominatur, degenerant. Nonnunquam vasa, ad ipsos ducentia, vari-

cosa evadunt, unde cirsocele oritur.

Scrotum sæbe ab aqua distenditur, quod vitium hydrocelen appellant, vel omentum atque intestina, per annulos musculorum abdominalium erumpentia, eo descendunt, atque ita herniam scrotalem, sive

oscheocelen, constituunt.

Penis haud raro afficitur symptomate illo venereo, quam chordam appellant, quæ in frænuli erectione, fimulque contractione, glandem incurvante, confiftit, unde acerrimi dolores moveri consueverunt, Idemque pariter obnoxius est aquæ inter præputii plicas collectioni, quod cedema crystallinum nominatur. Omnia hæc, una cum dyfuria, glandifque ac præputii ulcusculis serpentibus & dolentibus, quæ Galli chancres appellant, frequenter gonorrhææ virulentæ accedunt, quæ puris atque ichoris ex urethra stillicidium est, contagionem veneream, ut lippæ & tonsores norunt, consequens.

SYMPTOMATA, FEMINIS PROPRIA.

Hæc, partim in vitiis,

- Ad mensium fluxum,
 Ad graviditatem,
 Ad puerperium,

Pertinentibus; partim in

- 1) Ovariorum,

- 2) Uteri,3) Vaginæ,4) Oris externi,

affectibus topicis, consistunt.

Mensium fluxui imminuto, vel in totum suppres-

fo, languor, cibi fastidium, abdominis tumor, hypogastrii dolores, totius humorum universitatis corruptio, sanguinis e variis locis profluvia, pluraque alia incommoda succedunt, quorum nonnulla tamanomala, & in aliis atque aliis adeo diversa sunt, ut in ordinem systematicum redigi vix patiantur.

Nimius contra mensium fluxus debilitatem, dorsi dolorem, anorexiam, maciem, pallorem, flatus, sensum frigoris, ac varia symptomata anomala, quæ

hysterica vulgo nominantur, facit.

Si mensium fluxus depravatur, &, sanguinis floridi loco, latex aquosus tenuis, vappidus, excernitur, aut, si humores, serosi, mucosi, vel acres, continenter profluunt, symptomata, iis, quæ nimio mensium fluxui succedunt, similia, sere consequuntur. Variique hi fluores interdum a sola vasorum laxitate, nonnunquam ab humoribus vitiosis, solida continentia exulcerantibus atque corrodentibus, proficiscuntur.

Sterilitas vulgaris vitiorum, ad menses abundantes, subsidentes, vel corruptos, pertinentium, effec-

tus eft.

Graviditatem, si non semper, at primis certe tribus quatuorve mensibus, varia symptomata comitantur, maximam partem iis, quæ mensium obstructioni superveniunt, similia. Qualia sunt nausea, vomi-

tus, præcordiorum oppressio, anorexia.

Abortus causæ variæ sunt. Sed, ut theoriam illius intelligamus, considerandum nobis est, placentam & uterum, quum extenduntur, atque in majorem molem ac capacitatem excrescunt, sibi mutuo respondere. Uterus dilatatur, humoresque ad ipsum deferuntur, vi cordis matris: placenta crescit, vasaque ejus distenduntur, vi cordis fetus. Ex quo justi inter duas has vires æquilibrii necessitàs patet. Quod si enim uterus citius dilatetur, quam placenta crescat, uterus a placenta separatur: & contra, si placenta citius crescat, quam uterus dilatetur, pla-

H 4

centa ab utero discedit. Unde perspicitur, qui siat, ut matris plethora, quæ, uteri vasa nimis replendo, ipsum citius dilatat, quam placenta crescit, frequentissima abortus causa sit, quantumque ad hunc præcavendum sanguis missus valeat. Indidemque ratio reddi potest, cur terror repentinus, vel mæror continuus, qui, vasis in peripheria corporis constrictis, humores ad centrum pellunt, toties abortum saciant. Atque ita intelligimus, cur setus morti, cessantique placentæ incremento, separationem istam tam cito succedere oporteat.

Injuriæ corporis externæ, velut ictus, lapfus, vel collisiones, solo succussu, uteri & placentæ commercium dirimere, atque ita conceptum elidere, vel

partum præmaturum provocare, posiunt.

Parturientium symptomata vel naturalia sunt &

utilia, vel morbofa & noxia.

Eorum, qui obstetricum munere funguntur, permagni interest scire, semperque in memoria habere, diaphragmatis ac musculorum abdominalium actionem utero exonerando non sufficere, sed rerum, in ipso contentarum, expulsionem a vi contractionis sibrarum muscularium, fabricæ ejus intextarum, dependere. Etenim hæc notitia regulæ loco est, ad quam enchireses, tum in setus, tum in placentæ, extractione dirigi debent.

Partus dolores, qui veri appellantur, a crebrioribus fibrarum illarum contractionibus oriuntur, virique, usu & exercitatione præditi, satis norunt, quomodo a spuriis distinguendi sint, qui nihil aliud, nisi affectiones spasmodicæ musculorum abdominalium, sunt, Nixus hi spurii fetum quidem detrudere, sed nunquam illi expellendo sufficere,

observantur.

Inter parturiendum crampi, in musculis artuum inferiorum incidentes, haud raro molesti sunt. Con-yulsiones quoque, quamvis minus sæpe, feminas,

e partus dolore laborantes, invadunt, summumque

ac præsentissimum vitæ minantur periculum.

Placenta, ante fetum expulsum, ab utero vel ex toto, vel ex parte, separata, largius parciusve sanguinis profluvium excitat: unde animi desectio, convulsiones, ac, nisi subitum afferatur auxilium, mors. Summæ igitur necessitatis est, ut hi, qui obstetricum artem exercent, memores sint, uteri contractionem id esse, quod setum expellat. Neglecto enim hoc momento, semina parturiens in præsentissimum vitæ periculum adduci potest, quemadmodum suo loco demonstrabimus.

Sanguinis ex utero profluvium etiam, fetu jam edito, existere potest, si placenta, uteri contractione non exspectata, per vim revellitur, aut si fibræ uteri adeo debilitatæ sunt, ut minus, quam par est,

contrahere se possint.

Dolores a partu, quos vocant, fetus exclusioni frequentissime succedunt. Oriuntur interdum a saburra acri, in canali cibali inclusa, quæ sere dolores spurios ante partum movet: plerumque autem sanguinis grumis, vel membranarum, aut sotte placentæ, frustis, in utero relictis, tribuendi sunt.

Tertio a partu die, nonnunquam citius, raro serius, mammæ puerperarum indurescunt dolentque, ac sebris aliqua, modo levior, modo gravior, movetur, quæ ad eum finem continuatur, quoad lac in canales suos influat: quo sacto, febris sudatione copiosa solvitur. Sed interdum febris illa lactea admodum vehemens est, & diutius manet, in ejusque decursu exanthemata milaria apparent.

Exanthemata hæc miliaria etiam sine febre in puerperis observantur, nec magnum ab iis tunc metuendum est periculum. Ea vero, quæ cum febre sunt,

nunquam leviter terrere nos debent.

Lac, nisi secretio ipsius suctu infantis promoveatur, sensim & per gradus exarescit, ita quidem, ut sub finem tertiæ a partu hebdomadis in totum fere evanuerit. Nonnunquam autem in mammis stagnat, harumque duritiam, tumorem, inflammationem, abscessus, efficit.

Illa tamquam symptomata generalia considerari pos-

funt : hæc, quæ topica funt,

1) Ad ovaria,

2) Ad uterum, 3) Ad vaginam,

4) Ad os externum,

referuntur.

I. In ovariis interdum aqua colligitur, unde ipforum hydrops; alias hæc corpora scirrho dilatantur. II. Uterus nonnunquam ab aqua, in cavum ipsius congesta, in tantam molem excrescit, ut graviditatem mentiatur. Flatus etiam in illo inclusos fuisse constat. Solida, carnes, adeps, imo ossa, in codem reperta funt, unde in miram amplitudinem extumuit. In primis autem uterus scirrho cancroque obnoxius est, quibus vitiis laborans, interdum sic dilatatur, ut cervicem vesicæ atque intestinum rectum comprimat : unde lotii fæcumque alvinarum retentio. Opportunus idem est prolapsioni, deorsum in vaginam cadit, nec nunquam extra os externum apparet. Neque uteri, per violentam placentæ extractionem inversi, exempla desunt.

III. & IV. Vagina quoque prolapsioni obnoxia est, quum interior ejus membrana ita relaxatur, ut deorsum cadat, atque eodem modo, quo intestinum rectum in ani procidentia, protrudatur. Polypi, vel carnes fungosæ, interdum in ea excrescunt. Muci, aquæ, puris, ex cadem profluvia contingunt, quæ sæpe a laxitate vasorum oriuntur, atque hæc loca exulcerant, vel ex uteri cavo descendunt. Iter ad

uterum nonnunquam præclusum est, vel a morbosa hymenis crassitudine atque extentione, vel a laterum vaginæ, aut labiorum pudendi, coalitu. Quæ obstructio si in iis incidat, quibus menses per ætatem Huere debent, præter abdominis dolorem tumoremque, omnia illa fymptomata, quæ naturalis hujus excretionis suppressio efficit, accedunt.

Hæc symptomatum, feminis propriorum, præcipua sunt. Quæ seguuntur, ad infantes proprie

Spectant.

SYMPTOMATA, INFANTIBUS PROPRIA.

Cutis infantum, altero tertiove die, quam in lucem editi sunt, frequentissime colore obscure flavo tingitur, a bile, ut statuunt, in sanguinem resluente, cum eoque commixta. Quem humorem, a pituita glutinosa, ostium ductus communis oppilante, transitu in intestinum duodenum prohiberi, veri simile est. Fortasse vero aliquid ex meconio, sive infantis fæcibus, reforptum, atque in fanguinem delatum, cutem colore hoc flavo inficit, qui tamen fere unius, vel duarum hebdomadum spatio, sic evanescit, ut nihil noxæ intulisse videatur. Proprie quoque infantum recens natorum cutem occupant exanthemata rubra, pustulosa, (purpuram infantum nominant) quæ plerumque primis quatuor, vel quinque hebdomadibus, plus, minus, permanent.

Interdum accidit, ut meatus naturales præclusi sint, maximeque in pueris, ubi oræ præputii tam arcte inter se conglutinari possunt, ut id sine mora

amputari oporteat.

Tormina, fæcesque alvi virides, vulgaria maxime infantum symptoma sunt. Quorsum aphthæ quoque pertinent, in quibus ingens pustularum albidarum multitudo linguæ orique interno omni ex parte insidet, quæ deorsum etiam per totam canalis cibalis universitatem ad anum usque se dissundere videntur, circa quem, parvorum uscusculorum specie, apparent, quæ nonnunquam in gangrænam abeunt. Convulsiones sæpe numero a saburra acri, in intestinis infantum accumulata, excitantur, plurimosque in tenella hac ætate de medio tollunt.

Dentes plerumque circa fextum a partu mensem oriri incipiunt, infantibusque, donec secundum inter & tertium ætatis annum constituti suerint, varias molestias, dolorem, calorem, agrypniam, tormina,

tussim, convulsiones, creant.

Intra hoc temporis spatium infantes rhachitidi patent, ossa soliditatem amittunt, & circa articulos spongiosa evadunt, ubi variæ magnitudinis tubera existunt, præsertim circa brachiorum cum manibus, costarumque cum sterno, commissuras. Perfrequens hic morbus est, præcipue in urbibus, incolarum multitudine abundantibus.

Hos articulorum tumores fere abdominis tumor atque duritia comitatur, cum caloribus, per inter-

valla accedentibus, althenia, ac macie.

Varii generis exanthemata in cute infantum erumpunt, pusque ex locis secundum aures, atque interdum ex aure interna, profluit. Dentitionis periculis defuncti infantes, a vermibus infestari incipiunt, qui sæpe sebres, vel varios affectus spasmodicos, efficiunt.

Præmissæ symptomatum enumerationi tabulam hic subjiciemus, quæ aptum universorum conspectum exhibeat, & anacephalæoseos vice sungatur.

TABULA SYMPTOMATUM GENERALIS.

Symptoma est affectus morbosus simplex, sive, ut aliis verbis idem dicamus, symptoma est singularis aliqua sensatio molesta, impotentia, vel vitium topicum.

Symptomatum alia generalia funt, alia particularia, five topica, alia fexualia, alia infantilia.

SYMPTOMATA GENERALIA funt:

- 1) Sensus caloris nimii.
- 2) Senfus frigoris nimii.

3) Nausea.

4) Sitis nimia, five polydipfia.
5) Dolor.

6) Pruritus.

7) Agrypnia.8) Somnolentia.

- 9) Præcordiorum constrictio, vel oppressio, sive anxietas.
- 10) Difficultas spirandi.
- 11) Debilitas.

12) Spasmus.
13) Insensibilitas, sive anasthesia.

14) Nimia sensibilitas, sive hyperasthesia.

15) Delirium.

SYMPTOMATA PARTICULARIA, SIVE TOPICA.

confistunt:

- I. In affectibus morbolis, fingula organa sensum internorum occupantibus, unde vitia facultatun animi,
 - 1) Memoriæ,
 - 2) Imaginationis,3) Judicii.

- II. In affectibus morbosis, singula organa seauum externorum turbantibus, unde vitia,
 - 1) Visus,
 - 2) Auditus,

ANALYSIS 126

- 3) Gustus, 4) Olfactus, 5) Tactus.

III. In affectibus morbofis fingulorum organorum, a quibus appetitus dependent, unde vitia,

- 1) Desiderii alimentorum, 2) Desiderii rerum venerearum.

IV. In affectibus morbosis singularum glandularum, sive organorum, secretioni inservientium, unde vitia secretionis humorum,

- 1) Aquoforum,
- 2) Gelatinoforum, 3) Mucoforum, 4) Oleoforum.

V. In affectibus morbofis singulorum organorum excernentium, unde vitia excretionis,

- Fæcum alvinarum,
 Urinæ,
 Materiæ perspirabilis.

VI. In affectibus morbofis singulorum organorun, ad motum pertinentium, unde vitia,

- 1) Vocis,
 2) Manducationis,
 3) Deglutitionis,
 4) Actionis ventriculi,
 5) Actionis pulmonum,

 - 6) Actionis cordis,
 - 7) Actionis artuum.

VII. In affectibus morbofis habitus externi, unde omnis illa vitiorum, in externa corporis supérficie incidentium, varietas, qualia funt,

- Tumores,
 Macies,
 Decolorationes,
 Exanthemata,
 Exulcerationes.

VIII. In affectibus morbosis partium organicarum, quæ ex situ nexuque naturali elabi, excidere, vel expelli possunt, unde,

- 1) Herniæ,
 2) Prolapsiones & procidentiæ,
 3) Luxationes.

IX. In folutionibus continuitatis, five mollium; sive durarum partium, vel ab injuria externa, vel a causis internis, unde,

- 1) Vulnera,

- 2) Contusiones,
 3) Adustiones,
 4) Ulcera,
 5) Fracturæ,
 6) Caries, &c.

SYMPTOMATA SEXUALIA,

I. Maribus propria,

Consistunt in vitiis,

- 1) Vasorum spermaticorum,
 2) Testium & scroti,
 3) Penis,

ANALYSIS MORBORUM. 128

II. Feminis propria,

Consistunt in vitiis,

- 1) Ovariorum,
 2) Uteri,
 3) Vaginæ,
 4) Oris externi.

Quibus accedunt varia symptomata,

- 1) Ad menfium fluxum,
- 2) Ad graviditatem, 3) Ad puerperium, 4) Ad lactationem,

pertinentia.

SYMPTOMATA INFANTILIA

pauca tantum sunt, exhibentque affectus morbosos, non, nisi in infantibus recens natis, vel dentitione nondum defunctis, obvios, quales funt purpura infantum, linguæ cum frænulo coalitus, meatus naturales clausi, & ..

Symptomata topica æque, ac fexualia, & ea, quæ in folam infantiam incurrent, pleraque omnia peculiaribus appellationibus distinguuntur, atque hæc nomina, sicut infra videbimus, significandis morbis topicis, fexualibus, & infantilibus, adhibentur, in quibus symptomata ista præ cæteris eminent.



INTRODUCTIONIS METHODICÆ

IN

THEORIAM MEDICINÆ

L I B E R III.

Methodus symptomata & morbos dividendi atque disponendi.

CAPUT I.

Symptomatum divisio in ordinaria, adventicia, & extraordinaria.

Ost Quam symptomata hactenus per se, sine nexu cum aliis, contemplati sumus, proximum est, ut eadem conjunctim, variosque illorum concursus, qui morbos constituunt, consideremus. Quæ medi-

cinæ pars Nosologia nominatur.

Quum causæ proximæ quindecim illorum symptomatum generalium ad motus systematis nervosi, vel vascularis, intentos, remissos, anomalos, aut intermissos, reduci possint, necessarium est, ut nonnullæ horum symptomatum inter se conjungantur & confluant, atque ita consociatis viribus corpus humanum affligant.

Sic, exempli gratia, calor immodicus, fitis nimia, atque agrypnia, ab eodem fonte, hoc est, ab intento systematis vascularis motu, oriri possunt. Quare etiam horum symptomatum concursus sæpissime se nobis

offert.

Calor immodicus, ac reliqua duo symptomata, nisi Tom. I.

cito transeant, molestia ingravescit, pluraque se adjungunt symptomata, præsertim nausea, asthenia, spirandi dissicultas, dolor, delirium: quæ si omnia permanent, ita, ut a continuato caloris incremento, & violenta sluidorum agitatione, secretiones turbentur atque pervertantur, sana sanguinis crasis destruatur, particulæque crassiores in cava, tenuissimarum tantum transitui accommodata, urgeantur, & arteriarum quoque pori sluida contenta exsudare patiantur, quam plurima alia accedunt symptomata, velut spasmi, perpetua ad somnum propensio, anæsthesia, cutis exanthemata, sec.

Memoratus hic concursus ea symptomata complectitur, quæ sæpe in sebribus occurrunt, in eoque & ordinaria continentur, quæ ad morbi essentiam pertinent, & adventicia, quæ, si causæ, quæ sebrem primum moverunt, prævalere pergunt, necessario consequentur, quoniam omnia a similibus motuum

animalium mutationibus proficiscuntur.

Sed, præter fymptomatum fupra dictorum turbam, quæ ad eumdem omnia fontem revocare licet, nova quædam interdum atque extraordinaria occurrunt fymptomata, quorum ratio inde reddi nequit, ut vomitus, vel alvi profluvium, quæ fic oriri possunt, ut a proximis febris causis non dependeant. Ex quibus necessitas patet fymptomata in ordinaria, adventicia, & extraordinaria, dividendi.

Symptomata ordinaria ea funt, quæ ad essentiam morbi pertinent, ejusque notas characteristicas exhi-

bent, quibus a quovis alio distingui possit.

Symptomata adventicia ea sunt, quæ, si eædem causæ cadem vi agere pergant, constanter & perpetuo superveniunt, molestiamque ac periculum necessario augent. Adventicia hæc symptomata prævidere licet, si symptomatum generalium theoriam, & mutationes illas motuum animalium, ex quibus oriuntur, in memoriam tibi revoces.

Extraordinaria autem symptomata, quæ, cum symptomatibus essentialibus atque characteristicis minus necessario connexa, adesse, vel abesse possunt, prævi-

deri posse, frustra speraveris.

Hæc symptomatum divisio ac dispositio non tantum ad morbos describendos necessaria est, sed etiam ad veram medendi methodum stabiliendam conducit. Exempli gratia, ægrotus, febre laborans, præter alia fymptomata, ad essentiam hujus morbi pertinentia, præcipue agrypnia vexatur, anxieque ab hac molestia liberari cupit. Jam vero hoc symptoma, utpote ex eodem, quo omnia reliqua, fonte manans, nisi hæc quoque conquiescant, removeri non potest. Frustra igitur ægroto opium exhiberes ad fomnum conciliandum, quum potius opera tibi danda sit, ut nimios motus compescas, & stricturam spasmodicam tollas, unde cætera fymptomata æque, atque agrypnia, proficifcuntur. Si vero contingat, ut ægrotus vomitu corripiatur, quod extraordinarium syniptoma est, id agere tibi licet, it ipsum ab hac molestia liberes, sepositis cæteris symptomatibus, fontibusque eorum generalibus.

Videmus itaque, fymptomata ordinaria & adventicia tamquam plura corpora, in eadem tabula inter fe conjuncta, fpectanda esse: extraordinaria autem sepius seorsim, causarumque morbi generalium ratione semota, considerari posse.

CAPUT II.

Morbi, secundum methodum systematicam, in classes, ordines, genera, & species, digesti.

ORBI, sive symptomatum, inter se connexorum, concursus, a scriptoribus medicis jam observati atque descripti, tam numerosi sunt, ut nisi hos, qui potissimam partem inter se congruunt, ac similem sere medendi rationem postulant, eodem revoces, neque descriptiones illorum memoria tenere, neque, quo pacto curari debeant, recordari possis.

Varia a variis adhuc proposita suerunt schemata:

sed, nostra quidem sententia, nullum ex his est, quod
plus utilitatis promittat; majoremque approbationem
mercatur, quam id, quod Sydenhamus commen-

davit.

Secundum hoc morbi eadem ratione, qua corpora naturalia, in classes, ordines, genera, & species,

digeruntur.

Classem certa quædam symptomata, omnibus morbis, ad ipsam pertinentibus, communia, distinguunt. Ordo easdem, quas classis, sab qua est, notas habet, cum aliis quibusdam, sibi propriis. Genus omnes, quas classis ordoque, notas habet, ac præterea nonnullas, quæ ipsum distinguunt. Species omnes & classis, & ordinis, & generis notas habet, quibus insuper accedunt symptomata, ipsius characterem constituentia.

Quatuor hujus generis schemata jam prostant, auctoribus præter cæteros claris, Sauvagesio, Linnæo, Vogelio, Cullenio. Neque ex his ullum est, quin

a reliquis aliquantum differat.

SAUVAGESIUS, LINNÆUS, VOGELIUS, communi hoc laborant vitio, quod genera morborum plus justo multiplicarunt, atque ad morbos non solum plures affectus morbosos simplices, sive mera aliorum morborum symptomata, sed permulta quoque alia retulerunt, quibus nulla neque molestia, neque impotentia, accedit, quæque, ut multa largiamur, tantum pro desormitatibus haberi possunt.

Culpandi hoc nomine præcipue sunt Vogelius & Sauvagesius, quorum posterior immoderatione distinctionum luxuriat, fereque id, quod varietas nomi-

nari debebat, tamquam speciem considerat. Nihilo tamen minus Nofologia ipfius methodica stupendi laboris atque infinitæ utilitatis opus eft, dignissimumque, quod ab omnibus, artem nostram exercentibus, nocturna ac diurna manu versetur, quoniam lexici vicem. præltare potest in morborum singularium descriptionibus, quas in plerisque auctoribus, qui morborum hiltorias exhibere se profitentur, frustra quæras.

Quatuor illa, supra memorata, schemata, quæ Cullenius uno volumine, quod Synopsis Nosologia methodica inscriptum est, juncta edidit, corum, quæ dicturi sumus, fundamentum constituunt. Atque in his operam dedimus, ut, quos quatuor viri illi admiserunt, errores evitaremus: quod utrum recte, an secus, nobis successerit, eruditi candidique Lectoris judicio permittimus.

Omnes morbi, quibus corpus humanum obnoxium est, in quatuor classes a nobis digeruntur, hoc est:

1) in morbos universales,

2) in morbos topicos,

3) in morbos sexuales,

4) in morbos infantiles.

Unaquæque classis in ordines, ordines in genera, genera in species, &, sicubi diligentia minutior verum usum pollicetur, species in varietates, pro conditionibus, statum faciemque morbi mutantibus, dividuntur.

Per morbos universales eos intelligimus, qui non tantum cuique ætati, & utrique sexui, communes funt, sed in quibus etiam nonnulla ex quindecim illis fymptomatibus generalibus ita conjunguntur, ut super reliqua symptomata particularia, sive topica, emineant, præcipuamque molestiæ partem constituant. Sic febris & epilepsia morbi universales sunt, quoniam non modo in quacumque etate atque utrovis sexu incidunt, verum etiam a symptomatibus generalibus efficiuntur.

Morborum particularium, five topicorum, nomine affectus illos minus periculofos, minusque molestos, fignificamus, quorum symptoma potissimum, sive pars morbi maxime conspicua, in singulorum organorum, vel singularum partium corporis, vitio consistit, tametsi semper aliqua ex quindccim illis symptomatibus generalibus, certis gradibus atque proportionibus, accedant. Tussis, exempli causa, vel alvi prosluvium, tantummodo ut morbus particularis, sive topicus, considerari debet, cum hac exceptione, no tanta doloris, debilitatis, nauseæ, &c. vis accedat, ut actionis, vel excretionis, vitium particulare obscuretur.

Ut paucis rem complectamur, morbi, in quibus fymptomata generalia, de quibus Lib. II, a Cap. IV, usque ad XVIII, egimus, præ cæteris conspicua sunt, ad morbos universales pertinent: hi vero, in quibus aliquod ex symptomatibus topicis, quæ Cap. XXI; recensita sunt, eminet, ad morbos topicos reservada sunt.

Tertia & quarta classe ii morbi continentur, qui prime ac secunde adscribi possent, nisi plures obstarent conditiones, que ipsis proprie sunt, maximaque ex parte propriam quoque curationem desiderant. Utilius igitur morbi sexuales atque infantiles ad privas classes referentur, quam, sicut a Sauvagesio, Linneo, Vogelio, & Cullenio, factum est, cum morbis universalibus ac topicis commiscentur.

Primam morborum classem facile in ordines suos diduxeris, si quindecim illorum symptomatum generalium causas proximas in memoriam tibi revocaveris.

Quædam ex his a nimio atque anomalo motu systematis vascularis, cum systematis nervosi ataxia vere conjuncto, dependent: quorum præcipua sunt calorimmodicus, sitis, nausca, debilitas, agrypnia. Symptomata hæc fere una pariterque corpus afficiunt, velsbi in vicem succedunt: quod si faciunt, febres cons-

tituunt, quibus, utpote omnium morborum frequen-

tiffimis, primum ordinem affignabimus.

In febribus nimius fystematis vascularis motus manifestus est, neque nervosi fystematis ataxia, nimio illi motui juncta, non evidenter apparet. Sed quum morbisint, in quibus motus systematis vascularis maximopere turbentur, nec ullam tamen notabilem systematis nervosi ataxiam, in principio saltem, animadvertere liceat, necessarium est, ut hos a febribus distinguamus, & tamquam alterum ordinem, sub titulo inslammationum, consideremus.

Cum febribus atque inflammationibus propinqua affinitate conjuncta sunt profluvia, sive fluidorum animalium excretiones morbosæ, siquidem semper symptomata quædam, febribus atque inflammationibus propria, morbos istos antecedunt, vel comitantur. Quam obrem inflammationibus profluvia, tamquam tertium morborum universalium ordinem, proxime

fubjicinius.

In tribus illis morborum ordinibus fystematis vascularis perturbationem molestize causam præcipuam esse, apparet. Sed plures morbi sunt, in quibus humorum crassiorum circuitus parum, aut nihil omnino, turbatus conspiciatur. Hi igitur ad systema nervosum referendi sunt, utpote consistentes in symptomatibus, quæ a motibus in hoc solidorum vivorum genere intentis, remissis, turbatis, vel intermissis, oriri creduntur.

In nonnullis horum præcipuum & characteristicum symptoma dolor est. Itaque hi morbi dolores vocantur, quartumque morborum universalium ordinem constituunt.

In aliis horum morborum, ad fystema nervosum relatorum, præcipuum fymptoma spasmus est. Ex quo morbi spasmodici, sive spasmi, nominantur, quintumque morborum universalium ordinem constituunt.

Spasmis ac doloribus ii morbi contrarii sunt, quos somnolentia, debilitas, atque anxelhesia distinguit, quique a sentiendi & movendi facultate imminuta, vel sublata, dependent. Unde sextus morborum universalium ordo emergit, qui paralyses, deliquia, omnesque comatum species, sub generali debilitatum ac privationum appellatione, concludit.

Quum libera atque expedita pulmonum actio ad sanitatem tuendam summe necessaria sit, nec, nisi continuata illa, vita continuari possi: hi morbi, in quibus spirandi difficultas potissimam molestiam creat, tamquam feptimus morborum univerfalium ordo, sub

anhelationum nomine, considerandi sunt.

Ii morbi, in quibus animi facultates in primis turbantur, quorumque symptoma præcipnum delirium est, a nullo motu febrili dependens, octavo morborum universalium ordine, sub mentis morborum ap-

pellatione, comprehenduntur.

Quum in omnibus his morborum ordinibus motus systematis nervosi & vascularis manifesto turbentur, in curationibus eo maxime respiciendum est, ut motus isti inordinati in ordinem redigantur. Sed quoniam morbi sunt, qui in fluidorum crassiorum vitiis consistunt, propriamque curationem desiderant, ab ea, quam morbi, in solidorum vivorum affectibus potissimum confiltentes; requirunt, diversam: necessarium elt, ut nonus morborum universalium ordo constituatur, qui cachexias, sive morbos, quos vocant, humorales, contineat. Hi morbi sese ipsi manifestant per habitus externi mutationes, qui decoloratur, intumescit, emaciatur, exulceratur, vel varia cutis fæditate deformatur.

Tantum de prima morborum classe, subjectisque illi

ordinibus.

Altera classis, morbis particularibus, sive topicis, affignata, in octo ordines dividitur. Pertinentque:

I. Ad primum ordinem morbi fingularum animi

facultatum, memoriæ, imaginationis, judicii;

II. Ad alterum ordinem morbi fingulorum fenfuum externorum, visus, auditus, gustus, olfactus, tactus;

III. Ad tertium ordinem morbi fingulorum appe-

tituum;

IV. Ad quartum ordinem morbi fingularum fecre-

tionum, vel excretionum;

V. Ad quintum ordinem ii morbi, qui deglutitionis, loquelæ, respirationis, atque incessus, actiones turbant;

VI. Ad sextum ordinem ii morbi, qui formam speciemque habitus externi sic afficiunt, ut major aliqua impotentia, aut molestia generalis, non accedat, adeoque nono morborum universalium ordine non, comprehenduntur;

VII. Ad septimum ordinem ii morbi, qui in situ nexuque partium organicarum turbato confistunt: quorsum omnes herniarum, procidentiarum, & luxa-

tionum, species referuntur;

VIII. Ad octavum denique ordinem ii morbi, quos solutio continuitatis, vel destructio contextus partium, tum mollium, tum durarum, constituit.

Tertia morborum classis, sub titulo morborum sexualium, eos morbos continet, qui vel a diversa organorum genitalium structura, vela conditionibus, utrique sexui propriis, dependent, atque in quatuor ordines diducieur:

I. Morborum generalium,

II. Morborum topico. rum,

maribus propriorum:

III. Moborum genera-IV. Morborum topico- feminis propriorum. rum,

Morbi, maribus proprii, non admodum multi, maximamque partem topici funt: morborum autem, feminis propriorum, ingens numerus est. Ex his ii, quos pro generalibus haberi oportet, quindecim illorum symptomatum generalium concursus sunt, & a mensium, graviditatis, puerperii, atque lactationis, vitiis nascuntur. Topici morbi virginum, ac mulierum, viros expertarum, in ovariorum, uteri, vaginæ, orisque externi, vitiis consistunt.

Quarta morborum classis, sub nomine morborum infantilium, cos morbos complectitur, qui in solis infantibus, quoad dentitione nondum defuncti sunt, occurrunt, pariterque in generales & topicos divi-

dantur.

In hoc divisionis atque dispositionis schemate unaquaque morbi species, sive Medicorum, sive Chirurgorum, sive Obstetricum, auxilio egeat, includi potest, quemadmodum ex sequente tabula apparebit.

TABULA MORBORUM GENERALIS.

Morbus est concursus affectuum morbosorum, interse connexorum, sive, ut aliis verbis utamur, morbus est compositum aliquod ex sensationibus molestis, vel impotentiis sunctiones naturales exercendi, quorsum sepe numero manisesta vitia singulorum organorum, vel partium corporis, accedunt.

Morbi in quatuor classes dividuntur.

C L A S S I S. I.

MORBI UNIVERSALES.

In his unumquodpiam, vel plura ex quindecim illis symptomatibus generalibus, per totum morbum, vel maximam ejus partem, dominantur. Novem hujus classis ordines sunt.

Ordo I. Febres. Symptomata characteristica sunt calor immodicus, sitis, anorexia, debilitas, agrypnia.

Ordo II. Inflammationes. Symptomata characteristica funt dolor, locum non mutans, calor immodicus, sitis, agrypnia, &, si pars, quæ in inslammatione est, oculis pateat, rubor ac tumor.

Ordo III. Profluvia. In his fanguis, vel humores, inde feparati, præter naturam effunduntur, acceduntque debilitas, anorexia, nonnunquam dolor.

Ordo IV. Dolores. In his dolor acutus est, conditionum & notarum, veram inflammationem distinguentium, febrisque, aut evacuationis morbose constantis, expers.

Ordo V. Spafini, five morbi spafinodici. Symptoma horum characteristicum est spafinus, quem interdum dolor, alias anæsthesia, comitatur.

Ordo VI. Debilitates & privationes. Symptomata horum characteristica sunt somnolentia, asthesia, anæsthesia.

Ordo VII. Anhelationes. Symptoma horum characteristicum est difficultas spirandi.

Ordo VIII. Mentis morbi. In his memoria, imaginatio, & judicium, confusa atque perversa sunt, sine febris, aut inflammationis, symptomatibus characteristicis.

OMo IX. Cachexia, five morbi humorales. In his macies, aut tumor universi corporis, vel singularum partium, exanthemata, decolorationes, exulcerationes, apparent, quibus debi-

litas, anorexia, dolor, vel aliud quoddam fymptoma generale, accedit.

CLASSIS II.

MORBI TOPICI.

In his unumquodpiam, vel plura ex symptomatibus topicis, per totum morbum, vel maximam ejus partem, dominantur. Octo hujus classis ordines sunt.

Ordo I. Morbi fingulorum fenfuum internorum. In his aut memoria, aut imaginatio, aut judicium, imminuta, vel depravata, vel abolita funt.

Ordo II. Morbi fingulorum fenfuum externorum. his ant visus, aut auditus, aut gustus, aut olfactus, aut tactus, nimis acuti, vel depravati, vel imminuti, vel aboliti funt.

Ordo III. Morbi singulorum appetituum. In his aut alimentorum, aut rerum venerearum, desiderium nimis acre, vel depravatum, vel imminutum, vel abolitum est.

Ordo IV. Morbi fingularum secretionum, vel excretiomm. In his fingulæ fecretiones, vel excretiones naturales, præter naturam augentur, fupprimuntur.

Ordo V. Morbi singulorum motus organorum. Ab his devorandi, loquendi, spirandi, incedendi, &c. actiones impediuntur.

Ordo VI. Morbi externi, sive superficiarii, qui sese ipsi manifestant per tumores, maciem, decolorationes, vel cutis exanthemata, fine naufere, debilitatis, aliufve cujus lymptomatis, accessione notabili.

Ordo VII. Morbi partium organicarum, loco suo motarum. In his partes corporis organicæ e situ nexuque naturali prolabuntur, procidunt, vel vi protruduntur.

Ordo VIII. Solutiones continuitatis, & destructio contextus, sive mollium, sive durarum partium, vel ab injuria externa, vel a causis internis.

CLASSIS III.

MORBI SEXUALES.

Divisio hujus classis vel a vitiis topicis, ab organorum, sexus distinguentium, structura diversa dependentibus, vel a conditionibus, utrique sexui propriis, repetitur. Quatuor huic classi subjiciendi sunt ordines.

Ordo I. Morbi generales, maribus proprii, qui fymptomatum generalium concursus sunt, a vitiis, in sexum potiorem tantum cadentibus, nascentes.

Ordo II. Morbi topici, maribus proprii, quos conftituunt incommoda, a vitiis organorum genitalium, sexui potiori propriorum, orjunda.

Ordo III. Morbi generales, feminis proprii, qui symptomatum generalium concursus funt, a vitiis, in solas virgines, & mulieres, viros expertas, cadentibus, proficiscentes.

142 SYMPTOMATUM DIVISIO.

Ordo IV. Morbi topici, feminis proprii, qui in organorum genitalium, fexui fequiori propriorum, vitiis confiftunt.

C L A S S I S IV.

MORBIINFANTILES.

Morbos infantiles distinguunt symptomata, in solis infantibus obvia. Duo sub hac classe sunt ordines.

Ordo I. Morbi generales, infantibus proprii. Hi
fymptomatum generalium concurfus funt, quos conditiones,
infantibus ante & per tempus
dentitionis propriæ, efficiunt.

Ordo II. Morbi topici, infantibus proprii. Hi consistunt in affectibus morbosis, ac symptomatibus topicis, quæ in solis infantibus recens natis, vel adhuc dentientibus, observantur.



INTRODUCTIONIS, METHODICÆ

THEORIAM MEDICINÆ

LIBER IV.

Theoria singulorum ordinum morborum, & divisio in genera.

CAPUTI.

De febribus in universum, earumque origine & progressu.

dum quod historias morborum digeri oporteat, exhibuimus. Progrediemur nunc ad naturam singulorum ordinum explicandam, eosque in genera dividemus, ut, exsequentibus nobis morborum curationes, in speciebus illorum describendis, medendique rationibus indicandis, consistere liceat, neque necesse sit, Lectorum attentionem ulterioribus disquisitionibus theoreticis occupare.

Febres, quum omnium morborum frequentissimi

fint, merito primum ordinem obtinuerunt.

Febres omnium morborum non solum frequentissimi, sed maxime etiam compositi sunt. In simplicissimis enim, quæ occurrere possunt, febribus, si non quinque, quatuor quidem certe symptomata generalia simul juncta sunt.

Quum hæc fymptomata non semper in omni febre

eadem sint, necessario sequitur, ut a nobis, generalem sebrium ideam exhibentibus, eas sebres describi ponas, que minime omnium inordinate, certerisque

omnibus simpliciores sint.

Febris fymptomata interdum pedetentim & per gradus invadunt, adversæque valetudinis incrementum in dies progredi animadvertimus, donec tota corporis universitas tandem sic turbatur, ut æger naturalibus animi corporisque facultatibus exercendis impar evadat: alias autem morbi impetus tam repentinus ac vehemens est, ut ægrotum simul adoriatur, simul prosternat.

Febris, sensim progredientis, symptomata prima hæc sere sunt, languor, debilitas, atque universi corporis lassitudo, cum carnium dolore, qualis ab exercitatione acriore, vel labore graviori, sentitur, itemque capitis dolor & gravitas, anorexia, vel nausea, cum oris lentore. Aliquanto post accedunt calor immodicus, sitis vehemens, atque agrypnia, fortasse sine prævio frigoris nimii sensu, vel cum leviusculis tantum citoque transeuntibus horroribus.

Sed, quæ subito invadit febris, a molesto nimit frigoris sensu incipit, quem debilitas atque anorexia comitatur. Frigori sæpe accedit rigor, vel horror, cum præcordiorum oppressione, & nausea, vel vo-

mitu.

Si Lectores in memoriam fibi revocent, quæ supra diximus, quum affectuum morbosorum simplicium naturam investigavimus, facile intelligent, fieri non posse, quin hunc frigoris immodici sensum, ac reliqua, cum ipso necessario conjuncta, symptomata, cito calor immodicus, frequensque aliorum symptomatum concomitantium turba, excipiat. Ibi enim ostendimus, frigoris nimii sensum a strictura spasmodica oriri, quæ humorum per partes systematis vascularis extremas circuitum interrumpat, magnamque illorum copiam intro ad centrum urgeat. Quum

vero hæc interruptio diuturna esse non possit, quint laborantem de medio tollat, natura statim circuitus libertatem restituere, humorumque stagnantium motum redintegrare molitur. Hinc cor, ab inusitata sanguinis, ad ipsum retro acti, mole irritatum, crebrius validiusque se contrahit, atque universam sluidorum massam per eam, quæ patet, systematis vascularis partem motibus rapidis, vehementibus, atque anomalis, propellit: unde frigoris immodici sensus in nimii caloris sensum convertitur, cui nonnunquam dolores in variis locis, sitis autem atque agrypnia nunquam non accedunt.

Videmus itaque, febrem, subito invadentem, sex minimum symptomatibus generalibus, inter se succedentibus, stipari, frigore immodico, cito in calorem immodicum vertente, debilitate, anorexia, siti,

agrypnia.

Quum hæc ordinaria, sive essentialia, sebrium symptomata sint, quæ in simplicissimis etiam sebribus occurrant, pro signis characteristicis hujus morborum ordinis omnino haberi debent. Recte igitur sebrem in universum sic definire nobis videmur, ut eam nimii caloris, sitis, anorexiæ, debilitatis, atque

agrypniæ, concurfum esse dicamus.

Species febrium magis compositas inter ipsa statiminitia major symptomatum numerus ac varietas comitatur, velut vomitus, vehementes dolores in variis locis, vel etiam stupor, & delirium. Sed de his in præsentia non agemus, quum nihil aliud, nisi claram febrium in universum notionem exhibere, constitutum habeamus.

Aggrediamur nunc symptomatum horum, febri

legitimæ essentialium, progressum investigare.

Satis manifestum est, turbas istas vel ab irritatione, cor arteriasque proxime afficiente, vel a strictura spasmodica, primum humorum per vasa peripherize circuitum retardante, vel interrumpente,

Tom: Is K

deinde motus anomalos & nimios efficiente, concitari.
Acria, a quibus hæc irritatio proficifci potest, varii generis sunt. Sed si humorum crassiorum, in systemate vasculari contentorum, massam non egrediuntur, ita, ut nervos afficiant, ac per hos stricturam aliquam spasmodicam efficiant, nunquam sebrem, diu mansuram, movebunt. Particulæ enim morbisicæ vel brevi sanis humoribus similes redduntur, sic, ut solida viva inusitato modo stimulare desinant, vel una cum excrementis e corpore expelluntur.

In febribus igitur paulo longioribus, semper colligere licet, non tantum systematis vascularis irritationem adesse, quæ motus anomalos atque immoderatos concitet, sed simul etiam stricturam aliquam spasmodicam, quæ vasorum, in peripheria positorum, diametros coarctet, humorumque, qui per illa libere atque æquabiliter manare debebant, transitum im-

pediat.

Si strictura hæc spasmodica cito solvitur, humorum quoque circuitus libertatem atque æquabilitatem cito recuperat. Membranarum, os internum investientium, corporisque externi, poris patefactis, lingua & cutis humectantur ac mollescunt, sudore prorumpente, atque urina simul largius reddita, calor sitisque depelluntur, somnus ciborumque appetentia redeunt, nec ægroti, nisi de residua aliqua

debilitate, queruntur.

Sin autem strictura ista spasmodica permanet, sieri non potest, ut humorum circuitus liber atque æquabilis sit. Secretiones itaque pervertuntur, &, quum lucta febrilis inter vim, a centro urgentem, obicesque, in peripheria obstantes, hac ratione sustente tur, non solum symptomata essentialia vehementiora ac molestiora evadunt, verum cito etiam alia accedunt, quæ pro adventiciis habere licet, velut dolores acres, ingens præcordiorum oppressio, spirandi dissicultas, delirium. Quod si irritatio etiam nume

continuat, neque vasa constricta relaxantur, symptomatibus illis, quæ diximus, essentialibus & adventiciis alia longe perniciosiora atque terribiliora superveniunt, ut coma, sive sopor continuus, spasmi, anælthesia, sudores frigidi, & tandem mors, nisi rerum in melius mutatio prius eveniat, quam contextus vasorum in iis organis, quæ ad vitam conservandam summe necessaria sunt, a fluidorum circumeuntium violentia, celeritate, atque acrimonia, destruatur, ac nisi noxia, irritationem stricturamque spasmodicam foventia, subigantur, fanisve humoribus similia reddantur, aut per hæmorrhagias, sudores, diarrhocam; diurefin, anacatharfin, exanthemata, vel abscessus criticos, ex suidorum, per vasa circumeuntium, massa ejiciantur.

Febrium progressum persequentes duo stadia in primis notabilia observamus, unum frigoris, unde accessio incipit, alterum caloris, qui frigus necessario excipit. Horum successio & solutio, sive crisis, id constituit, quod circuitum febris nominant, cujus circuitus spatia, pro natura sebrium, diversa esse

confueverunt.

Nonnullæ febres unam dumtaxat accessionem habent, ab initio morbi ad finem usque continuatam: aliæ pluribus, per intervalla, vel breviora, vel longiora, redeuntibus, decurfum fuum abfolvunt, quibus variæ conditiones adjunguntur. Id quod efficit, ut febrium ordinem in genera dispescere possimus.

Ante vero, quam hoc agamus, non alienum ab re erit, in causas febrium generales inquirere. Quod si enim vere perspexeris, quid omnes illas molettias & turbas, quæ febrem comitantur, excitet, facili negotio intelliges, quæ remedia maximam in levandis illis virtutem polliceantur.

C A P U T II.

De causis sebrium generalibus.

EBRIS, qualem modo descripsimus, causas proximas sine audacia ponere audemus in motu immoderato, quo humores a centro systematis vascularis ad peripheriam propelluntur, & vasorum, per hanc distributorum, nimia strictura, sluidis appulsis resistente.

Strictura spasmodica, vasorum, per peripheriam discurrentium, diametros angustans, liberumque & æquabilem fluidorum per illa transitum impediens, ante calorem immoderatum prorumpentem, evidenter apparet ex languore, ac præcordiorum oppressione, genarum labiorumque pallore, cutis srigore atque siccitate, artuumque livore, ubi sanguinis stagnatio sæpe planissime conspicitur. Postea quoque, quam calor molestus evadir, stricturam illam nonsum solutam esse, liquido patet ex cute arida, siti nimia, lotio pellucido, exiguo, alvo obstructa, sonticulorum, aliorumve ulcerum manantium, exsiccatione, ponderisque opprimentis, sive anxietatis, continuatione.

Motus systematis vascularis intentus satis superque cognoscitur ex aucto calore, pulsuque, qui, incipiente febre, semper celerior, ac plerumque multo fortior observatur, quam secundum naturam & in sanitate esse consuevit, quum circuitus humorum liber atque moderatus est.

Proxima motus hujus intenti causa cordis ac systematis vascularis irritatio est, a stimulo quodam, frequentiores fortioresque contractiones ciente, proficiscens. Stricturæ autem spasmodicæ, insolitum illud in peripheria obstaculum opponentis atque susten-

tantis, caufa proxima a systemate nervoso deducenda elt, siquidem satis abundeque demonstratum est, eam neque a sanguinis lentore, neque ab ulla omnino re, quam systema vasculare contineat, proxime oriri. Ideo, quamvis motus systematis vascularis intentus ex aucto calore pulsuque clarissime appareat, atque universam febrem complecti videatur, quæ, nisi rem penitus introspicias, minime systematis neivosi, sed unius systematis vascularis, affectio reputari possit: tamen, si stricturæ spasmodicæ, a nervis affectis oriundæ, naturam consideres, statim intelliges, febres, si non omnes, at eas certe, quarum accessiones diuturniores, vel vehementiores sunt, in utriusque systematis perturbatione consistere. Leviores quidem brevioresque sebrium impetus, quales fæpe cibi potionisque immoderatio, corporis exercitatio acrior, vel levis perfrictio, facit, manifesto ab unius systematis vascularis irritatione, cui nulla prorsus nervorum affectio accedit, proficifcuntur, biduique fere, vel tridui, spatio desinunt, neque alus, nust essentialibus, sive ordinariis, symptomatibus, hisque ipsis minime gravibus, stipantur.

De conjunctis autem duabus his causis observandum est, interdum unam, alias alteram prævalere, hoc est, in sebribus quibusdam symptomata magis motui intento, sive vi & celeritati humorum, per vasa circumeuntium, adauctæ, quam nervorum assectioni, tribuenda esse: in aliis contra magis a nervosi, quam a vascularis, systematis pertur-

batione oriri.

In priori febrium genere pulsus celer, plenus ac fortis est, calorque inflammatorius, sitis, & siccitas,

multum molestiæ exhibent.

In his autem febribus, quæ a nervorum affectione potissimum dependent, pulsus potius debilis, parvus, atque depressus est, calor, sitis, ac siccitas, leviores toleratuque faciliores sunt: nausea vero.

præcordiorum oppressio, & debilitas, maximopere urgent.

Stabilitis febris causis proximis, in remotas nunc

inquiramus.

Causæ sebrium remotæ variæ sunt: sed valentissimæ ad sequentia capita revocari possunt: ad per-frictionem; ad miasmata, inficiendi facultate prædita; ad animi assectus; ad excrementa, aliave noxia, in ventriculo, intestinis, aliisque receptaculis, sub-sistentia.

SYDENHAMUM si audias, causa evidens externa sebrium quam plurimarum inde petenda est, quod quis scilicet vel pramaturius vestes abjecerit, vel, ab exercitio incalescens, se frigori incautius exposuerit. Neque affirmare dubitat, plures modo jam designato, quam peste, gladio, atque same, simul omnibus, perire.

Frigus repentinum non potest, quin poros, in corporis superficie hiàntes, constringat, &, quominus affectæ ac superfluæ fluidorum particulæ, hac via eliminandæ, dissipentur, impediat. Istæ igitur retrorsum actæ, atque in massa universa retentæ, quam maxime idoneæ sunt, quæ particularum insensitium coitiones, solidorum vivorum motus olim turbaturas, efficiant.

Nisi secretionis organa mutuam sibi opem atque operam præstarent, perspirationis suppressio nunquam sere sebrem, aliosve morbos, non excitaret. Sed, magno generis humani bono, res ita dispositæ sunt, ut, quod de excretione per cutem deminutum est, id plerumque copiosiore, vel urina, vel alvi

dejectione, exæquetur.

Satis notum est, aere ex calido & humido repente in frigidum & siccum vertente, perspirationem multo facilius cohiberi, quam si conversio commutatioque ista paulatim contingat, cæteræque res adjunctæminus contrariæsint. Hinc vulgo tam frequenter in febres incidunt, quoniam ex cubiculis claus, a

densa hominum turba percalesactis, subito in aërem

apertum & frigidum prodire confuerunt.

An particulæ, quas frigorificas vocant, in aëre frigido abundantes, atque in corpus receptæ, fundamenta morborum jaciant, nobis quidem non liquere, profitemur, tametsi viri quidam, ingenio præcellentes, illas statuerint. Sed, ut hæ dubiæ controversæque sunt: ita de miasmatibus ambigi non potest. Certæ particulæ, per aërem, quem haurimus, fluitantes, corpore receptæ, non raro febrium, aliorumque morborum, fons & origo funt. Neminem fore existimo, qui, miasmatum istorum naturam, aut cum aliis rebus similitudinem, a se describi posse, præsumat, quum modos, quibus generantur, admodum imperfecte cognoscamus. Nonnulla a rebus putrescentibus, alia a magna hominum multitudine, in eumdem locum conclusa, oriri videntur: alia contra naturam specificam habent, nec, nisi certam morborum speciem generare possunt, & quidem, quod summe notabile est, non amplius semel in eodem homine, quum, partes fluidas ab eadem materiæ morbificæ specie iterum turbari, aut infici non posse, apparent.

Nonnulli ex animi affectibus, in primis tristita ac metus, ita in corpus agunt, ut perspirationem supprimant, secretiones cohibeant, rerumque supersuatum, vel excrementorum, egestionem impediant. Eadem igitur, qua frigus repentinum, ratione quum agant, easdem quoque sensationes & mutationes efficiunt, sanamque sluidorum animalium crasin des-

truendo, febres gignunt.

Similes esse possunt rerum acrium, vel excrementorum, in corpore, maxime in ventriculo atque intestinis, subsistentium, essectus. Vermes pariter, varizeque illæ saburræ species, non tantum partium harum membranacearum, acutissimo sensu præditarum, nervos stimulare possunt, sed persæpe etiam

K 4

fluida noxia in humorum, per vasa circumeuntium, matiam transeunt, ubi vel proxime cor & systema arteriosum irritant, motumque majorem ac levem febriculam excitant, vel, ulterius progressa, ipsum tandem systema nervosum afficiunt, ita, ut stricturam spasmodicam inducant, veramque febrem, diutius permanentem, ac symptomatum numero & varietate majore stipatam, accendant.

Fonticulos si coire siveris, vel ulcera vetusta, aliaque cutis vitia manantia, medicamentis adstringentibus ac reprimentibus imprudenter exsiccaveris, neque operam dederis, ut alia quædam excretio substituatur, perrarum est, sebrem, aliosve morbos, non oriri. Idemque accidit, ubi quis subito aut in regiones, sub alia cœli inclinatione positas, transit, aut universam rationem atque consuetudinem vivendi immutat.

Hi igitur præcipui febrium fontes, causæque antecedentes, sive, quas vocant, remotæ & possibiles sunt. Neutiquam autem illæ febrem in omnibus, in quibus locum habent, movere existimandæ sunt, verum in his tantum, quorum corpori singularis illa, sed inexplicabilis, inest proprietas, quæ materiæ morbiseæ actionem adjuvet. Possibilium igitur harum causarum cognitio ad inveniendam curandi rationem perparum facit. Hactenus quidem prodesse nobis potest, ut, quomodo febri occurrendum sit, ostendat: in ipsa autem curatione semper causas proximas considerari oportet.

Quum itaque febris finiri non possit, quamdiu irritatio systematis vascularis manet, & strictura spasmodica canaliculorum minutorum fines coarctare pergit, manifestum est, in communibus febrium curationibus Medico id maxime negotii datum esse, ut, quidquid stimulat, removeat, humorumque circuitum liberum atque æquabilem reddat. Auxilia vero, obtinendis his finibus idonea, secundum singulas

febrium species, variari, necesse est.

CAPUT HII.

Febrium in genera divisio.

Leves illæ febres, quæ semel tantum accedunt, nec ultra unum alterumve diem excurrunt, quod materia irritans sanis humoribus similis redditur, five quod strictura spasmodica facile solvitur, ephemera vocantur, propterea quod totum decurfum viginti quatuor horarum spatio absolvere statuuntur. At si ea est materiæ sebrilis indoles, ut neque f<mark>anis humoribus fimili</mark>s reddi, neque tam facile feparari, atque ex corpore eliminari, possit, strictura spasmodica, quamvis repetitis cordis conatibus, non folvitur, febrisque, ultra unum alterumve diem permanens, varia longinquitate producitur, donec vel Sanguinis crasi naturali, solidorumque vivorum textura destructa, mors sequatur, vel, strictura spasmodica foluta, humores libere atque æquabiliter per corpus circumire rursus occipiant.

Febris, quæ hoc modo sine intermissione, vel conspicua etiam remissione, per aliquot dies hebdomadasve decurrit, febris continua nomine infignitur,

primumque febrium genus constituit.

Scriptores quidam systematici febrem ephemeram tamquam genus distinctum considerant, sed minus proprie. Est enim tantum levissimus febris conti-

nuæ gradus.

Febres continuæ in plures dividuntur species, a diversis fluidorum conditionibus, aliisque rebus concomitantibus, quas seorsim indicaturi sumus, quum ad ipsarum curationes venerimus.

Sunt autem febres, in quibus, quamquam strictura spasmodica paucarum horarum spatio manifeste solvi-

tur, materiæque morbificæ, quam hic facile separabilem esse oportet, per varia corporis ostia exitum concedit: noxiæ tamen particulæ non in totum expelli, sed fomitem aliquem in corpore relinquere videntur, qui nunc ad brevius, nunc ad longius temporis intervallum, delitescat, quoad, afficiendo systemati nervoso rursus sufficiens, novam stricturam spalmodicam integret: unde nova febris accessio, incipiens, sicut prior, a frigore immodico, horrore, nausea, & præcordiorum oppressione, succedentibus calore acerrimo, siti, dolore, agrypnia, quæ pororum vasorumque constrictorum relaxatione, copioso sudori, urinæque crassæ ac limosæ, exitum concedente, terminantur. Hujus generis febres intermitdentes appellantur, quarum variæ species sunt, accessionum reversionibus, spatiique, inter singulas interpositi, longinquitati respondentes.

Sed tertium febrium genus est, in quo materia morbifica separabilis quidem reperitur, sed non ita, ut corpus, quemadmodum in intermittentium genere, a symptomatibus sebrilibus plane liberum relinquat. Separationem enim hic ex parte dumtaxat sieri apparet, quum sola remissio sit, hoc est, aliquantum quidem ex symptomatum vehementia minuatur, sed sebris non ex toto, ut in intermittentibus, conquiescat. Ex quo hujus generis sebres remittentes vocantur, quæ pro variis symptomatibus, alissique rebus adjunctis, distincto ipsas charactere notangue rebus adjunctis.

tibus, in varias species dispesci possint.

Quartum febrium genus ex constituunt, quæ exanthematicæ nominantur. Aliqua his cum remittentibus communia sunt. Simul atque enim id, quod symptomata febrilia concitat, quidquid illud sit, vel per poros, in arteriarum lateribus hiantes, vel per harum ostia patentia, expulsum, in cutisque parte cellulosa inter solida inertia depositum est, irritatio ac strictura spasmodica, adeoque pariter omnia symp-

tomata molesta, inde dependentia, decedunt, vel remittunt: quæ quidem decessio, vel remissio, separationi atque expulsioni particularum noxiarum proportione respondet.

Febres exanthematicæ in species diduci possunt a varia forma, varioque progressu exanthematum, a quibus variolarum, morbillorum, febris scarlatinæ,

febris miliaris, &c. nomen trahunt.

Quintum, idemque ultimum, febrium genus hectica constituit. In hoc febrium genere systema nervosum multo minus, quam in quovis alio, affici apparet, morbusque præcipue tribuendus esse videtur fanguinis agitationi & systematis vascularis irritationi, a rebus acribus atque stimulantibus oriundæ, quæ ex locis, ubi natæ, vel accumulatæ fuerunt, reforptæ, atque in humorum, per vasa circumeuntium, massam delatæ, per intervalla febriculas moveant, quæ paucas post horas vel leviores evadunt, vel, intermittentium more, sic desinunt, ut ex toto sequatur integritas. Ratio hinc reddi potest, cur hoc febrium genus minus cito interimat, quam cætera, in quibus systema nervosum semper multo gravius afficitur. Hectica tamen febris, nisi fomite ipsius prorsus exstincto, vel remoto, semper tandem evadit mortifera.

Hoc febrium genus, æque ac quatuor antecedentia, in varias species dividi potest, quas suo loco describemus.

CAPUT IV.

De crisi febrium, & diebus criticis.

Riseos vocabulum a Medicorum filiis eam ob sausam adoptatum esse videtur, quod animo con-

ceperint, morbos quasi adversarios quosdam esse; qui in corporis humani possessionem involent, idque vel injuria afficere, vel plane destruere, contendant: naturam autem, de conservando corpore semper sollicitam, omni conatu id moliri & pugnare, ut adversarium devincat, vel ejieiat, unde necessario eertatio aliqua inter naturam ac morbum existat, quam sic, ut quamvis aliam litem, tandem terminari, & secundum alterum contendentium judicari oporteat. Ita criseos voce, a scriptoribus Græcis ad significandam istam, quam statuebant, dijudicationem inducta, atque adhibita, hodie quoque ad denotandum febris exitum utimur, quo, postquam ad summum viguorem pervenit, nisi ægrum peremerit, symptomata primum levantur, deinde ex toto definunt, sanitasque paulatim redit.

Instante crisi, insolita quædam molimina & luctamina apparent, quum materia morbifica, postquam sebris per aliquot dies tenuit, copiosior, quam ab initio suerat, evadere, latiusque per corpus dissundi

videatur.

Materiam morbificam primi artis falutaris Magistri in principio sebrium, & aliquot diebus post, crudam; progrediente autem morbo, maturam, sive coctam (hoc enim vocabulo uti consueverant); tandeni, sub criseos tempus, noxias particulas separationi aptas, hisque, sub ipsa crisi, partim per cutis poros, partim per urinæ vias, aliaque ostia, eliminatis, corpus integrum morbique immune dimitti statuerunt. Ex quo factum est, ut, quamdiu materia morbifica in cruditate soret, expulsionem illius intempestive atque periculose agitari judicarent, & constantis regulæ loco ponerent, Medico tune temporis nihil agendum, sed exspectandum esse, dum coctionem absolutam, materiamque morbificam mobilem, atque excretioni aptam esse, appareret.

Cruditatem autem hanc, ac materiæ morbificæ

coctionem, ad unamquamque febris speciem extendentes, fines illarum longius, quam par est, protulerunt. Plures enim febres, quominus ad periculum aliquod evalescant, præpediri, opportunaque curatione inter ipsa statim initia tolli possunt: alias vero, etiamsi per totum ipsarum decursum nihil moveas, sed omnia soli naturæ committas, sine ulla, quam fensibus percipere liceat, evacuatione critica finiri observes.

In febribus quidem exanthematicis, & quibusdam ex continuarum, intermittentium, ac remittentium. genere, omnino hanc doctrinam veritate fundatam esse, apparet: tametsi summi nominis Medici notiones istas cruditatis, coctionis, & materiæ morbifi-; cæ, prorsus exterminare gestiant, ut qui sebres non, nisi systematis nervosi affectiones, esse, neque ab ulla re morbifica, in humoribus crassioribus latente,

dependere censeant.

Veteres Medici Græci, in quorum animis istæ, quas diximus, notiones tam alte insederant, ut omnes conatus, a medentibus ad corpus, materiamorbifica liberandum, cruditatis tempore adhibitos, pro intempestivis atque periculosis haberent, perparum in febribus egisse, coctionemque tantum non semper foli naturæ reliquisse videntur. Ideoque plus, otii, majorque opportunitas iis fuit, morbi progressum observandi, quam plerisque nostræ ætatis Medicis, qui, nunquam otiosi spectatores, semper aliquid vel facere in ægris, vel ipsis dare, consueverunt.

Atque hi veteres, nihil fere aliud faciendo, nifi veras & genuinas naturæ molitiones in materia morbifica, primum præparanda, deinde separanda, ad postremum evacuanda, observationibus vel didicerunt, vel certe didicisse sibi visi sunt, febrium continuarum critin certis quibusdam diebus, a prima mor-

bi accessione numeratis, contingere.

Hi, si febris ultra tres hebdomadas non excurre-

bat, erant dies tertius, quintus, septimus, nonus, undecimus, quartus decimus, decimus septimus, unus & vicefimus: sin autem morbus spatium illud egrediebatur, diem quartum & tertium vicibus alternis numerabant usque ad diem quadragesimum secundum, sive sextæ hebdomadis finem.

Criticorum horum dierum alii aliis potentiores existimabantur, ita, ut summa potentia quarto decimo,

proxima septimo daretur.

Præter hos dies; quibus mutationes, ægrotanti salutares, exspectabantur, alii erant, quos, tamquam indicarent, quid insequentibus diebus eventurum esset, indices nominabant. Ita quartus septimi,

undecimus quarti decimi index erat.

Primo aspectu non mediocris hic apparet superstitio, qua antiqui ad certos numeros, tune admodum celebres, respexerint. Atque hoc judicii ex ipsis veteribus nonnullos tulisse, scire facile est, uno CELSO lecto, eo loco, quo hanc doctrinam, ejufque inventorem, HIPPOCRATEM, vanitatis coarguit.

Opera, quæ huic medicinæ conditori adscribuntur, ejusque nomen præ se ferunt, manifesto a pluribus composita funt, nec eamdem omnia auctoritatem habent. Et criticorum quidem dierum, fatendum est, illorum tantummodo, quorum ratio in primis haberi debeat, schema certum sibique constans exhiberi : qua de re dubitare non poterit, quicumque loca illa, in quibus dierum criticorum fit mentio, inter se comparaverit. Enimvero famigeratus ille Professor Vindobonensis, Antonius de HAEN, omnem harum discrepantiarum culpam in librarios imponit, qui litteras græcas, numeris exprimendis inservientes, inter se permutando, dierum criticorum doctrinam confuderint atque perturbaverint. Neque enim hic accurationis neglectus obstat, quominus ipse, & complures alii illustres expertique Medici, dies illos arcte teneant, mordicusque defendant,

fummæ necessitatis esse dictitantes, ut morbi mutationes, tunc temporis proprie evenire solitas, exspectes, caveasque, sanguinem mittas, aut aliquid exhibeas, quod alias, atque eas, quas natura moliri videatur, evacuationes ciendo, ad crisin turbandam

pertinere possit.

In partibus Europæ meridionalibus, & in Asia minore, ubi medicina primum agitata atque exculta est, sebrium progressus certum servat ordinem, quem in his regionibus frustra quæras. Nulla igitur res prohibet, quo veterum observationes minus veræ sint, tametsi cum iis, quæ sub plaga cæli frigidiore ac mutabiliore sactæ sunt, non conspirent.

CAPUT V.

Generalis descriptio & theoria inflammationis.

NFLAMMATIONES tam propinqua cognatione cum febribus conjunctæ funt, ut multi ad eumdem ordinem illas retulerint, sed minus proprie, siquidem instammatio privas quasdam notas habet, quibus a febre, ac quovis alio morborum genere, distinguitur.

Inflammatio satis conspicua est, si pars affecta oculis patet: sin autem interna est inflammatio, id est, si partem aliquam, tribus illis cavis majoribus inclusam, occupat, signa ejus sæpe incerta sunt atque

ambigua.

Theoriæ inflammationis, nostra ætate fere Medicorum consensu receptæ, Boerhaaviana & Hof-

MANNIANA funt.

Ex BOERHAAVII sententia, inflammationis sedes est in ultimis arteriarum minorum sinibus, oriturque ab obstructione, vel quod diameter vasorum imninuitur, vel quod humorum, per vasa circumeuntium,

particulæ majores evadunt, quam ut libere per

canales suos transire possint.

In Aphorismorum de cognoscendis & curandis morbis Sect. 375—377, omnes illæ variæ obstructionis hujus causæ enumerantur, sive ab imminuta vasorum diametro, sive ab aucta globulorum mole dependere statuatur. Sed, præter has causas, Boer-HAAVIUS obstructionem docet accidere posse ab errore loci, hoc est, a globulis, recto, ut ita dicam, itinere lapsis, atque in vasa devertentibus, quorum diametri arctiores sunt, quam ut liberum its transitum concedant.

Obstructione semel nata, sive ab errore loci, sive ab alia qua causa, suida subsequentia, ut ipse opinatur, a tergo vi majore ad locum obstructum urgentur, ut viam sibi præclusam aperiant, atque ita sanguis accumulatur, arteriæ minimæ distenduntur, earumque sibræ distrahuntur, cava autem globulis majoribus, quam secundum naturam capiunt, replentur: qui quidem globuli eodem tempore violenter agitantur, sibique in vicem & vasorum lateribus assericantur, unde omnia illa inslammationis symptomata characteristica, tumor, dolor, rubor, calor.

Quam HOFMANNUS tradidit inflammationis theoriam, in summa rei a BOERHAAVIANA non discrepat. Nam & ipse stasin, sive stagnationem, sanguinis in minimis arteriis statuit, a strictura vasorum spasmodica oriundam, quæ vero a sirmitate sluidorum mu-

tata non dependeat.

Sed, falva veneratione, illustribus illis nominibus debita, inquirere nobis liceat, an non causæ inslammationis proximæ his, quas illi proposuerunt, plane sint contrariæ, & an non tantum absit, ut sanguis transitu per partium, inslammatione correptarum, arterias prohibeatur, ut potius latera vasorum justo minus resistentia inveniat, & per arterias æque, ac venas, majore vi atque celeritate feratur.

Experimenta?

Experimenta, in vivis animalibus capta, & repetita, demonstrarunt, etiamsi globuli crassiores viam per extremos arteriarum fines præcludant: sanguinem tamen novum, a corde succedentem, adeo non vi majore contra hoc obstaculum arietare, ut potius ab obstructis his vasis penitus deslectat, atque in ea, quæ libera sunt, dimanet. Ramo enim arteriæ cujusdam ligato, sanguis ab eo divertere, atque in vicinos, qui aperti perviique sunt, sic insluere observatur, ut arteriæ inter vinculum & cor neque tumorem permanentem, neque dilacationem, efficiat.

Eadem in corpore humano accidunt, ubi via prorsus interclusa est, velut in arteriis umbilicalibus, postquam infans in lucem editus est, & in iis arteriis, quæ in aneury smatis curatione vinculo injecto

occluduntur.

Demonstrato, nec figuram vasorum, quæ tamquam tubi conici considerari nequeunt, nec sanguinis compositionem, cujus rubor a sex globulorum serosorum coalitu non dependet, receptæ obstructionis notioni favere, & neque obstructionis, neque staseos, ut jam locum his esse largiamur, eos esse esfectus, qui inflammationem proprie distinguant: hac igitur quum ita fint, reliquum est, ut, quæ fint illæ mutationes, ex quibus maxime vulgare hoc morbi genus originem

trahat, dispiciamus.

Qui nuper magnum sui desiderium reliquit, Cel. WHYTTIUS, omnium fere primus theoriam BOER-HAAVIANAM in dubium revocare ausus est, prolatis in medium argumentis, quibus opinionem, qua inflammationes a stafi, vel obstructione, derivantur, refelleret. Rationibus, quæ non persuadeant, sed cogant, a Viro Illustri demonstratum est, cordis atque arteriarum majorum vim circuitui humorum, per totam systematis vascularis universitatem promovendo, imparem esse, &, nisi nova aliqua vis accedat, motus oscillantis nomine insignita, quæ sluida in vasis

Toin, I.

minimis propellat, universæ massæ progressum cito terminatum iri.

Omnia, quæcumque generali stimulorum appellatione comprehenduntur, facultatem habent, si corpori admoveantur, motum hunc oscillantem augendi, per quem sanguinis, humorumve, inde separatorum, per singulas systematis, ita affecti, partes cursus, pro majore minoreve irritatione, magis minusve intenditur.

Evidentius magisque obvium facultatis hujus argumentum dari non potest, quam id, quod, corpusculo quodam in oculum illapso, organique hujus, tenerrimo sensu præditi, vasa irritante, accidere observamus. Minimo momento post oculus in instammatione est, hoc est, incalescit, atque indolescit, vasa sanguine turgescunt, humorumque copia uberior ad partem assectam consuit.

Parti cuidam sentienti si vulnus pungendo, secando, vel lacerando, inferatur, si caustica, vel acria stimulantia, ignis, vel res nimis excalesactæ, admoveantur, motus oscillans constanter ac perpetuo au-

getur, & inflammatio aliqua existit.

Sed alius cujusdam momenti habenda est ratio, hoc est, obstaculi, quod vasa in peripheria corporis, ac per universum systema vasculare, vi cordis, a centro urgenti, opponunt. Obstaculum enim hoc si, tunicis vasorum mollitis, laxatis, ruptis, sectifve, minuatur, vel tollatur, sanguis nunquam versus par-

tem debilitatam non impellitur.

Habemus itaque alterum inflammationum fontem, quem cucurbitularum effectus demonstrant. Cucurbitula superficiei corporis imposita, aëreque vel educto, vel raresecto, tantum de vasorum, cuti subjectorum, vi resistendi detrahitur, quantum ab aëris, corpus nostrum ambientis, pressu dependet, unde sanguis mox in vasa hæc debilia irruit, eademque distendit, ac manifestum calorem, cum dolore, tumore.

& rubore, movet: quæ vero omnia, cucurbitula remota, aerisque externi pressu restituto, brevi admodum tempore confidunt, atque evanescunt.

Eadem, aqua calida, vel pultibus emollientibus, parti cuidam admotis, apparent, ita tamen, ut hîc & latius pateant, nec tantopere in oculos incurrant.

Ex quibus conficitur, duas esse inflammationis caufas proximas, unam motum ofcillantem vaforum minimorum nimis auctum, alteram vim resistendi in iisdem imminutam.

Ab utralibet harum caufarum fugax nascitur inflammatio: fed fi a fola stimulorum, motum oscillantem augentium, actione, aut a fola relaxatione, vique resistendi imminuta, oritur, symptomata, quæ accedunt, non, nisi levia, sunt, neque inflammacio penitus insidit. Talem enim sola utriusque causæ conjunctio, hoc est, vasorum simul & vis resistendi imminuta, & motus oscillans auctus, excitare potest.

Confociata utriusque causæ actione, sanguis in partis affectæ vasa irruit, & per illa inusitata quadam vi atque celeritate propellitur: unde omnia inflammationis signa ac symptomata essentialia facile deduci

possunt.

Primum calorem sequi, necesse est. Quacumque enim causa caloris primigenia est, sanguinis motus, ad nimiam velocitatem evectus, nunquam calorem

non auget.

Sanguinis, ultra naturalem menfuram calefacti, volumen magis minusve expanditur atque dilatatur: quo ipso vasa affecta distenduntur, & majori etiam fanguinis subsequentis copiæ via aperitur, qui illico in canales minimos urgetur, pluraque vafa, fecundum naturam atque in fanitate, manifesto nihil, nisi limpham pellucidam, vehentia, nunc fanguine onerat: underubor, indivullus inflammationis comes, potiffimum proficifcitur.

Neque vero minimæ tantum arteriæ ita ultra mo-

dum distenduntur, sed venarum quoque principia dilatantur: id quod nemini, qui oculum, instammatione laborantem, inspexerit, lucidum esse non potest atque evidens. Plura enim, & haud scio, an pleraque vasa, que tam turgida apparent, candidumque oculi colorem obsenrant, tunicæ conjunctivæ venæ sunt.

Venis pariter, atque arteriis partium, inflammatione correptarum, nimio sanguine oneratis, tumor, tensio, & duritia, partem morbi necessario constituunt. Arteriæ enim nimium distendi non possunt, quin tunicarum pori, secundum naturam oleum tantum limphamque transmittentes, æqua portione dilatentur. Per dilatatos autem hos poros non solum tenuiorum illorum, quos diximus, humorum copia justo major, sed aliquid etiam ex crassiore ac rubicunda sanguinis parte exsudat: unde ruboris intentio, & tumor. Quod si partis, in qua inflammatio incidit, tela cellulosa laxa atque copiosa est, tumor magis minusve dissunditur, ac citius seriusve existit.

Dorlor, propter distractionem & tensionem solidorum vivorum, necessarium quoque inflammationis

symptoma est.

Si vafa, quibus inflammatio infidit, cum folidis partibus firmius connexa funt, vel magna illorum pars recta decurrit, major in iis locum habet tenfio. Hujus autem magnitudini doloris magnitudo respondere semper observatur. Itaque hinc ratio reddi solet, cur eas inflammationes, quæ cutis, aliarumque partium membranacearum firmiorum, vel ossum, tendinum, ligamentorum, cartilaginum, vasa occupant, semper dolores satis acuti comitentur, iis autem, quæ viscera molliora glandulasque assicinnt, dolores minus vehementes, interdum perexigui, accedant.

Febris etiam, vel nonnulla potius fymptomata, febri propia, omnibus inflammationibus paulo gravioribus accedunt: id quod multos rerum medicarum feriptores induxit, ut duos hos morbos confunderent.

Sed in simplicissimis etiam febribus, si non quinque, quatuor saltem, symptomata generalia conjuncta apparent, calor immodicus, sitis, anorexia, debilitas, agrypnia, quum contra in inflammationibus, si maxime compositas, ac molestas excipias, tria tantum ex quinque illis symptomatibus occurrant, calor immodicus, sitis, agrypnia, adeoque reliqua duo symptomata, debilitas atque anorexia, quæ nervosi potissimum systematis affectiones sunt, quibusque nulla febris, diu manens, carere potest, pro symptomatibus inflammationis essentialibus falso habeantur.

Si inflammationes ab injuriis externis oriuntur, velut a vulneribus, adultionibus, contusionibus, fracturis, luxationibus, quæ duplici ratione agunt, utpote non modo humorum motum per irritationem incitando, verum etiam vasorum contextum dissolvendo, vel latera ipsorum debilitando: in his igitur inslammationibus partium affectarum calorem, dolorem, ruborem, ac tumorem, prius observare licet, quam ex pulsu vim atque velocitatem totius humorum massæ auctam esse percipias, aut febris symptomata, calor, per universum corpus dissus, sitis, agrypnia, aliquid molestiæ exhibeant, adeoque febris hic non, nisi inslammatione jam nata, accenditur.

Sæpe autem numero contingit, ut inflammationes ex febre oriantur. Febre enim nata, si organi, vel partis alicujus, vasis accidat, ut ipsorum vis resistendi minuatur, aut si qua res acris stimulansve cum sanguine permixta sit, quæ alicubi locorum deponatur, vasa hæc debilitata, vel irritata, citæ inflammationes occupabunt, quoniam universa sluidorum massa, violento motu in antecessum agitata, in hæc vasa statim irruit, quo irritatio atque obicis remotio eam invitant.

Quantum inflammationes, febrium accessionibus ita succedentes, terrere debeant, quantoque cum periculo conjunctæ sint, satis abundeque per se patet. Prorsus multis in febribus proxima mortis causa sunt.

Ideoque Medici, inflammationibus istis internascentibus occursuri, in principio sebrium, saltem earum, quæ pulsum fortem, plenum, ac velocem, motuumque systematis vascularis valde intentorum signa exhibent, tempestivis aptisque evacuationibus vim symptomatum ita moderari student, ut periculum non sit, ne nimia sanguinis moles per sebris decursum in partium nobiliorum vasa compellatur.

C A P U T V I.

De variis modis, quibus inflammatio terminari potest, resolutione, exstudatione, suppuratione, gangrana, scirrho.

Uinque modi funt, quibus nata inflammatio ter-

minari potest.

Primus, isque exteris optabilior, modus est resolutio, sive discussio, alter exsudatio, tertius suppuratio, sive abscessus, quartus gangrana, quintus schirzhus, sive duritia & tumor, dolorem non movens.

RESOLUTIO.

Si protinus inter initia morbi Medicus id consequi potest, ut prius motus oscillantis intentio minuatur, vasaque pristinum robur recuperent, quam sluida, quæ per poros, in arteriarum lateribus hiantes, in telæ cellulosæ interstitia exsudant, vel eo usque accumulentur, vel tam crassa atque tenacia evadant, ut neque a vasis absorbentibus imbibi, neque per cutis poros distari possint, inslammatio resolutione terminatur, quam, si res patitur, semper hac ratione moliri debemus, ut sanguinis cursum divertamus, motum immoderatum compescamus, tunicas vasorum corro-

boremus ac sustentemus, sluidorumque accumulatorum dislipationem promoveamus.

EXSUDAT'IO.

Sin autem hi fines commodum intra tempus obtineri nequeunt, fanguisque in partis, inflammatione correptæ, vasa vi inusitata irruere pergit, tum arteriæ distenduntur, pori, propter increscentem calorem, & humorum expansionem, magis magisque dilatantur, dilatatique magnam fluidorum copiam elabi patiuntur, quæ vel in teke cellulosæ interstitiis deponitur, vel ex partis, inflammatione laborantis, superficie exsudando eliminatur.

Humor, exfudando eliminatus, quantum ad colorem, odorem, ac firmitatem, attinet, a fanguine, limpha, mueo, & quovis alio humore, qui ante inflammationem in corpore fuit, plurimum differt. Quæ quidem differentiæ partim a mensura, qua arteriarum pori dilatantur, partim a mutationibus, quas particularum sanguinis insensibilium coitiones subeunt, repetendæ este videntur.

Valis hoc modo exoneratis, ipforumque fibris a nimia distractione ac tensione liberatis, calor deferves-

cit, dolor conquiescit, tumor subsidit.

Si inflammatio in vasis, cuti, membranæve cuidam, cava atque itmera interna investienti, vel viscera obtegenti, intextis, sedem habet, hæc per exsudationem evacuatio morbum solvit. Atque hoc modo inflammationes, ab adustionibus & vulneribus natæ, semper finiuntur, siquidem, digestione incipiente, purisque evacuatione augescente, dolor, calor, tumor, acrubor, minuuntur, & per gradus evanescunt. Eadem ratione sæpius illa inflammationis species terminatur, cui erysipelati nomen, sedesque in cutis vasis est. Numerosissimæ enim pustulæ, vel vesiculæ, in cute exortæ, multo humore prosuso, vasa, quæ in

inflammatione funt, exonerant. Similem in modum, si membranæ, quæ nares, fances, arteriam asperam, vel vesiculas pulmonales, investiunt, leviore inflammatione tentantur, exsudatio hæc morbum non raro solvit. Idemque præstat in vulgatissimo illo gonorrhææ virulentæ morbo, in quo inslammatio vasis urethræ insidit.

Si materia, sic exsudans, atque inflammationem solvens, liberum facilemque exitum invenit, bene prospereque omnia procedunt, & ægrotus celeriter cum sanitate in gratiam redit. Minus autem secunde res cadit, si pus, ex membranis, thoracem atque abdomen investientibus, vel viscera, in utroque cavo sita, obtegentibus, estluens, ibi subsissit. Quamvis enim dolor conquiescat: nova tamen symptomatum turba subolescit, mox hecticam sebrem datura.

SUPPURATIO, five ABSCESSUS.

Alter, quo inflammationes terminari possunt, modus, sive exsudatio, perspicue ita demum locum habet, si morbus vasa, prope corporis superficiem decurrentia, occupavit. Etenim, si inflammatio in viscus aliquod, vel partem musculosam, aut glandulosam, altius descendit, neque resolvi & discuti potest, brevi contingit, ut arteriarum pori majorem humorum copiam exsudent, quam ut vasa absorbentia imbibendæ illi atque avehendæ sussiciant. Unde sit, ut exsudati isti humores accumulentur, brevique fermentari incipiant, & tandem facultatem nanciscantur, lamellas, per quas vasa sibræque musculares, æque ac cellulæ, vel vesiculæ, adipem continentes, connectuntur, dissolvendi atque colliquesaciendi.

Hoc pacto nascitur, quod a Chirurgis pus nominatur, sive materia abscessium. Isque tertius modus est,

quo inflammationes terminari consuerunt.

Dum abscessus fit, ejusque materia colligitur, quæ-

dam ex particulis purulentis, idemtidem absorpte, atque in humorum, per vasa circumeuntium, massam revecte, horrores inordinatos excitant, quos sugaces commotiunculæ sebriles excipiunt, nisi aucta materiæ collectione, cystis, vel saccus quidam compactus, quo ipsa contineatur, a lamellarum telæ cellulosæ circumjacentium compressione atque induratione existat. Hæ namque lamellæ nonnunquam tam sirmæ valentesque evadunt, ut pus coerceant, & parum, vel nihil, resorberi patiantur. Tum vero neque horrores, nec, qui his succedere solent, calores sentiuntur, sed omnia tranquillata sunt, donec abscessus aut rumpitur, aut in tantam excrescit molem, ut or-

ganum aliquod necessarium comprimat.

Ex modis, inflammationem solventibus, secundum resolutionem, sive discussionem, maxime exoptanda est exfudatio, cum hac tamen exceptione, ut materia exfudata facilem inveniat exitum. At ubi exfudatio non evenit, abscessus votum esse debet, quoniam folida, per suppurationem destructa, non ad ea pertinent, quæ solidorum vivorum appellatione significantur. Nam a magnis etiam spatiosisque abscessibus, si eas partes occupent, quæ maturam ipsorum apertionem, plenamque puris contenti evacuationem permittant, postquam consanuerunt, raro aliquid relinqui videas, quod partis affectæ motui, robori, & senfui, in perpetuum officere possit: id quod luculentissime demonstrat, exiguam, ac potius nullam, hîc este nervorum, vasorumve sanguiferorum, destructionem. Quamquam enim vasa sanguifera per nimiam sui distentionem, & pororum suorum dilatationem, que a nimia illa distentione necessario efficitur, maximopere læsa fuerunt: brevi tamen, nisi si fibræ ipsorum penitus distruptæ sunt, naturali sua vi elastica sese reficiunt: solida autem inertia, quæ in pus delicuerunt, hoc evacuato, abscessuque persanato, admodum cito per novam particularum nutrientium, telæ

cellulosæ interstitiis insusarum, accessionem reparantur.

GANGRENA.

At si motus humorum, per partis, inflammatione laborantis, vafa commeantium, tam vehemens est, aut situnica arteriarum tam infirma sunt, ut, quum alias poros suos tantummodo dilatent, humoresque in telæ cellulosæ interstitia elabi patiantur, nunc cedant ac difrumpantur, vasorum illorum contextus destruitur. Propter fibras solidorum vivorum disruptas, dolor conquiescit, &, propter sanguinem e vasis effufum, pars, que prius rubra atque nitida fuerat, corrugatur, coloremque fuscum, vel lividum, induit; cellulæ, quas in suppuratione limpha potissimum oleumque replet, nunc fanguine onerantur; fanguis hic celeriter corrumpi incipit, splendidumque suum ruborem amittit; ferum autem, a parte rubicunda secedens, superficiem versus ejicitur, cuticulamque in vesiculas attollit.

Hoc modo gangræna fit, cujus si consideres progressum, facile intelliges, in iis, quorum sanguis acrimonia laborat, aut vasorum tunicæ adustionibus gravioribus læsæ, vel morbo aliquo prægresso paulatim debilitatæ sunt, inslammationis, in gangrænam desituræ, periculum longe majus esse, quam in his, qui tali acrimonia, læsione, vel debilitate, vacant.

Ac profecto gangræna raro alia, quam quæ diximus, corpora corripit. Quæratio est, cur in senilibus, vel iis, quæ mali habitus sunt, quorsum scorbuto, vel hydrope, affecta pertinent, quorum humores in universum acres, solidæque partes insirmæ, vel fragiles, sunt, multæ inslammationes, a levissimis injuriis natæ, atque inter principia minime periculosæ visæ, totics gangræna, & morte, siniantur.

SCIRRHUS.

Superest, ut ultimum inflammationis exitum explicemus, qui semper a scriptoribus systematicis commemoratur, & is est, quem scirrhum nominant. Nascitur, si inflammatio neque ab initio resolvitur, neque exsudando digeritur, neque in pus convertitur, abscetsumque constituit, neque in gangrænam degenerat, sed, doloris calorisque sensu sublato, nihil, præter tumorem, ac leviorem ruborem, vel decolorationem, remanet.

Tumores hi, doloris expertes, post inflammationem potissimum in visceribus, quæ vocant, parenchymatofis, partibusque, glandulosis, relinquuntur, siquidem in his locis circuitus humorum naturaliter languet, calorque raro tantus est, ut fermentationi, quæ veram suppurationem efficiat, ciendæ par sit, nec tanta humorum vis, ut vala rumpantur, ac gangræna existat, quæ raro in partibus glandulosis incidit, nisi si humor longe acerrimus in singularum glandularum vasis proxime deponitur.

Illud autem ignorare non oportet, plerosque tumores duros, non dolentes, qui scirrhorum nomine a medentibus infigniuntur, non ab inflammationibus, fed ab initiis lentis, sensimque sine fensu progredientibus, oriri, & fæpillime in carcinomata de-

generare.

Quum, membranis nonnullis tenuissimis, cuticula, unguibusque & pilis exceptis, nulla corporis pars fit, quin fabricæ iplius vafa sanguifera intexta fint: nulla etiam præter has est, in qua inflammatio locum habere non possit. Sed ex partes, que ante alias vasis sanguiseris abundant, injurisque externis, vel rerum irritantium, in aere, corpora nostra ambiente, fluctuantium, actioni patent, præ cæteris etiam huic morbo obnoxize funt, qui non potest, quin,

pro partis affecta natura, usu, atque necessitate,

varii generis molestias ac pericula importet.

Quod ad divisionem hujus morborum ordinis attinet, plura, quam duo, genera constitui, necesse non est. Alterum est inflammatio externa, quæ, quum ad ipsum locum affectum pervenire liceat, medicamentis, extrinsecus impositis, curari potest: alterum interna, in qua præcipuum præsidium ab evacuationibus generalibus, remediisque internis, petendum est.

Sub utroque genere plures species, & sub singulis speciebus plures varietates sunt, quas suo loco enu-

merabimus.

CAPUT VII.

Profluviorum theoria, & divisio in genera.

MULTI fuimus in exponenda febrium atque inflammationum theoria: in ea autem, quæ ad proflu-

via spectat, brevioribus esse nobis licebit.

Sanguis, humoresque inde separati, e vasis, vel receptaculis, ad ipsos continendos fabricatis, elabuntur, quotiescumque humoris pondus, vel vis, illum adurgens, co usque increscit, ut is vasis, vel receptaculi, tunicas perfringat, vel sphincterum, qui ductuum excernentium, ac meatuum naturalium, oscula constringunt, robur nativum exsuperet. Elabuntur quoque, quotiescumque solidus harum tunicarum contextus adeo laxatur, vel sphincterum vis constringens adeo debilitatur, ut minus sirmitudinis ac roboris habeant, quam ad resistendum humorum irruentium ponderi atque impetui necessarium est.

Duos itaque profluviorum morboforum fontes esse apparet. Unum excessus in partibus contentis, alte-

rum defectus in partibus continentibus constituit.

Omnia profluvia, quibus longius accedit tempus, quæque ita ingravescunt, ut pro morbosis habenda sint, ab ambobus oriuntur sontibus, hoc est, simul & humorum momentum augetur, & partium solidarum robur minuitur, ita, ut, quemadmodum in inflammatione, sic hic quoque, morbum, tamquam ex conjuncta duarum causarum actione dependentem, spectari oporteat.

Interdum vero valentior causa est momentum humorum auctum: alias contextus solidus tunicarum vasorum imminutus, vel sphincterum vis constrin-

gens debilitata.

Quæ humorum, per vasa circumeuntium, momento aucto maxime tribuenda sunt profluvia, activa nominantur: ea vero, quæ evidentius a sphincteribus debilitatis, vel a substantiæ solidæ continuitate

foluta, proficiscuntur, passiva appellantur.

Persæpe motus intentio non per totam systematis vascularis universitatem extenditur, sed in singulis vasis sanguiseris, ductibusve excernentibus, subsistit, tuncque non aliunde, quam a motu oscillante, in his locis aucto, repetenda est. Hic vero, sive sanguinis, sive humorum, inde secretorum, evacuatio modica est, neque cum magna molestia, aut præsenti cum periculo, conjuncta.

At si motus per universum systema vasculare plus minusve intenditur, morbus magis minusve pericu-

losus atque terribilis evadit.

Omnia profluvia, quæ motus, per universum systema vasculare intentus, comitatur, vel concitat, perinde, ut sebres, a peripheriæ systematis vascularis strictura spasmodica incipiunt: unde frigoris nimii sensus, nausea, & præcordiorum oppressio, oriuntur, quibus paulo post calor immodicus, sitis, agrypnia, nec parum sæpe dolor, accedunt.

Si, quod sequitur, profluvium universæ materiæ

noxiæ, quæ stricturam spasmodicam primum estecerat, auserendæ sussicit, molesta illa symptomata brevi conquiescunt, ægerque sanitati restituitur. Quare ctiam hoc prosluviorum genus in curandis morbis sæpe numero quam maxime salutare observamus.

Sin autem materia morbifica hac ratione non evacuatur, sed tanta ejus copia in corpore remanet, quæ irritationi, non modo late per systema vasculare, sed pariter quoque in singulis illis vasis, ductibusve excernentibus, unde sanguis, vel humores, descendunt, sovendæ sufficiat, tum morbus continuatur, variaque ingruunt symptomata adventicia, donec tandem, robore animali penitus exhausto, vita evacuationi succumbat.

Illa profluvia, quæ motus, per universum humorum circumeuntium systema incitatus, non comitatur, (id quod semper ex pulsus tranquillitate, symptomatumque, sebrem distinguentium, absentia, seire licet) quæque a motu oscillante, in singulis tantum vasorum seriebus aucto, prosiciscuntur, semper a materia quadam acri, proxime admota, concitantur, quæ contextum solidorum vel irritat, vel rodit.

Profluviorum causas proximas si cum iis, quæ inflammationem generant, comparemus, statim intelligemus, unde siat, ut omnia illa, quæ activa nominantur, inflammatio quædam, nunc gravior, nunc levior, præcedat, vel comitetur. Neque etiam obscurum esse nobis potest, quomodo evacuationes, per quas merus initio sanguis, vel mera limpha, cgeritur, paucis post diebus pus exhibeant.

Profluvia, quæ in præsenti, tamquam tertium morborum universalium ordinem constituentia, consideramus, ea sunt, in quibus debilitas, nausea, dolor, vel aliud quoddam ex quindecim illis symptomatibus generalibus, prævalet. Cætera, minus ter-

ribilia, minusque periculosa, in quibus evacuatio precipuam morbi partem constituit, morborum particularium, sive topicorum, classi adscribenda sunt, quartoque ordine, qui singularum secretionum atque excretionum morbos complectitur, continentur.

Ordo profluviorum tria habet genera, I) profluvia alvi, 2) profluvia sanguinis, sive hæmorrhagias, 3) profluvia humorum, a sanguine separa-

torum.

Ad alvi profluvia omnes illæ evacuationes morbofæ pertinent, quæ a canali cibali oriuntur, fæcesque & excrementa, cum variis humoribus, atque interdum cum sanguine, permixta, effundunt.

Sub altero profluviorum genere omnes illæ fanguinis evacuationes funt, quæ a meatibus naturalibus proficifeuntur. Vulnerum enim hæmorrhagias

illuc referre non placet.

Tertium profluviorum genus illos continet morbos, in quibus humores, a fanguine separati, præter naturam excernuntur. Sed, si ephidrosin, sive sudorem, quem colliquantem vocant, & diabeten, sive immodicam urinæ prosusionem, excipias, nulla huic generi subjecta est species, quam in morborum universalium classe commode reponere liceat, sed omnes classi secundæ, ejusque ordini quarto, adscribendæ sunt.

CAPUT VIII.

Dolorum spasmorumque theoria generalis, & divisio in genera.

N tribus illis, qui præccserunt, ordinibus, systematis vascularis perturbatio maniseste præcipuam morbi partem constituit, atque ideirco corum origi-

nem ac progressum aliquatenus explicare potuimus. Sed in trium, quæ sequentur, ordinum explicatione, valde veremur, ut Lectorum desiderio satisfacturi simus, quum morborum, illis contentorum, pars maxima symptomatibus mere nervosis constet.

Quæ fymptomata mere nervosa quum sæpius a συμπαθεία oriantur, magna sane vis, magnumque momentum ad morbos istos felicius curandos in eo situm soret, si semper discernere nobis liceret, utrum idiopathici, an sympathici tantum, sint. Sed, quod valde dolendum est, curanti perraro tam felici esse

contingit, ut hoc dijudicare possit.

Hofmannus & Whyttius, præter cæteros scriptores, nexus sympathicos summa cum attentione observarunt, atque hoc nomine nunquam satis commendari possum: prior quidem in Systemate medicinæ rationalis, Cap. de consensu partium nervosarum generatim, Sigillatim cum ventriculo; posterior ab initio libri de morbis nervorum. Utriusque observationes utilissemæ sunt ad explicandam naturam, indicandamque optimam curationem, morborum systematis nervosi, maxime dolorum & spasmorum: quos ordines deinceps contemplabimur.

DOLORES.

In quarto morborum universalium ordine præcipuum symptoma dolor est, sed ita, ut neque sebris
constans, neque evacuatio notabilis, neque spasmus
evidens, neque inflammatio vera, accedat. Quas
quidem exceptiones nisi interponamus, plures sebrium species, dysenteriam, tetanum, & omne inflammationum genus, cum cephalalgia, colica,
arthritide, ac rheumatismo, confundemus, atque ita
tale divisionis schema systematicum exhibebimus,
quod in artis exercitio nullum usum præstet. Id enim
in primis adlaborandum est, ut, quorum morborum
curationes

eurationes propemodum similes sunt, eos eidem,

quantum fieri potelt, conspectui subjiciamus.

Quum symptomatis præcipui, per se spectati, theoriam supra jam dederimus, proximamque ejus causam explicuerimus, nihil hoc loco superest, quam ut causas remotas morborum istorum investigemus, in quibus dolor potissimam molestiæ partem efficit.

Flatus & acria pro præcipuis dolorum fontibus

habenda sunt.

Vapores illi elastici, sive slatus, qui sæpe in hominibus valetudinariis observantur, primam originem a cruditate, sive concoctione ciborum vitiata, trahere videntur. Aer alimentorum, quibus utimur, sub sermentatione in canali cibali expeditus, nec postea ad fixi aëris statum, quantum satis est reductus, sæpissime, dum in ventriculo atque intestinis subsistit, evidens molestiæ causa est: sed quomodo, postea quam ductum thoracicum trajecit, & cum universa humorum massa se commiscuit, agat, id vero nemo adhuc explicuit.

Flatus, in canali cibali conclusi, fibras sensiles, ventriculi atque intestinorum tunicis intextas, nimium distendendo, varios dolores movent, qui generali nomine colici vocantur, nec raro noxæ per tounadseian ad organa remotiora, quibus cum canali cibali nullum esse videtur commercium, propagantur. Ac, si vulgarem quamdam opinionem sequaris, aër, cum sluidis, per vasa circumeuntibus, mixtus, dolorum causam constituit, sibras sensiles variis in locis, ubi se expandere statuitur, distrahendo i unde, quas vulgo vocant, punctiones, & crampi.

Supra monuimus, quod ad acrium, varios morbos generantium, naturam intimam attineat, nostram nobis fatendam esse ignorantiam. Frustra proprietates illorum describere, vel alia ratione ea definire conamur, quam ex morbo, quem proprie essicere censentur. Ita de acri arthritico, rheumatismatico,

Tom. I.

scorbutico, cancroso, syphilitico, loquimur: quæ materiæ subtiliores tamquam causæ remotæ, sive possibiles, dolorum in diversisægrotis spectandæ sunt.

Nonnulla horum acrium in craffioribus humoribus inesse, inde colligere licet, quod, si apta medicamina, quæ vocant, alterantia adhibeantur, corrigi atque exstingui poslunt: alia contra cum tenuissimo illo liquore nerveo ita permixta esse statuuntur, ut nullum remedium, quod quidem adhuc cognitum sit, ad illa penetrare possit.

Tertia dolorum causa remota sunt calculi, qui in variis corporis partibus, præsertim in bilis asque urinæ itineribus, nascuntur, ubi sæpe, fibras sensiles irritando, nimium distendendo, vel lacerando, dolores creant, non tantum iis in locis, quæ proxime afficiuntur, sed etiam in his, quæ aliquanto re-

motiora sunt.

Excrementorum quoque, vel alvi facum, retentio morborum, quos vehemens dolor distinguit, maxime vulgaris causa est.

Ordo dolorum in sequentia genera dividi potest.

I. ARTHRITIS. Frequens morbus, quem dolor acer, articulis, pedum maxime manuumque, infidens, distinguit. Per intervalla affligit, sed accessiones incertis fere temporibus revertuntur. Accessionem plerumque ponderis atque ægritudinis in ventriculo sensus præcedit: in ipso autem vigore morbi, dolori rubor, tumorque partis affectæ, pulsus celer, & calor febrilis, accedunt.

ion per intervalla affligens. Nascitur sere a perspiratione suppressa, & ab arthritide per sedem dolorum distinguitur, qui ab articulis secundum tractum musculorum porriguntur, carnibusque insidere videntur. Genua, coxæ, lumbi, humeri, ea sunt loca, in quibus vehementiores dolores rheumatisquatici sentiuntur. Tumor ruborque partis assectæ

minus conspicuus est, quam in arthritide, neque ventriculi molestiæ præcedunt. Fere vero gravior accedit sebris.

III. OSTEOCOPUS. Morbum rariorem dolores, pro-funde, quali in medio othum, siti, distinguint.

IV. CAPITIS DOLOR. Cujus tres sunt species, una

cephalalgia, altera cephalaa, tertia hemicrania.

V. ODONTALGIA, sive dentium dolor. A variis causis nascitur; variasque habet species; similiter, atque

VI. OTALGIA, five aurium dolor.

VII. PLEURODYNE: Hanc distinguit dolor vehemens in variis thoracis locis, sine symptomatibus; inflammationi propriis, hoc est, sine calore febrili; pulsuque celeri ac forti.

VIII. VENTRICULI DOLOR. Sub quo tres species

funt, 1) cardialgia, 2) gastrodynia, 3) pyrosis.

1X. Colica. Hanc distinguit dolor acer, variis abdominis locis insidens, cum alvo obstructa. Plu-

res hujus funt species.

X. LITHIASIS, vulgo calculus. Cognoscitur ex sede doloris, ad renum, vel vesicæ, regionem relata. Distinguendæ inserviunt, quæ in urina apparent, sanguis, mucus, sabulum, pus.

XI. Ischuria, five urina suppressio.

XII. PROCTALGIA. Hanc distinguit dolor, ano, sive imo intestino recto, insidens, qui, ut varias

causas; ita varias quoque species habet.

Dolores in universum, quamdiu vix amplius, quam nervorum affectiones, sunt (tales autem symptomaticos dolores esse statuimus), neque conspicua aliqua, vel permanens, motuum systematis vascularis perturbatio accedit, quantumvis magna cummolestia conjuncti, citam tamen perniciem non afferunt. Toto enim die videmus homines, morbis illis, quos enumeravimus, vehementer laborantes, qui pluribus accessionibus seliciter defunguntur, vel

M 2

continenter etiam afflicti, tamen, quominus ad senectutem perveniant, non prohibentur.

S P A S M I.

Si dolorum theoriam mancam atque obscuram esse in confesso est: idem de his quoque morbis, quorum præcipuum symptoma spasmus constituit, largiri debemus.

De præcipui hujus symptomatis causis proximis Lectores nostros ad *Lib. II*, *Cap. XV*, remittimus, ubi spasmi, per se spectati, naturam explicari conati

fumus.

Theoria autem morborum, in quibus hoc symptoma prævalet, quemadmodum probabiliter exponi possit, nos nescire, ultro prositemur. In universum hi morbi pariter, atque illi, quos dolor distinguit, vel a statibus derivantur, vel a rebus acribus, nervos motores afficientibus, quum e contrario in doloribus nervi sentientes potissimum turbari censeantur. Numerantur quoque in causis spasmorum remotis corpora solida, mechanice agentia, velut ossium fragmenta, calculi, Ec. tum excrementa, vel noxia, in corpore, maxime in canali cibali, retenta; vermes denique, variis in locis nidulantes, qui, partes sensiles rodendo, nervos per consensum afficiunt.

Spasmos, a rerum, in canali cibali subsistentium, vi irritante natos, si excipias, perpauci sanabiles sunt. Sed hi morbi, æque ac dolores, sæpe numero ægrotos per longum tempus ita exercent, ut vitæ spatio nihil demant, sub hac.tamen conditione, ne svstematis vascularis motus turbent, sed solos nervos

afficiant.

Præcipua genera, ad spasmos primæ classis referenda, hæc sunt:

I. TETANUS. Frequens ac functius est hic morbus in regionibus calidis, cognosciturque ex rigida om-

nium musculorum contractione, quam vehementes dolorum accessiones, & spirandi difficultas, comitantur.

II. CATOCHUS. In hoc pariter, atque in tetano, rigida omnium musculorum contractio est, sed do-

lorum expers.

III. CAPISTRUM, sive spasmus maxille inferioris. Hic morbus hominem interdum sine ulla causa evidente invadit, multo autem sæpius partium tendino-sarum vulnera sequitur. Symptoma ejus characteristicum est rigida contractio musculorum, maxillam inferiorem elevantium.

IV. HYDROPHOBIA. Hæc nonnunguam ad mentis morbos refertur, & tamquam infaniæ species consideratur, propter symptoma ipsius characteristicum, quo ægri nihil omnino liquidi devorare possunt, ac vel ad solum ipsius conspectum inexsuperabili horrore contremiscunt. Sed hæc devorandi difficultàs spasmo adscribenda est, & per pleraque cum tetano capistroque convenit.

V. Convulsio. Vocabulum hoc vulgo adhibetur ad fignificandas omnes illas morborum species, in quibus musculi violentis anomalisque contractionibus atque relaxationibus præter voluntatem agitantur. Sed hic eas tantum intelligimus, quæ ab epilepsia nulla re differunt, nisi quod sensus ægrorum

integri sunt.

VI. EPILEPSIA. Qui hoc morbo corripiuntur, subito concidunt, omnibus sensibus interceptis, musculique universi corporis violenter agitantur. Accessionum spatia a sexta, vel quarta, horæ parte, ad horam integram, vel duas, porriguntur, eædemque vel incertis, vel certis, temporibus revertuntur, hacque ratione morbus per plures sæpe annos pergere consuevit.

VII. ECLAMPSIA. In hac pariter, atque in epilepsia, sensus abolentur, sed morbus per circuitus non redit.

VIII. HIERA NOSOS (legod voros;) five morbus saceri. Nomen est morbi, qui per annos continuatur, & in perpetua omnium musculorum agitatione consistit, sine multo dolore, aut sensuum interceptione. Raro occurrit.

Hæc funt illa spasmorum genera, quæ in quinto ordine primæ classis jure sibi locum vindicant. It spasmi, qui singulos tantum musculos afficiunt, singulasque tantum actiones impediunt, ad morbos particulares, sive topicos, referendi sunt.

C A P U T IX.

Debilitates & privationes, earumque genera.

OLORIBUS & spasmis ordo sextus opponitur, cujus symptomata characteristica sunt somnolentia, fibrarum muscularium relaxatio, atque anæsthesia.

Horum morborum theoria probabilis æque, ac proxime antecedentium, multis difficultatibus premitur, nec quidquam fere amplius, quam Lectores nostros illuc remittere possumus, ubi symptomatum prævalentium causas opinatas indicavimus.

Genera, hoc ordine comprehensa, sunt:

I. Coma. Morbi, in quibus inexpugnabilis dormiendi necessitas inter reliqua symptomata eminet, generatim comata appellantur. Distinguuntur ab animi desectionibus, corporis calore, qui parum imminuitur, pulsuque, qui plenus ac sortis perstat. Specierum nomina explicabimus, atque differentias specificas indicabimus, quum ad curationes pervenerimus.

Causæ remotæ, sive contingentes, fere in sanguinis, vel seri, colluvie, cranio inclusa, medullamque cerebri comprimente, atque ita sontem, ex quo nervi liquorem suum animantem repetunt, obstruen-

te, ponuntur.

II. PARALYSIS. Hoc nomine ii morbi fignificantur, in quibus vis musculorum deficit, debilitasque, sebris expers, præcipuum symptoma est. Althenia in hoc morborum genere comitem sere habet anæsthesiam, quam a desectu, vel inertia, liquoris nervei repetendam esse opinantur. Paralyses sæpe pluribus comatum, & quibusdam dolorum, vel spasmorum,

speciebus succedunt.

III. SYNCOPE, siwe animi defectio. Cognoscitur ex subito atque absoluto omnium virium lapsu, cui frigus, pallor, pulsusque aut summa debilitas, aut suppressio, accedunt. Frequentissime oritur a profusis evacuationibus, quæ sluida corporis vitalia exhauriunt, vel a mephitidum vaporibus, qui sanas eorumdem sluidorum proprietates inexplicabili quadam ratione destruunt. Vehementes animi affectus etiam interdum motus vitales interrumpunt. Unde variæ hujus generis species, variique gradus, emergunt, quibus varia imposita sunt nomina.

CAPUT X.

Anhelationes, in genera divisæ.

GENERALEM anhelationum theoriam hîc tradere si vellemus, ea tantum, quæ Lib. II, Cap. XIII, dicta sunt, repeteremus, siquidem ibi symptomatis distinguentis ac prævalentis naturam, causas, æ effectus, exposuimus. Quum species, ad hunc ordinem pertinentes, describemus, de singulis aliqua moneri, necesse erit: in præsenti autem nihil amplius requiritur, nisi ut genera distinguamus, quæ quinque sunt.

M 4

I. Dyspnca. Difficultas spirandi continua, sinc hydrothoracis, aut empyematis, signis.

II. ORTHOPNŒA. Subita & summa spirandi diffi-

cultas, fine fignis inflammationis pulmonum.

III, ASTHMA. Summa spirandi difficultas, per

intervalla rediens.

IV. HYDROTHORAX, sive hydrops pectoris. Cognoscitur ex continua spirandi difficultate, quæ, ubiægri supini jacent, ingravescit. Facies pallet ac turget; manus pedesque ædema occupat; somnus subitis pavoribus interpellatur; pulsus intermittit; corpalpitat; urina parce redditur.

V. EMPYEMA. Symptomata, iis, quæ hydrothoracem distinguint, similia, pulmonum inflammationi succedentia, cum sebre hectica, pus, in thorace collectum, significant, morbumque, empyematis

nomine cognitum, constituunt.

CAPUT XI.

Mentis morbi, eorumque genera.

ROXIMUM est, ut mentis morbos, hoc est, eos, in quibus mentis facultates præcipue turbantur, consideremus.

Supra observavimus, tam arctam esse animi corporisque conjunctionem, ut animus mirifice afficiatur omnibus corporis mutationibus, corpus affectionibus animi variis varie mutetur. Quam cito, exempli gratia, hominem, fanissimo intellectu præditum, liquorum fermentatorum ingurgitatio rationis usu privat! A liquoribus istis corpori mutationes induci, quæ arcana quadam ratione mentis facultates afficiant, dubium non est. Prostant e diverso exempla, locupletissimis testimoniis sirmata, hominum,

vehementibus animi perturbationibus agitatorum, vel profundioribus meditationibus demerforum, quorum capilli, ut alias habitus externi mutationes taceamus, colorem mutarunt. Tantum animi affectiones in folidorum fluidorumque statu mutando valent! Dnos itaque habemus fontes, unde mentis morbi profluunt: unum a parte nostri materiali, alterum ab immateriali dependentem. Sed quum ipse hæ corporis affectiones atque mutationes, que pro causis materialibus haberi possunt, a perspicacissimorum. Anatomicorum oculis quam longissime remotæsint, facile intelligitur, theoriam horum mor-

borum non posse non esse penitus obscuram.

Pathologi omnino de motibus inordinatis in ea systematis nervosi parte, quæ sensuum internorum organa constituit, vage loqui, & generalia quædam proponere possunt: sed cognitio nostra hinc parum, aut omnino mhil, augebitur. Neque, qui in remotarum causarum investigatione versabitur. operæ pretium faciet, nisi illam hoc instituat consilio, ut quemadmodum morbis istis occurendum sit, inde detegat. Ita, si varias infaniæ species ptyelismo, vel ebrietati; successisse cognoveris, eos, qui propter hereditatem, vel corporis constitutionem, ad hos morbos procliviores sunt, monere poteris, ne circumspectionem atque moderationem in mercurii, & liquorum fermentatorum, usu negligant. Sed mutationes, quas anatome in hominum infanorum cerebris reperit, vix aliud, quam curiosorum animos oblectant, nec dum Medicis ad stabiliendas feliciores curationes quidquam conferre potuerunt.

Ad eamdem prophylaxin utile est scire, homines, amori, avaritiæ, vel superstitioni religiosæ, deditos, si animos suos vehementibus illis affectibus atque desideriis, quæ unicuique propria sunt, in totum mancipari patiantur, facile rationis usum amittere, idemque accidere ab immoderata lætitia, atque inexspec-

tata felicitate, ficut etiam a nimio mærore, & ægritudine, ex damnis gravioribus, speique frustrationi-

bus, contracta.

Mentis morbos, qui universales nominari possunt, & sub prima horum classe sunt, in plura, quam duo, genera dividi, necesse non est, quorum unum mania, alterum melancholia constituit. Reliqua, a SAUVAGESIO, aliisque scriptoribus systematicis, distincta genera, ad secundam classem pertinent, atque ad morbos particulares, sive topicos, referenda sunt, ut quæ singulas tantum mentis facultates, vel singulos appetitus, turbent.

I. Mania. Memoria, imaginatio, atque judicium, confusa ac perversa sunt, affectus & appetitus violenti atque feroces, ægrosque coerceri oportet.

II. MELANCHOLIA. Animi facultates pariter, atque in mania, confusæ ac perversæ sunt, sed, qui prævalent, affectus in metu & mærore consistunt.

C A P U T XII.

Cachexia, sive morbi humorales, earumque genera.

Evenimus nunc ad ultimum morborum univerfalium ordinem, hoc est, ad eos, in quibus humores
crassiores affecti sunt, vel stagnantes, & præter naturæ modum accumulati, vel a variis acrimoniæ speciebus depravati: unde, præter varias molestiæ impotentiæve generalis species, habitus corporis externus
variis tumoribus, macie, decoloratione, exanthematibus, atque exulcerationibus, deformatur.

Theoriam generalem Lib. II, Cap. XX, quo causas morborum remotas, sive possibiles, explicatas dedimus, invenire licet, ubi, quomodo sluida animalia vel in systemate cellulari, vel in cavis majoribus.

stagnare atque accumulari possint, ostendimus, varialque illas acrimonia species, qua sanguinem vitiant, & partium solidarum contextum destruumt, indicavimus.

Speciales theorias deinceps proponemus, quum de cura horum morborum seorsim agemus : in præsenti genera tantum enumeranda a nobis ac distinguenda funt.

I. CORPULENTIA, five POLYSARCIA, quum olei, a sanguine separati, atque in cellulis, adipi continendæ accommodatis, stagnantis, tanta copia est, ut motus systematis nervosi & vascularis magis minusve inde impediantur atque interrumpantur, unde languor, debilitas, fomnolentia, spiritus difficultas.

II. Hydrops, quum aqua vel in telæ cellulofæ interstitiis, vel in cavo quodam majori, accumulatur, unde debilitas, præcordiorum oppressio, spirandi difficultas, frigus, pallor, aliaque symptomata, quæ pro loco, ubi aqua deposita est, rebusque, morbo adjunctis, plures species ac varietates constituunt.

III. ICTERUS, sive AURIGO, quum bilis, itinere ex velicula fellea in intestinum duodenum obstructo, in sanguinem refluit, cum eoque per vasa permeat, & ferum tingit, unde color flavus, per totam corporis superficiem diffusus, ac quam plurima symptomata molesta, præsertim nausea, alvi obstructio, macies, debilitas, & nonnunquam importunus pruritus.

IV. Emphysema; quum telæ cellulosæ interstitia aëre elastico, vel a thoracis vulneribus, vel ab aëre sanguinis expedito, repleta atque distenta sunt. Tumor intentus, elasticus, pressuque crepitans, hunc

morbum satis ab hydrope distinguit.

V. TYMPANITES, quum flatus abdomen in tumorem attollunt. Tumoris levitas atque tensio, & fluctuationis defectus, tympaniten abunde distinguunt ab ascite, vel a

VI. PHYSCONIA, quam tumor abdominis durus, ab aucta viscerum mole, constituit.

VII. ATROPHIA, five MARASMUS, quum corpus

emaciatur, nullo symptomate febrili accedente.

VIII. OSTEOSARCOSIS, quum omnia offa remollescunt, atque in carnes degenerant.

IX. SARCOSTOSIS, quum omnes carnes indures-

cunt, atque in ossa degenerant.

X. Mortificatio, quum humores in singulis partibus adeo vitiati sunt, ut circuitus ipsorum cesset,

ac solida corrodantur, vel consumantur.

XI. Scorbutus, qui morbus in frigidis maxime humidisque regionibus inter nautas & milites præsidiarios dominatur, utpote maximam partem carnibus, piscibusve, sale conditis, vesci coactos, vegetabiliumque recentium, justa proportione adjiciendorum, inopia laborantes. Præcipua ejus symptomata sunt facies tumida & turgida, virium dejectio, gingivæ putridæ, præcordiorum constrictorum sensus, ab exercitatione spirandi difficultas, maculæque lividæ, velsusæ, per cutem dispersæ.

XII. SCROFULA, qui morbus a glandularum limphaticarum, earum maxime, quæ in cervice funt, tumoribus, non dolentibus, incipit, pluribus articulis simul intumescentibus. Tumores isti tandem dolent, in pus vertuntur, atque humorem blandum, coagulatum, esfundunt; corpus macie extabescit, nec

raro febris hectica accedit.

XIII. CANCER, sub quo morbo tumores duri in variis corporis partibus, sed in labiis fere mammisve, apparent, qui exquisitissimos dolores movent, tandemque exulcerantur, ex quibus ulceribus sanies acerrima & pestilentissima, carnes exedens, ossibusque vicinis cariem inducens, exit.

XIV. Syphilis, sive Lues venerea, morbus maxime vulgaris, qui per contagionem propagatur, atque ex impuro concubitu nascitur. Præcipua ejus symp-

tomata sunt ulcera, quæ initio sere in partibus genitalibus, tum in tonsillis, siunt, exanthemata scabiosa cuprei coloris, per faciem, præsertim prope capillos, aliasque corporis partes, dispersa, cum doloribus ossium nocturnis.

Hæc sunt illa cachexiæ genera, quæ ad morbos universales referri debent, quia maximam eorum partem eminentior dolor, debilitas, vel aliud quoddam ex quindecim illis symptomatibus generalibus, comitatur. Reliqui, corporis superficiem obsidentes, morbi tamquam topici considerandi sunt, adeoque in classis secundæ ordine sexto includuntur.

Antequam ad enumeranda morborum topicorum genera progrediamur, alienum non erit tabulam subjicere, quæ genera, hactenus recensita, exhibeat.

GENERA MORBORUM UNIVERSALIUM.

Ordo I. Febres.

- I. Febris continua.
- 2. Febris intermittens.
- 3. Febris remittens.
- 4. Febris exanthematica.
- 7. Febris hectica.

Ordo II. Inflammationes.

- 6. Inflammationes externæ.
- 7. Inflammationes internæ.

Ordo III. Profluvia.

- 8. Profluvia alvi.
 - 9. Profluvia fanguinis, five hamorrhagia.
- 10. Profluvia humorum, a fan-

Ordo IV. Dolores.

- II. Arthritis.
- 12. Rheumatismus.
- 13. Osteocopus.

Sand M	E II E D A
190 G	ENERA
	14. Capitis dolor.
	15. Odontalgia.
	16. Otalgia.
	17. Pleurodyne.
	18. Ventriculi dolor.
	19. Colica.
	20. Lithiasis.
	21. Ischuria.
	22. Proctalgia.
Ordo V. Spasmi.	
	23. Tetanus.
	24. Catochus.
	25. Capistrum.
	26. Hydrophobia.
	27. Convulsio.
	28. Epilepsia.
	29. Eclampsia.
	30. Hiera nosos.
Ordo VI. Debilita	ates & privationes.
	31. Coma.
	32. Paralysis.
0 1 7777	33. Syncope, sive animi defection
Ordo VII. Anhelationes.	
	34. Dyspnœa.
	35. Orthopnæa.
	36. Asthma.
	37. Hydrothorax.
	38. Empyema.
Ordo VIII. Men.	
	39. Mania.
0 1 TTT = 1	40. Melancholia.
Ordo IX. Cathexie, sive morbi humorales.	
1	41. Corpulentia, sive polysarcias
	42. Hydrops.
	43. Icterus, sive aurigo. 44. Emphysema.
	44. Emphylema.
	45. Tympanites.
	-

46: Physconia.

47. Atrophia, five marasmus.

48. Osteosarcosis.

49. Sarcostosis.

50. Mortificatio.

51. Scorbutus.

52. Scrofula.

53. Cancer.

54. Syphilis, five lues venerea.

CAPUT XIII.

Ordines morborum topicorum, in genera divisi, horumque descriptiones.

Orbis universalibus generatim perlustratis, ad illorum contemplationem progredimur, qui ab eminentiori quodam symptomate topico nominantur at-

que distinguuntur.

Supra observavimus, ad morbum, significatione strictione dictum, constituendum requiri, ut unum quodpiam, vel plura, ex quindecim illis symptomatibus generalibus certa proportione in partium ipsius complexum ingrediantur, sed in morbis tamen topicis non eo gradu, ut vitium topicum obscurent. Hocenim characterem illorum distinguentem exhibet, iisque in classe secunda locum vindicat.

Ex quo patet, morbos topicos cognosci non posse, nisi fabricam usumque partis assectæ, una cum quindecim illorum symptomatum generalium natura, cau-

sis, atque effectibus, ante cognoveris.

Quum fabricam usumque fingulorum organorum a Lectoribus nostris haud ignorari ponamus, symptomatumque generalium theorias supra exhibuerimus, ad novas disquisitiones nos accingi, necesse non est,

quum vix aliud nunc requiratur, quam ut genéra; octo illos morborum topicorum ordines componentia, describamus.

(I.) Primus ordo morbos fingulorum fenfuum internorum comprehendit, atque in tria genera divi-

ditur.

1. Amnesia, sive memoria defectus, qui morbus interdum quibusdam febrium, vel comatum, speciebus succedit.

II. HYPOCHONDRIASIS, quæ vulgo vaporum nomine infignitur, atque imaginationis morbus est, quo qui laborant, de variis molestiis conqueruntur, quibus nulla, neque motuum vitalium perturbatio, neque conspicua habitus externi mutatio, respondet. Flatus, agrypnia, animusque dejectus & anxius, præcipua atque frequentissima morbi hujus symptomata sunt.

HYSTERIAM nonnulli scriptores tamquam genus considerant, pro eodem illam morbo in seminis, qui hypochondriasis in maribus est, habentes. Minus proprie. Temperamentum enim hystericum, quod hyperæsthesia cum magna contextus solidi debilitate constituit, ingenti symptomatum morborumque varietati characterem atque appellationem distinguentem impertitur.

III. AMENTIA, rationis defectus, sive privatio sacultatis judicandi. Hoc morborum genus æque, atque amnesia, interdum quibusdam febrium, vel co-

matum, speciebus succedit.

(II.) Alter morborum topicorum ordo morbos singulorum sensuum externorum complectitur, atque in

sequentia genera diduci potest:

I. CÆCITAS. Varii hujus gradus funt, qui nonnunquam ab externis palpebrarum, oculique tunicarum, vitțis, alias a causis internis, nervos opticos afficientibus, humorumve pelluciditatem tollentibus, prosiciscuntur: unde ingens specierum numerus, quas Medici Medici ocularii peculiaribus nominibus non fine often-

tatione distinguere consucrunt.

II. VISUS VITIATUS, qui myopiam, presbytiam, suffussionem, photophobiam, vertiginem, aliasque

nonnullas species, includit.

III. SURDITAS. Hæc æque, ac varii illi cæcitatis gradus, a causis vel externis, vel internis, nascitur. Unde variæ ejus species.

IV. AUDITUS VITIATUS.

V. Anosmia, five odoratus privatio.

VI. ODORATUS VITIATUS, a narium fauciumve ulceribus non dependens.

VII. AGHEUSTIA, five gustus privațio.

VIII. Gustus vitiatus, a febre non dependens.

IX.STUPOR, sive tactus privatio, a totius corporis

anælthesia non dependens.

(III.) Tertius morborum topicorum ordo morbos fingulorum appetituum, qui vel imminuti, vel vitiati, vel aboliti, vel præter naturam aucti funt, continet,

atque ex septem generibus constat:

I. ANOREXIA, five appetentia alimentorum solidorum sublata, a febre, aliove quo morbo universali, non dependens. Hæc, uti supra monuimus, plurimorum morborum symptoma est, sed interdum super omnia reliqua eminet.

II. CYNOREXIA, sive fames canina, in immoderata

alimentorum solidorum appetentia consistens.

III. PICA, sive depravata alimentorum solidorum appetentia, quum ægri iis tantum rebus delectantur,

quæ proprie alimenta non funt.

IV. POLYDIPSIA, five sitis nimia, sine febre, inflammatione, profluvio, vel hydrope, quibus in morbis polydipsia tantummodo tamquam symptoma confideranda est. Sed, sicut anorexia, ita etiam polydipsia, nonnunquam morbum per se constituit.

V. SATYRIASIS, sive inexplebile coitus desiderium in maribus. Notissimum hydrophobiæ symptoma est,

Tom. I.

sed fortasse vix unquam morbum per se efficit.

VI. NYMPHOMANIA, sive furor uterinus. Insatia-

bile coëundi desiderium in seminis.

- VII. Anaphrodisia. Impotentia coëundi, & appetitus venerei defectus in maribus, quorum ætas ad hæc munia apta est *).
 - *) Tria ultima genera, si Lectoribus nostris placuerit, ad morbos sexuales referre licet.

(IV.) Quartus morborum topicorum ordo morbos fingularum fecretionum atque excretionum comprehendit, & tum apocenoses, sive nimias evacuationes, tum epischeses, sive suppressiones, includit. Gen

nera ejus hæc funt:

I. EPIPHORA. Cognoscitur ex lacrimarum ab angulo oculi interno destillatione continua, punctorum lacrimalium, vel ductuum, inde ad nares pertinentium, obstructioni adscribenda. Quæ obstructio quum a variis causis proficiscatur, epiphora in varias species dividitur.

II. CORYZA. Nimia muci ex membrana, nares investiente, secretio, cui plerumque sternutamenta, tussis, raucitas, atque interdum capitis dolor, vel gravitas, accedunt.

III. PTYELISMUS. Nimia salivæ secretio & exf-

puitio.

IV. Anacatharsis. Nimia fecretio, vel exfereatio, materiæ mucofæ, aut purulentæ, a glandulis membranifque, laryngem & bronchia investientibus, proficiscens, quam plerumque tussis, nonnunquam spirandi difficultas, comitatur.

V. OTORRHŒA. Humorum ex aure interna ex-

cretio.

VI. DIARRHŒA. Profluvium alvi, cui infignis, neque dolor, neque anorexia, neque debilitas, accedir, tamquam morbus topicus considerari potest.

VII. Enuresis, five incontinentia urina.

VIII. Pyuria, quum pus cum urina redditur.

IX. DYSURIA, five urine difficultas.

X. CONSTIPATIO, sive pertinax alvi obstructio.
XI. TENESMUS, sive frequens & irrita desidendi cupiditas.

XII. Dysodia, sive sudor olidus.

XIII. FLATULENTIA, quum flatus ex canali cibali subinde vel eructantur, vel infra exeunt.

XIV. EDGOPSOPHIA, *) quum flatus ex urethra in maribus, ex uteri vagina in feminis, emittuntur.

(V.) Quintus morborum topicorum ordo eos morbos complectitur, qui singulas actiones impediunt, vel turbant. Cujus hæc genera funt:

I. APHONIA. Suppressio vocis, a comate, aut syn-

cope, non dependens.

II. MUTITAS, quum vox non in totum suppressa eft, sed sonos, nihil significantes, edit.

III. PARAPHONIA, sive tonus vocis depravatus.

IV. Dysphagia. Difficultas manducandi & devorandi, ab aliis causis, quam ab inflammatione, nafcens.

V. CAPUT OBSTIPUM. Rigida contractio musculorum mastoideorum.

VI. ANGINA. Faucium strangulatio, suffocationem minitans, citra inflammationem.

VII. STERNUTATIO.

VIII. SINGULTUS.

IX. Tussis.

X. VOMITUS.

XI. PALPITATIO CORDIS.

XII. CHOREA ST. VITI, quum crurum brachiorumque musculi convelluntur, exque agitationes

^{*)} Perperam Noster ædosophia, nec bene Sauvagesius ædopsophia. Componitur enim ex ἐιδοῖον, pudendum, & ψόφος, crepitus.

ægrotum motus, saltantium motibus non nihil siniles, edere cogunt.

XIII. Trismus. Convulfio musculorum maxillæ

inferioris, dentium crepitum efficiens.

XIV. Nystagmus. Convulsio palpebrarum.

XV. CRAMPUS. Subita contractio & rigor musculorum in variis partibus, frequentissime in cruribus, cum dolore acutissimo.

XVI. SCELOTYRBE. Permanens contractio & rigor musculorum, crura brachiaque moventium, ad scorbuti symptomata potius pertinens, quam morbum per se constituens.

XVII. CONTRACTURA. Singulorum articulorum

rigor, a spasmo oriundus.

XVIII. PARALYSIS. Debilitas & relaxatio muscu-

lorum, fingulos artus moventium.

XIX. ANCYLOSIS. Singulorum articulorum rigor, ab offium, cartilaginum, ligamentorumve, vitiis dependens.

XX. GIBBOSITAS. Incurvatio dorsi a costis vertebrisque distortis, unde plerumque respirationis actio

quodam modo impeditur.

XXI. LORDOSIS, qua crurum brachiorumve ossa incurvantur, vel distorquentur, eorumque actio impeditur.

XXII. HYDARTHRUS. Tumor articuli aquosus, quem tumorem album vulgo nominant, unde varii

claudicationis, vel impotentiæ, gradus.

(VI.) Sextus morborum topicorum ordo noni morborum universalium ordinis appendix est, omniaque illa vitia superficiaria ac deformitates continet, quibus insignis dolor, debilitas, nausea, vel aliud quoddam ex quindecim illis symptomatibus generalibus, non accedit. Quum pleraque horum vitiorum manum Chirurgi, vel remedia topica, postulent, morbi chirurgici & superficiarii appellati sunt. Genera hujus ordinis sunt:

I. TUMOR. Plures sub hoc genere species sunt,

quas in curationibus exponemus.

II. EXCRESCENTIA. Tumores intra tegumenta naturalia continentur, cutifque & cuticulæ contextus ab iis non mutatur: excrescentiæ autem extra superficiem progerminant, tegumentumque, vel habitum externum, a tegumentis communibus diversum, habent. Variæ harum species sunt.

III. ANEVRYSMA. Dilatatio tunicarum arteriæ, vel faccus, a membranis, arteriæ junctis, formatus, hujufque fanguine repletus. Facile ex pulsatione cognos-

citur.

IV. VARIX. Dilatatio tunicarum venæ, tumorem

inæqualem, nodosum, exhibens.

V. PAPULE. Tubercula rubicunda, vel livida, fere dura, quæ non, nisi difficile, in pus vertuntur. Interdum calent, ac pruriunt, vel dolent: alias frigent, nec dolorem movent. Unde variæ species.

VI. PHLYCTENE. Vesiculæ, limpha pellucida, vel

tincta, repletæ.

VII. PUSTULE. Vesiculæ, ad cutem cum inflam-

matione rubentes, & pure, aut fanie, repletæ.

VIII. SCABIES, five Psora. Exanthemata aspera, ad cutem rubra, nonnunquam quidem etiam alibi, sed in manibus tamen maxime, erumpentia, interdum sicciora, interdum humidiora, ex quibus sanies exit, cutem corrodens, molestumque pruritum faciens.

IX. IMPETIGO. Qua voce scriptores varias illas pustularum atque exanthematum species significant, quæ in variis corporis partibus oriuntur, & exanthe-

mata scorbutica vulgo appellantur.

X. LEPRA. Exanthemata fquamofa, vel scabiofa, variæ magnitudinis, interdum arida, alias humidiora, in variis cutis locis nascuntur, quibus pruritus, aliaque symptomata molesta, accedunt.

XI. ELEPHANTIASIS. Morbus contagione mutuaque focietate vicinos contaminans, quem tubercula

 N_3

dura, in facie prorumpentia, nares exulceratæ, vox rauca, artus infirmi, capilli defluentes, distinguunt.

Cutis fere crassa, aspera, & rugosa, evadit.

XII. FRAMBÆSIA, vulgo YAVUS. Morbus, contactu, vel concubitu, prehendens, inter Guineæ incolas, atque in India occidentali, perfrequens. Cognoscitur ex variarum corporis partium ulcerationibus, cum sungis, super cutem eminentibus, rubicundis, mora, vel rubi idæi baccas, similitudine quadam repræsentantibus.

Variis corporis partibus serpens, cutemque corrodens. XIV. MACULE. Varii coloris variæque magnitudinis sunt, super cutem non eminent, neque eam

exulcerant.

. XV. ALOPECIA, five capillorum defluvium.

XVI. TRICHOMA, sive PLICA POLONICA. Capilli humore quodam, e capite exeunte, inter se implexi atque conglutinati sunt. Utrum autem vere sit morbus, an soli immunditiei, vel superstitioni, tribuendus, nondum liquet.

XVI. TINEA. Exauthemata scabiosa, interdum pus, aut saniem, exsudantia, alias plane sicca, in

toto capite, qua pilis contegitur, oriuntur.

XVII. PHTHIRIASIS. Pediculi in variis corporis partibus turmatim sub epidermide nascuntur, & pro-

rumpunt.

(VII.) Septimus morborum topicorum ordo ectopias comprehendit, sive eos morbos, qui in partium organicarum, sive durarum, sive mollium, situ nexuque naturali mutato consistunt. Cujus tria sunt genera.

I. HERNIA. Quo vocabulo omnes illos tumores denotamus, qui ab omento, ventriculo, intestinis, vesica, aliisque abdominis visceribus, protrusis, vel prolapsis, ita efficiuntur, ut partes tegumentis communibus inclusæ maneant.

II. PROLAPSIO, sive PROCIDENTIA, quum pars aliqua nuda, sine cutis atque epidermidis, munimento, protruditur, vel procidit.

III. LUXATIO, quum caput offis extra acetabuli crepidinem elabitur, atque ita os sede sua movetur.

(VIII.) Octavus, idemque ultimus, morborum topicorum ordo solutiones continuitatis complectitur, sive ab injuriis externis, sive ab acrimonia interna, partium solidarum contextum rodente, oriundas. Cujus genera hæc sunt:

I. Vulnus, cui, quum variis modis, cædendo, lacerando, contundendo, pungendo, mordendo, &c.

fieri possit, variæ subjiciuntur species.

II. ULCUS. Quemadmodum vulnus folutio continuitatis in partibus mollibus, five carnofis, recens est, ex qua fanguis exit: sic ulcus est folutio continuitatis in issem partibus vetustior, ex qua pus, aut sanies, fertur. Varia, quæ ulceribus accedunt, varias ipsorum species constituunt.

III. FISSURA, five RHAGAS. Solutio continuitatis

in partibus mollioribus, dolens, sicca.

IV. FISTULA. Ulcus altum, angustum, callosum,

ex quo pus, aut sanies, descendit.

V. Adustio. Destructio contextus partium molliorum ab igne, vel corporibus excalesactis, sive solidis, sive sluidis.

VI. Excoriatio, quum epidermis deteritur, vel

destruitur.

VII. FRACTURA. Solutio continuitatis offium a causa externa.

VIII. CARIES. Solutio continuitatis offium a caufis externis rodentibus.



CAPUT XIV.

Genera morborum sexualium & infantilium.

I H I L jam superest, quam ut morbos illos, qui, quod a peculiari partium genitalium fabrica, vel a rebus, alterutri sexui propriis, dependent, sexuales vocantur, & hos, qui, quod solos infantes exercent, infantilium appellatione insigniuntur, in sua diducamus genera.

Quatuor morborum sexualium ordines supra a

nobis propoliti funt.

I. Morbi Generales, sexui virili proprii, quibus feminæ obnoxiæ esse nequeunt, quique nihilominus symptomatum generalium, inter se connexorum, concursus sunt.

II. MORBI TOPICI, sexui virili proprii, qui in vaforum spermaticorum, penis, testiculorum, scroti,

vitiis consistunt.

III. MORBI GENERALES, virginibus, feminisque, virum expertis, proprii, qui in symptomatibus generalibus consistunt, atque a mensibus, graviditate, puerperio, lactatione, dependent.

IV. MORBI TOPICI, sexui sequiori proprii, qui in ovariorum, uteri, vaginæ, oris externi, vitiis con-

sistunt.

MORBI, MARIBUS PROPRII,

Præter febrem testicularem, quæ sebris est, in tumorem dolentem alterius, vel utriusque, testiculi desinens, & tabem dorsalem, quam Veneris immoderatio creat, sereque lumborum dolor ac debilitas, & seminis frequentes profusiones, vel continua stillicidia, comitantur, haud scio, an nullus sit morbus, quem generalem nominare, niholoque minus, tamquam sexui virili proprium considerare liceat. Topici autem morbi, maribus proprii, sunt:

I. Dyspermatismus. Seminis emittendi difficul-

tas, vel impotentia.

II. GONORRHŒA SIMPLEX.

III. GONORRHŒA VIRULENTA.

IV. PRIAPISMUS, cujus species gonorrhaa, quam vocant, chordata est.

V. Phimosis.

VI. PARAPHIMOSIS.

VII. ŒDEMA CRYSTALLINUM.

VIII. HERNIA HUMORALIS, sive testium inflammatio.

IX. HYDROCELE.

X. SARCOCELE.

XI. CIRSOCELE.

Quum hæc vocabula jam explicata sint, Lectores nostros iterandis iis, quæ diximus, morari nolumus, sed ad

MORBOS, FEMINIS PROPRIOS,

in genera sua digerendos, progredimur.

Morbi generales, feminis proprii, funt:

I. AMENORRHEA. Defectus, vel suppressio menfium, unde varia symptomata, supra a nobis exposita, oriuntur.

II. CHLOROSIS. Frequens morbus in virginibus, vitam sedentariam agentibus. Ægrotæ emacescunt, sacies tamen plena apparet, quamvis palleat & turgeat; robur deficit; a levissimo corporis motu cor palpitat, spiritusque difficulter trahitur; cibos aut aversantur, aut acria ac terrena appetunt, quæ corpus nutrire non possunt.

III. MENORRHAGIA. Mensium profluvium nimis copiosum, aut nimis frequens, debilitatem, maciem, pallorem, lumborum dolorem, frigus, anorexiam, inducens.

IV. LEUCORRHŒA, quem fluorem album vulgo nominant. Humorum, colore, firmitate, acrimoniaque differentium, ex utero & vagina profusio. Symptomata, iis, quæ menorrhagiæ succedunt, similia, inde consequi possunt.

V. HYSTERALGIA. Uteri dolor, cum ponderis, deorsum trahentis, sensu conjunctus; quod genus, sicut a varias causis oriri potest, ita varias quoque

species haber.

VI. GRAVIDITAS. Feminas teneriores, ventrem ferentes, tot symptomata exercent, ut graviditas merito pro morbi genere habeatur.

VII. ABORTUS. Abortio, sive setus immaturi par-

tio, semper tamquam morbus consideranda est.

VIII. DYSTOCIA, sive partus difficilis. Nixus laboriosi, quum a statu naturali deslectant, variaque symptomata molesta iisdem accedere possint, etiam

pro morbi genere habendi funt.

1X. FEBRIS PUERPERALIS. Quamvis febres, puerperió succedentes, lactisque proventum comitantes, leves fere sint, ac periculo vacent: nonnunquam tamen malum morem induunt, periculosæque, vel funestæ, evadunt.

X. MASTODYNIA, sive mammarum dolor. Mammæ dolori a variis causis, sed maxime ab instamma-

tione & cancro, obnoxiæ funt.

Morbi topici, feminis proprii, in hæc genera dividuntur:

I. HYDROPS OVARII.

II. Scirrhus ovarii. In vivis corporibus hydrops ovarii ab ejusdem scirrho rarissime discerni potest; ideoque hi morbi confunduntur, ac fere prophysconiæ speciebus habentur.

III. HYDROMETRA, sive hydrops uteri. Interdum cum graviditate conjungitur: alias sola aqua in uteri cavo concluditur.

IV. PHYSOMETRA. Uteri a flatibus distentio.

V. Hysteroptosis, sive uteri prolapsio & pro-cidentia.

VI. PROLAPSIO VAGINÆ.

VII. POLYPUS UTERI, vel VAGINÆ. Caro, tum ex superficie uteri interna, tum e vagina, excrescens.

MORBI INFANTILES.

Per infantiam canalis cibalis facilius, quam per reliquas ætates, rebus acribus atque noxiis oneratur, id quod febribus, profluviis, & convulsionibus infantum, proprietatem quamdam impertitur, quæ peculiarem attentionem requirit.

Morbi generales, infantibus proprii, funt:

I. Colica Meconialis. Tormina infantum recens natorum a meconio retento.

II. Colica Lactentium. Tormina, cum alvi duritia conjuncta, infantibus, maternum alimentum adhuc trahentibus, familiaria.

III. DIARRHŒA INFANTUM. Alvi profluvium, ab acida saburra fere oriundum. Fæces virides sunt, & coagulatæ, vel frustulis intermixtis refertæ.

IV. APHTHE. Albas has pustulas, labiis, linguæ, ac faucibus insidentes, atque exulcerationis speciem præbentes, supra jam descripsimus. Infantes mammam detrectant, somnoque oppressi videntur.

V. ECLAMPSIA INFANTUM. Convulsiones, ab acrimonia, in primis viis hærente, vel a dentitione,

proficiscentes.

VI. ATROPHIA INFANTUM. Venter intumescit, artus emacescunt, calor hecticus accenditur, & sere mors sequitur.

VII. RHACHITIS. Artus infirmi evadunt, nec pon-

deri corporis ferendo pares sunt; articuli tument; ossa duritiam amittunt, atque incurvantur; caput, cum reliquis partibus comparatum, justo grandius est; sontanella, quam vocant, calvariæ non clauditur; sæpe costæ dorsique vertebræ distorquentur.

Morbi topici infantum sunt:

I. ATRESIA, five IMPERFORATIO, quum meatus naturales occlusi sunt:

II. ANCYLOGLOSSUM, quum lingua cum subjecta parte juncta est.

III. AURIGO INFANTUM.

IV. PURPURA INFANTUM. Utraque ad cutis mor-

bos pertinet, & supra descripta est.

V. CRUSTA LACTEA. Exanthemata scabiosa, quæ in capite nascuntur, atque interdum per saciem se diffundunt.

Sequens tabula, morborum topicorum, fexualium, atque infantilium, ordines & genera filtens, priori, quæ primæ classis ordines & genera exhibet, addita, generalem status morbosi conspectum repræsentat.

GENERA MORBORUM TOPICORUM.

Ordo I. Morbi sensum internorum.

- I. Amnesia.
- 2. Hypochondriasis.
- 3. Amentia.

Ordo II. Morbi sensum externorum.

- 4. Cæcitas.
- 5. Visus vitiatus.
- 6. Surditas.
- 7. Auditus vitiatus.
- 8. Anosmia.
- 9. Odoratus vitiatus.
- 10. Agheustia.

- 11. Gustus vitiatus.
- 12. Stupor.

Ordo III. Morbi appetituum.

- 13. Anorexia.
- 14. Cynorexia.
- 15. Pica.
- .16. Polydipsia.
- 17. Satyriasis.
- 18. Nymphomania.
- 19. Anaphrodisia.

Ordo IV. Morbi secretionum & excretionum,

- 20. Epiphora.
- 21. Coryza.
- 22. Ptyelismus.
- 23. Anacatharsis.
- 24. Otorrhœa.
- 25. Diarrhœa.
- 26. Enuresis.
- 27. Pyuria.
- 28. Dysuria.
- 29. Constipatio.
- 30. Tenesmus.
- 31. Dysodia.
- 32. Flatulentia.
- 33. Ædœopsophia.

Ordo V. Morbi, singulas actiones impedientes, vel turbantes.

- 34. Aphonia.
 - 35. Mutitas.
 - 36. Paraphonia.
- 37. Dysphagia.
- 38. Caput obstipum.
- 39. Angina.
- 40. Sternutatio.
- 41. Singultus.
- 42. Tuffis.
- 43. Vomitus.

GENERA

44. Palpitatio cordis.

45. Chorea St. Viti.

46. Trismus.

47. Nystagmus.

48. Crampus.

49. Scelotyrbe.

50. Contractura.

51. Paralysis.

52. Ancylosis.

53. Gibbositas.

54. Lordosis.

55. Hydarthrus.

Ordo VI. Morbi habitus externi.

56. Tumor.

57. Excrescentia.

58. Anevrysma.

59. Varix.

60. Papulæ.

61. Phlyclænæ.

62. Pustulæ.

63. Scabies.

64. Impetigo.

65. Lepra.

66. Elephantialis.

67. Frambæsia.

68. Herpes.

69. Maculæ.

70. Alopecia.

71. Trichoma.

72. Tinea.

73. Phthiriasis.

Ordo VII. Ectopia.

74. Hernia.

75. Prolapsio.

76. Luxatio.

Ordo VIII. Solutiones continuitatis.

77. Vulnus.

MORBORUM. 207

78. Ulcus.

79. Fiffura.

80. Fistula.

81. Adustio.

82. Excoriatio.

83. Fractura.

84. Caries.

GENERA MORBORUM SEXUALIUM.

Ordo I. Morbi generales, maribus proprii.

I. Febris testicularis.

2. Tabes dorfalis.

Ordo II. Morbi topici, maribus proprii.

3. Dyspermatismus.

4. Gonorrhœa simplex.

5. Gonorrhœa virulenta.

6. Priapismus.

7. Phimosis.

8. Paraphimosis.

9. Œdema crystallinum.

10. Hernia humoralis.

11. Hydrocele.

12. Sarcocele.

13. Cirsocele.

Ordo III. Morbi generales, feminis proprii.

14. Amenorrhœa.

15. Chlorosis.

16. Leucorrhœa.

17. Menorrhagia.

18. Hysteralgia.

19. Graviditas.

20. Abortus.

21. Dystocia.

22. Febris puerperalis.

23. Mastodynia.

208 GENERA

Ordo IV. Morbi topici, feminis proprii.

24. Hydrops ovarii.

25. Scirrhus ovarii.

26. Hydrometra.

27. Physometra.

28. Hysteroptosis.

29. Prolapsio vaginæ.

30. Polypus uteri, vel vaginæ.

GENERA MORBORUM INFANTILIUM.

Ordo I. Morbi generales infantum.

- 1. Colica meconialis.
- 2. Colica lactentium.
- 3. Diarrhoca infantum.
- 4. Aphthæ.
- 5. Eclampsia infantum.
- 6. Atrophia infantum.
- 7. Rhachitis.

Ordo II. Morbi topici infantum.

- 8. Atresia.
- 9. Ancyloglossum.
- 10. Aurigo infantum.
- 11. Purpura infantum.
- 12. Crusta lactea.

Summa Generum.

Morborum	universalium	94.
Morborum	topicorum	84.
Morborum	fexualium	30.
Morborum	infantilium	12.
	•	180.

Quod si morborum universalium, topicorum, sexualium,

Texualium, atque infantilium, genera computes, atque hanc fummam cum SAUVAGESII, LINNEI, & VOGELII fummis conferas, facile apparebit, numerum illorum a nobis infigniter esse deminutum. SAUVAGESIUS enim trecenta & quindecim, LIN-NÆUS trecenta & viginti, Vogelius quingenta & fexaginta morborum genera numerat. Cullentitamen fummam egressi sumus, ut qui centum & viginti duo tantum morborum genera habeat, iisque omnes morbos, universales, topicos, sexuales, infantiles, comprehendat.



INTRODUCTIONIS METHODICÆ

IN

THEORIAM MEDICINÆ

L I B E R V.

Semiologia, sive doctrina signorum.

CAPUTI.

De signis morborum in universum.

ABSOLUTO generali status morbosi conspectu, ad eam medicinæ partem nunc progredimur, quæ semiologia, sive doctrina signorum, nominatur, methodumque explicat, qua vel de statu morbi præsenti, vel de ejustem exitu, judicare possimus.

Non rarum est, in scriptis Medicorum ea, quæ mera signa sunt, cum symptomatibus, quæ partem

morbi constituunt, confundi.

Quamvis omnia fymptomata sint signa: non omnia tamen signa sunt symptomata. Pulsus celer, & urina valde tincta, sebris signa sunt; sed ita, si, qui talem pulsum habet, vel talem urinam reddit, eodem tempore symptomata sebris, calorem immoderatum, sitim, anorexiam, atque agrypniam, experitur. Nisi omnia hæc symptomata, vel pleraque, apparent, pulsus celer, & urina valde tincta, nihil probant, siquidem sæpe numero sic occurrunt, ut nulla impotentia morbosa, aut molestia, ipsis accedat.

Quum symptomata sint partes, ex quibus morbus

constat, necessaria consecutione efficitur, ut eadem vera & certa constituant signa, ita quidem, ut non, niss in horum signorum subsidium, pulsus a nobis tangatur, atque urina inspiciatur. Quod si enim pulfum & urinam, seposita symptomatum ratione, consideremus, nunquam inde neque de natura, neque de statu præsenti morbi, judicium serre poterimus. Exempli gratia, audimus, hominem quemdam acuto, nec locum mutante, lateris dolore infestari, qui dum spiritus attrahatur, ingravescat, cuique tussis importuna, calor immoderatus, sitis, atque agrypnia, accedant. Ex hoc symptomatum, inter se connexorum, concursu morbum illum componi novimus, qui pleuritis nominatur. Sine ulla igitur hæsitatione pronuntiamus, hominem illum pleuritide laborare. Sin autem nihil audiamus, nifi pulsum celerem ac plenum, aut urinam valde tinctam effe, nunquam, ne probabili quidem ratione, dicere possumus, utrum homo ille vere ægrotet, an vehementiore tantum corporis exercitatione se excalefecerit.

Signorum alia diagnostica sunt, alia prognostica, alia anamnestica.

Signa diagnostica statum morbi præsentem declarant, eique definiendo ac distinguendo inserviunt. Sic calor immoderatus, dolor capitis acutus, sitis ingens, agrypnia, cum cute sicca, pulsu summe frequenti, pleno, & duro, atque urina valde tincta,

<mark>febri</mark>s inflammatoriæ figna d<mark>iagn</mark>oftica funt.

Signa prognostica sunt ea, ex quibus mutationes, per morbi decursum eventuras, præsagire possumus. Ita, si quis, sebre instammatoria laborans, capitis dolorem vehementius ingravescere, auresque intra se ipsas sonare, conqueratur, nosque oculos cubantis rubentes ac seroces, lotiumque in speciem aquæ pallidum observemus, delirium imminens non dubitanter prædicere nobis licet.

0 2

Signa anamnestica ea sunt, ex quibus dicere possumus, quem morbum ægrotus modo passus sit. Ita squamosa cutis siccitas, cum oculis lucis impatientibus, tussis sicca importuna, & debilitas, hominem, sic affectum, morbillis nuper laborasse, commonstrant.

Facile autem intelligitur, in signis his anamnesticis perparum momenti situm esse, etiamsi plus, quam re vera licet, ipsis tribuatur. Diagnosticorum igitur ac prognosticorum signorum cognitio nobis in primis

excolenda est.

Præcipua signa diagnostica totius primæ morborum classis sunt quindecim illa symptomata generalia. Ex quibus si duo, vel plura inter se conjuncta esse, & per universum morbi decursum, aut majorem ejus partem, prævalere videas, certus esse potes, morbum illum morbis universalibus esse adnumerandum. Specierum signa tum exhibebimus, quum eas ex prosesso describemus.

Signa diagnostica secundæ morborum classis ex symptomatum particularium, sive topicorum, morbos illos distinguentium, variisque nominibus a parte affecta designantium, descriptione intelliguntur.

Symptomata igitur genuina morborum figna diagnostica sunt: sed, quum plura illorum neque visui, neque tactni, subjaceant, quidquid de iis cognoscimus, vel inductioni, vel relationi ægrorum, debetur. Sæpissime autem accidit, ut isti symptomata, quibus laborant, distincte significare nesciant. Atque hinc artis Magistri de methodis quibussam cogitarunt, quæ desectum illum supplerent, medentesque ad judicium de statu morborum præsenti ac suturo ferendum idoneos redderent, idque ad motuum animalium statum attendendo. Quo enim hi minus moderati, æquabiles, & liberi sunt, quam in sanitate absoluta esse debent, eo gravius ac periculosius ægrum decumbere, necesse est.

Motus systematis nervosi quum observationi plane non pateant, nihil de hac machinæ nostræ parte aliter cognoscere possumus, quam animadvertendo, quo in statu sensuum organa, motusque voluntarii instrumenta, sint, quæque mutationes in oculis &

toto vultus habitu appareant.

At systematis vascularis motus quum evidentes sint, atque a corde, ut primo motore, dependeant, num generalis humorum circuitus rite peragatur, facile dicere, ac de perturbationis, vel interruptionis, gradu satis certo judicare possumus, idque pulsum examinando, &, quomodo respitatio siat, observando.

CAPUT II.

De signis ex pulsu.

Communis eruditorum opinio adhuc fuit, ut antiquissimos Medicos pulsibus observandis perparum vacasse, eosque in libris, Hippocratis nomen præfixum habentibus, non, nisi obiter, commemorari existimarent. Sed Antonius de Haen, qui Patrem medicinæ summa veneratione prosequi videtur, ejusque honori gravissimam sieri putat injuriam, nisi tantumdem de pulsibus, ac, qui illum secuti sunt, cognovisse statuatur: famigeratus igitur ille Prosessor Vindobonensis Rat. medend. Part. XII, Cap. I, plus quadraginta loca ex libris Hippocraticis congessit, in quibus pulsuum & pulsationum sit mentio. Num vero ex quadraginta his locis id, quod Vir Cl. probare adlaboravit, plene probare liceat, nos quidem Lectoribus ipsius dijudicandum relinquimus.

ARETÆUS omnino, quemadmodum ex his, quæ

ab Antonio de Haen inde excerpta sunt, apparet, multum ad pulsuum mutationes attendit. Qui autem Hippocrati hac in re desectus adscribi possunt, eos, pro luxuriantis ingenii sui exuberatione, cumulatissime supplevit ipsius commentator, Galenus, qui infinitas pulsuum distinctiones effinxit, quarum pleræque in artis exercitio non occurrunt, atque, etiamsi occurrerent, ex datis tamen ab illo descriptionibus cognosci non possent. Idemque prorsus de recentiorum quorumdam auctorum doctrina dici potest, qui certas quasdam pulsuum proprietates esse sibi persuaserunt, quæ de morborum progressu atque eventu plurima commonstrent.

Proprietates illæ, quas non, nisi animo attentissimo, tactuque subtilissimo, distinguere licet, ex libris quidem disci non possunt: sed, si vere tales pulsus sunt, quales a Solano, Bordeu, eorumque discipulis, describuntur, hi, qui ipsos cognoscere gestiunt, Medicos illos ad ægrotantium lectos comitari debent, ut ibi doceantur, qua ratione leves illæ pulsum disferentiæ ab his conditionibus, quas reliqui Medici observare consuerunt, discernen-

dæ sint.

Prius vero, quam ex pulsu aliquid concludamus, semper, considerandum nobis est, eum in sanis, pro extatis, sexus, atque constitutionis ratione, differre. Ante omnia igitur, si fieri potest, reperire nos oportet, que pulsus ratio in homine sano sit, siquidem ad hanc, tamquam ad normam aliquam, exigendum est, quantum ægrotorum pulsus a sanorum pulsu recedat.

Considerandum quoque est, systema vasculare non, nisi partem machinæ nostræ, esse. Quamvis itaque pulsus, generalem humorum circuitum perturbatione vacare, renuntiet: hoc tamen nos certos non reddit, in nervoso etiam systemate omnia bene se habere. Fieri enim potest, ut summa hujus ataxia sit, quam

vix, aut ne vix quidem, ex pulsu percipere liceat.
Qui animum ad medicinam faciendam appulerunt,
id agere debent, ut pulsuum robur, rationesque generales, in infantibus, adultis, senibus, ac seminis,
dum absoluta sanitate perfruuntur, sibi familiares

reddant. Singulorum enim pulsus, suas quisque ra-

tiones proprias habent.

Hominis, absoluta sanitate sruentis, pulsum æquabilem, moderatum & liberum: ægrotantis nonnunquam inæqualem atque intermittentem invenimus, spatio, inter singulos ictus interposito, æque acrobore ictuum, subinde variante. Idem interdum in totum deficit, interdum ultra modum velox, alias præter naturam tardus est. Nonnunquam robur naturale multum superat: alias infra id substissit.

Quæ ex diversis illis pulsuum conditionibus inferre

licet, hac fere funt:

Pulsus inæqualis atque intermittens insignem systematis nervosi perturbationem ostendit, adeoque prosigno terrente habendus est, quod semper attentionem nostram excitare, nosque ad pessima quæque exspectanda præparare debeat. Periculi tamen gravitas exiis, quæ inæqualem, vel intermittentem, illum pulssum præcesserunt, aut comitantur, æstimanda est. Quod si enim tales pulsus in sine febrium, quum vires laborantis pæne exhaustæ sunt, vel post immodicas evacuationes, incidant, æsri salus desperata est. Sin autem post repentinas tantum animi perturbationes appareant, vel, quod in nonnullis observatum est, in consuetudinem quodam modo venerint, non est quod magno nos opere terreant.

Pulsus, in totum deficiens, si aliquamdiu talis maneat, aut nimiæ sanguinis, aliorumve humorum, profusioni succedat, magno semper metu terrere nos debet. Si quis, illo deficiente, humorum circuitus adhuc sentitur, is soli contractioni ac dilatationi cor-

dis, sine magno motus subsultantis gradu, tribuendus est.

Pulsum celerem & frequentem, sunt, qui separent, diversosque esse statuant. Frequentem pulsum dicunt, quando ictuum numerus intra datum temporis spatium major est: celerem autem, quando ictus cum insigni rigore fiunt, atque intra minimum, quod concipi potest, temporis spatium absolvantur. Sed talis pulsus durus potius, quam celer, vocandus est. Quam ob rem per pulsum durum eum significabimus, cujus ictus tam rigide fiunt, tantamque tunicarum arterize tensionem conjunctam habent, ut durum aliquod cor-

pus digito tangenti subjectum esse videatur.

Nimia pullium celeritas & frequentia, systema vasculare inusitata quadam ratione irritatum esse, demonstrat, vel, quod acria in sanguine continentur, quæ cor atque arterias stimulent, vel, quod cordis ventriculi se plene exonerare nequeunt, adeoque in perpetua irritatione sunt, nunc, si ipsi robore, ad contractionem sufficiente, destituuntur, nunc, si extremum systema arteriosum ita constrictum atque obstructum est, ut nimius sanguis circa centrum accumuletur, nunc, si sanguis celerius, copiosiusve, quam ut a corde recipi possit, a peripheria revertitur: id quod semper post vehementes insuetasque corporis exercitationes contingit. Unde ratio patet, cur omnes evacuationes pulsum accelerent. Qui enim ex illis pereunt, imminente morte, incredibilem pulfuum frequentiam exhibent, quoniam cordis vis mufcularis eo usque debilitata nunc est, ut ventriculi ipfius nunquam fatis exonerare se valeant. Nec minus inde perspicitur, cur, quidquid stricturam spafmodicam efficit, necessario etiam pulsus celeritatem augeat. Atque ita intelligimus, pulsum celerem a febre separari non posse, quamdiu arteriæ in peripheria paulo arctius constrictæ manent.

Pulsus frequens & celer, per se spectatus, non in-

volvit, sanguinis, per vasa circumeuntis, vim auctam esse, aut datam sanguinis copiam per majus vasorum continentium spatium dato tempore moveri, quam ante pulsus frequentiam, ultra naturæ modum evectam.

Vis fanguinis, per vasa circumeuntis, sic æstimanda est, ut robur pulsus cum numero ictuum, qui intra datum temporis spatium siunt, multiplicetur. Illustrationis gratia, pulsus robur in sanitate absoluta numero 4 æquale, ictuum autem, qui intra sexagesimam horæ partem siunt, numerum numero 70 parem esse ponamus. Quod si jam numerum 70 cum numero 4 multiplicemus, essicietur numerus 280. Itaque 280, vim sanguinis, per vasa circumeuntis, in sanitate absoluta esse dicemus.

Ponamus jam, febrem inflammatoriam oriri, ac robur quidem pulsuum ad 5, ictuum autem, qui intra sexagesimam horæ partem siunt, numerum ad 112 augeri. Duo hi numeri, inter se multiplicati, 560 efficiunt, qui numerus vim sanguinis, per vasa circumenntis, altero tanto majorem, quam secundum naturam & in sanitate, exhibet.

Sed ponamus, ictuum, qui intra sexagesimam horæ partem siunt, numerum adhuc 112, pulsuum autem robur dimidia parte minus, quam in sanitate, esse, hoc est, a numero 4, ad numerum 2, decrescere. Quod si jam numerum 112 cum numero 2 multiplicemus, essicietur tantum numerus 224, eo, qui vim sanguinis, per vasa circumeuntis, in sanitate exhibet, multo inferior. Videmus itaque, quamvis pulsus tanto frequentior nunc sit, massam tamen sanguinis tam libere & celeriter non moveri, atque tum movebatur, quum cordis intra sexagesimam horæ partem contractiones non 112, sed 70 tantum erant.

Pulsus præter naturam rarus & tardus, cordis, atque systematis arteriosi, irritabilitatem justo minorem esse, demonstrat: id quod a maligniore liquoris vitalis

per fibras illas distributione proficisci potest. Accidere hoc videtur, quando vasa, vel ventriculi cerebri, a sanguine, vel aqua, inundantur, aut cerebrum a calvaria intrusa, vel fracta, comprimitur. Cordis irritabilitas etiam minui, fibrarumque ejus robur debilitari potest, quando oleum, gelatina, vel aqua, in telæ cellulosæ interstitiis accumulantur: id quod in polysarcia atque hydrope contingit. Par effectus est materiæ solidæ inertis, nimiis accessionibus locupletatæ: id quod in provectæ ætatis hominibus evenire videtur, in quibus, prout solida inertia gradatim accrescunt, ita solidorum vivorum motus im-

pediuntur.

Quemadmodum fola pulsus celeritas ac frequentia sanguinis, per vasa circumeuntis, vim auctam non involvit: sic sola etiam tarditas, illam imminutam esse, non probat. Quare ex eodem principio, quo ibi, hîc quoque judicium ferre debemus. Exempli gratia, si hominis, ex sebre modo convalescentis, pulsus tam tardus evadit, ut 56 tantum ictus intra sexagesimam horæ partem numerentur, singulorum autem ictuum, sive impulsuum, robur tantum esse pergit, ut numero 5 par ponendum sit, ex numero 280, quem numeras 56, cum numero 5 multiplicatus, essecte eamdem esse, quæ in sanitate absoluta suit, ubi pulsus robur numero 4 æquale, ictuum autem, qui intra sexagesimam horæ partem siunt, numerum numero 70 parem posuimus.

Hinc rationem intelligere possumus, cur pulsus validus ac tardus, dum ne inæqualis, debili frequentique succedens, tam bonam spem ostendat, & cur talem pulsum pro certa nota habeamus, crisin febris persectam suisse, plenamque circuitus humorum æquabilitatem atque libertatem per omnes systematis arte-

riosi partes postliminio esse restitutam.

Pulsus validus liquoris nervein cor influxum per om-

nia liberum, musculique hujus, & universi systematis arteriosi, fibras firmas atque integras, sangumem autem, in vasis contentum, insigniter densum, ac partis colorantis divitem, ostendit. Debilis contra pulsus vim cordis, atque universi systematis vascularis, deficientem, propter partium solidarum relaxationem, cum sanguine vappido, tenui, aquoso, conjunctam, renuntiat.


Duritiam pulsus, morbis quibusdam, maximeque partium membranacearum iustammationibus, dolores acutos moventibus propriam, a nimia omnium fibrarum motricium tensione proficisci statuunt. Pulsus nimium mollis, quum duro contrarius sit, contrario solidorum vivorum statui adscribendus, nec, nistamquam levior pulsus languidi varietas, consideran-

dus est.

Ex iis, quæ de variis pulsuum conditionibus, seorsim spectatis, dicta sunt, facile colligere possumus, quid ex variorum pulsuum consociatione sequatur. Sic pulsus celer, durus, & validus, cor, atque systema arteriosum, vehementer irritata, sibrarum motricium universitatem maximopere tentam, ac vasa sanguine nimium denso, particulisque rubris abundante, repleta denotat.

Tantum de pulsu, ad statum morbosum, generatim spectatum, relato. Quandoquidem autem in diversis morborum speciebus ipse quoque diversus est, quum ad harum descriptionem venerimus, plura ad-

huc de illo a nobis exponi oportebit.



C A P U T III.

De signis ex respiratione.

Uum universam humorum, per vasa circumeuntium, massam, ex altero cordis ventriculo in alterum progredientem, pulmonum vasa trajicere, necesse sit: facile intelligitur, signa, ex pulsu derivata, ab iis, quæ a respiratione repetuntur, confirmari atque corroborari.

Quicumque absoluta sanitate perfruuntur, in iis respiratio cum levamine ac resectione, partiumque huic actioni inservientium, motu tam leni fit, ut ascensus & descensus costarum vix percipiatur, thoracis cavo, per alternam præcipue diaphragmatis, musculorumque abdominis, relaxationem atque contractionem, alternis vicibus dilatato & coarctato. In ægrotis autem fæpe respirationem valde turbatam atque interruptam observamus, ut quæ cum dolore, difficultate, celeritate, sonitu notabili, conspicuoque costarum motu, peragatur. Omnes istæ a respiratione sana aberrationes tamquam signa adhibendæ sunt, ex quibus, quantum generalis humorum circuitus turbatus atque interruptus sit, judicare nobis liceat. Pulmones enim pro totius corporis, quod ad fabricam vascularem attinet, epitome haberi possunt, quum ipsi totidem, quot illud, vasorum series habeant, adeoque pro certo ponere licet, sanguini, per pulmonum vasa libere permeanti, expeditum per reliquos etiam canales sanguiferos transitum concedi.

Sanus homo ad quatuor cordis contractiones semel tantum respirare observatur. Respiratio igitur solito celerior; multum sanguinem ex corde in arterias pulmonales essundi, demonstrat: id quod nonnunquam

inde accidit, quod infolita illins copia a peripheria ad centrum revertitur, quemadmodum ab acriore corporis exercitatione, certifque quibusdam animi affectibus, constanter & perpetuo fieri solet. Hinc stricturæ spasmodicæ respirationem nunquam non accelerant. Idemque, ubi fanguinis per pulmones transitus quoquo modo interruptus est, contingit. Una enim pulmonum dilatatio si consuetæ sanguinis copiæ liberum per ipfos transitum parare non valet, defectum hunc crebrioribus dilatationibus suppleri oportet. Ex quo patet, celerem respirationem pro signo obstructorum pulmonum haberi posse: quæ obstructiones, uti jam diximus, variæ naturæ funt. Acceleratur quoque respiratio, ubi, qui ipsi inserviunt musculi, maximeque diaphragma, spasmo aliquo agitantur. Atque hoc sæpe in hystericis atque infantibus incidit; in illis quidem a flatibus, aliifve noxiis, canali cibali inclusis: in his autem a lacte concreto, aliisve rebus stimulantibus, vel opprimentibus.

Respiratio laboriosa, sive difficilis, in qua spiritus præter naturam velociter reciprocatur, thorace minus, quam pro capacitate fua, dilatato, fanguinis per pulmonum vafa transitum interruptum esse significat, vel propter stricturam horum vasorum spasmodicam, vel, si lentoris notio admittatur, proptersanguinem nimis tenacem, per minutos arteriæ pulmonalis fines vix ægreque transeuntem. Spirandi diffi-' cultas etiam indicare potest, partem pulmonum cellulosam aqua, oleo, vel forte terra, oppletam esse, atque hinc vafa, aërifera æque, ac fanguifera, comprimi, ita quidem, ut illa ab aëre non fatis distendautur, horum autem diametri justo angustiores evadant. Unde, pro majore minoreve materiæ, in pulmonibus accumulatæ, copia, fluidorum, per vafa circumeuntium, transitum magis minusve interrum-

pi, necesse est.

Respiratio, cum dolore interno, sedem non mu-

tante, codemque valde acuto & molesto, conjuncta, indicio est, membranaceum pulmonum operimentum ac membranas, thoracem investientes, in instammatione esse, vasis, per has partes discurrentibus, ab humorum, in ipsa compulsorum, mole nimium distentis, & propeniodum disruptis. Respiratio laboriosa, summeque difficilis, cum dolore obtuso, profundius sito, ac pulsu celeri, sed debili, conjuncta, ipsam pulmonum substantiam instammatione affectam esse, denotat.

At sidolor, spiritus difficultati accedens, in partibus thoracis musculosis atque externis est, neque in eadem sede manet, sed, in modum crampi, nunc huc, nunc illuc, vagatur, pulsusque inter hæc parum a lege & mensura naturali recedit, affectio aliqua spasmodica, vel acrimonia rheumatismatica, significatur, quorum illam, opio sumpto, levatum, hanc, cantharidibus extrinsecus impositis, evocatum iri, probabile est.

Respiratio velox & difficilis cum singultu, vel strepitu in faucibus, conjuncta, si aliis signis pravis, ut pulsui frequenti ac valde debili, sudoribus frigidis, anæsthesiæ, vel ultimæ virium debilitati, accedat, pro nota, imminentem mortem portendente, haberi

potest.

Quum causarum, respirationis actionem impedientium, vel turbantium, maxima sit varietas, pluresque per se neque magnam molestiam afferant, neque multum periculi minentur, ex signis, a sola respiratione derivatis, nunquam aliquid certi inferre possimus, sed semper aliorum quoque symptomatum, in ægrotis conspicuorum, rationem habere, omnibusque rebus inter se comparatis, demum justas deducere consequentias debemus. Sic sæpe hominum, temperatione corporis teneriore ac delicatiore præditorum, respirationem cum summis molestiis conjunctam esse videmus a causis, solos musculos, huic

actioni inservientes, afficientibus, neque sanguinis per pulmones transitum magnopere interrumpentibus, aut turbantibus. Ex quo sequitur, ut, quamvis talis respiratio primo obtutu terribilis sit, pro magni tamen periculi signo haberi non debeat. Quamdiu enim sanguinis per pulmonum vasa iter satis liberum servatur, (id quod semper e pulsu cognosci potest) non est, quod a respiratione difficili mortem denuntiari credas. At si respirationis difficultas adeo ingravescit, ut suffocationem minitetur, aliaque symptomata, in laborante obvia, pulmones instammatione affectos, aut muco, oleo, sanguine, vel pure, infartos atque obrutos demonstrant, in malis omnino signis habenda est, nec, nisi pessima quæque, pertimescenda sunt.

Quum de his morbis, quorum symptoma characteristicum spirandi difficultas, est, ex professo agemus, illam spirandi difficultatem, quæ a pulmonibus infartis nascitur, ab ea, quæ solis nervorum, ad respirationis musculos pernentium, affectionibus tribuenda

est, accuratius distinguemus.

Quemadmodum certæ quædam pulsus proprietates sunt, a rebus externis, corporisve habitu, dependentes, ad quas semper attendi oportet: ita similiter memores esse debomus, respirationem quoque, pro varia corporum constitutione, itemque pro varia thoracis conformatione, ac propria pulmonum conditione, plurimum variare. Quibus accedunt varii illi essectus, qui a tempestatum conversionibus, locorumque mutationibus, exspectandi sunt.



C A P U T I V.

De signis, systema nervosum perturbatum indicantibus.

Ensum, perceptionem, motumque voluntarium, a sano nervorum statu dependere, ingens observationum atque experimentorum, in animalibus vivis captorum, numerus demonstravit. Quam ob rem, si quando fensus externos, animi facultates, aut fibrarum muscularium vires, imminutas, turbatas, vel interruptas, observamus, certi esse possumus, systema nervosum non ex toto recte se habere, variasque illas morbosas aberrationes cum fensus, perceptionis, motusque voluntarii statu sano & naturali comparantes, habemus, unde molestiæ morbosæ, ac periculi modum, atque magnitudinem aliquatenus metiamur. Verbi gratia, homo, febre laborans, vehementer delirat, nec somnum capere potest. Proximam & delirii, & agrypniæ, causam in liquore nerveo, per sensuum internorum atque externorum organa justo abundantius distributo, ponimus, adeoque ex duobus his, quæ in ægrotante observamus, symptomatibus inferimus, ab humorum, per vafa circumeuntium, vi aucta nimiam ortam esse liquoris nervei secretionem, tenuemque hanc materiam' nimis ubertim ad nervos nunc mitti. Indidemque etiam concludimus, si duo ista symptomata violentius sævire pergant, ægrum in summo vitæ periculo versari, propter insignem illam liquoris vitalis, sine cujus justa copia motus animales perfici non possunt, jacturam.

Sin autem idem homo in progressu febris stupore opprimitur, atque in continuum soporem decidit, nervos liquore suo non satis imbui, eorumque motus ob cerebri vasa sanguisera, per continuatum humorum

circumeuntium

circumeuntium motum violentum & rapidum nimis distenta, vel forte disrupta, elanguescere colligimus. Atque hinc iterum ex duobus his symptomatibus adventiciis periculum, cubantis vitæ impendens, prædicimus.

Ex eodem principio magnum semper periculum in spasmis, cum systematis vascularis perturbatione conjunctis, vel in summa corporis debilitate, animive dejectione, ponimus, quibus, in morbo quodam sebrili apparentibus, pejora atque terribiliora signa esse non possunt.

Supra diximus, nervos æque in origine fua in cerebro affici poste, atque a rebus noxiis, in ea loca, ubi singulæ chordæ terminantur, agentibus, quæ inexplicabili quadam συμπαθείς molestiam & perturbationem cum universo systemate nervoso commu-

nicent.

Quum omnium harum perturbationum fons maxime vulgaris acria atque noxia, in canali cibali hærentia, fint, neque systema solidorum generale, aut massa humorum universa, incusari possit, utilissimum erit, signa, rerum istarum noxiarum præsentiam & naturam indicantia, observare, modosque aptissimos, ac tempora opportunissima, eas corrigendi, atque ex cor-

pore eliminandi, proponere.

Signa, ventriculum, intestinive duodeni slexum, rebus noxiis, vomitu rejiciendis, oneratum, denotantia, præcipua, sunt lingua, sordibus crustisque crassis obsessa, sapor in ore amarus, acidus, rancidus, vel putridus, nausea & anorexia, ventriculi os sinistrum ac pars superior dolens, ponderis opprimentis sensus circum præcordia, cum hypochondriis plenis, molliterque tumidis, alvus adstricta, vertigo & capitis dolor, horrores atque extremorum frigus, cum universi corporis lassitudine, subitaque asthenia.

At si materia noxia profundius in intestinis hæret, & per alvum dejicienda est, adsunt fere ventris distrom, I.

tentio, dolor, ac murmura, dejectiones foeda; acres, cum torminibus, lumborum dolor, ad coxas extentus, cum genuum infirmitate, atque obtuso circa ea dolore.

Generalem systematis nervosi statum etiam quodam modo commonstrant ægrotantis oculi, totusque vultus: qui quo magis speciei consuetæ & sanæ dissimiles sunt, co magis terrere nos debent. Atque hinc magnum semper portendit periculum cubantis vultus, ita mutatus, ut ipsi amici eum vix agnoscant. Qui multum cum ægro versantur, signorum, ab oculis atque universi oris lineamentis derivandorum, notitiam sensim sine sensu acquirunt. Nunquam autem ea cum aliis alia communicari potest ratione, quam mutationes, quales in vultu laborantis quum maxime apparent, indicando.

CAPUT V.

Signa ab exanthematibus, aliisque corporis externi

T statum ægrotantium etiamnum exactius cognoscamus, curiose nobis attendendum est ad exanthemata, decolorationes, aliasve mutationes, in corporis superficie apparentes; examinandus sanguis, e vena detractus; inspicienda, vel ipsi forte analysi chemicæ subjicienda, urina; perlustranda denique, quæ ex pulmone per sputa, ex ventriculo per vomitum, ex intestinis per dejectiones, excernantur.

Quum quasdam exanthematum species sebris vel præcedat, vel comitetur: has ab iis, quæ sebre

vacant; semper distingui oportet.

Multa exanthemata febrilia specificæ cujusdam materiæ morbincæ progenies sunt, velut variolæ & morbilli: alia contra a fanguinis dissolutione nascuntur, quam sola agitationis violentæ calorisque aucti continuatio effecit, cui fermentum aliquod, ut ita dicam, putrefaciens, vel in corpus per infectionem illatum, vel in eo per victum pravum, aliosve errores, in rebus non naturalibus commissos, generatum, sociam fortassis operam præstat.

Posteriora exanthemata, quæ purpuræ, sive petechiarum, nomen vulgo obtinuerunt, varios colores habent, a splendido rubore usque ad livorem, vel tantum non nigrorem. Neque minus varia illorum magnitudo est, a maculis exiguis, eas, quæ ex pulicum morsu nascuntur, referentibus, usque ad insignis latitudinis maculas, quæ vibices appellantur.

Exanthemata hæc vix super cutem eminent, raro-que, nist, ubi sebri plurium jam dierum spatium accessit, ægrique vires pæne exhaustæ sunt, apparent,

neque ullam morbi levationem afferunt.

Coterorum exanthematum pleraque, quum eruperunt, febrem levare solent. Materia quippe noxia, ab humorum, per vasa circumeuntium, massa separata, inter solida inertia in tela cutis cellulosa deponitur. Quæ si omnis separata est, febris conquiescit, omniaque, ipsam comitantia, symptomata molesta avanescunt. Sin autem materiæ noxiæ copia major est, quam ut hunc in modum separari possit, & quædam illius portio sanguini immixta remanet, febris, etiamsi exanthemata appareant, non desinit, sed continuatur. Atque hoc in deterioris notæ variolis, morbillis, sebribusque, miliari ac scarlatina, accidit. Generalia igitur, quæ ab exanthematibus, in febre quadam erumpentibus, peti poslunt præsagia, hæc funt. Exanthemata, in cute apparentia, fi, quæ febri accesserunt symptomata, ab iis insigniter minuuntur, boni funt ominis, felicemque morbi exitum prænuntiant. Sin autem ab illorum eruptione symptomata febrilia adeo non levantur, ut potius

præcordiorum oppressio, debilitas, delirium, &c. ingravescant, justus metus subest, ne sanguinis crasis destructa, & ita quidem destructa sit, ut nulla

amplius medicina locum inveniat.

Ad cutis decolorationes quod attinet, color ex pallido viridis, cum maculis nigricantibus subter oculis, humorum per vafa circuitum languere, sanguinemque vappidum atque aquofum elle fignificat. In femina talis color menses suppressos; in mare habitum corporis scorbuticum, intestinorum debilitatem, pravamque ciborum concoctionem indicat. Temperatura livida, eumdem fere corporis habitum exhibens, evidenti argumento est, universos humores in putredinem vergere, & folidorum vivorum motus nimis remissos esse atque languidos. Quæ lurida vocatur temperatura, five color faciei obscure nubilus, cum torpore ac gravitate oculorum, certum fignum est, bilem non rite secerni. Colore autem in totum flavo ductus communis, vel cystici, obstructio ostenditur, quæ bilem cysticam in intestinum duodenum exonerari prohibet, atque ita in humorum, per vafa circumenntium, massam retro agit, quacum ad vasa, cuti subjecta, defertur, in hujusque tela ceilulosa deponitur.

Sudores sæpe numero statum conditionemque universæ humorum massæ significant, ut qui interdum, quamvis perraro, acidi sint, alias putridum odorem prodant. Nonnunquam sudor rubra sanguinis parte tinctus est: unde colorem subsavum, aut etiam ru-

bicundum, ducit.

Humor quoque, qui ex ulceribus exit, de statu fluidorum certiores nos facere potest. Si acer & mali odoris est, partiumque circumjectarum epidermidem corrodit, insignis acrimoniæ, vel cancrosæ, vel proxime ad hanc accedentis, testimonium perhibet. Si tennis & cruentus est, putridum illum dissolutumque sluidorum statum, qui scorbuticæ indolis est.

denotat. Si blandus, ac mali odoris expers est, concretusque apparet, contagionem scrosulosam indicat. Humor, ex ulceribus venereis manans, interdum æque acer & corrodens est, atque is, quem cancrosa fundunt, nec sacile, nisi morbi progressu investigato, omnibusque symptomatibus curiose inter se collatis, distingui potest.

C A P U T VI.

Signa ex sanguine.

UAM fanguinis examen pollicetur, cognitio tanta non est, quantam quis esse sibi persuadere possit. Hominum quippe, evidenter male affectorum, fanguis ei, qui ex aliorum, fanitate absoluta persuentium, venis detrahitur, simillimus est: & contra homines, nullo morbo laborantes, fanguinem a periculose decumbentium fanguine minime diversum exhibent. Exemplo sint seminæ gravidæ, quarum sanguis crusta crassa obtegitur, adeoque ei, qui ex pleuriticorum venis mittitur, haud absimilis est.

Quæ quum ita sint, facile apparet, certam aliquam regulam, ad quam sana sanguinis, vel quantitas, vel qualitas, exigatur, constitui non posse. Neutra enim per se æstimari potest: sed semper ad peculiaria momenta, quæ ætatum, sexuum, atque constitutionum varietas affert, respiciendum est.

Prius autem, quam signa, a sanguinis, exægrorum venis detracti, specie derivanda, proponere conemur, in memoriam revocare nobis debemus, qualis, ex hominum, in absoluta fanitate constitutorum, venis missus, appareat.

In universum observari potest, sanguinem, obseure rubentem, qui, si refrixerit, in serum simpidum, omnis fere coloris expers, & coagulum rubrum, crusta crassa, aut alium a cruore subjecto colorem habenre, non obtectum, separetur, cujusque tertiam, vel dumidiam circuer partem, serum essicat, bonum ac samun, ab omni acrimonia morbosa vacuum, necessariaque omnium partium constituentium proportione esse præditum.

Hinc de fanguinis a statu sano aberrationibus judicare licet. Sanguis, ruborem splendidum, coccineo colori similem, repræsentans, nec cito in serum & coagulum rubrum discedens, nimiam salium in sluidis abundantiam, corporisque ad arthritidem, vel exanthemata calida & scabiosa, proclivitatem indicat. Talem sanguinem sæpe etiam, qui sebre hectica laborant, aut victu nimium salito, nimiisve aromatibus condito, utuntur, exhibent.

Ubi fanguis copiosius, quam pro rata portione, serum continet, morbos hydropicos exspectare oportet. Talis quippe sanguinis dissolutio systematis vascularis debilitatem arguit, ob quam serum sacile in cavis majoribus, vel telæ cellulosæ interstitiis, deponitur, & stagnat, quum vasorum limphaticorum tonus nunc infirmatus, excretionesque per cutem imminutæ sint.

Serum, flavo colore tinctum, bili transitum in intestinum duodenum non patere, eamque in massam humorum generalem retrorsum agi, significat.

Serum fanguinis rubicundum, aut lividum, magnam fluidorum dissolutionem ac putresactionem oftendit, qualis scorbuto, pessimæque notæ sebribus putridis, propria est. Pejus etiam est, si serum turbidum, aut totus sanguis sordidus, suscique coloris est, nec coagulum rubrum inde separatur.

Coagulum rubrum, spuma vel crusta subalbida, corium referente, contectum, pro certa sanguinis tenacioris, nec per vasa, nisi cum majore minoreve difficultate, sluentis, nota adhuc habitum est. Quum

igitur languis, ex hominum, inflammationibus correptorum, venis missus, crustam illam plerumque exhibeat, hoc eorum, qui inflammationes a lentore atque obstructione derivant, sententia firmanda esse existimarunt. Sed ingeniosissimus quidam recentioris actatis Physiologus crustae illius generationem ex principiis prorsus contrariis multo probabilius repetit, sanguinemque, quamvis e vena detractus, & coagulatus, tenax appareat, per vasa tamen adhuc manantem, magis, quam ante natam inslammationem, fluidum esse asserticamen, fluidum esse asserticamen.

Supra diximus, coagulum rubrum ex particulis colorantibus, cum limpha coagulabili connexis, esse concretum. Jam, arteriis valide agentibus, sive totus habitus validus, sive non validus sit, limpha coagulabilis fluidior est, tardiusque in coagulum abit, adeoque particulas rubras, qua ponderosissimam sanguinis partem constituunt, prius ad fundum dimittit, quam coaguletur, qua separatione spontanea coagulum rubrum in duas partes dividitur: unam superiorem, qua ex solo limpha coagulabilis coagulo, quod corium bic appellatur, constat; alteram inferiorem, qua partim ex hoc, partim ex globulis rubris, composita est.*)

*) Vid. FORDYCE Elements of Practice of Physick. Part. I, p. 5.

Corium hoc Medicorum attentionem summopere exercuit. Cl. Langrish, strenuus lentoris defensor & propugnator, instrumentum quoddam excogitavit, ad hydrometri vulgaris principia confectum, quo variam corii tenacitatem metiretur, atque inde curandi rationem præsiniret. Alii alias sanguinem examinandi vias ingressi sunt. Quidam eum exsiccarunt, ut solidarum partium ad sluidas rationem detegerent alii pondus ejus specificum explorarunt, quantumque hoc ab aquæ pondere specifico differret, observarunt a

alii eum cum varii generis falibus, cum aqua, in qua corticem peruviarum decoxerant, cum spiritibus ardentibus, &c. commiscuerunt. Sed omnia hæc experimenta potius delectant, quam prosunt, maximamque partem ex præjudicata quadam theoria, cui stabiliendæ auctores operam navarunt, instituta sunt.

CAPUT VII.

Signa ex urina.

UONIAM corporis humani fanitas magnam partem a legitima atque ordinata excrementorum separatione & expulsione dependet: horum profecto examen, tum quantitatis, tum qualitatis, ratione habita, æque nobis ad statum corporis cognoscendum, ac pulsuum observatio, sanguinisque inspectio, inservit.

Urina (excrementum, examinatu facile, cujus mutationes motuum animalium statum pariter, atque fluidorum conditionem, renuntiant) inde ab antiquissimis temporibus Medicorum attentionem pro-

vocavit.

Antea vero, quam ex ægrotantium urina judicium de morbis ferre liceat, cognoscenda est urinæ, ab hominibus, absoluta sanitate perfruentibus, redditæ, conditio, quæ cæterarum quasi lex sit & regula. Hanc ipsam autem certam ponere, perdifficile omnino est, quum humor iste, pro ætatis, victus, atque exercitationis varietate, semper variare soleat. Infantis lotium, cum hominis adulti urina, ob salium, olei, terræque abundantiam colorata, grave olente, acri, comparatum, blandum colorisque expers est. Idem sere discrimen inter hominis, vitam sedentariam agentis, corpusque parum, aut nihil dimoventis, & ejus, qui quotidianos labores duros tolerat, urinam inter-

cedit. Quo magis corpus exercitatur, eo majore falium, olei, vel terræ, copia lotium imbuitur.

Neque exigua urinæ varietas a modo potionis, cui quis assuetus est, dependet. Qui liquida nimis liberaliter ingurgitant, ab iis copiosam urinam tenuem ac pallidam, oleo, terra, salibusve, non admodum saturatam, reddi, necesse est. Aliam prorsus eorum, qui parum bibunt, rationem esse, per se patet.

Sana urina in universum vini Rhenani, vel Olyssiponensis, colorem refert, penitusque limpida est, nec quidquam in ea subsidit. Si qua enim in urina subsidunt, ea sanguinis elementa, aut proportione non æqua, aut non saris arcte, inter se connexa esse, demonstrant, adeoque desectum quemdam, vel aber-

rationem quamdam a sanitate, testantur.

Urina limpida, aquosa, multa, excretionis per cutis meatus, præter naturam imminutæ, index, ac perpetua paroxysmorum hystericorum, vel hypochondriacorum, comes est, ubi srigus vehemens, præcordiorum oppressio, nec raro acres singularum partium, frequentissime capitis, vel lumborum, dolores sentiuntur. Talis urina sæpius quoque in sebribus observatur, malique morbi nota est, siquidem arteriarum minimarum stricturam spasmodicam permagnam esse significat: unde justus metus suboritur, ne symptomata sebrilia ingravescant, ægrotusque brevi in delirium incidat.

Urina pallida, tenuis, limpida, ab his, quorum systema neque nervosum, neque vasculare, perturbatum est, reddita, sanguinem vappidum, aquosum, motum corporis minus sufficientem, partesque soli-

das in universum debiles & laxas, significat.

Urina pallida, turbida, organa, digestioni inservientia, justo robore carere, salivam autem, bilem, cæterosque, ad rem pertinentes, humores, multum de dissolvendi atque assimilandi facultatibus amissse, commonstrat: unde chylus crudus & indigestus, pri-

mitivas alimentorum, ex quibus confectus est, proprietates nimium retinens, in sanguinem desertur. Quæ in quibus sunt, quontam in his primas vias pituita glutinosa, vermium generationi savens, obsidet: ideireo urmam pallidam, turbidam, pro vermium

signo habere licet.

Urina rubicunda, vel valde tincta, sed in qua nihil fubfidit, corpus, vel exercitatione acriore, vel commotione febrili, nimis excalefactum esse, testatur. Color enim urinæ ab olei, in ipsa contenti, copia potissimum dependere statuitur. Aucta autem circuitus humorum velocitate, perpetuum est, plus olei ex cellulis, quibus adeps innatat, resorberi, adeoque, si oleum cum fanguine proportione non æqua mixtum est, urina id necessario participat, coloremque intentiorem, quam in hominibus, absoluta sanitate fruentibus, induit. Itaque talis urina plerumque in morbis febrilibus apparet, hoc est, quamdiu strictura spasmodica persistit. Rebus enim in crisin lætam vertentibus, ac fanguine ab acribus istis, quæ irritationem fovebant, liberato, urina ita oneratur, ut oleum salesque dissolutos diutius retinere non polsit, sed plurimum sedimenti in matulæ fundo deponat.

Experimenta LANGRISHIANA hanc rem satis dilucide explicant. Ex his enim patet, si urina hominis sanissimi in 512 partes dividatur, analysique chemicæ sinbjiciatur, 494 ab aqua, 12 a salibus terraque, inter se mixtis, 5 a salibus sinceris, I tantum ab oleo, essici. Insigniter autem hæc elementorum proportio discrepabat in urina adolescentis, sebre acuta laborantis, quam delirium, aliaque prava symptomata, usque ad diem octavum comitabantur, quo sudor moderatus erumpebat, multumque sedimentum in urina dejiciebatur. Hîc enim ex illis 512 partibus tantum 484 aqua, 12 sales, cum terra mixti,

11 sales sinceri, 3 oleum erant.

Ex hac differentia inter fani hominis urinam, &

eam, que sub sebris decessione redditur, evidenter perspicimus commoda, que ab urina sic onerata, ut copiosum sedimentum deponat, exspectare licet. Particulas quippe salinas atque oleosas, que, dum in sanguine remanent, turbatos solidorum vivorum motus etiam magis turbant, nunc eliminari, stricturam spasmodicam resolvi, humorumque circuitum libertati & æquabilitati restitui, denotat.

Co'or sedimenti suidorum conditionem indicat. Sic sedimentum slavum bilis in intestinum duodenum

effusionem quodammodo interruptam ostendit.

Sedimentum nigrum, totam humorum universitatem in putredinem vergere, significat, ac pro pessimo habetur signo, quum in sis tantum morbis appareat, in quibus acrimonia quædam putrida sanguinis

crasia jam insigniter dissolvit.

Magna fedimenti pallidi, glutinofi, copia, partium folidarum laxitatem, humorumque crudorum & indigestorum abundanriam, non in primis folum viis, fed etiam in universa fluidorum massa, denotat, adeoque, in quocumque morbo apparet, eum longum fore, prænuntiar. Hæc urina fæpe in febribus intermittentibus conspicitur. Sed pejus etiam in his signum est, urinam in accessionum intervallis, quamvis valde tinctam, limpidam tamen manere, nec quidquam in ea subsidere, siquidem probabiliter inde colligere licet, febrem intermittentem in continuam esse degeneraturam. Sedimentum, laterum contritorum pulveri simile, (latericium vulgo nominant) in hydropicorum urina reperitur, quæ parce reddi confuevit. Idemque nonnunquam eorum, qui febribus hecticis, vel intermittentibus, laborant, urinæ exibent: sed in his malus fere morbi exitus ab eo portenditur.

Ubi sebris non est, & multa tamen in urina subsidunt, systematis cholepoetici obstructio significatur.

Si in uriuæ superficie quædam pinguia, oleo si-milia, innatant, scire licet, corpus colliquescere.

Quum enim ab oleo, in telæ cellulofæ interstitiis deposito, gratus ille corporis nitor, carniumque plenitudo, dependeat, necessarium est, ut, si illud præter naturam resorbeatur, aut in sanguine retineatur, nec inde separetur, atque in tela cellulosa deponatur, corpus concidat.

Multa materia terrena, vasis, lotium continentis, lateribus adhærescens, vel ad fundum subsidens, lithiasin, vel corporis ad calculos generandos proclivitatem, arguit, magisque, si sabulum, vel arenulæ,

in sedimento sunt.

Parvæ crystalli salis subsusci, in urinæ superficie collectæ, vel matulæ lateribus adhærentes, acrimoniam arthriticam, vel rheumatismaticam, indicant, ac sæpe in febribus, quibus rheumatismus se associat, observantur.

Pus, urinæ permixtum, renum, vesicæ, vel glan-

dulæ prostatæ, exulcerationem denotat.

Multus mucus glutinosus, cum urina excretus, superficiem vesicæ internam a calculo, aliave qua re

lædente, vehementer irritari, ostendit.

Urina fanguinolenta calculi asperi atque inæqualis index est: sed oriri pariter potest a fanguinis crasi disfoluta, vel a vasis renum sanguiseris relaxatis, aut casu quodam violento disruptis, sive ictus aliquis est, sive ex alto cecidit, sive grave onus levavit. Utrum urina, eatenus rubens, ut sanguinis colorem referat, sanguinem vere admixtum habeat, nec ne, sacile dignosci potest, si linteum ei immergas, quod genuinum colorem illico prodit, vel si illam in vitro calcfacias. Si sanguis urinæ immixtus est, calefactus concrescit, & in grumos cogitur: sin rubor ab aliis causis dependet, urina calefacta potius limpidior evadit, neque grumos exhibet.

Hæc præcipua signa sunt, quæ urina suppeditat: sed iis non magis fidendum est, quam his, quæ ex pulsu desumuntur, nisi cum omnibus reliquis, quæ

in ægroto apparent, comparentur. Quod si, exempli gratia, ad ægrum vocamur, qui multam urinam pallidam, limpidam, profudit, curiose examinare debemus, utrum systema nervosum, an vasculare, aliquo modo sit turbatum. Si systema nervosum affectum, vasculare autem parum, aut omnino non, turbatum inveniamus, symptoma illud hystericum, vel hypochondriacum, adeoque minime terribile esse, judicare licet. Sin vero systema vasculare insigniter turbatum, ægrumque sebre laborantem, reperiamus, pallida ista & limpida urina, ob rationes, supra allatas, pejora symptomata exspectanda esse, denuntiat.

CAPUT VIII.

Signa ex sudore.

UAMQUAM urina totius humorum universitatis conditionem nonnunquam satis clare indicat: clarius tamen eamdem significat sudor, qui humor magis elaboratus est, quum urina sæpe numero nihil fere, nisi potionem ingestam, exhibeat.

Veteres magnum in eo momentum posuerunt, ut ægrotantium sudores olsactu, imo ipso gustu, explorarentur. Sed, quod ad posteriorem examinandi modum attinet, vehementer dubitamus, an multi

recentiorum illos imitaturi fint.

Materiam sudoris vulgaris humor perspirabilis, valde auctus, constituit, cui olei limphæque, subter cutem collocatæ, portio quædam admissetur: qui humores vel motu sanguinis incitato expelluntur, vel per cuticulæ poros, nimium laxatos, exsudant.

Elementa tamen hujus excrementi ab iis, unde urina constat, proxime absunt, præterquam quod sudor plus olei continet, utpote a sanguine tum de-

mum separatus, posteaquam vasorum actionem multo magis perpessus est, ejusque elementa multo arc-

tius concorporata funt.

Regulæ, quas HIPPOCRATES de sudorum in sebribus observatione tradidit, etiam nunc verze censentur, ideoque a seculis ad secula transmissa, atque ex charta in papyrum transcriptæ sunt. Constanti observatione compertum est, selicem morbi exitum ab his sudoribus prænuntiari, qui eodem tempore, quo sedimentum in urina apparet, pulsusque ex frequenti & duro tranquillus & mollis fit, erumpant, neque singularum partium, sed totius corporis, sint, ægrumque ponderis opprimentis fenfu levent. Tales fudores pro falutaribus habentur, morbique decefsionem significant, magisque, si die febris tertio, quinto, septimo, nono, undecimo, quarto decimo, decimo septimo, vel vicesimo primo, profluere cœperint. His enim fere diebus, uti fupra jam diximus, faustæ morborum conversiones evenire observatæ funt. Mali contra atque inutiles existimantur fudores, qui aliis, quam quos diximus, diebus, ac fine fignis coctionis, in urina apparentibus, ita emergunt, ut alvus adstricta, pulsus durus & frequens, ægerque in præcordiorum oppressione atque agrypnia, vel in magno dolore, maneat. Tales enim sudores morbi vehementiam, magnamque molestiam & anxieratem internam, præfertim circa partem, cæteris uberius insudantem, produnt.

Nimii sudores, sive in sebribus continuis, sive in intermittentibus essus, si continuentur, solidas partes debilitatas, humores autem crudos atque indigestos, quorum elementa non rite inter se commixta & concorporata sint, indicant. Arguunt etiam organorum, digestioni inservientium, debilitatem, vel somitem quemdam in corpore, a jecinore, aliove quo viscere, corrupto, aut exulcerato, oriundum. De signis, ex sudorum odore capiendis, supra jam

locuti sumus.

C A P U T IX.

Signa ex alvi excrementis, vomituque, & anacatharfi.

ALVI excrementa æque utiliter, ac sudores atque

urina, examinantur.

Quum color fecum alvinarum a bile potissimum dependeat, dejectiones albæ, vel cineraceæ, viam ductus communis in intestinum duodenum obstructam, aut necessarii hujus humoris secretionem interruptam, denotant. E contrario alvus admodum susca bilis exsuperantiam testatur.

Dejectiones virides, infantibus lactentibus, atque interdum hystericis, vel hypochondriacis, familia, res, faburram acidam, in primis viis accumulatam, indicant, quæ, cum bile permixta, fæces hoc co-

lore tingit.

Dejectiones cruentæ, quibus cruor multus, & sine torminibus, descendit, sanguinem ex intestini recti, partiumve vicinarum, vasis profluere, ostendunt.

Alvus nigra, fœtorem putridum redolens, omnium maxime terribilis est, utpote corruptionis internæ atque gangrænæ testimonium. Ac, si pulsus concidat, vires desiciant, frigidique sudores prorumpant, scire licet, mortem in propinquo esse.

Dejectiones mucosæ organorum, digestioni inservientium, debilitatem, vermiumque præsentiam,

arguunt.

Alvus aquosa, acrem quamdam atque irritantem materiam in canali cibali hærere, significat. Oriri etiam potest a sola laxitate tubulorum, siquorem intestinalem suppeditantium, vel, quod sæpe in provectæ ætatis hominibus accidit, ab induratis atque infartis glandulis mesentericis, vel ab alia quadam

excretione, maximeque perspiratione, suppressa.

Nimia fæcum alvinarum duritia nimium calorem internum; alias muci, intestinorum canalem lubricantis, vel bilis, eumdem stimulantis, desectum denotat.

Alvi dejectiones sæpe numero vehementer turbantur, inordinatæque evadunt, a causis mere nervosis, & animi affectibus. Quum enim totus intestinorum canalis copiosis nervis instructus sit, sieri non potest, quin, turbata hac solidorum vivorum parte, una pariterque afficiatur. Atque hinc sit, ut probono signo in morbis habeatur, alvi conditionem eamdem manere quæ secunda valetudine esse cousuevit, siquidem, systema nervosum parum, aut plane non, turbatum affectumve esse, inde-colligere licet.

Idem de ventriculo, ciborumque appetentia, dici potest. Quamdiu hæc constat, motus solidorum vivorum magnopere turbati esse nequeunt. Humores autem crassiores nihilominus valde vitiatos, ac sanguinem vehementer corruptum esse posse, dirus ille morbus, qui scorbutus putridus nominatur, demonstrat. In plerisque enim, qui eo laborant, ciborum appetentia ad extremum sere vitæ halitum

constare observatur.

Materia flava, vomitu copiose rejecta, nimiam bilis abundantiam; viridis saburram acidam acerrimam, in ventriculo accumulatam, magnamque systematis nervosi perturbationem, significat. Vomitus cruentus ravo ab alia causa, quam a mensibus suppressis, oritur, ac satis certa vitii hujus nota esse reperitur. Sed materiæ nigræ & grave olentis vomitus in morbis acutis pro signo mortis imminentis haberi potest, ut qui vix aliunde, nisi ab interiorum partium gangræna, proficiscatur. Pituitæ, vel muci glutinosi atque insipidi, vomitus insignem ventriculi debilitatem testatur, perspicueque remediorum astringentium amarorum usum requirit.

Quod ad figna, ab anacatharfi, sputorumque, e pulmonibus rejectorum, conditione, repetenda, attinet, si magna copia phlegmatis, vel muci tenacioris, fine magna difficultate, aut magno dolore, extussitur, scire licet, glandulas mucosas, per pulmones dispersas, præter naturam relaxatas esse: sin autem exiguum tantummodo phlegma album, foumans, post vehementem tustim, cum perpetua spirandi difficultate conjunctam, rejicitur, duritiam, vel scirrhum, in glandulis illis, quas diximus, merito suspicamur. Puris sputum pulmonum exulcerationem evidenter demonstrat. Sanguis fincerus, floridus, spumans, pleno ore rejectus, quædam ex valis pulmonum languiseris discupta esse, ostendit: fin autem fanguis cum pure, vel muco, permixtus tantum est, suspicari licet, eum ex vasis nimium relaxatis, vel debilitatis, exire.

CAPUT X.

Summa Prognosticorum HIPPOCRATIS.

IN præsagiendis universe morborum eventibus unum Hippocratem adeo excelluisse, ut nennnem, qui post ipsum hanc artis nostræ particulam agitavit, non longe superet, apud omnes in confecto est. Atque hoc ipso quoque potissimum nomme opera ejus tantam auctoritatem consecuta sunt. Quare Lectoribus nostris haud ingrata fore confidimus, quæ ex Lindenii Meletematibus medicina Hippocratica, libro in perpaucorum manibus versante, excerpta, hic subjiciemus. Magna enim cum diligentia vir ille doctissimus ex libris Hippocratis loca, huc spectantia, collegit, atque in duabus columnis, ex adverso positis, descriptit, ut uno obtutu Tom. I.

hinc figna bona, felicem morbi exitum pollicentia, inde mala, periculum, vel ipsam mortem, minitantia, conspicere liceat.

SIGNA.

BONA.

MALA.

T.

T.

Ratione quovis in morbo valere.

Ratione non valere - Delirare, in primis fractis viribus, aut sensim ferociter, aut cum tremore, spirituve difficili, & sudore, aut singultu - Præter confuetudinem responsum dare ferox, aut audax: loqui multum, aut raro, aut nunquam: per vices multum loqui, & obstinate tacere, aliudve non solitum facere - Frequenter & frustra screare; sputare; ori manum admovere; muscas venari; festucas colligere; de stragulis floccos, aut de pariete paleas, carpere -Familiares non agnofcere - Oblivisci eorum, quæ geruntur.

II.

II.

Somnum bene cape- Somnum non bene

BONA.

MALA.

re — Interdiu vigilare, noctu dormire, aut faltem mane ad tertiam diei partem — Somnus profundus & compositus, & qui quovis in morbo prosit, desirium sedet, convulsionem solvat — Expergisci suaviter.

capere — Dormiendi ratio, quod ad tempus, aut modum, mutata — Non dormire, non noctu, non interdiu — Somnus, qui noxiam afferat: qui foporofus, aut turbulentus est — Expergefieri turbulente, & cum considentia — Dormire, palpebris non satis commiss, aut oculorum albo, magis, minus, apparente, vel hiante semper ore.

TTT.

III.

Videre bene.

Non videre — Oculos obserari; perfringi; hebescere; obtundi; caligare; vertigine tenebricola tentari; lucem splendoremve sugere, vel averfari; fixis intueri; frequenter agitare.

IV.

IV.

Audire bene.

Non audire, aut obtufe, aut inæqualiter: furdum fieri.

Q 2

BONA.

MALA.

V.

 V_{\bullet}

Sentire bene.

Non sentire, nedum dolentes dolorem-Torpor, in contraria celeriter permutatus — Dolor capitis pertinax : auris intentus: cervicis: faucium fine tumore pufillus & strangulans: in pectore fixus cum torpore: oris ventriculi: præcordiorum cum impotentia loquendi : circa viscera vehemens: circa umbilicum cum palpitatione: lumborum: ex femore: cubiti : genuum : nuum ac pedum.

VI.

VI.

Motus membrorum omnium promptos habere, & simillimos sanis—
Facile se convertere, &, in sublevando se, levem esse.

Motus impotentia —
Jactatio crebra — Difficulter converti, & gravem esse, quum reliquo corpore, tum manibus ac pedibus — Collum vertere non posse— Lingua torpida, aut resoluta — Agitatio ejus difficilis.

BONA.

MALA.

VII.

VII.

'EυΦοςία, quæ in quiete corporis & tranquillitate animi confiltit, & ex utriusvis indolentia procedit.

Δυσφορία, five animi anxietas & æstuatio, corporisque inquietudo, & jactatio, atque disjectio. Tantum mala non est, quam rigor sequitur indicatorius, supervenientibus sudoribus, vel vomitionibus commodis, vel alvo subducta.

VIII.

VIII.

Convulsio, eadem die desinens.

Convulsio omnis, præter propositam — Distorqueri, velut qui vomitione conslictantur — Palpitationes in totum — Perversio labii — Linguæ revulsio tremula — Commansio — Calcium jactatio.

IX.

IX.

Tremores, qui humoribus coctis, & agitari incipientibus, superveniunt. Tremores in principio morborum: aut ex ficcitate in febribus: itemque parvi.

BONA.

MALA.

X.

X.

Sternutatio in morbis, qui ad pulmones non attinent, etiam letalissimis: quin & in doloribus circa caput ac frontem.

Sternutatio in omnibus circa pulmonem morbis.

XI.

XI.

Singultus, quum vomitionem criticam antecedit.

Singultus semper malus, præsertim, si ex inanitione fiat.

XII.

XII.

Horror, postridie repetens in iis, qui horruerunt, & judicatorie exfudarunt.

Horrores crebri ex dorso: crebri & tenues cum sudoribus tenuibus: post fudorem: in doloribus.

XIII.

XIII.

Rigor quotidianus, febre ardente laboranti fuperveniens.

Rigores crebri ex dorfo: continentes: multi cum torpore: cum sopore: cum posteriorum partium distentione: cum æstu: cum perversione oculorum: cum exfolutione virium: cum suppressione urinæ: cum judicatio-

BONA.

MALA.

ne: ægro jam debili: die fexto.

XIV.

XIV.

Vox libera & expedita.

Vocis defectio, in primis cum fingultu, aut exfolutione virium, aut respiratione elata & conspicua, aut ignorantia, aut insania, aut crebro rigore, aut dolore, aut ex dolore, aut post judicationem: quæve speciem præ se convulsionis fert — Obscure loqui.

XV.

XV.

Respiratio facilis: ra-

Respiratio difficilis: crebra: magna & rara: magna & rara: magna & frequens: sublimis: conspicua: minuta: obscura: tussicula: suspiriosa: luctuosa: stertorosa: coacervata: offendens: velut revocata & ingeminata: duplicata: subito revulsa: connulsiva: frigida ex naso & ore: calida: turbida.

BONA.

MALA,

XVI.

XVI.

Virium robur atque constantia.

Virium imbecillitas— Lipothymia — Lipopfychia — Palpitatio cordis.

XVII.

XVII.

Pulsus vehementes, magni, frequentes, rari, undosi, dicroti, æquales, ordinati, adeoque omnes, qui in sanis notari solent.

Pulsus languidi, parvi, concitati, inæquales, inordinati, intermittentes, intercurrentes, myuri, vermiculantes, formicantes, & quotquot a cujusque sani modo longius recesserunt.

XVIII.

XVIII.

Cibum bene appetere, faltem oblatum non recufare, nedum fastidire. Cibum non appetere, etiam oblatum recusare, aut fastidire — Pauco expleri — Belle comedenti corpus non proficere.

XIX.

XIX.

Sitire, quum oportet: aut non fitire, quum non oportet,

Sitire, quum non oportet: aut non fitire, quum oportet — Sitis præter rationem foluta; aut valde urgens; aut crebro

BONA.

MALA.

permutata, five vicibus multa & nulla.

XX.

XX.

Dejectio justa.

Dejectio invita: fallens ægroti fenfum, & clam prodiens: labore frequens, conatu irrita.

XXI.

XXI.

Urina, quum opus est, reddita, & bene tum pro- profluens. cedens.

Urina non recordanti

XXII.

XXII.

Decubitus talis, qualis esse fanis consuevit, scilicet, in latus dextrum, aut finistrum, cervice, manibus, cruribusque reductis,. & corpore toto molliter posito, pedibus item & pectore probe tectis.

Decubitus in ventrem: fupinus, cervice, manibus, pedibusque extentis, & inæqualiter dispersis, aut valde contortis -Ægrum in ipso morbi vigore velle residere, aut ad pedes provolvi, eosve nudos habere.

XXIII.

XXIII.

bribus, aliisve morbis, cumque in morbo præ-

Lacrimæ quibus in fe- Lacrimæ quibus quo-

(C)

BONA.

MALA.

voluntarie profluunt, ab- ter voluntatem effluunt. furdum non est.

XXIV.

XXIV.

Lemas circa oculos non apparere.

Lemæ, aut fordes, circa oculos concretæ.

XXV.

XXV.

Sordes in auribus amara.

Sordes in auribus dulcis.

XXVI.

XXVI.

Sanguinis e naribus fluxiones largæ, septimo, nono, aut quarto decimo die, e directo, & cum fignis coctionis.

Sanguinis e naribus fluxiones parvæ: plures: multæ & vehementes: biliosæ: immodicæ: meracæ: repentinæ: æstivo, & auctumnali tempore: quarto die, aut undecimo: e contrario & adverfa parte: cum signis pravis: stillationes: valde rubicundæ.

XXVII.

XXVII.

Salivatio in fomnis cum fudore.

Salivare mente motos: inter loquendum.

XXVIII.

31

XXVIII.

Sputa, cujus modi in

Sputa fanorum diffimil-

BONA.

fanis, insipida videlicet, alba, levia, æqualia, neque tenuia nimis, neque crassa, quæque prompte & facile exspuuntur, quæque levitas & fastidii cesfatio sequuntur—A capite crassa, nec olentia—A pectore similia puri, permixta bile slava, non multo sanguine, mucosa fuliginosa, quæ colorantur, & cito maturantur, & facile egeruntur.

XXIX.

Vomitus mixtus ex bile & pituita, non multus, non crassus, aut cujus modi sponte fieri solet.

MALA.

lima — A faucibus diu cruda: subarida: crebra: viscida, crassa, exalbida, vieducta—A pectore biliosa & purulenta: candida, glutinosa, flava, rusa, sincera, viridia, nigra, valde sanguinolenta, æruginosa, spumosa, viscosa, livida, fætida, dulcia, tarde, aut difficulter prodeuntia, dolorem non sedantia, rotunda.

XXIX.

Vomitus meracus: varius, tum alias, tum fi fefe mutuo confequentur: biliofus, porraceus: æruginofus: viridis, niger, lividus, ruber, aut omnium colorum: ater: fauguinolentus: malus, fupputris & fætidi odoris: exiguus biliofus: parvus & frequenter repetens: anxiofus.

XXX.

Dejectio mollis, figu-

XXX.

Dejectio cita. Sed ne

BONA.

MALA.

rata, atque eodem fere tempore, quo fecunda valetudine affuevit, modoque conveniens his, qua assumuntur. Aut liquida, non stridens, neque crebro, neque paulatim secedens, sed bis, ant ter interdiu, noctu semel, plus tamen prima luce, pro confuetudine cujufque, & crassior a morbo, ad judicationem eunte, & aliquatenus fulva, five subrufa, nec dum præter naturam olens.

hæc quidem terrere protinus debet, si matutinis temporibus coacta magis est, aut si, procedente tempore, paulatim contrahitur, & rufa est, neque foeditate odoris similem alvum fani hominis excedit. Terribilis contra omnis æruginofa; alba; aquosa; atra; bile abunde colorata; biliofa cum efflorescentia spumósa; candicans; circum biliofa; cruenta; decolor valde; exigua; farinæ fimilis & stercorosa; fœtida; abunde, fermentata; friabilis; glutinosa; grave olens; levis; larga; limosa; li-, quida; livida; maculis nigris distincta; meraca; multa cum nigris; nigra; pallida cum virore; perfrigerans, pinguis; pituitosa; porracea; prærubra; fanguinis splendidi, aut grumosi; sicca, neque cohærens; spumosa; stercoracea; strigmentosa; fubcrocea; fubfriabilis liquida; fubpallida cum vi-

BONA.

MALA.

rore; subpituitosa; sub rubra; tenuis; varia, sive simul inter se mixta, sive per vices prodeant; cum sedimento aqueo & pallido virescente, aut limoso & sublivido, aut purulento, eoque puro, aut cruentis ramentisve mixto.

XXXI.

Urinæ mediocres, & pro ratione crassescentes—Colore citrinæ; subrubicundæ—Sedimentum album, leve, æquale, toto tempore judicationis; subrubrum & leve in urina simili; multum—
'Equistescor rubrum, cito apparens—Nubecula alba, & deorsum vergens.

XXXI.

Urinæ aquosæ: biliofæ: crassæ primum, deinde tenues : crudæ : cruentæ: albæ, pellucidæ, tenues: turbatæ cum sudore: turbidæ, jumentorum instar - Colore albæ: præfertim valde æruginofæ: fulvæ: nigræ: rubicundæ valde - Odore fætidæ - Sedimentum, instar crassioris farinæ, fquamularum, ferfurum; genituræ simile - Nubecula nigra: furfum lata — Contentum pingue & instar araneæ: arenofum: pelliculofum: purulentum.

BONA.

MALA.

XXXII.

XXXII.

Sudores, qui cœperint die tertio, quinto, septimo, nono, undecimo, decimo septimo, vicesimo primo, vicesimo septimo, tricesimo primo, & tricesimo quarto. Ii enim sudores morbos judicant, præsertim, si ex toto corpore profluent calidi & tenues, fiuntque in somnis cum suposta.

Sudores, qui aliis, quam recensitis, dicbus, aut intempestive, fiunt: multi & frigidi: continui, & multum debilitantes: multi cum acutis sebribus, aut repentina impotentia acervati in convulsionibus, circa caput, faciem & collum: circa frontem grave olens: a fronte incipiens: cica pedes & crura.

XXXIII.

XXXIII.

Pus album, leve, æquale, & quam minime grave olens: ejusdem coloris, atque expers pituitæ. Pus lividum, aut ex pallido virescens: subcruentum: pituitosum: spumans: qualis amurca: lutulentum & grave olens: ad fundum subsidens.

XXXIV.

XXXIV.

Lumbricos descendere, eunte morbo ad crisin.

Lumbricos per os exi-

XXXV.

XXXV.

Flatus, fine fonitu ac crepitu exiens.

Flatus non erumpere, fed revolvi, aut cum fonitu prodire.

SEMIOLOGIA.

S I G N A.

BONA.

MALA.

XXXVI.

XXXVI.

Corpus totum æqualiter calidum esse ac molle — Icterus die septimo, aut nono, aut undecimo, aut quarto decimo, superveniens, citra duritiem hypochondrii dextri. Corpus totum grave: frigidum: mortiferum: febricitantium non omnino leviter constare sibi, nec minui, aut etiam plus æquo colliquesieri— Icterus superveniens, duro hypochondrio.

XXXVII.

XXXVII.

Facies bene valentium similis: in magnis morbis constans: ex tumida facta depressa.

Faciei color alius a naturali, utpote pallidus, niger, lividus, aut plumbeus: bonus cum vultu tetrico: cum mæstitia: cum inediis: flammeus cum sudore— Facies bene habita in febribus; aut in parvis morbis prava; tristis; circumtenta & contracta; corrupta.

XXXVIII.

XXXVIII.

Frons fanorum fimillima. Frons dura, intenta, arida; contracta; frigida; venæ circa eam tumidæ.

XXXIX.

XXXIX.

Oculi albi, clari, lucidi, & omnino fanorum

Oculi rubicundi, squallentes, obscuri, tumidi,

BONA.

MALA

fimillimi—Album ex nigro aut livido clarum fieri. aut venulæ in albo livefcentes, aut nigricantes: alter altero minor;
concavi; colorati, natantes, velut dormitantium;
pulvere obliti; expressi foras; intente splendentes;
ferocientes; sicci; arcscentes, sicut spuma; subapparitiones in somnis.

XL.

Palpebræ naturaliter constitutæ.

XL.

Palpebræ livescentes; perversæ; circumtentæ; non commissæ; aut commissis, aliquid ex albo subapparere — Cilia retorta.

XLI.

Aures naturaliter habentes. XLI.

Aures frigidæ, pellucidæ, contractæ: extremitates earum inverfæ—
Aurium rubores, fonitus, aut tinnitus.

XLII.

XLII.

Tempora sanis similia.

Tempora collapsa.

BONA.

MALA

XLIII.

XLIII.

Nasus sano similis.

Nasus lividus: pallidus: acutus: perversus.

XLIV.

XLIV.

Malæ, quales esse sano solebant.

Malarum rubor — In malas & labia, dormientium inftar, inflare.

XLV.

XLV.

Labia sese, ut in sano, habentia.

Labia perversa; resoluta & pendula; frigida; exalbida; livescentia.

XLVI.

XLVI.

Dentes puros manere.

Dentibus lentores obnascentes: stridere: siderari.

XLVII.

XLVII.

Lingua recte se habens: non decolor; aut biliosa: aut ejus bisulcum, velut faliva alba, obductum, Lingua adusta: æstuofa: ardens: arida: aspera & valde densa: bulla sublivida in ea apparens: combusta: densa & valde arida: suliginosa arida: horrida statim: postea exasperata, fissaque: livida: mollis præter ratio-

BONA.

MALA.

nem: nigricans: obscura peripneumonica: pallida albicans: rubicunda reficcata: ficca: cum efflorefcentia aspera, pallida, & albicante.

XLVIII.

XLVIII.

Fauces humidæ, & naturali modo constitutæ.

Fauces exulceratæ.

XLIX.

Collum durum : perfrigescens.

XLIX.

Collum rubere, præfertim in anginosis.

L.

L.

Hypochondria mollia: zqualia, & doloris expertia.

Hypochondria intenta, & inæqualiter affecta dextra ad finistra, aut inflammata, aut pulsatio in iis, aut tumor durus & dolens: fublimia.

LI.

LI.

Venter mollis, & bene tumidus - Partes, quæ ad umbilicum & imum ventrem funt, craffitudinem habere.

Venter in tumorem sublatus: valde calidus, aut ardens, velut in volvulis — Æstus circa ventriculum vehemens.

BONA.

MALA

LII.

[. LII.

Genitale & testes naturaliter penduli. Genitale & testes sursum contracti.

LIII.

II. LIII.

Extrema calida, & naturaliter habentia. Extrema frigida: livida: fublivida: non recalefcentia: in utrumque

celeriter mutata — Èxterna algere, interna uri.

LIV.

LIV.

Manus modice calidæ, & quales fanis esse consue-

Manus frigidæ, velut congelatæ: macula livida circa illam — Carpus extimus frigens, brachio & manu tepentibus.

LV.

LV.

Pedes moderate calidi, Pedes non admodum calidi: calidi in horrori-bant.

Pedes non admodum calidi: calidi in horrori-bus: frigidi: frigidi inf-

tar lapidis: lividi: omnino nigri: tepidi.

LVI.

naturalibus fi- Ungues lividi: curvi.

Ungues naturalibus si-millimi.

LVII. LVII.

Cutis mollis, & bene Cutis arida.

R 2

LVI.

Propositis, quæ ægrotantibus aut spem promittunt, aut metum portendunt, superest, ut & ea, quæ mortem denuntiant, proponamus. Ea vero quasi duûm generum sunt. Quædam namque suturam,

quædam præsentem mortem testantur.

Futura denuntiatur, ubi æger supinus cubat, eique genua contracta sunt: ubi deorsum ad pedes subinde delabitur: ubi brachia & crura nudat, & inæquabiliter dispergit, neque iis calor subest: ubi hiat: ubi assidue dormit: ubi is, qui mentis suæ non est, neque id sacere sanus solet, dentibus stridet: ubi ulcus, quod aut ante, aut in ipso morbo, natum est, aridum, & ant pallidum, aut lividum, factum est.

Illa quoque mortis indicia sunt, carpi frigidi: ungues digitique pallidi: frigidus spiritus: aut si manibus quis in febre, & acuto morbo, vel insania, pulmonisve dolore, vel capitis, in veste sloccos legit, simbriasve diducit, vel in adjuncto pariete, si qua

minuta eminent, carpit.

Dolores etiam, circa coxas, & inferiores partes, orti, si ad viscera transferunt, subitoque desierunt, mortem subesse, testantur, magisque, si alia quo-

que signa accesserunt.

Neque is servari potest, qui sine ullo tumore se-bricitans, subito strangulatur, aut devorare salivam suam non potest, cuive in eodem sebris corporisque habitu cervix convertitur, sic, ut devorare æque nihil possit: aut cui simul & continua febris, & ultima corporis infirmitas est: aut cui, sebre non quiescente, exterior pars friget, interior sic calet, ut etiam sitim faciat: aut qui, sebre æque non quiescente, simul & delirio, & spirandi difficultate vexatur: aut qui, epoto veratro, exceptus distentione nervorum est: aut qui ebrius obmutuit. Is enim sere, adjecta nervorum distentione, consumitur, nisi aut sebris accessit, aut eo tempore, quo ebrietas solvi debet, loqui cœpit.

Mulier quoque gravida acuto morbo facile consumitur: & is, cui somnus dolorem auget: & cui protinus, in recenti morbo, bilis atra, vel infra, vel supra, se ostendit: cuive alterutro modo se prompsit, quum jam longo morbo corpus ejus esset extenuatum & affectum.

Sputum etiam biliosum, & purulentum, sive separatim ista, sive mixta proveniunt, interitus periculum ostendunt. Ac, si circa septimum diem tale esse cœpit, proximum est, ut is circa decimum quartum diem decedat, nisi alia signa meliora pejorave accesserint, quæ quo leviora graviorave subsecuta sunt, eo vel seriorem mortem, vel maturiorem, denuntiant.

Sudor quoque frigidus in acuta febre pestiferus est: atque in omni morbo vomitus, qui varius, & multorum colorum est, præcipueque, si malus in hoc odor est.

Ac sanguinem quoque in febre vomuisse, pesti-

ferum est.

Urina vero rubra & tenuis in magna cruditate esse consuevit, & sæpe ante, quam spatio maturescat, hominem rapit. Itaque, si talis diutius permanet, periculum mortis ostendit. Pessima tamen est, præcipueque mortisera, nigra, crassa, mali odoris. Atque in viris quidem & mulieribus talis deterrima est:

in pueris vero, quæ tenuis & diluta est.

Alvus quoque varia pestifera est, quæ strigmentum, sanguinem, bilem, viride aliquid, modo diversis temporibus, modo simul, & in mixtura quadam, discreta tamen, repræsentat. Sed hæc quidem potest paulo diutius trahere. In præcipiti vero jam esse denuntiat, quæ liquida, eademque vel nigra, vel pallida, vel pinguis est, utique, si magna sæditas odoris accessit.

Præsentem mortem, sive ad ultima ventum esse, testantur nares acutæ, collapsa tempora, oculi con-

 \mathbf{R}

cavi, frigidæ languidæque aures, & imis partibus leniter versæ, cutis circa frontem dura & intenta, color aut niger, aut perpallidus, multoque magis, si ita hæc funt, ut neque vigilia præcefferit, neque ventris resolutio, neque inedia: ex quibus causis interdum hæc species oritur, sed uno die finitur. Itaque, diurius durans, mortis index est. Si vero in morbo vetere jam triduo talis est, in propinguo mors est: magisque, si præter hæc oculi quoque lumen refugiunt, & illacrimant; quæque in iis alba esse debent, rubescunt; atque in iisdem venulæ pallent; picuitaque, in iis innatans, novissime angulis inhærescit; alterque ex his minor est; iique aut vehementer subsederunt, aut facti tumidiores sunt; perque fomnum palpebræ non committuntur, sed inter has ex albo oculorum aliquid apparet, neque id fluens alvus expressit; exdemque palpebræ pallent, & idem pallor labra & nares decolorat: eademque labra & nares, oculique, & palpebræ, & fupercilia, aliquave ex his, pervertuntur; isque propter imbecillitatem jam non audit, aut non videt, & pulsus formicatur, ac deficit, & respiratio in pulmone primum, mox gutture, stridet *).

*) Quæ de mortis indiciis hîc proponuntur, paucissmis exceptis, repetita sunt ex A. Cornelli Celsi Lib. II, Cap. VI.



INTRODUCTIONIS METHODICÆ

IN

THEORIAM MEDICINÆ

LIBER VI.

Generalis sanitatem tuendi methodus.

CAPUT I.

Quomodo valetudinarii se gerere debeant.

LLAM medicinæ partem, quæ, quomodo sanitas tuenda, morbisque occurrendum sit, docet, vulgo ad eos tantum, qui absoluta sanitate fruuntur, tutique a morbis sunt, pertinere existimant. Sed hoc hominum genus raro medentis consilium aut petit, aut ei auscultat. Hygienen itaque (hoc enim nomine pars illa medicinæ appellatur) potius ad valetudinarios referri oportet, hoc est, eos, qui, licet quum maxime non ægrotent, abunde tamen causarum habent, cur morbos sibi timeant. Quamobrem præceptis illis sic utendum est, ut corporis ad morbos proclivitas corrigatur, variæque illæ res, quas causas morborum remotas, sive possibiles, esse docuimus, arceantur.

Si modum, quo scriptores systematici temperamentorum mentionem facere solent, tecum reputes, in ea opinione esse videntur, ut ex singulis corporum constitutionibus nullam inveniri existiment, quin ad unum quodpiam quatuor illorum temperamentorum referenda sit. Sed hoc vix, aut plane non, locum habere potest, siquidem plerorumque omnium corporum constitutio notas tam parum dilucidas & distinctas habet, ut difficile dictu sit, ad quod temperamentum pertineat.

Si qui funt, in quibus evidenter appareat, aut

1) fibra nimis robusta ac rigida, cum nimia sensibilitate, aut

2) fibra debilis & laxa, cum nimia fensibilita-

te aut

3) fibra nimis robusta, cum exigua sensibili-

tate, aut

4) exigua fensibilitas, cum fibra debili, & laxa conjuncta: si tales igitur nobis occurrunt, eo magis minusve valetudinarios esse, judicare debemus, quorum status postulet, ut ad conditiones istas morbificas singulari quadam cura attendatur, ne in morbos,

temperamentis illis cognatos, incidant.

Primi temperamenti homines quum febribus continuis, præcipueque inflammatoriis, obnoxii sint, sanitatem hac ratione tuebuntur, si temperantiam & moderationem tum in victu, tum in corporis exercitatione, adhibeant, si perpotationes studiose vitent, ac follicite caveant, ne qua excretionum naturalium cohibeatur, Iidem evacuationes, nominatim fanguinis detractionem, commode perferunt. Neque tamen is detrahendus est, nisi si vasa adeo oneravit, ut sui deminutionem prorsus desideret, siguidem hoc evacuationis genus, si nimium sit, corporis constitutionem facile in alterum convertit temperamentum, in quo fibrarum robur deficit, sensibilitas redundat.

Hujus vero temperamenti homines doloribus præsertim ac spasmis patent, facileque animo perturbantur: & feminæ quidem, molli delicatoque hoc habitu præditæ, ad hystericos affectus admodum proclives sunt. Sanitatis tuendæ ratio hic in eo consis-

tit, ut partes solidas exercitatione moderata, balneis frigidis, aquis ferraris naturalibus, corroborent, fummaque cura provideant, ne digestionis organa unquam saburra quadam onerentur, quæ flatus generare, aut ventriculi atque intestinorum membranas, exquisitiori sensu præditas, irritare possit: unde ataxia celeriter cum universo systemate nervoso communicaretur. Iidem & ab emeticis, & a catharticis vehementioribus, ficut etiam a fanguinis detractione, nisi quum peropus est, abstinere debent. In primis autem monendi funt, ut quascumque mutationes repentinas, maxime victus & veltitus, fugiant, animumque tranquillum servare omni modo studeant. Hinc eximii illi fructus repetendi sunt, qui in temperamenti hujus homines ex aquis medicamentosis, ad ipsos fontes potis, redundant. Fere enim in his locis, quæ excipiendis valetudinariis dicata atque accommodata funt, curarum vitæque negotiofæ vacuitas obtinet.

Tertii temperamenti homines, qui fibrarum robur nimium, sensibilitatem autem justo minorem habent, ad morbos graves ac periculosos non admodum proclives esse videntur, adeoque vix credibile est, suturum esse, ut de sanitatis tuendæ ratione aut ipsi cogitent, aut Medicorum præceptis salutaribus instruendos se tradant. Cæterum hoc hominum genus omnes evacuationes sacile sustinet, ac nonnunquam requirit, ut nimiæ plenitudini occurratur, quæ ne in cerebri, vel alius cujusdam organi necessarii, opprese

sionem desinat, timeri potest.

At quarti temperamenti homines, in quibus debilitas cum exigua fensibilitate conjungitur, morbis, tædii ac periculi plenis, vel maxime patent, a vasorum absorbentium vi deficiente, atque universi systematis vascularis motu remisso, oriundis, velut polysarciæ, hydropi, ictero, & scorbuto multiplici. Quibus, aliisve sluidorum animalium accumulationibus atque depravationibus ut occurrant, eos generosióre victus ratione, cum acriore corporis exercitatione, uti, diligenterque cavere oportet, ne qua secretio interrumpatur, aut qua excretio naturalis supprimatur. Habitus hujus homines medicamenta purgautia commode perferunt, nec raro desiderant, non minus, quam vomitoria, quæ sæpius necessaria inveniuntur ad exercitationum vices implendas, abdominis viscera agitando, optimeque ad bilis stagnationem, vel muci, digestionem impedientis, ac primas vias obstruentis, accumulationem præcavendam faciunt. Seminum sinapeos, raphani agrestis, similiumque ciborum stimulantium, usus liberalior in hujusce modi torpore mirifice conducit.

Hactenus de solidorum vivorum conditionibus morbificis. Paucis nunc exsequamur, quomodo, qui ab humoribus crassioribus nascuntur morbi,

præcaveri possint.

Universis humoribus ultra sanitatis absolutæ menfuram auctis, plethora, quam vocant, nascitur: ex quo fonte varii generis morbi manare possunt. Quare, ut primum nimia hæc plenitudo languorem ac præcordiorum oppressionem creare incipit, mature curandum est, ut corpus ad justum reducatur modum, alimentis subtrahendis, excretionibus naturalibus augendis, corpore crebrius exercendo, fomnique spatio circumcidendo.

Sin e contrario humores exhausti funt, ut ulterior eorum jactura præpediatur, medicamentis, ventriculum roborantibus, victuque nutriente, utendum est, ita quidem, ut eodem tempore omnes & corpo-

ris, & animi, fatigationes evitentur.

Humores vitiosi vel acrimonia quadam generali, acida, putrida, muriatica, &c. affecti funt, vel peculiaris cujusdam materiæ morbificæ, eamdem morborum speciem, velut arthritidem, rheumatismum, calculum, scorbutum, &c. constanter generantis., figna exhibent.

In infantibus nonnunquam infignem acorem obfervamus, qui non solum in primis viis se manifestat, sed ipsam quoque humorum universitatem contaminare videtur. Qui quum ab intestinorum debilitate oriatur, ad præcavendos sinistros illius effectus, hoc præcipue laborandum est, ut organa, digestioni inservientia, corroborentur, utpote a quorum integritate chyli boni confectio dependet. Exhibendæ funt minutæ portiones rhei barbarici & ferri, sive aquas ferratas naturales, quibus lac adjectum est, quis malit, five flores salis ammoniaci martiales, paucorum granorum pondere, quod cum infantis ætate congruat. Victus ratio ea esse debet, ut nihil, quod acori contrahendo opportunum sit, assumatur. Nec minus acriores corporis exercitationes, cum ventriculi, abdominis, artuumque inferiorum, frictionibus imperandæ funt.

In humorum ad putredinem proclivitate, quam dentes corrupti, gingivæ laxæ, ac fanguine stillantes, vultusque turgidus, & livore decoloratus, commonstrant, victum potissimum ex vegetabilibus recentibus, fructibusque horæis maturis, cum vino modico, constare, cum eoque acriores corporis exercitationes, ac medicamenta amara roborantia, con-

jungi oportet.

In acrimonia muriatica, quam exanthemata scabiosa, sitis immoderata, caloresque sugaces, produnt,
nihil plus valet, quam aquæ sontium sulfuratorum,
quales ad Harrowgate & Mossat in Britannia, vel ad
Lucan & Swadlinbar in Hibernia scaturiunt. Sed sub
usu illarum ea victus ratio esse debet, ut nihil neque
acre, neque quod calorem moveat, assumatur.

Hæc de illis materiæ morbificæ speciebus, quæ non constanter eamdem morbi speciem gignunt, sufficiant. Transeundum nunc est ad eas, quæ naturam habent specificam. Harum nonnullæ sua sponte in corpore generantur, atque a prava victus ratione,

aliisve erroribus, in œconomiæ animalis administratione commiss, proficisci videntur. Atque hinc noxas illarum interdum, si non in totum, at ex parte tamen, præcavere licet. Sic exempla hominum prostant, qui, solo lacte vescentes, arthritidis reversiones submoverunt.

Rheumatismo quoque nonnunquam occurrerunt, qui indusia lanea gestarunt, vel balneis frigidis sine intermissione usi sunt.

Calculum, ne celerius ingrandescat, majoresque molestias pariat, sapo & aqua calcis vivæ pota, vel lixivium saponariorum, ex lacte, aut carnis vitu-

linæ jusculo, sumptum, impedire potest.

Scorbutum putridum arcent vestimenta, majorem calorem foventia, exercitationum acriorum studium perseverantius, vini, vel pomacei, potus, vegetabiliumque salubrium, in locis, huic morbo maxime

opportunis, parabilium, usus liberalior.

In eo corporis habitu, qui proclivitatem ad scrofulas hereditate accepit, si mature cures, ut partes solidæ balneis frigidis, cibis nutrientibus, moderatoque vini potu, corroborentur, veri simile est, acrimoniam, morbi genitricem, sic infringi posse, ne qua noxa gravior corpori inde timenda sit.

Cætera materiæ morbificæ genera, naturam specificam habentia, corpus vel per insectionem, vel

per contagionem, subeunt.

Infectionem, a febre putrida, vel dysenteria, metuendam, commode præcavet emeticum, statim sub prima nauseæ, aut horroris, accessione sumptum. Quod si non satis respondet, latum emplastrum vesicatorium inter scapulas admovendum est. Hac ratione eorum, qui decumbentibus in nosocomiis nauticis ministrant, valetudo sæpe conservata est.

Quod ad contagionis materias attinet, noxæ, quas canis rabioli morsus minatur, balneis frigidis, usuque pulveris cujusdam, qui prioribus Pharmacopus

Londinensis editionibus, sub pulveris antilyssi nomine, insertus suerat, præcaveri posse dicuntur. Sed validius præsidium ab argento vivo sperare licet, si unguentum, inde concinnatum, vulneri minutatim ita insricetur, ut levis quidam ptyelismus oriatur, quem per aliquot hebdomadas sustineri, simulque parti commorsæ exiguum emplastrum vesicatorium imponi, atque ulcus diu apertum servari oportet.

Atque viperæ quoque morsum innoxium reddi affirmarunt, si membro sauciato infrictiones ex adipe viperino, aut vulgari oleo olivarum, adhibeantur. Quidam ex Academiæ regiæ scientiarum Parisinæ Sociis, qui pericula hanc in rem secerant, oleum in viperæ morsu valere negarunt. Experimentorum autem, ab Anglis captorum, successus seliciores suisse, ex Transactionibus philosophicis cognosci potest.

Noxis, quas variæ illæ faburræ species corpori inferre poslunt, in universum occurrendum est medicamentis vomitoriis, circumspecte exhibitis, sollicitaque abstinentia ab iis alimentis, quorum supramentionem fecimus, ubi, quibus ex causis noxia in

canali cibali accumularentur, exposuimus.

Quos acor in ventriculo male habet, vegetabilia cruda, lac, butyrum, aliaque oleosa, sugiant, corporis exercitatione acri, maximeque equitatione, utantur, & a liquoribus fermentatis se abstineant. Potui sit aqua per se, aut aqua, cui pauxillum spiritus ardentis, ex saccharo, vel vino, confecti, adjectum sit. Usus medicamentorum amarorum roborantium, cum elixirio vitrioli acido, a guttis decem ad viginti, ad sibras ventriculi corroborandas, rerumque, in ipso contentarum, expulsionem promovendam, atque una nimis celerem mixturæ alimentariæ sermentationem impediendam, proficiens observatur. Citum levamen sere semper affert magnesia alba, vel creta præparata. Utraque cum saccharo & mucilagine quadam in tabulas, quos morsulos

270 GENERALIA SANITATIS

vocant, effingi, atque ita ab his, qui acida saburra laborant, in vestibus circumferri, ac subinde devo-

rari potest.

In ea corporis constitutione, in qua bilis redundat, vel stagnat, molestusque amaror in ore sentitur, alvus semper aperta servanda est, sic, ut oleum ricini, vel cremor tartari, vel sal aliquis catharticus vulgaris, vel aliqua ex aquis naturalibus purgantibus, par-

va subinde portione sumatur.

Qui faburræ empyreumaticæ, sive rancidæ, opportuni sunt, ab iis omnia oleosa, condimentisque acrioribus largius conspersa, sollicite vitanda sunt. Cibi esse debent simpliciores, a quibus embammata opipara nimiique succi absint. Atque his ipsis non, nisi parcius, vescendum est. Potui commodissime inservit aqua.

CAPUTII.

Quomodo sanis, & bene valentibus, agendum sit.

UAMVIS, temperantiam in universum certissimum sanitatis præsidium esse, dubitari non possit,
veteres tamen Medici, quemadmodum ex Celsi de
fanitate tuenda præceptis apparet, tam saciles suerunt, ut nonnunquam laxiorem victus rationem
commendarent, modumque & in esca, & in potione, excedi permitterent. Sed intemperantia in hac,
quam in illa, tutior est. Quod si ex perpotatione
corpus offensum est, ut insolitum quemdam molestumque dolorem, vel nauseam, sentiat, & sebris
temporaria moveatur, duplici ratione hanc noxam
propulsare licet, vel sic, ut in lecto conquiescas,
ac perspirationem incites, vel sic, ut equum conscendas, atque exercitatione vehementiore corpus in

statum naturalem reducas. Neuter tamen modus peræque in omnibus respondet. Pro corporum enim varietate alium prior, alium posterior, magis juvat. Quam ob rem experimentis quemque in se credere debere existimamus, hoc potius, an illo, utatur.

At fi quis cibis, præcipueque iis, quibus aromata acriora, atque embammata opipara, adjecta funt, nimium se replevit, aquæ frigidæ potio, cui spiritus vitrioli ad gratum acorem instillatus est, ponderis in ventriculo sensum tollit, ciborumque concoctionem adjuvat, fermentationem ipsorum justos intra limites cohibendo, atque ita flatuum nimiorum generationem præpediendo. Glaciei luxuria in Magnatum conviviis hîc vere prodest, ut quæ idem, quod frigida, acore tincta, efficiat. Corpori, cibis nimium repleto, somnus inutilis est: necessaria autem vigilia & exercitatio, cujus finis esse debet ponderis, ventriculum atque pracordia opprimentis, Lenfus sublatus.

Si quibus de causis inediæ necessitas incidit, labor omnis, si fieri potest, vitandus est. Neque ex multa fame nimia fatietas, neque ex nimia fatietate fames idonea est. Item neque ex nimio labore subitum otium, neque ex nimio otio subitus labor tutus est. Denique, quum quis mutare aliquid volet, paulatim debebit assuescere. Quamquam enim corpus humanum ita comparatum est, ut multas mutationes, etiam in deterius factas, fine magno periculo sustinere possit: tamen, si nimis repentinæ istæ fuerint, nunquam graviorem aliquam noxam illi non importabunt.

CELSI quoque monitum est, ut varium vitæ genus habeamus, neque ullis legibus certis nos obligemus. Sed quum vita nimis otiofa corpus debile ac torpidum efficiat; exercitatio autem firmitatem & vigorem ipsi impertiatur: equitatio, deambula-

272 GENERALIA SANITATIS

tio, atque in vehiculo gestatio, non, nisi ex intervallis brevioribus, intermittendæ sunt: quarum vicibus commode exercent arma, pila, vel choreæ, quodcumque genus jucundissimum cuique aptissimumve videbitur, ita tamen, ne vel temporum rationi, vel corporum ad morbos peculiares proclivitati, repugnet. At si corpus per senectutis imbecillitatem nulli exercitationum generi ferendo est, frictiones siccæ, ope peniculi mollioris, necessariæ sunt, quibus humorum per vasa exilissima cursus acceleretur, &, ne suida in telæ cellulosæ, per carnes expansæ, interstitis justo diutius stagnent, præcaveatur.

Somnus magnus ille virium reparator est, siquidem per eum præcipue particulæ nutrientes corpori apponi videntur, ut, quæ labor atque exercitatio diurna detrivit, noctu resarciantur. Sed, qui somno nimium indulgent, gravibus incommodis, corpusæque, ac mentem, afficientibus, patent. Somnus enim justo longior sensuum aciem obtundit, &, ut sluida in systemate cellulari stagnent, efficit: unde polysarcia, ejusque effectus necessarii, languor ac

debilitas, nascuntur.

Opportunum somno tempus nocturnum est, quo tenebræ & silentia eum per se invitant. Ideoque somnus diurnus sere corpus non reficit, ac quosdam, præsertim litterarum cupidos, manisesto lædit, ut qui insolitam ab eo vertiginem atque languorem experiantur. Cæterum vis consuetudinis non raro tanta est, ut somni diurni necessitatem faciat, adeoque eum his, quorum corpora vere recreat, concedi oportet.

De generali victus ratione inter omnes semper constitit, infantibus & junioribus alimenta molliora ac leniora, mediis ætatibus solidiora convenire: in senectute autem cibo demendum, potioni adjicien-

dum esse.

TUENDÆ PRÆSIDIA. 273

Si qui de Lectoribus nostris erunt, qui sanitatis tuendæ præceptis plenius instrui desiderent, iis Cl. Mackenzie Historiam sanitatis commendamus, in qua, quæcumque ab antiquissimis temporibus ad nostram usque memoriam illustrandæ huic medicinæ parti scripta sunt, in compendium missa, exhibentur. Quumque vir laudatus librum illum, annos octoginta natus, ediderit, dubium esse non debet, quin, quid potissimum præcipiendum esset, optime judicare potuerit.



INTRODUCTIONIS METHODICÆ

IN

THEORIAM MEDICINÆ

L I B E R VII.

Therapia generalis.

CAPUTI.

Therapia generalis motuum systematis vascularis inordinatorum, speciatim intentorum.

UEMADMODUM in præcavendis morbis ad conditiones corporum morbificas, causasque illorum remotas: ita in iisdem levandis, vel tollendis, ad causas proximas respiciendum est. Therapiam igitur generalem in eo præcipue versari oportet, ut, quomodo causæ morborum proximæ arceantur, vel removeantur, nos doceat, sive universales illi sint, ex symptomatibus generalibus constantes, sive topici, a singularum corporis partium vitiis dependentes.

Sæpe jam diximus, quindecim illorum fymptomatum generalium, in morbis universalibus prævalentium, causas proximas ad motus systematis vascularis enervosi intentos, perturbatos, remissos, atque interruptos, reduci posse. Unde, quæ curationis indicationes generales esse debeant, facile intelli-

gitur.

Ordiemur a fystemate vasculari, ea proposituri remedia, quibus utendum est, quando motus ejus a

moderatione illa atque æquabilitate, quæ in sanitate

obtinet, desciverunt.

Morbi, ab hac intentione ac perturbatione oriundi, funt febres, inflammationes, & profluvia activa, in quibus arteriarum pulfationes validæ celeresque funt, cum symptomatibus prævalentibus, sensu nimi caloris, siti, præcordiorum oppressione, agrypnia. Ut leventur hi morbi, auxilia petenda sunt a sanguinis missione, ab alvi purgatione, a medicamentis sedantibus, sæpe a vomitu, & a victus ratione tant tenui, quæ cæterorum remediorum essectus adjuvet atque promoveat.*)

*) Quum Lectores nostros in dispensatoriis & libris de materia medica versatos esse ponamus, ea tantum medicamenta composita ac simplicia hic exhibebimus, quæ in quotidianum usum vocantur, quorumque virtutes satis spectatæ atque comprobatæ sunt.

SANGUINIS MISSIO.

Quamquam, in quo robur fibrarum vivarum confistat, certo dicere non possumus: id tamen scimus,
nisi vasa sanguisera penitus repleta sint, ita, ut
æquilibrium inter vim contractilem solidorum, &
vim expandentem suidorum servetur, robur sibrarum muscularium in universum imminui, idque pro
sanguinis, e vasis emissi, modo, atque evacuationis
celeritate.

Robore fibrarum muscularium in universum debilitato, cor quoque, tamquam musculum singularem, viribus suis, quibus sanguinem propellit, non nihil defici, necesse est: unde circuitus humorum languidior evadit, adeoque calor animalis imminuitur. Atque ita facile intelligimus, qua ratione siat, ut sanguis missus corpus refrigeret.

S 2

Observandum vero est, si motus systematis vascularis diutius intentus maneat, plerumque stricturam aliquam spasmodicam obtinere, quæ insolitam cordis & systematis arteriosi irritationem foveat. Quapropter, quamvis misso sanguine, calor molettus esse pergit, nisi eodem tempore, quo sanguis detrahitur, etiam strictura spasmodica solvatur, humorumque per exilissimas arterias transitus naturalem suam libertatem recuperet.

Observandum quoque est, caloris intentionem interdum non tam a circuitu, quam a motu intestino, fanguinis dependere, adeoque corporis refrigerationem tunc frustra ab illius detractione exspectari. Calor iste, ut supra diximus, pejoris notæ febribus putridis proprius est, in quibus arteriarum pulsationes debiliores, quam in fanitate, funt, & fanguinis

missio nunquam non nocet.

Levamen in his morbis nonnunquam affert spiritus vitrioli acidus, si cum potione, qua ægrotus uti consuevit, eo modo misceatur, qui grato illam acore

imbuat.

Patet hinc ratio, cur a sanguinis detractione sebris progreffus tam raro impediatur. Eadem tamen in morborum illorum, qui in nimiis systematis vascularis motibus potissimum consistunt, principiis summam præstat utilitatem, ac vix unquam omitti potelt. Nimios autem istos motus semper ex pulsis cognoscere licet. Quotiescumque igitur in quocumque morbo pulsum frequentem, validum, plenum, cum magno calore, dolore, & præcordiorum oppressione, conjunctum, invenias, sanguinis missio tuta est.

Symptomatibus talibus præsentibus, ipsa in peste sanguinem detraxerim, ait expertissimus HUXHA-

MUS.

Interdum vero, etiamsi pulsus debilis ac parvus est, sanguinis tamen missio omitti haudquaquam potest, velut in peripneumonia, nonnullisque aliis in-

flammationibus internis, quarum signa propria suo loco exhibebimus.

De repetenda sanguinis detractione sequentes ob-

fervari possunt regulæ:

Si, post missum sanguinem, pulsus æque, ut antea, frequens, sed minus validus est, calorque immoderatus, ac præcordiorum oppressio, parum, aut omnino non, imminuuntur, in repetenda sanguinis detractione admodum cauti esse debemus. Facile quippe accidere potest, ut corpus nimis inde debilitetur, tollendæque stricturæ spasmodicæ spes abrunipatur. Quod quam periculosum sit, nemo ignorat. Neque euim, nisi obstaculo hoc penitus remoto, humorum per vasa circuitus pristinæ moderationi, æquabilitati, ac libertati restitui potest.

Quo magis, a detracto sanguine, venæ concidunt, anxietasque ingravescit: hoc magis cavendum est, ne Sanguis ultra mittatur. E contrario, ubicumque sanguinis detractio pulsum potius excitasse, spiritusque difficultatem expedivisse, & ponderis, præcordia opprimentis, fensum levasse animadvertitur, tuto a nobis repeti potest, quousque relique morbi condi-

tiones eam exigere videbuntur.

Quantum sanguinis, & qua in parte, mitti, utrum vasorum genus incidi, quemque detractionis modum adhiberi oporteat, generatim definiri nequit. Nihil enim ex his perpetuum est, sed peculiares rerum conditiones observandæ sunt, quæ nunc certam aliquam venam, nunc arteriam potius, incidi, nunc fanguinem per cucurbitulas, nunc per hirudines, detrahi postulant.

Ubi vehemens quoddam fymptoma, velut summa præcordiorum oppressio, ac spirandi disticultas, sanguinis missionem iterari, vel repeti, desiderat; aliæ autem conditiones; velut ultima virium imbecillitas, िंद. eamdem prohibent: tutiffima agendi ratio hæc est, ut Medicus ministro, venam incidenti, assistat,

pulsumque, dum fanguis profluit, digito explorare pergat. Nam si eum liberiorem, ictusque validiores fieri percipit, tot sanguinis uncias, quot libet, detrahere licet: sin autem tactæ arteriæ pulsationes elanguescunt, protinus sanguis supprimendus, & vena occludenda est.

Qui sub sanguinis missione, erecto corpore sedentes, facile animo linquuntur, molestiam hanc declinare possunt, si, dum sanguis e vena manat, & aliquanto post, supini manibus cruribusque porrectis, jaceant. Fere enim tales hoc temperamento præditisunt, quod simul & summam sensibilitatem, & perexiguum robur, habet. Itaque vasa sanguisera exinanita justo lentius se contrahunt. Æquilibrium autem inter partes continentes atque contentas neutiquam in illis mutari potest, quin citissime id sen-

tiant, vividissimeque inde afficiantur.

Supra ostendimus, cordis & systematis arteriosi robore integro, gravitatis vi attrahenti tam exiguam in motus stuidorum animalium potestatem esse, ut percipi nequeat. Simul atque vero robur illud deminutum est, stuida æque, ac quævis aliæ materiæ crassiores, legibus gravitatis subjecta sunt. Hine in eo, quem descripsimus, corporis habitu, si sanguis detractus robur fibrarum motricium in universum dejecit, vis cordis adeo desicit, ut sanguini, per superiores arteriæ aortæ ramos propellendo non sussiciat, nisi obstaculum, quod a solo pondere sanguinis objicitur, removeatur. Removetur autem, si is, cui vena inciditur, manibus cruribusque porrectis, supinus jacet: ideoque sanguis majore cum libertate vasa permeat.

Quotiescumque sanguinem a parte aliqua, cujus vasa nimium repleta ponuntur, sicut cerebri vasa in phrenitide, pulmonum in peripueumonia: ab ea igitur parte si sanguinem redundantem luculenta quadam ratione aliorsum derivare volumus, opus est,

ut necessaria sanguinis copia tempore, quam sieri potest, minimo detrahatur. In hoc enim summa ad levandos ægrotos vis, summumque momentum positum est: id quod sacili negotio perspiciet, quisquis naturam esfectusque derivationis, supra explicitos, in memoriam sibi revocaverit. Ex quo apparet, si sanguis in his similibusve morbis mittatur, quam necessarium sit, ut vena amplo vulnere, vel binæ venæ simul incidantur.

ALVIPURGATIO.

Alvi purgationes nimios systematis vascularis motus duplici ratione imminuunt, tum, quod insignem suidorum animalium copiam expellunt, coque ipso non tantum fibras motrices in universum, sed in primis etiam cor atque arterias, debilitant, tum, quod canalem cibalem multis rebus acribus & stimulantibus liberant, quæ, ibi commorantes, non possunt non insolitam quamdam irritationem sovere.

Quotiescumque igitur motus systematis vascularis modum naturalem insigniter egrediuntur, perutile est, sanguinis missioni alvi purgationem subjicere, vel sæpius etiam præmittere. Medicamentorum, huc pertinentium, selectum, portionem, exhibendique modum, ex magna conditionum peculiarium, quæ exponi non possunt, varietate definiri oportet. Neque tamen alienum a re fuerit, quæ in usu illo-

rum perpetua sunt, paucis proponere.

Medicamentorum, alvum purgantium, alia lenientia vocantur, quæ illam blande referant, alia draftica, quæ ventrem vehementius fluere cogunt. Actio eorum in hoc consistit, ut fibras intestinorum, exquisitissimo sensu præditas, irritent: quo ipso non tantum motus illarum peristalticus acceleratur, sed muci etiam, vaporisque limphatici, undique in cava intestinorum exeuntis, secretio augetur, præterea-

5 4

que inusitata liquoris pancreatici ac bilis copia a sontibus suis in hunc canalem corrivatur. Ex quo facile judicatu est, quanta humorum vis una purgatione acriore expelli, quantumque de massa universa de-

minui possit.

Medicamenta, alvum purgantia, vario exhibentur confilio. Interdum ideo tantum iis utimur, ut ventrem liberum servemus, &, ne intestinorum canalis nimia fæcum colluvie obruatur, impediamus. Quo si nihil amplius desideratur, blandissima tantum adhibemus, mannam, electuarium e cassia, vel lenitivum, pauca grana rhei barbarici, vel drachmas aliquot olei ricini, aut, si primas vias manifestus acor oblidet, magneliam albam, aut, si exdem pituita glutinosa oppletæ sunt, pauca grana aloës, vel scammonii, cum sapone in pilulam redacta.

At fi canalem intestinorum prorsus exhauriri neceffe est, validiora medicamenta exhibenda funt, quorum five materiam, five, qua præberi posfunt, formam spectes, ingens elt varietas. Ex salibus cæteris præferendi funt sal catharticus, sive mirabilis, Glauberi, sal polychrestus, maximeque Rupellensis, sive Seignettianus, quum ingrato illo sapore careat, qui prioribus proprius est, ac, ne plurium ventriculi eos sine nausea perferant, efficit. Ex vegetabilibus facile tutissima sunt rheum barbaricum & sena, quæ vel in pulveris, vel in boli, vel in infusi, vel in tincturæ, formam redigi possunt.

Si medicamentis, alvum purgantibus, hoc confilio utimur, ut tota humorum universitas infigniter imminuatur, eorumque ad partem aliquam affluxus, magna fluidorum copia semel expulsa, revocetur atque devertatur, aliquod ex drasticis exhiberi debet, quorum tutissimum est, certioremque reliquis effectum habet jalappæ radix, quæ, in pulverem redac-ta, & cum pari nitri pondere mixta, alvum validissime purgat, nec unquam ingentem aquarum vim non dejicit. Quare plurimum valet, ubicumque talis evacuatio necellaria est. Scammonium quoque tutissimum ac potentissimum, eodemque, quo jalappæ radix, aptum medicamentum est: sed, quum sæpe corruptum atque adulteratum inveniatur, minus certos essectus habet. Gutta gambogia, cum cremore tartari trita, a granis duodecim ad viginti exhibita, valentissimum remedium hydradogum est, & præcipue in hydrope proficit. Spinæ cervinæ sirubus etiam valide alvum purgat, sed sacile tormina, multumque nauseæ, excitat. Ad aquas tamen copiosius expellendas in primis valuisse sæpius observatus est.

At ubi intestinorum canalis pituita glutinosa oppletus est, aut sibræ ejus sensum hebetiorem atque obtusiorem habere videntur, ita, ut motum peristalticum magna ex parte intermitti, appareat, aloë præcipue idonea est, vel per se, vel, si quid acrius, majorique stimulo præditum, requiratur, scammonio,

aut colocynthidi, mixta.

In tenerioribus autem, qui magnam sensibilitatem, & vasa sanguisera debilia, habent, medicamentorum, ex aloë compositorum, usus studiose vitandus est. Quibus, si quando alvi purgatione indigent, solum fere rheum barbaricum sine periculi metu exhiberi potest.

CLYSMATA.

Quotics dejectionem a medicamentis, ore sumendis, petere, alienum minusque conveniens est, ad alvi ductionem, sive ad clysmata, consugimus. Quorum usus præcipuus est, ubi nihil aliud, nisi intestina exonerare, sæcumque, mora sua corpori nociturarum, accumulationi occurrere, constitutum habemus, vel, ubi metus est, ne, corpore per medicamentum catharticum turbato, morbus increscat, aut nova quædam incommoda accedant. Atque hoc qui-

dem non raro in morborum, quos febris comitatur, progressu obtinet: ideoque sic fere alvi ductionem præferimus, cujus esfectus longe exactius, quam medicamentorum, ore sumendorum, definiri possunt. Sæpe enim numero accidit, ut, quum semel dumtaxat alvum solvi res poscat, tamen vel exiguum medicamentum, ejus rei causa devoratum, plurimas dejectiones, magno fortassis ægroti malo, excitet. Clysmata aliis quoque usibus, quam intestinis exonerandis, adhibentur. Sed hos, quum ad morbos peculiares referantur, in præsentia quidem silentio præterimus.

S E D A N T I A.

Neque sanguinis autem missio, neque alvi purgatio, in minuenda motus intentione, tollendaque systematis vascularis perturbatione, tantum valet, quantum ea remedia, quæ virtute stricturam spasmodicam resolvendi pollent. Hæc a manisesta sedatione, quam, prospero cum successi exhibita, afferunt, in universum sedantia, refrigerantia, vel sebrifuga, appellantur.

Nitrum in hac classe primum plerumque locum occupat. Nec, quin magnarum virium sit, dubitari potest. Mixturæ etiam salinæ neutræ, quas sales alkalini volatiles, vel sixi, acidis vegetabilibus, vel minerabilibus, saturati, efficient, recte dantur, atque

interdum perutiles repertæ funt.

Vulgo quidem rarissime nitrum eo exhibetur pondere, quod insigni cuidam esfectui præstando par esse possit. Idem vero in febribus instammatoriis, præcipueque in hac illarum varietate, cui, qui accedunt, omnium partium carnosarum dolores febris rheumatismaticæ nomen dederunt, eximiæ utilitatis esse dicitur, si sex octove, imo decem drachmæ, viginti quatuor horarum spatio sumantur. Opus autem est,

ut in larga ptisanæ cujusdam tenuioris copia dissolvatur, sic, ut singuli hujus sextarii non amplius singulas illius drachmas contineant. Illud ignorare non oportet, ægros, quibus hæc curandi ratio profuit, homines robustos suisse, atque in nosocomiis militaribus decubuisse. In praxi privata, valde dubitamus, an sæpe hujus generis corpora athletica nobis occursura sint. Atque, ut jam occurrant, quis ipsis persuadere poterit, ut tantum potionis, palato minime blandientis, modum ingurgitent?

Observationes, his etiamnum recentiores, insignem nitri copiam a ventriculo perferri posse, docuerunt. Iisdemque compertum est, si nitrum non protinus, ut solutum est, sed multo post demum, sumatur, vim ipsius refrigerantem longe minus conspicuam esse.

Nitro facultas fanguinem attenuandi adscribitur, atque in speciem experimento demonstratur, si quis illud fanguini recens detracto admisceat. Sed omnia ista, quæ extra corpus fiunt, experimenta precaria sunt, & semper cauto opus est, ne in morborum curationibus plus justo iis tribuamus. Quis enim sanguinem, in vasis contentum, motuque agitatum, æque, ut sanguinem e venis emissum, atque in patella quiescentem, a nitro mutatum iri sibi persuaserit? Cæterum attenuanti huic nitri sacultati mirisce cum illorum sententia convenit, qui in febribus instanmatoriis lentorem quemdam, exilissimarum arteriarum sines obstruentem, statuunt. Sed hæc sententia nunc quidem prope est, ut oblivioni tradatur.

Spiritus nitri ac vitrioli dulces vim fedandi habent, atque in motus intentione minuenda, & fymptomatibus, quæ ab illa, tamquam caufa proxima, dependent, levandis, grati pariter utilesque sunt. Sed omnium fortassis esficacissima, & præ cæteris ad solvendam stricturam spasmodicam, restituendamque circuitus humorum æquabilitatem ac libertatem, adhibenda remedia, nonnullæ ex his rebus sunt, quæ,

liberaliore manu præbitæ, vomitum provocant; exigue autem datæ, diaphoresin movere, humoresque

ad cutem propellere, observantur.

Sunt ex radix ipecacuanhæ, ac varia medicamenta, ex stibio confecta, a quibus prosperos illos, quos laudavimus, effectus in febribus, inflammationibus, atque prosluviis, natos suisse, sexcenta exempla extra omnem dubitationis aleam posuerunt.

De commodissimis horum medicaminum formulis, de opportunioribus illa exhibendi temporibus, & de justis singulorum ponderibus, deinceps dicemus: ad præsens pauca tantum de usu vomitoriorum genera-

tim proponemus.

VOMITORIA.

Si nihil aliud spectamus, nisi ut ventriculus exoneretur, commode sere exhibetur magna potio aquæ,
in qua slores chamæmeli maduerunt, vel ipsius aquæ
calidæ simplicis. Sin autem manifestum est, saburram quamdam, aut bilem, aliamve materiam noxiam,
in ventriculo hærere, quæ sine vi quadam ejici non
potest, plerumque ad ipecacuanhæ radicem, vel medicamentum aliquod, ex stibio paratum, decurrimus.

Ipecacuanhæradix vomitus causa omnium frequentissime adhibetur, cæterisque vomitoriis hoc præstat, quod perexigua ejus portio, quæ quatuor vel quinque grana non excedat, ab adultis quoque raro sumitur, quin toties, quoties res poscit, inde vomant, ita tamen, si, tepidum aliquem potum sorbendo, illius actionem promovent. Nec vero, etiamsi pondus ad dimidiam usque drachmam augeatur, multum periculi ab ea metuendum est. Minus certa est medicamentorum, e stibio paratorum, actio. Interdum enim magna cum violentia: alias vix, aut plane non, agunt. Nihilo tamen minus, quum stibium ad laxandam stricturam spasmodicam, & promovendam

diaphoresin, plurimum possit, sebresque maximam partem ab hac strictura incipiant atque soveantur: vomitoria, ex illo consecta, in accessionum sebrilium initiis sæpius utilissima reperta sunt. Tutissime hac ratione exhibentur, ut tria quatuorve tartari emetici grana in totidem aquæ simplicis unciis dissolvantur: cujus aquæ quantum cochleario excipi potest, sexta, vel quarta, quaque horæ parte, sorbeatur, donec vo-

mitus provocetur.

Prius vero, quam vomitoria exhibere ausis, observationes quædam necessariæ sunt. Primum dari nunquam debent, ubi vasa pleniora tument, oculique flagrantes & turgidi, cum dolore atque gravitate capitis, ac vertigine, justum metum faciunt, ne, sub vomendi conatibus, cerebri vasa nimium onerentur, aut rumpantur. Quod si igitur in tali corpore morbus incidat, qui medicamentum vomitorium necessario desideret, semper sanguinis missio, & hæc ipsa liberalior, præmittenda est. Summam quoque in præbendis illis cautionem adhiberi oportet, ubi majus aliquod pulmonum vas disruptum olim fuisse constat, aut talis noxa merito timeri potest. Neque danda funt, ubi ventriculus in inflammatione est, quam cognoscere licet ex sensu ardoris ac doloris acris in regione epigastrica, cui calor immodicus, pulsus durus, velox, & debilis, sitis nimia, cum perpetua vomendi cupiditate, accedunt.

Usum eorumdem etiam prohibent affectus hysterici, hypochondriaci, ubi ventriculus spasmo contractus est, unde summa anxietas, spirandique difficultas, tantum non strangulans, oritur. Neque locus illis concedi potest in coli tormentis, similibusve imi ventris vitiis, si pertinax alvi obstructio cum his con-

juncta est.

Summe malefica quoque ac periculosa sunt, si brevi post, quam animus ira vehementer perturbatus suit, sumuntur. Nec unquam denique ea exhibere licet,

dum menses fluunt, aut in propinquo sunt.

Hæc præcipua illa momenta sunt, quæ vomito-

riorum usum interdicunt.

Conditiones, sub quibus eadem proficiunt, præter illas, quas jam diximus, hæ sunt: si ventriculum eibi, sine modo ingesti, gravant, vel opprimunt; si quis, venenum aliquod devoravit; si justus timor subest, ne sebrium putridarum miasma corpus infecerit. Quum enim miasmata cum saliva in primis succoque gastrico se commiscere videantur: probabile est, si hæc protinus, ut hausta sunt, nec dum in sanguinem transferunt, rejicere liceat, ipsi morbo occursum iri.

In principiis omnium morborum febrilium, vomitoria a plerisque commendantur: ubi tamen ita proficiunt, si, quas de sanguinis missione præmittenda necessarias esse diximus observationes, haud ne-

gligas.

Eadem vehementer prosunt, ubi bilis nimium tenax, periculumque esse videtur, ne ipsius e vesicula sellea in intestinum duodenum transitus occludatur: unde variæ gravitatis aurigo nascitur. Ad jecinoris etiam vitia, quum hoc viscus infartum atque obstructum est, crebrior illorum usus permultum potest, ut quæ non solum bilis excretionem augeant; sed etiam jecur, omniaque reliqua abdominis viscera, concutiendo & comprimendo, magnam partem ad removendas obstructiones conferant.

Ad anacatharsin quoque promovendam, pulmonesque muco glutinoso exonerandos, bene faciunt, atque ita asthma, ab hac cansa prognatum, levant. Longe certiorem autem levationem in illius asthmatis accessione afferunt, quod res aliqua, ventriculum opprimens ac distendens, eoque diaphragma irri-

tans, efficit.

Superest is vomitoriorum usus, quo sanguinis, aliorumque humorum, prosluvia reprimunt. Cujus quidem usus aliqua in HIPPOCRATE jam extrant vestigia,

VICTUS RATIO.

Recensita hactenus auxilia, quo facilius atque felicius nimios systematis vascularis motus compescant, eam laborantibus imperari oportet victus rationem, que & tenuissima sit, neque vel tantillum irritet.

Constans perpetuumque omnium sebrium symptoma cibi sastidium, aut certe anorexia, est. Nimis igitur cauti sunt, qui, ægrotum carnibus, vel ipsarum jusculis, interdicendum esse, præcipiunt. Ipse enim per se ab his alimentis sastidio quodam & nausea abalienatur, quæque ad palatum ejus tunc temporis potissimum saciunt, ea quam maxime idonea sunt, ut potiones subacidæ & aquosæ, vel summum ptisamæ tenues, aut panis, ex aqua decoctus, cui succus aliquis acidus adjectus sit.

Hiberni vulgo in omnibus morbis, qui cum febre funt, potione quadam utuntur, quæ regioni ipforum tantum non propria esse videtur, gustuique gratissima, & corpori refrigerando, ac siti restinguendæ, perquam accommodata est. Serum est, ex lacte acido, butyri experte, & lacte novo, simul ebullientibus, consectum: ex quo serum lactis duplicis no-

minatur.

Initio febrium, & quamdiu pulsus plenus ac fortis manet, hæc potio præcipue in usum vocatur, commodisque ægrotantium manisesto apta est. Sed iis in locis, ubi serum istud lactis duplicis parari non potest, in vicem ejus vel lac, ex amygdalis dulcibus pressum, vel aqua, ex qua hordeum decoctum est, vel aqua, in qua salvia maduit, vel aqua, ex qua graminis canini radices aliquis decoxit, vel aqua calida, roob ribium, aut malis minutatim concisis, assuma vel limonada, ægrotis dari debet. Si quid paulo so-

lidius appetant, hordei, vel avenæ, ptisana, panis, ex aqua decoctus, & succo quodam acido conditus, poma tosta, roob ribium, ac similia alimenta leviora, eo, quem ægri desideraverint, modo, iisque, quæ peculiares morbi conditiones suaserint, intervallis, exhibenda sunt.

In inflammationibus finceris nonnunquam ciborum fastidium hand ita magnum est, ægrique solidiora, quam rebus ipsorum convenit, alimenta assumere cupiunt. Sed hic eos, qui cubantium curam agunt, diligenter providere oportet, ne carnes, imo ne juscula quidem carnium, ab illis attingantur, quamdiu systematis vascularis motus tant intenti ma-

nent, ut periculum aliquod timendum sit.

Omnia hac tamquam potentialiter, ut aiunt, refrigerantia, sive sedantia, considerari debent: sed sunt alia, quæ fenfu, quem vocant, actuali pro refrigerantibus haberi poslunt, velut frigida potatio, vel aer frigidus, ad corpus admissus. His tamen caute circumspecteque utendum est, quamvis, si libertatem illam reputes, quam Medici nonnulli, variolarum insitioni vacantes, ægris concedunt, in summo febris, eruptionem præcedentis, vigore foras progrediendi, frigidamque, ex puteo nunc primum hauftam, pro lubitu bibendi, dubitari non possit, quin hi, qui istos refrigerandi modos adhibent, longe minorem, quam vulgo opinati funt, aleam adeant. Id certe pro explorato compertoque liquet, ægris, febre laborantibus, multo graviores allatas esse noxas, quod cubiculis nimium clausis detenti fuerunt, quam quod corpora sua aëri aperto exposuerunt.



CAPUT II.

Therapia generalis motuum systematis vascularis remissorum, vel intermissorum.

Ec generalis nimios fystematis vascularis motus compescendi ratio est. Sed ubi ex pulsu, aliave qua corporis conditione, motus illos remissos, vel plane intermissos esse, perspicimus, contrarja curandi ratio adhibenda, idque moliendum est, ut motus animales, per medicamenta cardiaca & stimulantia, adjuventur atque excitentur.

CARDIACA.

Vinum, pulsus excitator, certiores fortassis ac stabiliores effectus, quam ullum aliud, quod pharmacopolia subministrant, medicamentum, præstat. Sed tum hujus, tum cardiacorum pharmaceuticorum, usus liberalior haud medioorem animi intentionem prudentiamque exigit. Fieri in præsentia non potest, ut omnes illas conditiones, que hoc medicamentorum genus aut prohibent; aut imperant; minutius & ferupulofius diftinguamus. Illud unum generatim atque universe præcipi potest, ut, quamdiu ex cutis calore & ficcitate, atque ex siti immoderata, alvique duritia, appareat, stricturam spasmodicam nondum esse relaxatam, tamdiu neque vinum, neque ipsum adeo serum vinosum meracius, neque sales spiritusve volatiles alkalini, neque confectio cardiaca, neque pulvis e contrayerva compositus, neque radix serpenta-1iæ, similiave, nisi caute, & timide; & cunctanter, ægrotis exhibeantur.

At si lingua humectata, cutis remollita, nubecula, Tom. I.

in lotio suspensa, pulsusque tranquillior ac plenior, stricturam spasmodicam remitti, demonstrant: in hoc statu naturam vino, aliove quo medicamento cardiaco ex iis, que recensuimus, adjuvare sicet.

Si systematis vascularis motus admodum torpent, vel in totum cessant, ad medicamenta, acerrime stimulantia, hoc est, sales spiritusve volatiles alkalinos,

vesicatoria, aut sinapismos, confugiendum est.

Nec vero vesicatoria non sæpissime ibi quoque perutilia sunt, ubi motuum remissio minus evidens est. Quid squod interdum in ipsa nimia illorum intentione mirisce prosunt.

VESICATORIA.

Usus vesicatoriorum triplex potissimum.est. Adhibentur enim.,

1) tamquam acria, stimulantia, ad motus partium

folidarum inflammandos, novosque excitandos;

2) tamquam evacuantia, ad seri excretionem promovendam, ubi, partem aliquam illo oneratam esse, merito suspicari licet;

3) tamquam anodyna, antispasmodica, atque antisphlogistica, ad vim dolorum leniendam, stricturas spasmodicas relaxandas, æstumque inflammationis

moderandum.

Morbi, acrem vesicatoriorum stimulum requirentes, hisunt, in quibus pulsus debilis ac depressus est, omnesque sentiendi facultates obtusæ & languidæ sunt, quales sub finem plurium sebrium, sicut etiam

in paralysi atque comate, apparent.

Morbi, quorum levationem vesicatoria, serum evacuando, pollicentur, sunt oculorum inflammationes, eaque capitis vitia, quæ a vasorum in hac parte plenitudine oriuntur, itemque dolores rheumatismatici, in membro aliquo penitus defixi, qui a seri acrioris cursu, illuc sacto, proficisci creduntur.

Vesicatoria interdum simul & ad parres solidas vivas stimulandas, & ad humorem noxium evacuandum imponuntur, ut in variolis, morbillis, ac sebre miliari, quum exanthemata a cute ad interiora relabuntur, frigusque & præcordiorum oppressionem inducunt. Hic vesicatoria eo consilio admoveri consueverunt, ut, si sieri possit, pulsus excitetur, eodemque tempore pars quædam humoris noxii cum sero, ex cute

profuso, eliminetur.

Affectus, in quibus vesicatoria antispasmodicorum vice sunguntur, ii fere sunt, qui hysterici appellantur. In his, verbi gratia, sæpe stupenda præcordiorum oppressio, spiritusque dissicultas, proxime ad strangulationem accedens, occurrit, non, nisi a spasmo, diaphragma, aliosque musculos, respirationi inservientes, constringente, oriunda. Quod si satis liquet, hanc veram molestiæ causam esse, nec spirandi dissicultatem a pulmonibus infartis dependere, subitum a vesicatoriis levamen exspectare possumus, quæ hic commodissime super crura dantur. Ideo autem vesicatoria, huc data, proficere videntur, quod levem aliquem spasmum sibrarum, ab iis, quæ primitus affectæ sunt, distantium, excitant.

Ex eadem ratione dolores per vesscatoria mitigari statuimus. Quod si enim verum est, dolorem a nimis violento motu vibrante liquoris nervei in certa quadam nervorum serie oriri, facile apparet, si motus ille vibrans in diversa serie incitetur, motum nimium in illa, quæ primitus turbata suerat, sedari posse.

Atque hinc fit, ut vesicatoria, loco dolenti imposita, tantum in pleuritide valeant. Nam, ut supra docuimus, inflammationes partim a motus oscillantis in singulis vasorum sanguiserorum seriebus excessu nascuntur.

Præter vesicatoria, nonnunquam pultes stimulantes, ex radicibus raphani agrettis, seminibus sinapeos, aliisque rebus acribus, compositæ, adhiben-

1 2

tur, quibus humorum ad partem aliquam concursus aliorsum avertatur, vel solida viva, ubi vis vitæ insigniter languet, aut oppressa est, irritentur. Compositiones istæ, pedibus admotæ, caput, vel pectus, sæpius levasse observatæ sunt. Sinapismi vocantur, quia semper sinapi in iis est. Sed, ubi res poscit, ut summam acrimoniam habeant, recte cantharides adjiciuntur.

Quum cantharidum, quoquo modo adhibitarum, ea sit proprietas, ut urinæ itinera afficiant, semper huic molestiæ occurrendum est, præcipiendo ægrotis, ut emulsionem vulgarem, vel alium quemdam potum involventem atque mucilaginosum, largius bibant. Fuere, qui camphoram, super emplastris vesicatoriis contritam, ne cantharides urinæ dissicultatem crearent, essicere dicerent. Sed num camphoræ, hac ratione adhibitæ, virtus illa ex vero tribuatur, merito dubitare posse nobis videmur.

Præcipuam utilitatem vesicatoria promittunt, ubi, fluidorum integritate non admodum læsa, molestiæ a turbato solidorum vivorum statu proficiscuntur. Consideranda igitur potissimum sunt tamquam stimulantia, antispasmodica, atque anodyna, neque multum ab iis, tamquam evacuantibus, exspectare licet,

nisi si ulcera satis diu adaperta servantur.

ROBORANTIA.

Et vesicatoria, & cardiaca, languidis systematis vascularis motibus nihil aliud, niss robur breve & ad tempus, polliceri possunt. Ubi enim stabiliores desiderantur essectus, ad ea decurrendum est auxilia, unde solidis vivis veri nominis robur ac firmitatem exspectare liceat.

Nihil adhuc repertum est, quod hunc effectum tam certo tutoque præstet, quam divinus ille cortex peruvianus. Atque in morbis longis medicamenta, ex

GENERALIS. 293

ferro parata, vel aque ferrate naturales, sepins felici cum successi dari, systematisque vascularis vigorem reparare, inveniuntur.

CAPUT III.

Therapia generalis motuum inordinatorum systematis nervosi.

YMPTOMATA, quorum causæ proximæ in motibus systematis nervosi nimiis atque inordinatis ponuntur, sunt dolor, pruritus, agrypnia, spasinus, hyperæsthesia, delirium. Quibus quæ levamentum afferunt remedia, in universum anodyna atque anti-

spasmodica nominantur.

Quum motus, quibus in ordinem redigendis medicamenta illa inferviunt, plane obscuri atque abstrusi sint: modum, quo hæc agunt, pariter occultatum & circumfusum tenebris esse, oportet. Quemadmodum enim de morbis systematis nervosi non aliunde, nisi ex evidentibus vitiis, sensium organa motusque voluntarii instrumenta afficientibus, judicare licet: ita etiam remediorum nervinorum virtutes tantummodo ex mutationibus, quas in organis illis atque instrumentis facere observantur, æstimari possunt.

Dolor, &, quæ ipsum necessario consequitur, agrypnia, sacile frequentissima symptomata nervosa sunt, a nimio, ut arbitramur, motu oriunda. Quæ vim illorum molliunt remedia, generatim anodyna nominantur. Quorum princeps opium est, quod admirandum medicamentum, sic, ut cortex peruvianus, infinitam utilitatem habet, atque ad plurima, quæ singulatim nunc designari non possunt, longe essicacissimum est. His, qui usui ipsius assueti non

 Γ

funt, plerumque perexiguum pondus exhiberi, fed exibitio brevibus ex intervallis repeti debet, donec

effectus satis appareat.

Præter opium, medicamentum aliquod chemicum est, ab inventore HOFMANNO, magnificis laudibus cumulatum, &, quamdiu is vixit, in arcanis habitum, nunc autem ubique notum. Vocatur liquor mineralis anodynus, cujus usus in his morbis commendatur, in quibus noxa aliqua ab opio timenda est. Ubi enim vis vitæ multum depressa, pulsusque debilis, parvus, ac velox est, opium periculose datur.

Si liquor hic anodynus dimidiam modo partem virtutum, ab ipsius inventore celebratatum, possideret, quantivis tamen pretii remediis jure meritoque annumeraretur. Sed nuper æther vitrioli, qui ejustem prope, ac liquor anodynus, naturæ est, similesque præstare effectus videtur, in usum vocari cœpit, atque vel extrinsecus locis dolentibus admovetur, vel ex liquore conveniente per os affumitur.

Quemadmodum dolor, pruritus, agrypnia, erethismus, delirum, a nervorum sentientium: ita spasmi a nervorum moventium motibus inordinatis proficisci statuuntur. Sed, quæcumque spasmi causa est, medicamenta quædam esse constat, quæ ad motus illos inordinatos sedandos proprie valeant. Principem inter hac locum iterum sibi vindicat opium, cui asa fœtida, castoreum, camphora, moschus, & radix valerianæ, addi debent. Sæpe, ubi medicamenta antispasmodica summæ efficaciæ desiderantur, omnia ista, vel pleraque, conjunguntur, ut in morbo illo terribili, cui hydrophobiæ nomen est, vel in illo æque periculoso, qui partium tendinosarum vulnera sequi consuevit, & capistrum, sive spasmus maxillæ inferioris, appellatur, vel in suffocatione, quæ in morbis hystericis frequens est.

In morbis longis, velut in epilepsia, ubi diuturno remediorum usu opus est, superioribus temporibus medicamentis quibusdam admirandas atque inusitatas virtutes antilpalmodicas adferipferant. Fuerunt illa muscus, e craniis humanis enatus, cranium humanum ipfum, ungula alces, oleum animale, vifcum quernum, radix valerianæ silvestris, cum plurimis aliis. Pleraque autem, si valerianæ silvestris radicem excipias, hodie vel multum de existimatione fua deperdiderunt, vel, si quam adhuc habent, vix ægreque eam conservant. Nec vero radici valerianæ non merito suo multum tribuitur. Singulares enim ipsius virtutes tum in nervis roborandis, tum in spasmis placandis, satis liquido exploratæ atque spectatæ sunt. Nuper Vindobonæ sibi persuaserunt, mali aureæ folia, in pulverem redacta, vel ex aqua decocta, epilepticis exhibita, ad dirum hunc morbum evincendum valuisse.

Symptomata, a motibus fystematis nervosi remissis, vel intermissis, oriunda, sunt frigus, debilitas, anorexia, major, minorve somnolentia, vel anæsthesia: quæ sæpe motuum systematis vascularis remissionem, vel intermissionem, adjunctam habent,

iisdemque propemodum remediis indigent.

Medicamentorum, universum systema nervosum corroborantium, longe primus est cortex peruvianus, cui, pro re nata, radix valerianæ silvestris, & remedia, ex sero parata, vel serrum, in aquis serratis naturalibus solutum, addi possunt. Usum autem horum medicamentorum balnea srigida, corporis exercitationes, victus nutriens, aër salubris, convictusque & sodalitium jucundius, adjuvent, necesse est.

Medicamenta, a quibus caput proprie corroborari creditur, cephalica nominantur, quorum, fi indicem spectes, infinitus pæne numerus est. Præcipua sunt balsamum peruvianum, lavendulæque, roris mari-

1 4

ni, ac similium herbarum redolentium, flores. Spiritus, ex his floribus compositus, admodum suavis, nec raro ad nauseam, & capitis dolorem, a causis levioribus motum, proficiens est.

Medicamenta, quæ proprie pulmones atque viscera parenchymatodea, corroborare statuuntur, balsamica appellantur, omniaque balsama nativa, ut Tolutanum, Gileadense, Canadense, & Copainæ, sty-

racem, ac benzoïnum, complectuntur.

Quæ ventriculum roborant, ciborumque concoctionem promovent, stomachica dicuntur: quorum pleraque amara sunt. Quorsum pertinent pars slava corticis malorum aureorum, cacumina centaurii minoris & absinthii romani, slores chamæmeli, radices gentianæ & Zedoariæ, &, cujus usus nuperrime invaluit, eximiæque in roborando ventriculo virtutes prædicantur, radix columbæ, ex Ceylania in orbem nostrum apportata. Quibus accedit aliud novum medicamentum, ex colonia Surinamensi allatum, ab inventoris, mancipii Æthiopis, nomine lignum Quassi vocatum, summo amarore, sine ulla saporis adstringentis nota, præditum.

Medicamenta, quæ proprie ventriculum in expellendis flatibus adjuvant, carminativa nominantur, præcipueque in seminibus, oleo calefaciente sætis, consistunt: qualia sunt semina anis, coriandri, carvi, piperis, cardamomi. Quibus accedunt radices angelicæ & Zingiberis, cum aqua stillaticia foliorum

menthæ piperitidis.

Omnia hæc medicamenta requiri ponimus, ubi vires systematis nervosi ex parte tantum debilitatæ sunt: sed ubi motus ejus plane interrupti sunt, ita ut sensuum organa, motusque voluntarii instrumenta, affici, vel agere, cessent; in hoc statu ad medicamenta summopere stimulantia, hoc est, ea, quorum acrimonia calesaciens universum solidorum vivorum

fystema incitare atque animare valeat, confugiendum est. Hac vero eadem illa medicamenta sunt, qua ad excitandos systematis vascularis motus supra a nobis laudata sunt.

CAPUT IV.

Therapia generalis, ad materias noxias in primis viis corrigendas, & integritatem universa humorum massa restituendam, adhibenda.

UAMQUAM omnis impotentia, aut molestiæ fensus, ab mordinatis systematis vascularis, vel nervosi, motibus proxime dependet: non semper tamen in nostrisægros levandi conatibus id tantummodo spectare debemus, ut motus istos in ordinem

redigamus.

Certum est, exempli gratia, ventriculi dolorem & nauseam perturbationi cuidam nervorum tribui oportere, atque, ut primum perturbatio illa conquiescat, ventriculi dolorem & nauseam statim esse conquietura. Jam ponamus, consilium nostrum ab ægroto, duobus illis symptomatibus afflicto, peti, nosque, instituto examine, ipsorum originem in saburra ventriculi acida perspicue invenire. Quum saburra hæc per ipsam situs sui naturam facile expelli, vel corrigi, possit, neque opium ad leniendos dolores, neque remedia stomachica & cardiaca ad tollendam nauseam, suadebimus, sed ægrotum aut vomitorio ad saburram acidam rejiciendam, aut magnesia alba ad illam corrigendam, atque in salem neutrum convertendam, uti jubebimus.

Simili ratione luem veneream inveteratam acerrimi dolores, ægroto per plures noctes continuas somnum adimentes, comitantur, Sed, experientia edocti, novimus, dolores istos tolli non posse, nisi, quod eos movet, virus specificum subigatur, vel corrigatur. Ideoque de exhibendis medicamentis anodynis non cogitabimus, sed ad argentum vivum consugiemus, quod ad humorum, in hoc morbo corruptorum, integritatem restituendam unice valere, compertum habemus.

Hæc exempla satis ostendunt, curationes haud raro eo dirigendas esse, ut materiæ morbificæ, vel in primis viis hærentes, vel humorum crassiorum universitatem vitiantes, expellantur, aut corrigantur.

Exhibebimus primum therapiam generalem quinque illarum, quas fupra enumeravimus, faburræ

Specierum.

Prima, eademque omnibus communis, curatio in hoc versatur, ut ventriculus vomitu expurgetur. Post quem si novam generari saburram appareat, id agendum est, ut suis quæque auxiliis corrigatur.

Medicamenta, quæ saburram acidam, cæteris frequentiorem, obtundendi, atque in salem neutrum convertendi, facultatem habent, absorbentia, sive hybrida voce antacida, nominantur, præcipueque in terris, quæ liquore acido respersæ, spumant, consistunt. Sunt hæc creta, lapides & chelæ cancrorum, testæ ostrearum, putamina ovorum, magnessa alba.

Hæ res, ventriculo receptæ, cum humore acido se commiscent, eumque in salem neutrum convertunt, & irritationi, quæ ab acrimonia illius oriri posset, occurrunt, atque ita doloris ac nauseæ vacuitatem efficient.

Superiore ætate theoria quædam invaluerat, quæ morbos tantum non omnes ab acore, sanguinem contaminante, & œconomiæ animalis ordinem turbante, repetebat. Ex qua necessario consequebatur, ut Medici in plerorumque morborum curationibus acorem corrigendum esse existimarent. Itaque mos percre-

buit, qui plurimorum etiam nunc est, medicamenta absorbentia in omni sere morborum genere exhibendi. Nec dubium est, quin in multis utilia sint. Et, quod usum eorum non mediocriter commendat, raro aliquid noxæ afferunt.

Saburra amara, putrida, rancida, medicamentis, haud multum inter se discrepantibus, corriguntur. Temperantia vulgo ac diluentia appellantur, præcipueque ex fructuum horæorum subacidorum matu-

rorum fuccis constant.

Quæ vulgo vocatur mixtura antemetica, ex abfinthii sale & limoniorum succo, inter se consuss,
constans, atque inter effervescendum devoranda,
singulari quadam virtute saburram putridam corrigendi, vomitusque hinc motos sistendi, pollere observatur. Aqua Selterana, vel, quæ longe efficacior
est, utpote salis alkalini nativi ditior, aqua Vahlensis, cum vino rhenano mixta, elegantissimam & suavissimam potionem efficit, ubi bilis acrimonia corrigenda est.

Saburra glutinosa atque insipida medicamentorum attenuantium usum desiderat, quæ sere amaritudinem cum aliquo calore aromatico habent. Amarorum vis attenuandi hinc dependere videtur, quod sibras ventriculi sensiles stimulant, succique limphatici, mucum tenacem dissolventis atque diluentis, excretionem uberiorem provocant. Sed sunt medicamenta, quæ mucum hunc glutinosum propius corrigant, velut aqua calcis vivæ, salesque neutri, vel alkalini sixi, quales sunt tartarus solubilis, sal diure-

ticus, sal tartari, sal sodæ.

Hæc præcipua auxilia funt, quibus ad noxia in primis viis corrigenda uti consuevimus. Quæ in humorum universitatem agunt, ea, prout ipsa morborum natura est, ita diversa esse, necesse est.

In statu humorum vappido atque aquoso, qui sæpe

in feminis incidit, medicamenta, ex ferro parata, præcipue valent, quorum usus singularibus ægrotantis conditionibus accommodandus est. Cum issemque, pro re nata, cortex peruvianus & medicamenta stomachica amara, exercitatio corporis moderata, ac balnea frigida, conjungi debent. Rhei quoque barbarici pondera exigua subinde exhibenda sunt, quæ canalem intestinorum plus justo onerari prohibeant.

Si fanguinem acrimonia acida inficit, quod nonnunquam infantibus, perraro adultis, accidit, fieri
potest, ut aqua calcis vivæ, per longius temporis
spatium pota, prævalentem istum acorem corrigat:
sin e contrario humorum universitatem acrimonia
alkalina vitiatam esse apparet, sicut in viro illo nobili
apud Huxhamum, qui, nimiam salium volatilium
copiam devorando, semet ipse jugulavit: in hoc statu
nulla medicina plus levaminis pollicetur, quam vic-

tus ex lacte & vegetabilibus acescentibus.

Ad acrimoniam putridam cortex peruvianus, spiritusque vitrioli acidus, cum usu liberaliori vini, ac fructuum horæorum subacidorum, in primis profunt.

In acrimonia denique muriatica, vel ammoniacali, quæ lepram atque impetiginem, cum calore & pruritu conjunctam, generat, præcipuum auxilium pollicentur aquæ fulfuratæ, talefque compositiones, quales sunt pilulæ æthiopicæ pharmacopææ Edimburgensis, cum aqua calcis magis composita, vel potiones diæteticæ, ex radicibus lignisque edulcantibus chinæ, ginseng, sarsæ parillæ, guaiaci, sassafras, consectæ.

Hæc præcipua remedia sunt iis acrimoniæ speciebus, quæ definitam morbi speciem non generant. Quod ad ea attinet, quæ specificæ indolis materias morbificas corrigendi facultatem habeant, paucissima adhuc quidem nobis innotuerunt. I. Materiam morbificam febrium remittentium & intermittentium cortex peruvianus subigit.

II. Virus venereum medicamenta, ex argento vivo

confecta, justoque tempore adhibita, corrigunt.

III. Virus scorbuticum succi vegetabilium recentium, vel, iis in locis, in quibus hos parare non licet, aqua, in qua byne macerata suit, recens pota, evincit.

CAPUT V.

Methodus singulas secretiones & excretiones augendi, nimiasque cohibendi.

RETERQUAM quod vitiata fluida animalia corrigenda, materiæque crassiores ac noxiæ, ventriculum atque intestina onerantes, vel irritantes, expellendæ sunt, præterea res sæpe exigit, ut secretiones & excretiones per cutem, per renes, per glandulas salivales, per membranam, nares cavaque, cum ipsis connexa, investientem, per laryngem atque arteriam asperam, ac per uterum, promoveantur & augeantur, aut e diverso sanguinis, humorumve, inde separatorum, profusiones immoderatæ reprimantur.

Medicamenta, varias illas excretiones promoventia, hidrotopœorum, sive sudoriferorum, diureticorum, sialogogorum, errhinorum, anacatharticorum, sive expectorantium, & emmenagogorum, appellationibus distinguuntur.

SUDORIFERA.

Sudoriferorum & diaphoreticorum vocabula fere promiscue adhibentur, ad denotanda illa medicamenta, quibus excretionis per cutem promovendæ atque augendæ facultas inesse creditur. Sed, si strictius loquendum sit, sudoriferorum nomine ea medicamenta significantur, quæ copiosos sudores movent: diaphoretica autem ea sunt, quæ vix aliud,

quam perspirationem inconspicuam augent.

Nec sudoriferorum, nec diaphoreticorum, actio ulla ratione tam certa est, quam emeticorum, aut catharticorum. Quum enim tantum non semper pro certo nobis constare possit, medicamento quodani emetico, aut cathartico, ex iis, quæ recenfuimus, affumpto, vomitum, aut alvi purgationem, excitatum iri: nunquam tamen dubium non est, an, exhibito medicamento quodam sudorifero, futurum sit, ut sudor moveatur. Ac propter incertos iltos sudoriferorum effectus contingit, ut res, quarum proprietates, quatenus sub sensus veniunt, prorsus contrariæ sunt, pro re nata, hidrotopœa evadant. Medicamenta enim, sudori movendo idonea, non tantum ad incitandum humorum per vasa circuitum, sed. etiam ad remittendam stricturam spasmodicam, valere oportet. Omnia igitur stimulantia, quæ cor irritare, fanguinisque per vasa circuitum accelerare possunt, sudoriferorum officio funguntur, si eodem tempore cutis pori præter naturam constricti non funt: & contra omnia refrigerantia ac sedantia, quorum vis in hoc confistit, ut insolitam cutis pororum relaxationem efficiant, pro re nata, sudorem ciere possunt. Sic liquores fermentati, spiritusve ardentes, poti, aut fales alkalini volatiles, aliave stimulantia acriora, assumpta, nonnunquam hidrotopœa fiunt:

alias autem frigida pota, aut nitrum largius devo-

ratum, excretionem illam promovet.

Ex quibus facile perspicitur, quam parum sidendum sit virtutibus illis sudoriferis, quas materiæ medicæ scriptores infinitæ medicamentorum multitudini tribuunt.

Quum ad sudores movendos necessarium sit, aut humorum, per vafa circumeuntium, vim adeo increscere, ut obstaculum, ab arteriarum, cutem perreptantium, finibus objectum, superetur, aut harum oscula, in cutis superficie hiantia, ita relaxari, ut vis obstaculi vim cordis non æquiparet: certissima hanc excretionem promovendi ratio hæc est, ut superficiei corporis ea admoveantur, quæ cutis poros relaxent atque aperiant. Qua in re nihil valentius est vaporibus calidis. Ideoque hypocausta, vel vaporationes, quæ balnea vaporosa nominant, omnium certissime copiosum sudorem eliciunt, qui ad immenfum augeri potest, si eodem tempore, quo vapores ad poros in systematis vascularis peripheria laxandos adhibentur, potio aliqua stimulans liberaliore manu exhibeatur, quæ cordis robur augeat, atque, ut major vis a centro urgeat, efficiat.

Tales sudationes sæpe multum proficiunt in rheumatismis, aliisque doloribus, sedem constantem habentibus, in quibusdam hydropis speciebus, in cutis

vitiis, in nonnullis luis venerex gradibus.

Valentissima æque, atque certissima sudorifera interna ea sunt, quæ ex medicamentorum, e stibio paratorum, vel radicis ipecacuanhæ, & opii mixtura constant. Posterius pulvis Dovers vocatur, bonoque cum successu nonnunquam in rheumatismis inveteratis adhibetur.

Usus medicamentorum diaphoreticorum in febribus ex tot conditionibus subtilioribus pendet, ut nihil de illo in universum præcipere liceat. Hoe unum animadvertendum esse videtur, ne, quamditi strictura spasmodica manet, aliquod medicamentum ex iis, quæ diaphoreticorum, febrisugorum, atque alexipharmacorum, nomine in libris commendantur, unquam exhibeamus. Omnia enim hæc, nisi strictura prius laxata, molestias exasperant, calorem & systematis vascularis turbas, augendo. Simul atque vero relaxationis signa apparent, vires cordis tuto adjuvari possunt, sic, ut ægrotanti vinum, vel diaphoreticum aliquod pharmaceuticum, exhibeatur.

DIURETICA.

Diuretica inter & diaphoretica magna intercedit affinitas. Eadem enim, quæ copiosos sudores eliciendi facultatem habent, si calore stragulorum spissiorum, vel vaporibus calidis, ad corpus admissis, ac liberali liquorum calidorum potu, adjuvantur, potentissima medicamenta diuretica sunt; si corporis superficies frigida servatur, ac nihil, quod calori movendo est, eodem tempore assumitur.

Diureticorum effectus maximam partem æque incerti sunt, ac sudoriferorum: atque in hac ipsa
utrorumque efficacitate incerta ratio quærenda est;
cur conatus nostri morbos hydropicos sanandi toties irriti sint. Quod si enim copiosos sudores movere, urinæque excretionem augere, æque certo
possemus, ac vomitum provocare, alvumque dejicere, vix unquam hydropem non essemus sublaturi, siquidem per has vias limpham supersuam &
stagnantem, quæ morbum constituit, e corpore
eliminare nobis liceret.

Sunt omnino, quæ organa urinæ proprie afficiant, atque excretionem hujus humoris promoveant. Sed natura illorum tam anceps est, ut temere adhibenda

adhibenda non sint. Nisi cantharides & colchici auctumnalis radices tam acres essent, tantaque cum violentia agerent, usui interdum esse possent.

Quæ frequentius adhibentur diuretica blandiora, funt radices scillæ, exiguo pondere exhibitæ; radices sceniculi, petroselini, asparagi, raphani agrestis; semina dauci & sinapeos; baccæ juniperi; cacumina viridia genistæ decocta; terebinthina, aliaque balsama similia; sapo, sal tartari, sal diureticus, spiritus nitri dulcis.

Diuretica in universum necessaria sunt, ubi lotium muco, vel terra, onustum apparet, sicut etiam in hydrope, aliisve morbis, ubi excretio hæc perspicue minor est, quam in sanis esse debet.

Sed quum difficultas hujus secretionis atque excretionis a variis causis proficisci possit, & sæpe proficiscatur, varias etiam curandi rationes adhiberi,

necesse est.

De modo, quo diuretica æque, ac sudorifera, agunt, Lectoribus nostris ALEXANDRI Specimina Experimentorum legenda commendamus, in quibus plura experimenta atque observationes, scitu jucundas juxta utilesque, invenient.

SIALOGOGA.

Sunt morbi singulares, in quibus Medici salivæ excretionem augendam esse censuerunt, ut corpus a materiis acribus & noxiis liberarent, maximeque ab illa materia, quæ luem veneream facit, vel ab hac, quæ nonnunquam ulcera corrodentia, variaque cutis vitia, vulgo, sed minus vere, scorbutica appellata, generat.

Præter argentum vivum nullum nobis suppetit medicamentum, quod salivæ secretionem atque excretionem augendi proprietatem habeat, adeoque

Tom, I.

proprie sialogogum vocari possit. Quomodo ad ptyelismum excitandum illo utendum sit, deinceps explicabimus: illud interea observare possumus, salivæ sluxum hodie de industria longe rarius, quam olim, moveri.

Quæ masticatoria nominantur, atque interdum ad mucum, a faucibus, orisque parte interna, detrahendum adhibentur, tamquam sialogoga spectanda non sunt. Constant ex rebus acribus, quæ mansæ suxum humoris promovent. Adhibetur hac ratione præcipue radix pyrethri, quæ nonnunquam dentium dolorem levat, & ad gingivarum tumores reprimendos facit. Idem præstat nicotianæ, aliarumve herbarum acrium, sumus, qui, si medicinæ loco, non ex sola consuetudine, sugatur, simpham mucumque ex tunicis glandulosis circa fauces, & in naribus internis, deducere, atque ita humores ab oculis divertere, vel etiam sortasse capitis dolori levamentum afferre potest.

EXPECTORANTIA.

Expectorantia appellantur ea medicamenta, quæ rejectionem muci illius exuberantis promovent, qui, laryngem titillando, vesiculasque pulmonales obs-

truendo, sæpe pulmonum actionem turbat.

Exigua vomitoriorum pondera interdum expectorantium vice funguntur, atque idcirco oxymeli scillinum, vinum antimoniale, vel tartarus emeticus, aquæ, in qua herbæ ac radices, quas vocant, pcctorales, velut, hyssopum, marrubium, adiantum, tussilago, & hedera terrestris, glycyrrhiza atque inula campana, maduerunt, aut decoctæ sunt, addi consueverunt. Exhiberi etiam solent linctus, vel mixturæ oleosæ, ex spermate ceti, oleo amygdalarum dulcium, varissque sirubis, vel confervis, concinnatæ, quibus vel spiritus vitrioli, qui gratum ipsis acorem impertiatur, vel spiritus cornu cervini, qui vim ipsarum acuat, adjicitur. Mel anacatharsin mirisice promovet. Eodemque egregie valet gummi ammoniacum, sive in aqua dissolutum, sive cum sapone, commodaque radicum scillæ siccatarum portione, in pilulas redactum, exhibeatur.

ERRHINA.

Errhina, sive sternutatoria, quæ muci ad narium internarum, sinuumque, cum iis connexorum, membranas cursum incitant, quamquam raritsime vulgo in usum vocantur: tamen, quum ab omnibus scriptoribus systematicis commemori soleant, nec a no-

bis plane prætereunda funt.

Maxime probabiliter utilia esse possunt in iis morbis, qui comatum nomine insigniuntur, vel ubi nervi, ad visus, vel auditus, organa pertinentes, remissi esse videntur. Hic nonnunquam sieri potest, ut crebra sternutamenta, universum corpus vehementer concutiendo, proficiant. Præstant hunc essectum pulvis radicis veratri albi, vel euphorbii, cujus exiguum pondus vel cum nicotiana, vel cum herbis, quas cephalicas vocant, vettonica, lavendula, melissa, rore marino, tenuiter contussis, miscetur.

EMMENAGOGA.

Ex medicamentis, ad promovendas augendasve evacuationes naturales idoneis, ultimo loco consideranda sunt emmenagoga. Etiam hic contrariæ naturæ remedia diversis temporibus, pro conditionum diversitate, ad eumdem sinem obtinendum adhiberi

posse, invenimus. Variæ enim, quin etiam contrariæ causæ, ne menses suo tempore, aut justo modo, fluant, efficiunt.

Menses interdum ob solam vasorum debilitatem, sanguinisque inertiam, desiciunt. Atque hic sanitatis restituendæ auxilia ex medicamentorum roborantium classe arcessenda sunt.

Alias nimia plenitudo nimiusque rigor universa systematis vascularis naturalem hanc, certoque cir-

cuitu redeuntem, excretionem impedit.

Remedia specialiora, modumque his utendi, deinceps indicabimus. Nulla autem mensium suppressio dissicilius curatur, rariusque plenam sanationem admittit, quam quæ ab imprudenti medicamentorum adstringentium usu, a linteis humidis indutis, a perfrictione, a terrore, aliave qua mentis commotione, repente orta est.

ADSTRINGENTIA.

Quando vel fanguinis, vel humorum, inde separatorum, excretiones tam prosusæ sunt, ut debilitatem & maciem faciant, eas reprimi, necesse est.

Profluvia activa, quæ, ut supra docuimus, maxime a strictura spasmodica motuque incitato systematis vascularis dependent, easdem, quas in seribus atque inflammationibus laudavimus, curationes desiderant. Sanguinis missio, ac remedia sedantia, præcipua esse debent auxilia. At si passiva sunt profluvia, quorum causa in vasorum relaxatione, & continuitatis solutione, potissimum sita est, ad medicamenta adstringentia consugiendum est: quorum validissima sunt remedia quædam, ex ferro parata, alumen, gallæ, cortex quereus, lignum Campechense, testa mali granati, gemmæ rosarum rubrarum, radix tormentillæ, terra cate-

chu, sive japanica. Sed horum usus tot tam variis exceptionibus, ad singularia momenta spectantibus, obnoxius est, ut nihil generatim de illo præcipi possit, nisi summam tum in hæmoptysi, tum in alvi prosluviis, cautionem adhibendam esse, ne, quandiu sanguis concretus in pulmonibus, vel acrimonia quædam in intestinis hæret, ægrotis exhibeantur.

RESTAURANTIA.

Corpore nimiis excretionibus, vel evacuationibus, valde exhausto atque exinanito, opera danda est, ut vasa levibus alimentis, quæ ventriculus commode perferat, facileque concoquat, repleantur. Ab iis enim restaurantibus, quæ ex pharmacopolio petun-

tur, parum opis sperare licet.

Quum vero organorum, digestioni inservientium, actio in hoc statu plerumque adeo debilitata sit, ut alimentorum, quantum opus est, assumi non possit, aut, si assumatur, minus bene in nutrimentum convertatur: curantis consilium ante omnia huc dirigendum est, ut ventriculum roboret, ac, ne primæ viæ nimium onerentur, præcaveat. Incipi igitur curatio debet ab exiguis rhei barbarici partionibus, sic, ut medicamenta stomachica amara cum iis conjungantur. Quorum ope si organa, digestioni inservientia, tonum recuperasse observentur, ægrotanti, ut leviorem aliquam gelatinam, jusculum pulli, vel tenuius illud carnis bubulæ jusculum, quod theam bubulam vulgo nominant, liberalius capiat, concedi potest. Quod si alimenta hæc per dies aliquot assumpta funt, nec cruditas inde contrahitur, victu solidiori uti, & fortasse remedia pharmaceutica, quæ constringantatque corroborent, in subsidium vocare licebit. Quorsum quidem nihil magis idoneum fieri potest,

quam amara aromatica in forma quadam convenien-

te, cum elixirio vitrioli acido.

Ex brevibus his therapiæ lineis patet, generales curandi rationes satis simplices esse, ac mediocrem remediorum apparatum omnibus majoris momenti finibus, saltem, quod ad primæ classis morbos atti-

net, respondere.

Secundæ classis morbi majorem medicamentorum varietatem desiderant, quæ efficit, ne generalem aliquam morbis topicis medendi methodum proponere liceat. Etenim plures ex illis, præter remedia interna, quorum usus regulis præcedentibus nititur, manum Chirurgi, variaque auxilia topica postulant, velut emollientia, quæ laxent, roborantia, quæ stringant, discutientia & repellentia, quæ tumores digerant, maturantia, quæ puri generando faveant, digestiva, quæ vulnerum, adustorum, ulcerumque Suppurationem promoveant, detergentia, quæ sordes putridas tollant, epulotica, quæ cicatricem inducant, refrigerantia, quæ calorem minuant, calefacientia, quæ stimulent, caloremque augeant, antipsorica & cosmetica, quæ cutis exanthemata sordesque removeant.

Varie hæc medicamenta corpori admoventur, forma cataplasmatum, epithematum, emplastrorum, ceratorum, unguentorum, linimentorum, vaporum, somentorum, lotionum, injectionum, émbro-

cationum.

Morbi sexuales, qui generales, sed maribus proprii sunt, quorsum duo tantum reserri possunt, nihil peculiare exigunt. Hi vero, qui generales, & seminis proprii sunt, semper requirunt, ut ad ægræætatem, statumque mensium, ac num gravida sit, an in puerperio cubet, an infantem lactet, attendatur.

Plerique morbi topici, maribus proprii, luis ve-

nerex effectus sunt, ideoque, præter necessariam curam chirurgicam, atque consueta remedia topica, argenti vivi opem desiderant. Morborum topicorum, feminis propriorum, curatio ad partis affectæ naturam accommodanda est.

Infantum morbi proprietatem suam ab intestinorum debilitate, a summa systematis nervosi mobilitate, laxoque universi contextus solidi statu nanciscuntur. Quare in cura morborum, teneram hanc
ætatem affligentium, Medicum semper ad tria hæc
momenta in primis attendere oportet. Patetque hinc
necessitas medicamentorum purgantium & vomitoriorum ad saburram glutinosam, vel acidam, expellendam; absorbentium ad hanc corrigendam; balneorum frigidorum ad mobilitatem solidorum vivorum minuendam, firmitatemque toti contextui conciliandam.

FINIS Tomi primi & partis theoretica,







